

Nao -së 'ö -gban Yesu Klisi -bha 'ö Dhukö -ya pö

'Sëedhe ya- -ben zë -gen 'ö Dhukö -ya pö

1 ¹⁻² =Bhlëeme Teofidhö, 'wɔn -nu 'wo kë -sü 'ka kwa -kwe ya- 'ka 'ö -gban Yesu Klisi -wɔn -bha bha, 'mɛ 'ö- -nu 'yan 'dhö dɔ- -dhe 'gü, 'ö 'wo- zü bho -kɔ waa- "dhiü -ta -kɔ =gban dɔ, 'ö nao -së bha- dɔ -sü -yö gun- -nu -bha yë 'ka, -kɔ =dede 'wo- -gen dɔ- 'ka kwa -dhe bha mɛ 'gbe -wa "dhiü "wli -sü 'ka- -bha 'wo- -ben zë "kpüüdhö -dhe -kɔ 'wo- pö- 'ka -a 'dhö. ³ -A -kë "dhü -sü bha- 'gü, mang Dhukö -mɛ -zë n -bha 'ka, -yö -kë 'pö n 'gü -së kö 'wɔn 'ö "dhü bha 'a- -bha mɔɔ- kö -kɔ 'ö -kë 'ka kpenngdhö -a zübhoyi 'ka bha 'a- -ben zë 'sëedhe 'gü kö 'a- bɔ i -dhe, ⁴ kë "dhü kö 'i 'dhang bho 'mɛ 'wo i -klang -kë 'wɔn bha- 'ka bha- -nu "dhiü kö 'i- 'wɔn dɔ -dhe 'pë 'wo- pö bha 'yaa -sua 'ka.

**Atanna -bha "kië -bha ö -dɪ -zɔn Zakadhi
-dhe -kɔ -dhiang 'ö Dhukö -ya zë**

⁵ "Tüng 'ö Edhodö -yö gun- 'ka "sedë 'ka Zude -se 'gü bha, "saabhome do 'bha -yö gun- -gɔ 'kɔɔdhö 'wo gun- -dhe sië Zakadhi. Zakadhi bha -yö -kë "saabhome -nu 'wo gun Izraëdhö -se 'gü "tüng bha- 'gü bha- -nu kpö 'dhe 'wo- -dhe Abia -bha mɛ -nu bha -në- mɛ do 'ka. 'Yö 'wo gun- -bha dhebɔ -dhe sië Dhizabetö, 'yö -kë 'pö "saabhome -nu -gɔmɛ 'kpii- 'wo gun- Aadhɔn kë sië bha- suu 'gü -në do 'ka. ⁶ Mɛ -ple 'wo "dhü bha -wo -gun 'wɔn -ma Atanna -ta -mɛ =dede 'ka, 'ö pö 'aa gun- -nu -bha 'wɔn 'bha 'gü Atanna wëëdhö, 'ö 'wo- -bha 'tɔng- =gban kun 'ö 'wo- =bhlëë -ya 'kpakpadhö. ⁷ "Kɛɛ 'yö 'në 'bha 'yaa gun- -nu -gɔ, -a -gen -mü -dhe

Dhizabetö bha -yö -gun -gblöödhe 'ka, "këe kö -a -nu -gban -ple -wa kë me -zugbansü -nu 'ka.

8-9"Këe =dhe 'ö yi do 'ka, 'ö Zakadhi -nu -bha kpö bha- -da "dheedhö -yi -ya -loo kö -wo Atanna -dhökë, kö -wo -dhasiklöö "gü- -dhe, 'ö =waa- zë "kpüü kë -dhe -kɔ 'wo- -kë 'ka "saabhomé -nu wɔ -kɔ 'gü -a 'dhö, 'ö =ya 'to Zakadhi -bha -bha, 'ö -dhasiklöö bha- "gü sië Atanna -dhökëgüko 'gü, kö- -fi -së bha -yö 'dho- -gɔ, 10 kö Zuifö -nu "pepe 'wo nu Atanna -dhökëdhe 'gü mü bha -wo kpö dɔ -sü 'ka 'pö "kpenngdhö kö -wo bhea" sië- -dhe "tüng do bha- 'gü. 11 'Yö- -bha "kië do -yö ö -dɪ -zɔn Zakadhi -dhe -dhasiklöö "gü -dhe bha- 'gü. -A -bha "kië bha -yö -gun dɔ sië "saabhötapë bha- -kɔ -së 'gü "pëan "piü. 12 =Dhe 'ö Zakadhi -ya yö, 'yö "suü -yö -da 'gü, 'yö- "gblöödhe 'dhö "muu bho. 13 "Këe 'yö Atanna -bha "kië bha 'ö- -pö- -dhe: «'Suü 'ya 'dho i kë, Zakadhi, -a -gen -mü =dhe Atanna =ya i -bha bheawu ma. I -bha dhebho Dhizabetö -dho 'nëgɔɔn do 'kpɔ i -gɔ, i -dho -a -dhe Zan. 14 -Yö -dho kë i -gɔ zuë" =nii -da 'gü -wɔn 'kpii- =dede 'ka 'ö 'i i "dhia bho, 'ö- -bha bho -sü -yö më 'gbe =nii -da =dedewo, 15 -a -gen -mü =dhe 'në bha- -dhe -dho kë 'kpii- Atanna -kuu "dhiü, -a -dhe 'yaa- -bha kö 'në 'ö "dhü bha -yö we mü 'ëen pë 'ö =waa- mü 'ö me kun kö -yö zun- 'bha -bha; -a -gen -mü =dhe -yö -dho bho kö -yö pa -sü 'ka Atanna -bha 'Nii- "slüüslü 'ka. 16 -Yö -dho më 'gbe "dhiü yee kë Izraëdhö -më -nu kpö 'gü 'ö dho- -nu 'ka -a -nu Dëme, -a -nu -bha Atanna "piü. 17 'Gügbudhe 'ö gun Atanna -wudhiüloome Edhi 'gü -a -bha 'Nii- "slüüslü faan 'ka bha -yö -dho kë- 'gü, 'ö "ta sü- 'ka Atanna wëëdhö, kë "dhü kö -yö 'në waa- dë nu -kɔ 'wü 'koo kö -a -nu -wu -yö kë do, 'kö -yö gɔɔgbume -nu dɔ zian -ta kö -wo -gleng 'sü 'më 'wo 'dhang bho Atanna "dhiü -a -nu -bha, kö -yö Izraëdhö -sëgüme -nu -ya "yaan Atanna -wɔn "gbluu "piü.

18 "Këe 'yö Zakadhi -ya pö Atanna -bha "kië bha- -dhe 'ö- -pö: «-A 'wɔn 'dhe 'kö bha a -dho 'dhang bho- "dhiü -kɔ kë -dhe kö- më =ple 'yi- 'nëkpɔme 'ka më -gban -ple 'ya kë zii!»

19 'Yö Atanna -bha "kië bha 'ö- -yɔ bɔ- -gɔ 'ö- -pö: «Ma 'ö i n -ga ya, ma -në 'wo n -dhe Gablië, ma -në 'a dɔ Atanna wëëdhö -a -bha "kië -nu kpö 'gü 'yö 'a- "dhiü -ziö wo, yö -në n bɔ kö 'a nu 'a dhiang zë i -dhe -dhe -kɔ bha- 'dhö, kö 'a naɔ -së bha- dɔ i -gɔ. 20 "Këe =dhe 'ö -kë -dhe 'wɔn 'a nu- -pö i -dhe 'ö- 'gü -wɔn -nu dho kë ö kë "tüng 'gü bha, 'bhii 'dhang bho- "dhiü 'ö bha- -zɔ bha, i -dho 'gla "bhvbhu 'gü, 'bhii 'dho 'wɪ 'ö dho 'ö zun- 'ka 'wɔn bha- kë -yi -bha.»

21 'Ö kë sië "dhü "tüng 'ö- 'gü bha kö më "pepe 'wo gun "kpenng "yasa 'gü mü bha -wo 'yan 'to sië Zakadhi -gɔ, kö -gwëë 'ö- -wo sië Atanna -dhökëgüko 'gü bha- -wɔn =yaa- -nu 'kɔn. 22 =Dhe 'ö Zakadhi =ya zun "kpenng, 'yii -mɔɔ- -bha kö -yö dhiang zë 'më 'wo bha- -nu -dhe kö- "dhi =ya ta. 'Më 'wo bha -wa 'wɔn -dɔ yö -në- -wɔn 'gü =dhe -a "yan 'gü -në gun -da sië 'yö -gwëë 'kɔɔdhö "dhü bha, -a -gen -mü =dhe kö -yö ö -kɔ "paa 'gü -në zë sië- -nu -dhe.

²³-Dhe 'ö -ya kè "dhü, 'ö- -bha yè -kè Atanna -gɔ 'kɔɔdhö -dhekpacyi -ya yèn, 'yö dho ö =plöö. ²⁴=Dhe 'ö "tüng 'nè bha -ya ziö, 'yö- -bha dhebho Dhizabetö bha 'ö 'gu sü, 'yö ö -gblen kpɔ 'gu bha- 'ka 'su "sɔɔdhu 'ka kö -ya pö siè ö -dɪ -dhe =dhe: ²⁵«-Gasite 'dhe 'kö ya n Dème -nè yö -zè -kè n -dhe, 'yö ö wè bɔ n -ta, kè "dhü kö 'ö 'yiü- bho n -ta me =zinng 'gü ('yö -ya n kè 'nèkpɔme 'ka ya).

Atanna -bha "kiè -bha Yesu bho -sü pö -kɔ -dhiang 'ö Dhukö -ya zè

²⁶Dhizabetö -bha 'gu bha- 'su "sɔɔdo -naa 'ka, 'yö Atanna -yö ö -bha "kiè Gablie do bha- bɔ 'zü Gadhidhe -pö do 'bha 'wo- -dhe Nazadhetö -a 'gü. ²⁷-A bɔ 'ö- wo "dhü bha -ya -bɔ -dhaagadhee do, 'ö gɔndènè do 'ö -kè Davi suu 'gü =nè- 'ka 'wo- -dhe Zosèfu bha =yaa- -za dɔ =nè- "piü. -A -dhaagadhee 'ö "dhü bha -wa -dhe Madhi. ²⁸=Dhe 'ö Atanna -bha "kiè bha -ya 'dho -ya -da Madhi -gɔ 'kɔɔdhö 'yö- pö- -dhe: «Madhi, 'bha =boo mü, ! Atanna -yö i "piü! Kwa Dème Atanna -ya -gasite 'kpii- do kè i -dhe!»

²⁹=Tua bho kè -kɔ suu 'ö Atanna -bha "kiè -ya -kè 'ka bha 'yö Madhi "gblüödhe 'muu bho, 'yö -ya -a 'klɔɔ- mɔɔ- -sü -bha ö -dɪ "piü. ³⁰-Yö -to -a 'klɔɔ- mɔɔ- -dhe 'gü 'yö Atanna -bha "kiè bha 'ö- pö- -dhe: «Madhi, i "gblüödhe 'ya 'dho 'muu bho, -a -gen -mü =dhe i =bhlëè -yö -dhö Atanna wëédhö. ³¹-Dhe -ga, i -dho 'gu sü 'ö 'i 'nè do kpɔ. 'Nè 'i dho- 'kpɔ "dhü bha, 'tɔ 'ka dho- -dhe 'ka =nè Yesu 'ka. ³²'Nè bha -yö -dho 'gla 'ö- -due -yö -kè 'kpii-. =Ya kè "dhü yi 'ö- 'ka, -wo -dho -a 'tɔ kpɔ 'wo- -dhe Atanna 'ö -ya -sü 'ka dhang- 'gü -a Gbö. Kwa Dème Atanna -dho -a "bhema Davi -bha -gblüédèdhe bha- nu- -dhe. ³³-Yö -dho mède kè Zakɔbö -bha 'kɔdhi bha- 'gü -todhü 'ka 'ö- -bha medhe "dhiütodhe 'yaa kè.»

³⁴'Yö Madhi -ya pö Atanna -bha "kiè bha- -dhe 'ö- pö: «"Kεε -a 'wɔn 'dhe 'kö bha -yö -dho kè -kɔ kè -dhe =zɔɔ, n Dème, kö 'maa gɔɔn- -wɔn -bhokoo 'bha dɔ ya!»

³⁵'Yö Atanna -bha "kiè bha 'ö- -yɔ bɔ- -gɔ 'ö- pö: «-Dhe -ga, Madhi, Atanna -bha 'Nii- 'slüöslü -dho lɔɔ i -ta, Atanna -bha 'gügbudhe =nè dho 'wɔn bha- kè. Yö =nè- -wɔn 'gü, 'yö 'nè "slüöslü 'i dho- kpɔ bha, 'wo dho- -dhe Atanna Gbö. ³⁶-Dhe -ga, Dhizabetö 'ö -kè i dèbhang dhebho 'ka bha, yöö -dɪ 'pö -ya ö -bha 'nègɔɔn do -gu 'sü. Yö 'wo gun- -dhe siè -gblüödhe bha 'ö 'gu sü -a "su "sɔɔdo -naa =nè. ³⁷'Pè 'ö- -wɔn 'gü 'yö 'wɔn -nu bha 'wo -kè "dhü bha- -gen -mü =dhe Atanna -fièbhawɔn 'yaa 'dhö.»

³⁸'Yö Madhi -ya pö: «-εε, n Dème -bha gwëédhe -mü n 'ka, -yö kè n -dhe =dhe -kɔ 'i- pö- 'ka bha- 'dhö!» =Dhe 'ö =yaa- pö "dhü, 'yö Atanna -bha "kiè bha 'ö ziö 'ö dho.

Madhi -bha -dho -wo Dhizabetö -dhe 'gü -kɔ -dhiang 'ö Dhukö -ya zè

³⁹-A "tüng do bha- 'gü, 'yö Madhi -yö =wlü 'yö dho -beang 'ka Zuda -pö do 'bha 'ö -ya -sü 'ka -tɔn -gbeng 'gü bha- 'gü, ⁴⁰'yö dho 'yö -da Zakadhi

-gɔ 'kɔɔdhö 'yö Dhizabetö -tua bho. ⁴¹-Dhe 'ö Dhizabetö 'tu 'dhö -da Madhi -tua bho kë -wu bha- 'gü, 'yö 'në 'ö- "gblüü- bha 'ö pa ö diëë 'ka. 'Yö to -dhe do bha- 'gü 'yö pa Atanna -bha 'Nii- "slüüslü 'ka, ⁴²'yö =gbla 'gbu- 'ka 'ö- pö: «Atanna -bha 'dhuë- -yö bhi =në i 'kun -sü 'ka dhong- -nu =gban 'pepe kpö 'gü, yö =në- -wɔn 'gü 'yö 'në 'i dho- 'kpɔ bha 'dhuë- bha 'ö- 'kun -sü 'ka 'pö. ⁴³-A kë -sü kö ma -zë n Dëme dhe -yö -da n -gɔ 'kɔɔdhö, -a 'wɔn =në n kɔn! ⁴⁴-A -gen -mü =dhe =dhe 'ö i -bha -tua bho kë -wu =ya -da n 'tu 'gü bhoo, 'yö to 'yö 'në 'ö n "gblüü- ya 'ö pa ö diëë -niidadhe 'ka. ⁴⁵I -bha -yö -së! -A -gen -mü =dhe 'pë 'ö n Dëme -ya pö 'ö- 'gü -wɔn dho kë bha i ka 'dhang bho- "dhiü.»

Madhi -bha Atanna nue" 'ö- bho -a -dhiang 'ö Dhukö -ya zë

- 46 'Yö Madhi -ya -wu "dhiü kun 'ö- pö:
 «Ma n Dëme nue" bho, 'ma- 'badhika -ya -ta.
 47 N zuë" =nii =ya -da =dedewo Atanna 'ö n Dhame 'ka bha- -wɔn 'gü.
 48 -A -gen -mü =dhe -yö -wɔn -bha 'ö 'ö "yan =lɔɔ
 'ö- -da ma 'a -kë -a -bha gwëédhe
 'ö- =bhlëë 'yaa 'dhö -a 'ka bha n -ta.
 Yö =në- -wɔn 'gü, 'yö go =dëe -bha
 'ö dho 'ö zun- 'ka "se "dhiütöyi -bha
 'yö me =gban 'pepe suu dho- pö =dhe ma =në n -bha 'dhö -së.
 49 -A -gen -mü =dhe 'gügbu Atanna 'ö- 'tɔ 'dhö "slüüslü bha,
 =ya 'wɔn -së 'kpü- kë n -dhe.
 50 'Me 'wo -suü -gɔ 'wo- =bhlëë -ya,
 -a -nu -wëë -dho -a kë 'ö- "dhiütodhe 'yaa kë.
 51 Yö =në 'wɔn "gblügblü -nu -kë ö -kɔ 'ka, faan -ya 'gü.
 Yö =në- -wɔn 'gü 'yö 'me 'ö -dɔ -sü 'kpü-
 'dhö- -nu 'gü 'yö bhlüü" ma- -nu -bha.
 52 Yö =në -gblüüdë "gblügblü -nu bho -yaa -bha.
 'Yö 'me 'ö- -nu =bhlëë 'yaa 'dhö bha- -nu -ya -dhe "gblügblü 'gü.
 53 Yö 'ö bha =në din- 'dhö 'me 'ö- -bha,
 'yö- -me gba -bhöpë -së =dede 'ka,
 'yö =naɔme -nu "piü -kë,
 'yö 'wo dho wo -kɔ 'gü "fië 'ka.
 54-55 Yö 'ö bha =në- yi to "dhiü =gblëɛn,
 'yö- pö kwa "bhema -nu -dhe
 Ablaamö waa- 'gü -në -nu yi -wëë -dho -a kë "dhü "dhü 'ö- -naa 'yaa
 kë.
 -Kɔ do 'ö- pö- 'ka- -bha yi 'bha 'ka bha =në
 'ö- kë -sü 'ka- -bha =dëe,
 'yö 'me 'kwa -kë Izraedhö -me -nu 'ka,
 'yö kwa bho -sü 'ka 'wɔn 'gü bha.»

⁵⁶Madhi -yö -to Dhizabetö "piü mü "su -yaaga "sinma 'ka 'yö gun -na 'dho ö -dt =plöö.

Zan Mezume bho -ko -dhiang 'ö Dhukö -ya zë

⁵⁷Dhe 'ö =ya kë "dhü 'ö Dhizabetö 'në yö "tüng -ya -loo, 'yö dho 'yö "bo bho 'nëgɔɔn do 'ka. ⁵⁸Wɔn bha =dhe 'ö- -yayɔɔ -nu waa- 'kpɔme -nu =waa- ma =dhe -a -wëë =ya Atanna kë =yaa- gba 'në 'ka, 'yö =wenng -nu 'wo- =niidathe -kë wo "kwëë. ⁵⁹Dhe 'ö 'në bha =ya bho, -a -dhekpɔɔyi "saaga -naa "dhiü pa -yi bha, 'yö me -nu -wo nu mü kö -wa kë 'gbannë 'ka =dhe -ko 'wo- -kë 'ka -a -nu wɔ -ko 'gü -a 'dhö. 'Yö 'wo- 'tɔ kpɔ- dë 'tɔ -bha 'wo- dhe Zakadhi. ⁶⁰Kɛɛ =dhe 'ö =waa- 'tɔ kpɔ "dhü, 'yö- dhe -ya pö: «-Abin! 'Në bha -wa -dhe Zan.»

⁶¹'Yö 'wo- pö- -dhe: «I suu 'gü -me -mɛɛ =në 'wo- -dhe Zan, 'yö bhii 'në -da -dhe.»

⁶²'Yö 'wo wo "yan zë Zakadhi -dhe kë "dhü kö -yö ö "dhi -da 'wɔn bha- 'gü (-a -gen -mü =dhe 'ö gun "dhü kö 'yaa 'wɪ), kö 'tɔ 'ö dho- -ya 'në bha- -bha 'wo- dɔ. ⁶³'Yö Zakadhi -yö ö -ko 'gü zë -nu -dhe kö -wo nu ö -dhe 'kpongpaä 'në 'bha 'ka. =Dhe 'ö =wa nu- 'ka 'yö 'në bha- 'tɔ -ya -ta 'ö- pö -wa -dhe Zan. 'Yö- 'wɔn -yö me =gban "pepe kɔn. ⁶⁴-Yö -to -dhe do bha- 'gü, 'yö- 'dhi -yö -pu, 'yö- 'nɛɛga -yö go- "dhiäng 'gü 'yö "wɪ -sü zü bho, kö -yö Atanna 'tɔ bho sië. ⁶⁵'Wɔn bha kë 'ö- wo "dhü bha, 'yö "suü -da me "pepe 'wo gun- -nu -züzü bha- -nu =gban 'gü, 'yö 'wo -ya -dhiang zë -sü -bha -tɔn 'gü mü -dhe =gban "pepe 'gü Zude -sɛ bha- 'gü. ⁶⁶'Yö me "pepe 'ö -wa 'wɔn 'ö Zakadhi -ya pö 'në bha- -bu 'gü bha- ma, 'yö 'wo- -da woo- gleng "piü kö -wa pö sië: «-A 'në 'kö ya -yö -dho kë -më -në- suu 'ka?» "Kɛɛ 'sa Atanna -yö gun 'në bha- "piü tean- -dede 'ka.

Zakadhi -bha -wɪ Atanna "piü -ko -dhiang 'ö Dhukö -ya zë

⁶⁷Dhe 'ö =ya kë "dhü, 'yö 'në bha- dë 'ö -kë Zakadhi 'ka bha, 'yö pa Atanna -bha 'Nii- 'slüöslü 'ka -a "tüng do 'ö- ɔngyaa ga -yö go- 'ka- "dhiäng 'gü bha- 'gü, 'yö- -wu "dhiü -loo 'ö- pö:

⁶⁸«Kwa Dɛmɛ 'tɔ -yö bho,

Izraedhö -me -nu -bha Atanna 'tɔ -yö -bho,

-a -gen -mü =dhe yö 'ö bha -në- -zu -yö -bö kwa -wɔn 'ka,

'yö nu 'ö kwa -gɔ -ta dhɔ.

⁶⁹'Yö me 'gügbu do 'ö dho kë kwa Dhame 'ka,

-a sü -a -bha gwëëmi Davi suu 'gü 'yö- bö kwa -dhe

⁷⁰=dhe -ko 'ö- -dhiang zë- 'ka,

-a -wudhiüloome -nu 'wo "slüöslü

-a -nu "dhi 'gü yi 'bha 'ka bha- 'dhö,

⁷¹=dhe ö -dho Mɛdhame do 'ö dho kwa bho kwa 'yaɔ- -nu

waa- 'me 'ö kwa -san -ya -nu -kë -a -nu =kwɛɛ- -a bö.

- 72 Kwa "bhema -nu -wëë -ya -kë -kɔ bha -në- 'gü,
 'yö- -zv -yö -bö -mlæë "slüüslü
 'ö- -da wæng- -nu -a -nu -zinng 'gü yi bha- 'ka bha- -ta,
 73 -yö "plüün bha- -bho "dhü
 'ö -sö -bhö 'ka kwa 'ziü- Ablaamö -në- -dhe.
 74 Kë "dhü kö 'ya kwa dha kwa 'yaɔ- -nu -gɔ
 kö 'kwa 'dho- -dhɔkë "suü 'ka,
 75 "kæë kö 'kwa kë me 'ö "slüüslü
 'ö pö 'aa- -bha -a 'ka ö wëëdhö
 kö -yö 'to- 'ka "dhü -yö zun- 'ka kwa ga -yi -bha.
 76 'Yö -në- -wɔn 'gü, 'yö bhi 'i bha ma 'në,
 'yö 'wo dho i -dhe Atanna 'ö -ya -sü 'ka dhang- 'gü -a -wudhiüloomë;
 -a -gæn -mü =dhe bhi -në 'i dho -da kwa Dëme bha- -dhe "dhiü,
 'yö 'i- -bɔ -ta -zian =baa,
 77 'yö 'i- -wɔn "dhiü =loo- -gɔ "segümë -nu -bha
 'yö 'wo- dɔ =dhe yö -në dho- -nu dha,
 'yö- -nu -bha 'wɔn yaa -nu 'wo- -kë bha- -nu -mawɔn to.
 78 -A -gæn -mü =dhe më "bhü- -nu kwa -wëë
 'ö kwa Dë Atanna -kë bha- "sinma "yɔɔ 'yaa 'dhö,
 -gasite 'yii- -bha më -wëë -bha -a kë zuëga bha -në- =slɔɔ,
 'yö- -bha mëdhe 'ö go dhang- 'gü bha- 'bhü =ya 'sɔ -sü zü bho kwa -ta
 =dhe 'yënnng- "tæë 'bhü 'dhö bha,
 79 kë "dhü kö 'më 'wo "ta sië "yënnng tii 'gü,
 'ö ga dhɔng -ya kpa -nu -ta bha,
 kö -yö -dhe "pɔ wo -në- -nu -ta,
 kë "dhü kö -yö -to 'ko -dhe -së -zian bho kwa 'ka.»
 Zakadhi -yö 'tɔ -loo Atanna -bha -kɔ bha -në- 'gü.
 80 =Dhe 'ö =ya kë "dhü 'yö 'në bha 'ö -gla, "kæë 'yö kë "yaakime =dede 'ka,
 'yö dho 'ö -ya "tungtadhe 'bha 'gü, 'yö to 'mü 'ö dho 'ö zun- 'ka -a -dɪ -zɔn
 Izraëdhö -segümë -nu -dhe -yi -bha.

Yesu bhɔ -kɔ -dhiang 'ö Dhukö -ya zë

(Matiö 1,18-25)

2 1-A "tüng do bha -në- 'gü 'yö "sekɔɔnme 'kpüi- 'ö gun Wlɔmö -se -gɔ
 "dhiü 'wo gun- -dhe sië Sezaa Wogisi bha 'ö më bɔ -a -bha "së -ta -dhe
 =gban "pɛpɛ 'gü kö -wo më =gban dhung. 2 Më dhung -kɔ -blæësü 'ö "dhü
 bha 'ö -kë kö 'më 'ö -gblüde bha- -kɔdhiümë 'ka Siidhi -së 'gü -wa -dhe
 Kidhinisö. 3 'Yö më =gban "pɛpɛ 'wo -ya 'dho -sü -bha wo 'kpɔpö -nu 'gü kö
 -wo wo dhung mü.

4 'Ö gun "dhü kö Zosefu -yö -ya -sü 'ka 'pödhe 'wo- -dhe Nazadhetö 'ö
 Gadhidhe -së 'gü bha- 'gü. =Dhe 'ö =yaa- ma -dhe më =gban -wo 'dho sië wo
 'kpɔpö -nu 'gü, 'yö =wlü 'pö 'yö dho Betedhemö, -gblüde Davi -bha 'pödhe

ö Zude -se 'gü bha- 'gü; -a -gen -mü =dhe -yö go Davi -gɔ 'kɔɔdhö, Davi suu 'gü -në -mü -a 'ka. ⁵-Yö -dho "dhü kö 'ö waa- Madhi wo dhung mü, -a -gen -mü =dhe 'ö gun "dhü kö =ya Madhi -za dɔ kö 'ö- 'sü dhe 'ka. 'Sa 'wo gun 'dho sië- "dhü "tüng 'ö- 'ka bha kö Madhi -yö 'gbiödhe 'ka.

⁶=Dhe 'ö =wa 'dho =wa =loo Betedhemö, 'ö Zosefu 'dhö 'wɔn bha- 'gü -ziö -nu wo sië, 'yö Madhi "bɔ bho "tüng -yö =loo. ⁷'Yö ö -bha 'nëgɔɔn -bleesü bha- kpɔ 'kɔ 'wo gun- 'gü bha- 'gü. =Dhe 'ö 'në bha =ya bho, 'yö sɔ bɔ- bha 'yö- wɔ -tuü -nu pë -bhö -dhe 'gü; -a -gen -mü =dhe 'ö gun "dhü kö =wa -dhang =yëë bho 'kɔ 'wo gun- 'gü bha- wɔdhe -zë 'gü.

⁸-Tuü -maakëme 'bha -nu -wo -gun Zude "segɔ bha- gbɛɛtadhe 'bha 'gü mü. ⁹'Mɛ 'wo bha 'wo dho "kan wo -ta kö Atanna -bha "kië do =ya -wo -nu -ta kö- -bha -gblüädhe 'bhü 'ö -dhe 'yënn- 'bhü 'dhö bha =ya 'sɔ- nu -ta, 'yö pɛng -yö -kan -nu -bha "wɛ -budhö, 'yö "suü -ziisü -yö -da -nu 'gü. ¹⁰"Kɛɛ 'yö Atanna -bha "kië bha 'ö- pö- -nu -dhe 'ö- pö: «'Suü 'ya 'dho ka kɛ, -a -gen -mü =dhe naɔ 'a nu- dɔ ka -gɔ bha- 'gü -wɔn -dho dhi "següme -nu =gban "pɛpɛ -dhe 'ö- -nu -nii -da =dedewo. ¹¹Yö -mü =dhe Atanna -bha bɔme Klisi 'ö- =ya Medhame 'ka, kwa Dëme bha =në =ya bho =dɛɛ Davi -gɔ 'pödhö. ¹²-(Ka 'dho kö 'ka -wo mü), =ya kɛ =dhe 'ka 'dho 'ka =loo mü, pë 'ka dho- 'suan- bho- -bha =dhe 'wɔn 'a- pö bha tean- -mü, =dhe Medhame bha =ya bho, 'yö -mü =dhe ka -dho -kpan 'në do 'ö sɔ 'dhö bɔ -sü 'ka- -bha -a -bha kö -wa wɔ -sü 'ka -tuü -nu pë -bhö -dhe 'gü.»

¹³=Dhe 'ö Atanna -bha "kië bha =yaa- pö "dhü, 'wo dho "kan 'zü wo -ta kö- kpö 'kpüi- 'bha =ya nu 'zü kö =wa -da mɛ 'dhe bha- -bha kö -wo "yuu 'sü sië Atanna -dhe ("tan 'ka) 'wo- pö: ¹⁴«Atanna 'i dhang- 'gü, kwaa- "yuu -mü! Kwaa- "yuu -mü! I 'tɔ -yö bho, -a -gen -mü =dhe "kpungtaame -nu -dho -yö i -kɛ, -a -wɔn 'gü 'bha i -bha zuë" -ya "gblüü- 'ö dhang- 'gü bha- nu -nu -dhe.»

¹⁵=Dhe 'ö Atanna -bha "kië -nu bha =wa -wawa bho "dhü 'ö =wa wo yee kɛ =wa 'dho dhang- 'gü, 'yö -tuü -maakëme -nu bha 'wo- pö wo 'ko -dhe: «-Ka nu kö 'kwa 'dho Betedhemö kö 'wɔn -së 'ö Atanna -ya -kɛ 'ö- "blɛɛn- zɔn kwa -dhe bha kwa "yan -yö -da -dhe 'gü!»

¹⁶'Yö 'wo dɔ -beang -bha 'wo dho 'mü. 'Yö 'wo dho 'wo -kpan Zosefu waa- Madhi -a -nu -bha kö 'në bha 'pö -yö wɔ sië -tuü pë -bhö -dhe 'gü -a -nu "sɔɔ mü. ¹⁷=Dhe 'wo 'në bha- yö, 'yö 'wɔn 'ö Atanna -bha "kië -ya pö- -nu -dhe 'në bha- -bu 'gü bha 'wo- -gen dɔ 'pö. ¹⁸'Wɔn 'ö -tuü -maakëme -nu -wa -gen dɔ bha mɛ "pɛpɛ 'kö 'wo- ma, 'yö- 'wɔn -ya -nu =gban kɔn, ¹⁹"kɛɛ kö Madhi -zë -ya 'kun =në wo sië ö zuë" "piü 'ö ö "yan -ta 'gü 'ö dho- 'ka. ²⁰=Dhe 'ö 'wɔn bha =ya kɛ "dhü, 'yö -tuü -maakëme -nu bha 'wo wo yee -kɛ 'wo dho wo =plöö kö -wo Atanna nuɛ' bho sië 'ö 'wo 'tɔ =loo- -bha 'wɔn -nu 'ö- -nu "yan 'dhö -da 'gü waa- 'dhe -nu 'wo- ma bha kɛ 'ö- wo tean- 'ka =dhe -kɔ 'ö- -bha "kië -ya pö 'ka- -nu -dhe -a 'dhö bha- -wɔn 'gü.

Yesu 'kpɔmɛ -nu -bha Moizö -bha 'tɔng- -nu 'gü
-wɔn kɛ -kɔ -dhiang 'ö Dhukö -ya zɛ

21=Dhe 'ö Yesu =ya bho 'ö- -dhekpaɔyi =ya kɛ "saaga, 'yö mɛ -nu -wo nu kö -wa kɛ 'gbannɛ 'ka. 'Yö- 'tɔ 'ö Atanna -bha "kiɛ -ya kpɔ kö 'wii- -gu -zian 'sü -kö bha 'wo- -ya -bha, 'yö 'wo- pö -wa -dhe Yesu.

22=Dhe 'ö -dhekpaɔyi 'ö dhebho 'ö =ya "bɔ bho 'ö- -kɛ 'kɔɔdhö 'yö gun -na 'dho Atanna -dhɔkɛgükö 'gü =dhe -kɔ 'ö -ben zɛ -sü 'ka- 'ka -a -bha 'tɔng- 'sɛɛdhe 'ö Moizö -ya -ben zɛ bha- 'gü bha- 'dhö, 'ö- -dhekpaɔyi -kaɔng -yiisiö 'ka bha =ya zun 'ko "dhiü, 'yö Zosɛfu waa- Madhi 'wo Yesu sü 'wo dho- 'ka Zedhizadhɛmö kö 'wo- "kplɛng bho kwa Dɛmɛ -dhe 23=dhe -kɔ 'ö -ben zɛ -sü 'ka- 'ka Atanna -bha 'tɔng- 'sɛɛdhe 'gü =dhe:

«Nɛgɔɔn -blɛsü "pɛpɛ 'ka dho- 'kpɔ,

ka -dho -a "kplɛng bho Atanna -dhe» bha- 'dhö.

Kɛ 'pö "dhü kö- 'dhe 'ö -ben zɛ -sü 'ka 'pö =dhe =ya kɛ 'zü "dhü:

24 «Ka -tɔng =plɛ "ɛɛn -a suu 'bha 'ö mü bha-

"gbɔng =plɛ nu "saabhome -nu -dhe

kö -wo "saa- bho- 'ka Atanna "dhiü» bha -wa 'gü -wɔn kɛ =dhe -kɔ 'ö -ben zɛ -sü 'ka- 'ka -a 'dhö (kɛ "dhü 'pö kö Madhi -yö kɛ "slüöslü).

Simeɔn -bha Atanna -wu "dhiü -loo -kɔ -dhiang 'ö Dhukö -ya zɛ

25-A "tɔng do bha- 'gü kö gɔndɛ do 'bha -yö Zedhizadhɛmö -pö bha- 'gü 'wo- -dhe Simeɔn. 'Mɛ 'ö =sɔng 'bha 'yaa- -bha, 'ö Atanna -bhlɛɛ -ya -dedewo -nɛ gun gɔndɛnɛ bha- 'ka. 'Sa 'ö gun "dhü kö -yö 'ö "yan 'to siɛ 'mɛ 'ö dho Izraedhö -mɛ -nu dha bha -nɛ- -gɔ. Atanna -bha 'Nii- "slüöslü -yö -gun 'gü. 26'Ö gun "dhü kö Atanna =ya bɔ 'nu 'ö bha 'Nii- "slüöslü -ta kö Yesu bho "tɔng -zian 'yii -loo -kö kö =yaa- pö Simeɔn -dhe -dhe 'yii 'dho ga kö 'yii 'ö "yan -kpan -kö 'mɛ 'ö kwa Dɛmɛ -ya -ya Izraedhö -mɛ -nu Dhame 'ka bha- -bha. 27-A -bha 'Nii- "slüöslü do bha -nɛ zun 'zü- -dhe "dhiü 'yi bha- 'ka 'yö dho- 'ka Atanna -dhɔkɛgükö 'ö Zedhizadhɛmö bha- 'gü. -Dhe 'ö =ya 'dho =ya -loo mü, 'ö dho -dhe -ga kö Yesu dɛ -nu -wo nu siɛ- 'ka kö 'pɛ 'ö Atanna -bha 'tɔng- -ya pö bha -wa 'gü -wɔn kɛ. 28=Dhe 'ö =yaa- -nu yö, 'yö 'ö -kɔ kpɔ 'nɛ bha- -gɔ 'yö 'tɔ -loo Atanna -bha 'ö- pö:

29 «-A "tɔng =ya -loo =tɔn, n Dɛmɛ,

kö 'i i -kɔ bho ma 'a i -bha gwɛɛmi 'ka bha n 'gü,

kö 'a nu i "piü zuɛniida 'ka

=dhe -kɔ 'ö i -wu -ya pö- 'ka -a 'dhö;

-a -gen -mü =dhe 'wɔn 'i- yi to "dhiü

'i- "plüün bho yi -dhe bha- 'gü -wɔn =ya kɛ.

30-31 -A -gen -mü =dhe Mɛdhame 'i- bɔ

'ö 'i- -ya "sɛgɔ =gban "pɛpɛ Dhame 'ka bha,

mang =dede n "yanga -plɛ =ya -kpan -a -kponggüdhe -bha.

32 'Me 'ö dho kè "sego "pepe -gban 'gü -me -nu -bha -dhepuudhe 'ka,
 'ö dho -nu "yan "dhiü "pu kö -wo i do,
 'ö dho Izraedhö -me -nu 'i yi sü
 'i yi -ya -di -ta i -bha 'ka bha
 yi 'to -wo bha 'ma- yö.»

33 Dhiang -nu 'ö Simeon gun- zè siè Yesu -bu 'gü "dhü bha, -ya dhe waa-
 dè -a -nu -kɔn. 34=Dhe 'ö =ya kè "dhü, 'yö 'dhuë- -kè -nu -bha, 'yö go mü
 'ö- pö Yesu dhe Madhi -dhe:

«Nè 'i- kpɔ bha,
 Atanna -ya -ya kö -yö kè Izraedhö -següme -nu
 'bha -nu -pö -bha -pè 'ka,
 "kɛɛ kö -yö kè me 'bha -nu -di 'pö -a -nu -wliübhamè 'ka.
 -Yö -dho kè Atanna -bha 'wɔn 'suan- -bho -bha -me =nè- 'ka;
 -a -gen -mü =dhe me "bhu- -nu -dho wo =taa zun- -gɔ.

35 Yö =nè dho kè 'wɔn -nu 'wo -gblen 'kpɔ -sü 'ka
 me 'gbɛ zuè" "piü bha- -nu -wo zangtame 'ka.
 "Kɛɛ bhi -zè, i -bha 'ka zuè" "dhiü "tɛɛ- -dho i zuè" -gi
 =dhe -kɔ 'ö -siangga -yö me zua 'ka bha- 'dhö.»

Anö -bha Atanna -wu "dhiü =loo -kɔ -dhiang 'ö Dhukö -ya zè

36-A "töng do bha- 'gü, Atanna -wu "dhiü =loo -dhe do 'bha -yö -gun
 "se bha- 'gü 'wo- -dhe Anö, 'ö kè Fanue 'dhu 'ka, 'ö go Aseɛ -gɔ 'kɔdhi 'gü.
 Dhebho bha 'ö gun "dhü kö =ya kè zii =dedewo, "kɛɛ kö 'ö dho gwaan- -bha
 -yö -kwe -kè mü "saɔple, 'yö- -bha gɔn -yö ga. 37-A =geandhe -sü bha kö-
 -kwe =ya kè -kaɔng "saaga ö ga -yiisiö, "kɛɛ 'yaa 'go Atanna -dhɔkëgüko
 'gü tongtongdhö kö -yö 'dho -dhe 'bha 'gü. Kö -ya -dhɔkè 'yënnng- 'gü
 waa gbeng -nu =gban 'gü -bheɛ -a -dhe -sü waa- 'sunng- 'ma -sü -nu 'ka
 -kpeawo. 38 Yöö -di 'pö -yö =loo mü "töng =dede 'wo dho Yesu 'ka -a 'gü
 mü bha =nè- 'gü. =Dhe 'ö Yesu "blè "puu bha- yö, 'yö -ya Atanna nue" bho
 -sü -bha, 'yö dho- -wɔn -gen do -sü 'ka me "pepe 'ö- -nu "yan -yö gun
 Zedhizadhemö -dhe -bho -dhuëndhe 'gü -yi -gɔ bha- -nu =gban "pepe
 -dhe.

Yesu 'kpɔme -nu -bha wo "dhiü yee -kè kö -wo nu Nazadhetö waa- Yesu -bha -dho Atanna -gɔ 'kɔadhö -kɔ -dhiang 'ö Dhukö -ya zè

39=Dhe 'ö 'me 'wo bha =wa 'wɔn 'ö -ben zè -sü 'ka Atanna -bha 'tɔng- 'gü
 bha- =gban 'gü "ta sü 'ö =ya =mɔɔ "kwëë, 'yö Zosefu waa- Madhi 'wo wo yee
 -kè 'wo nu -a -nu -gɔ 'pödhö Nazadhetö, Gadhidhe -se 'gü. 40 Nè bha -yö
 -gla 'pö- bha =nè- 'gü, 'yö -kè faanme 'ka, -yö -gun "yaakime =dede 'ka, 'yö
 Atanna -yö gun- "piü.

41 Yesu 'kpɔme -nu -wo -gun 'dho siè Pakö troo -ta Zedhizadhemö -kwe
 =gban "pepe -ta. 42=Dhe 'ö Yesu -kwe =ya kè -kaɔng do ga =ple 'ö Pakö yi

bha- 'bha -ya -loo, 'yö 'wo dho 'zü -dhe -kɔ do 'wo dho- 'ka zii 'kpa -a 'dhö. 43=Dhe 'ö =wa 'dho 'ö =wa troo bha- kē =ya yën, 'ö 'wo wo yee kē siē kö -wo nu wo -plöö, 'yö Yesu -yö to Zedhizadhemö "kεε -a dhe waa- dē 'wii 'wɔn -slɔɔ- 'gü, 44 kö -wo wo -zu 'gɔn siē =dhe -yö wo "tayɔɔ -nu kpö 'gü. -Dhe 'ö =wa -dhekpacyi do 'ta sü, 'yö 'wo -ya -a mɔɔ- -sü -bha woo- me -nu waa- -a -nu dɔme -nu "wεεwεε -nu kpö 'gü. 45=Dhe 'ö =waa- mɔɔ- "dhü 'ö 'wii- yö, 'yö 'wo wo yee -kē 'zü -deewo 'wo dho Zedhizadhemö -a mɔɔ- -sü 'ka. 46=Wa -mɔɔ -dhekpacyi -yaaga. -A -yaaga -naa bha- 'ka 'yö 'wo dho 'wo -kpan -bha Atanna -dhökëgükɔ 'ö Zedhizadhemö bha- 'gü, kö -yö -ya siē me -nu -draan Atanna -wu -bha -mε -nu -gɔmε "gblügbliü -nu bha- -nu kpö 'gü, 'ö 'ö "tu 'to- -nu -wu -bha 'ö- -nu dheε" -nu 'kpɔ. 47Dhiang -yɔ -nu 'ö gun- bɔ siē, waa- dheε" -nu 'ö- kpɔ bha 'mε 'wo- ma, -a 'wɔn -ya -nu -kɔn =dedewo -kpaɔdhe 'ö gun- -gɔ waa- dhiang -yɔ bɔ -kɔ -nu bha- -nu -wɔn 'gü.

48=Dhe 'ö- 'kpɔmε -nu =waa- yö, 'yö- 'wɔn -ya -nu kɔn. 'Yö- dhe -ya pö- -dhe 'ö- pö: «Yesu n gbö, -mē -wɔn suu =nē 'i- kē yi 'ka "dhü? 'Bha yi zuē" -ya 'yi -ta 'gbu- -wa! Yaa- i dē 'yi -bhɔ i mɔɔ- -sü 'ka -a -dhekpacyi -yaaga -naa =nε.

49'Yö Yesu -ya -yɔ bɔ- -nu -gɔ 'ö- pö: «Ka n -mɔɔ -mē 'ka? "Eεn -a 'wɔn 'yaa ka 'yaan =dhe -a -dhea -bha =dhe 'a n dē -gɔ -wɔn -nu kē -ee?»

50"Kεε -a pö 'ö Yesu -ya wo "dhü bha 'wii- 'gü ma- 'klɔɔ- 'ka.

51=Dhe 'ö -ya kē "dhü, 'yö weng- -nu 'wo -ziö 'wo dho Nazadhetö, -a -gen -mü =dhe -yö -gun -a -nu -bhlëë -ya siē =dedewo. 'Wɔn "pεpε 'wo gun- kē siē "dhü bha kö -a dhe -dɪ 'pö -ya 'kun siē ö zuē" "piü -dhekpɔɔ dhia" -wɔn 'gü. 52 Kö Yesu -dɪ 'pö -yö "gla siē, 'ö- -bha -kpaɔdhe -ta -yö -da, 'ö- -dho -yö Atanna -kē waa- me "bhü- -nu -gban 'dhö.

Zan Mezume kē -yë -dhiang 'ö Dhukö -ya zë

(Matiö 3,1-12; Makö 1,1-8; Zan 1,19-28)

3 1-2 "Tüng 'ö Tibεε -yö gun- 'ka "sekɔɔnme 'kpai- 'ka bha- -kwe -kaɔng do ga "sɔɔdhu -naa 'ka, kö Pɔngsö Pidhatö =nē Zude -segɔdhiü, 'yö Edhodö 'dhö Gadhidhe -se 'gü 'pö, kö Edhodö dheebhang 'wo- Fidhipö -kē 'pö bha -yö Itudhö -se waa- Trasonitö -se 'gü, kö me 'dhe 'wo- -dhe Dhizania bha -yö Abidhenö -se 'gü 'pö, 'yö Atanna -yö dhiang zë Zan 'ö -kē Zakadhi gbö 'ka bha- -dhe "tüng -ta. -A "tüng bha- 'gü 'pö kö 'me 'wo "saabhome "gblügbliü -nu 'ka Izraedhö -se 'gü -wa me do -dhe Anö 'ö 'wo- me do -dhe Kaifö. 3=Dhe 'ö Zan -ya Atanna -wu ma =dhe -kɔ bha- 'dhö, 'yö =wliü 'yö dho 'ö -da -gwaanga 'wo- Zuuden -kē bha- "piü, "segɔ -nu 'wo mü bha- -nu 'gü 'do 'do 'ka, 'yö ö -wu "dhiü =wliü "gbu- 'ka me "bhü- -nu -dhe 'ö- pö: «-Ka nu kö 'ka bɔ Atanna 'ka kö -wo ka -go 'wɔn yaa 'gü -zu bho kö -yö ka kēwɔn yaa -nu -mawɔn 'to;

4=dhe -kɔ 'ö- -wudhiüloome Ezai -ya -ben zë- 'ka ö -gɔ 'sëedhe 'gü =dhe:

«Me 'bha -në -dhea "dhiü bho sië "tung -ta bha.
 -A -me -ya -pö: -Ka kwa Dëme -ziö -ta -zian baa-
 kö 'ka- dɔ -zinng 'gü kpengdhö.

5 Kö 'ka -tɔn -gbeng 'gü -dhe -nu ta,
 kö 'ka -tɔn -nu waa- "truv -nu 'wü,
 kö- -dhe -yö wɔ -tekpe -tekpædhö,
 kö 'ka zian dudu -nu bho- 'gü,
 kö- -tadhë 'ö yanggeedhö -dhe -nu
 'ö- 'gü kö 'ka- -dhe -pë kë "pæpædhö.

6 -Ya kë "dhü Atanna dho ö -bha Mædhame
 'ö- bɔ bha mæ =gban -dho -a yö bha- 'dhö.»

7-A -kë "dhü -sü bha- 'gü mæ kpö- -gun 'dho sië yi =gban 'ka Zan "piü kö
 -ya -nu "zu. "Kæ =wa 'dho "dhü 'yö- pö- -nu -dhe: «Suuyaame -nu 'ö 'kaa ka
 -dɔ dɔ 'ka ya! Za 'kpii- 'ö Atanna dho- dɔ ka -bha -dhe 'bha -kpaɔyi -bha
 bha de =në -dua -gɔ -sü -gleng -da ka -bha? 8 'Ö =ya kë -dhe 'ka ka bo ka
 song 'ka =dedewo tean- 'ka kö -kaa -zɔn ka "ta -kɔ -bha kö mæ =gban -wa
 -dhe yö -dhe 'ka ka zuë" slëë" =dedewo tean- 'ka, 'ka 'dho- pö ka -dɔ -dhe
 =dhe Ablaamö suu -mü ka 'ka ('ö "dhü kö Atanna -bha 'në -nu -mü ka 'ka
 =naa bha), -a -gen -mü -dhe a- pö ka -dhe =dhe -yö -mɔɔ -bha 'ö -gwë -nu
 ya- -nu -gla Ablaamö suu 'gü -në -nu 'gü. 9=Dua -zian -yö -ya -sü 'ka "dhü
 -bho "sëe -yan -ta 'nu -bleesü. -A -kë "dhü -sü bha- 'gü, "dhü 'ö 'yaa bhe -së
 dɔ -a "kan =në yöö wo kö -yö "gü.»

10-A pö 'ö Zan -ya wo "dhü bha, 'yö mæ "dhaa 'wo gun mü bha 'wo-
 dhe" kpɔ 'wo- pö: «'Ö "dhü 'sa 'yi- kë -dhe?»

11=Dhe 'ö =wa dhe" bha- 'kpɔ, 'yö Zan -ya -yɔ bɔ 'ö- pö: «-Ka 'dho kö
 'bhe =plë 'dhö 'mæ- -gɔ, kö -ya do =gbaɔ- 'bha 'yaa 'mæ- -gɔ bha- -gɔ. Kö
 -bhöpë 'dhö 'mæ- -gɔ -a -me -ya 'gü -gblü kö -yö pë 'bha 'yaa 'mæ- -gɔ -a
 -bha nu.»

12=Dhe 'ö =yaa- pö "dhü 'ö =ya ö bo, 'yö 'me 'wo -kë 'niisongkunme -nu
 'ka 'wo nu 'pö wo "zu -wɔn 'gü -a "piü, 'yö 'wo- dhe" kpɔ 'pö 'wo- pö: «Yi
 dëme, 'yö yi -zë =we, 'yi- kë -dhe?»

13'Yö- -yɔ bɔ- -nu -gɔ 'ö- pö: «-Ya kë -dhe 'ka 'dho 'wëë- 'kun -dhe 'gü, -a
 'dhe 'wo- "dhi pö ka -dhe bha =në -kaa 'kun, 'ka 'dho ziö yö -zë -ta.»

14=Dhe 'ö =ya -wu 'kpɔ mæ 'dhe bha- -nu -bha, 'yö "sɔdha -nu -dɔ 'pö 'wo-
 dhe" kpɔ 'wo- pö: «'Yö yi -zë =we?» 'Yö- -yɔ bɔ- -nu -gɔ 'pö 'ö- pö: «'Ka 'dho
 -pö mæ 'bha -ta 'ka faan -wɔ -ta 'ka- -bha pë sü- -gɔ, 'ëen 'ka 'dho mæ 'bha
 -tabhö, "kæe -ka ka "tüng kë ka =saa =në- 'gü.»

15-A kë 'ö Zan gun- wo sië "dhü bha, 'yö "següme -nu 'wo -ya wo -zu
 'gɔn -sü -bha -dhe yö =në Atanna -bha -Yame 'wo -ya -gɔ bha- 'ka; -a -gen
 -mü -dhe 'ö gun "dhü kö- -nu "yan -yö -Yame bha =në- -gɔ. 16=Dhe 'ö Zan
 =ya 'wɔn =slɔɔ 'gü -dhe 'me 'wo bha- -nu zuë" =ya kë =plë, 'yö- pö- -nu -dhe
 'ö- pö: «Ma -zë a ka -zu 'yi =në 'ka, "kæe me do 'bha -yö -dhö, -yö nu sië, yö

-zè 'gü -yö "gbu- 'ö -ziö n -ta. Yö -zè -gen 'gü -sabha -zian fië- -dhö n 'ka. Yö -zè -ya nu -yö -dho ka pa Atanna -bha 'Nii- "slüüslü waa- peng -nè- 'ka. 17Yö -zè -bha 'dhaa- -ya -gɔ do 'ö nu- 'ka kö -yö ö -bha -mlü -piö 'gü, kö -yaa- -piö kö -ya ga zɔɔ" -loo "bhutu 'gü kö -ya dɔ -gbaandhö, kö -ya -gbu waa- -flee -nu bha- -nu -pia peng 'ö 'yaa "dhuu tongtongdhö bha- 'gü.»

18Zan- -gun 'wɔn -taong -sè pö siè "següme -nu -dhe -kɔ bha -nè- 'gü, 'yö -dhio "wɛɛ -nu dɔ- -nu -ta -nu wo 'pö 'gbe 'ka. 19-Yö kè -dɔn -bho Edhodö 'ka "tüng do bha -nè- 'gü, -a dheebhang -bha dhebhɔ 'wo- -dhe Edhodiadö bha- bho 'ö- wo- -gɔ, waa- 'wɔn yaa "wɛɛwɛɛ -nu 'ö- -kè -a -wɔn 'gü. 20"Kɛɛ yö -nè- -gban 'gü, Edhodö 'tu 'yii kè mü, -yö kè ö -bha 'wɔn yaa bha- -ta -zian -nè- pa Zan -da -kaso 'gü -sü 'ka.

Yesu "zu -kɔ -dhiang 'ö Dhukö -ya zè

(Matiö 3,13-17; Makö 1,9-11)

21'Ö gun kö 'wii Zan 'kun -kö kö -wa -da -kaso 'gü, "següme -nu -gban "pepe- -gun 'dho siè -yö -nè- "piü 'yö- -nu -go 'wɔn yaa 'gü -zu bho. Yi do 'ka 'yö Yesu -du 'pö 'ö dho kö Zan -ya "zu. "Dhe 'ö -ya bo- "zu -sü 'ka 'ö Yesu 'dhö bhea" siè Atanna -dhe, 'yö dhang- "dhi 'dhö -pu. 22'Yö Atanna -bha 'Nii- "slüüslü -yö -gla 'yö -kè -dhe -tong 'dhö 'yö go dhang- 'gü 'ö -lɔɔ Yesu -ta. 'Yö -wu do 'bha -yö bɔ dhang- 'gü 'ö -wɪ 'ö- pö: «Bhi -nè i n gbö do 'ö n -gɔ -a 'ka, i -dho 'ö n -kè bha- "sinma 'yaa 'dhö.»

Yesu -gen 'godhe -dhiang 'ö Dhukö -ya zè

(Matiö 1,1-17)

23Yesu -yö ö -bha yè zü -bho kö- -kwe -ya -mɔɔ -kaɔng -yaaga -nu "sinma -bha. Me -gban "pepe -gun wo -zu 'gɔn siè -dhe Yesu bha Zosefu -nè- gbö 'dhö -mü, 'yö Edhi -zè 'ö Zosefu kpɔ, 24'yö 'wo Edhi -bha dè -dhe Mata, 'yö Dhevi -yö Mata kpɔ, 'yö Dhevi -bha dè -yö -kè Medhöki 'ka, 'yö Zanai -yö Medhöki kpɔ, 'yö Zosefu -yö Zanai kpɔ, 25'yö Matasia -yö Zosefu kpɔ, 'yö Amɔsö -yö Matasia kpɔ, 'yö Naɔmö -yö Amɔsö kpɔ, 'yö Esidhi -yö Naɔmö kpɔ, 'yö Nagai -yö Esidhi kpɔ, 26'yö Maatö -yö Nagai kpɔ, 'yö Matasia -yö Maatö kpɔ, 'yö Semei -yö Matasia kpɔ, 'yö Zosesö -yö Semei kpɔ, 'yö Zoda -yö Zosesö kpɔ, 27'yö Zoana -yö Zoda kpɔ, 'yö Dhesa -yö Zoana kpɔ, 'yö Zodhobabedhö -yö Dhesa kpɔ, 'yö Sadhasiedhö -yö Zodhobabedhö kpɔ, 'yö Nedhi -yö Sadhasiedhö kpɔ, 28'yö Medhosi -yö Nedhi kpɔ, 'yö Adi -yö Medhosi kpɔ, 'yö Kosamö -yö Adi kpɔ, 'yö Edhömadamö -yö Kosamö kpɔ, 'yö Edhö -yö Edhömadamö kpɔ 29'yö Yesu -yö Edhö kpɔ, 'yö Edhiezɛɛ -yö Yesu kpɔ, 'yö Zodhimö -yö Edhiezɛɛ kpɔ, 'yö Mata -yö Zodhimö kpɔ, 'yö Dhevi -yö Mata kpɔ, 30'yö Simeɔn -yö Dhevi kpɔ, 'yö Zuda -yö Simeɔn kpɔ, 'yö Zosefu -yö Zuda kpɔ, 'yö Zona -yö Zosefu kpɔ, 'yö Edhiakimö -yö Zona kpɔ, 31'yö Medhea -yö Edhiakimö kpɔ, 'yö Mena -yö Medhea kpɔ, 'yö Matata -yö Mena kpɔ, 'yö Natan -yö

Matata kpɔ, 'yö Davi -yö Natan kpɔ, ³²'yö Izai -yö Davi kpɔ, 'yö Zɔbedö -yö Izai kpɔ, 'yö Boozö -yö Zobedö kpɔ, 'yö Salmɔ -yö Boozö kpɔ, 'yö Naason -yö Salmɔ kpɔ, ³³'yö Aminadabö -yö Naason kpɔ, 'yö Adimi -yö Abinadabö kpɔ, 'yö Adhimi -yö Adimi kpɔ, 'yö Eɛrɔn -yö Adhimi kpɔ, 'yö Pedhetö -yö Eɛrɔn kpɔ, 'yö Zuda -yö Pedhetö kpɔ, ³⁴'yö Zakɔbö -yö Zuda kpɔ, 'yö Izaakö -yö Zakɔbö kpɔ, 'yö Ablaamö -yö Izaakö kpɔ, 'yö Tadha -yö Ablaamö kpɔ, 'yö Nasɔɔ -yö Tadha kpɔ, ³⁵'yö Sedhusö -yö Nasɔɔ kpɔ, 'yö Dhago -yö Sedhusö kpɔ, 'yö Fadhekö -yö Dhago kpɔ, 'yö Ebe -yö Fadhekö kpɔ, 'yö Sadha -yö Ebe kpɔ, ³⁶'yö Kainamö -yö Sadha kpɔ, 'yö Apasadö -yö Kainamö kpɔ, 'yö Semö -yö Apasadö kpɔ, 'yö Noe -yö Semö kpɔ, 'yö Dhamesö -yö Noe kpɔ, ³⁷'yö Matusadha -yö Dhamesö kpɔ, 'yö Enəkö -yö Matusadha kpɔ, 'yö Zadhədö -yö Enəkö kpɔ, 'yö Maleledhö -yö Zadhədö kpɔ, 'yö Kaina -yö Maleledhö kpɔ, ³⁸'yö Enɔsö -yö Kaina kpɔ, 'yö Setö -yö Enɔsö kpɔ, 'yö Adan -yö Setö kpɔ, 'yö Atanna -yö Adan -da.

Sɔtraan -bha Yesu 'gü dan -kɔ -dhiang 'ö Dhukö -ya zë
(Matiö 4,1-11; Makö 1,12-13)

4 ¹Yesu -go Zuuden -bhaa -sü 'ka kö Atanna -bha 'Nii- 'slüüslü =yaa- pa. 'Yö 'Nii- bha 'ö zian bho- 'ka, 'yö dho- 'ka "tung -ta. ²-Yö -dhekpɔayi -kë -dhe bha- 'gü -kaɔng -yiisiö kö Sɔtraan -ya 'gü dan sië kö 'yaa pë 'bha -pë 'bha -bhö. =Dhe 'ö -dhekpɔayi -kaɔng -yiisiö bha =ya zun 'ko "dhiü, 'yö din- -ya kun, ³'yö Sɔtraan -ya pö- -dhe: «Atanna Gbö 'yaa -mü i 'ka -ee? -Bhö -gwë ya- "gla -bhöpë 'gü kö 'i- -bhö -dhe!»

⁴'Yö Yesu -ya -yɔ bɔ- -gɔ 'ö- pö: «Atanna -ya -pö ö -wu 'sëédhe 'gü -dhe: «Mebhudhe -tosɛa -kë -ta -pë 'yaa -mü -bhöpë yöö doseng 'ka!»»

⁵'Yö Sɔtraan -ya sü 'zü 'yö dho- 'ka -tɔn =gblɛn do =gbin-, 'yö "sɛgɔ "pepe 'ö "kpung =taa 'ö -gblüüdhe 'dhö- 'gü -a =gban -zɔn -dhe 'dɔɔndhö -dhe mɛ- mɛ 'yan zë, ⁶'yö- pö- -dhe: «"Sɛ "pepe 'i- yö bha- =gban -yö ma -në n -bha 'ka, -a -nu mɛ "ɔɔ mɛ 'ö- -dhe -dho -ya n kë 'ma- nu- -dhe n dheekpɔmɛ 'yaa 'dhö; -a -gen -mü -dhe =wa n gba- 'ka waa- 'gü -naɔ =gban 'dhö. ⁷=Dhe 'ö "dhü, -bhö zun n -dhe kpiö 'gü. -Ya kë -dhe 'bha zun n -dhe kpiö 'gü, a -dho -a =gban "pepe nu i -dhe!»

⁸'Yö Yesu -ya -yɔ bɔ- -gɔ 'ö- pö: «-Yö -ben zë -sü 'ka Atanna -wu 'sëédhe 'gü -dhe:

«'Mɛ 'ö -zun -dhe kpiö 'gü -mɛ 'ka kö -wa -dhɔkë,
yö -mü Atanna 'ö mɛ "pepe =gban Dɛmɛ 'ka bha -në- 'ka,
-a "wɛɛ 'bha 'yaa yö -zë zian 'gü.»

⁹'Yö Sɔtraan -ya sü 'zü -deewo 'ö dho- 'ka Atanna -bha 'kɔ 'kpüi- 'ö Zedhizadhémö bha- =gbin-, 'yö- pö- -dhe: «=Ya kë -dhe 'i Atanna Gbö 'ka =dedewo tɛan- 'ka, -bhö dɔ -dhe ya- 'gü kö 'i -wlö 'i zun "sia-, -a -gen -mü -dhe -yö -ben zë -sü 'ka 'pö Atanna -gɔ 'sëédhe 'gü -dhe:

¹⁰ «-Yö -dho -wu 'kpɔ ö -bha "kië -nu -bha kö -wo i -maa kë»

=ya 'go mü 'zü:

11 «Wo -dho i -ya wo -ko -ta,

kë "dhü kö i -gen "dhiü 'ya 'dho -zuö -gwë 'bha -bha.»

12 'Yö Yesu -ya -yo bo- -go 'ö- pö: «Atanna -ya -pö 'pö -dhe:

«I Dëme 'ö i -bha Atanna 'ka bha 'bha 'dho- 'gü dan tongtongdhö!»

13 =Dhe 'ö Sotraan =yaa- 'gü dan -ko =gban -ko =gban 'gü 'ö- -ko 'yii -moo-
-bha, 'yö ö =kwaa- -zü -kö 'në bha wo kö 'ö "yan 'to "tüng "wëe 'bha -go.

Yesu -bha yë zü bho -ko -dhiang 'ö Dhukö -ya zë

(Matiö 4,12-17; Makö 1,14-15)

14 =Dhe 'ö =ya kë "dhü, 'yö Yesu 'ö pa -sü 'ka 'Nii- 'slüüslü faan 'ka bha 'ö
=wli 'ö dho Gadhidhe -se 'gü. 'Yö- 'to 'dhö -ya bho -sü -bha "se "pepe 'wo-
-züzü mü bha- =gban 'gü. 15 'Yö -ya me -nu =klang kë -sü -bha Zuifö -nu -bha
-yakwëekëgükö -nu 'gü, 'yö me =gban "pepe 'wo -ya -a -dhiang -së zë -sü -bha.

Yesu -bha dhiang -zë Nazadhetö -ko

(Matiö 13,53-58; Makö 6,1-6)

16 'Yi do 'ka 'yö dho Nazadhetö, 'pödhe 'ö "klu bho- 'gü bha- 'gü. =Dhe 'ö
Zuifö -nu -bha =glooyi bha =ya =loo, 'yö =wli 'ö dho -a -nu -bha -ya 'kwëe-
kë 'gü -ko 'gü -dhe -ko 'ö- kë- 'ka zii 'kpa -a 'dhö. =Dhe 'ö =ya =loo mü, 'yö
=wli 'ö do ö -gean kö 'ö Atanna -bha 'sëédhe -wu pö. 17 'Yö 'wo Atanna
-wudhiüloomë Ezai -bha 'sëédhe -be bha- sü 'wo- nu- -dhe, 'yö- "dhi -pu.
-Dhe 'ö- "dhi -pu -bha bha kö -yö -ben zë -sü 'ka mü -dhe:

18 «Atanna =ya ö -bha 'Nii- 'slüüslü -ya n 'gü,

-a -gen -mü -dhe -yö ma -në n -ya

kö 'a- -bha nao -së bha- do -wëëmë -nu -go,

kö 'a zuëwaanüsü nu 'me 'wo "yënnngbaondhe 'gü -a -nu -dhe

Kö 'me 'wo -kaso 'gü 'a- -nu bho mü,

kö 'a -ya -di 'flëë- 'gü -sü nu- -nu -dhe.

Kö 'me 'ö- -nu "yan 'gü 'dhö tii 'ö 'waa -dhe yö

'a- -nu "yan "dhiü "pu.

Kö 'me 'ö 'wön -ya =gbaon- -nu -ta

'a- -nu -ta 'kun

kö -wo -ya -di 'flëë- 'gü -sü =sloo.

19 Kö 'a Atanna -bha -gasite -kë me "bhu- -nu -dhe -kwe -dhiang zë
me =gban "pepe -dhe.»

20 =Dhe 'ö =ya ö bo 'sëédhe bha- -wu pö -sü 'ka, 'yö- -be sü 'ö- do 'me 'ö
yë -kë 'koo dhö mü 'ö gun mü bha- -go, 'yö dho "sia- 'yö 'yaanu (=dhe -ko
'wo- -kë 'ka- -nu -go mü -a 'dhö kö 'ö- -nu =klang kë). Kö me "pepe 'wo
-yakwëekëgükö bha- 'gü -a -nu =gban =wa wo "yan bo- -ta. 21 'Yö dhiang zë
-sü zü bho- -nu -dhe 'ö- pö: «Ka -dhe -ga! Atanna -wu 'ö -ben zë -sü 'ka 'a
go- -wu pö bha -në- 'gü -wön -ya kë =dëe ya.»

22-Dhe 'ö 'me 'wo gun mü bha -wu -nu 'ö- pö bha 'ö- -nu -zu kun kö -wu 'næenæ -nu 'wo 'go sië- "dhi bha- din- dhi sië- -nu 'gü, 'yö- 'wɔn -ya -nu kɔn, 'yö 'wo -ya -a pö -sü bha: «-A! Zosëfu gbö do "we 'ö ya 'yaa -mü -ee?»

23'Yö Yesu -ya -yɔ bɔ- -nu -gɔ 'ö- pö: «A- 'wɔn dɔ -dhe ka -mɔɔ -bha 'ka 'gwënnɔ -da n -dhe 'ka- pö: «-Dhɔtrɔɔɔɔɔn, -bhö i -dɔ -zë dha -kö -blæesü kö 'i gun -na me "wee dha». "Een 'ö 'ka- pö 'zü -dhe: «'Wɔn "gblüglbü -nu 'i- -kë Kapëenaɔmö 'yi- ma bha, -bhö -a 'bha kë 'pö i -dɔ -plöö -dhe ya- 'gü kö 'yi- -dhe yö»».

24'Yö- gɔ dɔ 'ö- pö: «'Këe a- -pö ka -dhe tean- -dede 'ka -dhe Atanna -wudhiüloome 'bha 'yaa 'dhö kö- -bhlëë -yö kë ö dë -pö 'gü. 25A- -pö ka -dhe tean- -dede 'ka -dhe 'ö gun Edhi -bha "tüng 'gü, =gëandhe 'gbe =në gun Izraëdhö -se 'gü, "tüng 'ö Atanna -yö dhang- "dhi ta- 'ka 'ö dha 'yii ban -kwe -yaaga waa- "su "saɔdɔ 'ka, 'ö "vüü 'dhö -da 'ka "kpung -taa bha- 'ka. 26"Këe yö =në- =gban 'gü, 'yii Edhi bɔ =gëandhe 'gbe bha- 'bha 'piü kö -ya -ta 'kun kö 'yii kë dhebhnë 'ö go Sadheta, Sidɔn -se 'ö "se "wee 'ka bha- 'gü bha yö -zë 'ka. 27'Ö gun 'zü Edhize 'ö -kë Atanna -wudhiüloome 'ka bha- -bha "tüng 'gü, =weeyuame 'gbe =në gun Izraëdhö -se 'gü, "këe yö =në- =gban 'gü me 'gbe bha- -nu 'bha 'wii dha Edhize -kɔ -ta -a -nu -bha 'yua -gɔ kö 'yii kë Naama ('ö yö -zë 'ö gun -dheng 'ka) 'ö go Siidhi -se 'ö "se "wee 'ka 'pö bha- 'gü bha- 'ka.

28=Dhe 'ö 'me 'wo gun- -nu -bha -yakwëëkëgükö 'gü mü bha 'wo 'wɔn -nu bha- ma, 'ö 'wo- 'wɔn dɔ -dhe -yö -ya =në- wo sië wo "yan 'gü bha, 'yö -siö -nu -dhe -dedewo. 29'Yö 'wo =wlü 'wo zun Yesu kë -sü -bha, 'yö 'wo dho- 'ka "dhü 'wo =loo- 'ka -tɔn 'ö- -nu -bha 'pö- gun- =gbin- bha- "dhiü -dhe =dede 'gü, kë "dhü kö 'wo wo -kɔ =yɔɔn- -bha kö -yö -pö baandhö; 30"Këe 'yö go- -nu kpö 'gü 'ö dho.

**Yesu -bha "yina yaa -kë gɔndënë do 'bha 'gü Kapëenaɔmö -kɔ
-dhiang 'ö Dhukö -ya zë
(Makö 1,21-28)**

31=Dhe 'ö -ya kë "dhü, 'yö Yesu -yö -ziö 'ö dho 'pödhe 'ö Gadhidhe -se 'gü 'wo- Kapëenaɔmö -dhe -kë bha- 'gü, 'yö -ya me -nu draan- -sü -bha Zuifö -nu -bha -yakwëëkëgükö 'gü mü =glooyi bha- 'ka. 32"Trüün- -gun -wu 'gü, 'ö- -bha me draan- -kɔ bha- -gleng -yö me =gban kɔn. 33Gɔndënë do -yö -gun 'kɔɔdhö mü 'ö "yina yaa -yö gun- 'gü. 'Yö 'me bha 'ö zun "gbla -sü -bha "gbu- 'ka 'ö- pö: 34«Aa! Yesu, Nazadhetö mi, 'kwa ma mü! A -suö i -gɔ -wa! -A -gen -mü -dhe a i -gen 'godhe -dɔ, Atanna -bha -Yame "slüöslü! "Een i -nu kö 'i yi -wëë -kë wo -ee?»

35'Yö Yesu -yö =gbla- -ta 'ö- pö: «-Dhe a ga i -ta kö 'i 'go 'me bha- 'gü!»
'Yö "yina yaa bha 'ö 'me bha- "dhiü pɔn me kpö bha- 'gü, "këe -a -dhe 'bha 'yii -gi, 'yö go- 'gü. 36'Yö me "pepe 'wo gun mü bha- 'wɔn -ya -nu kɔn, 'yö 'wo -ya "kaa -sü bha 'wo- pö: «"Nn-, -më -wɔn suu =ne -oo? 'Më 'ö ya

"trüün -ya -wu 'gü, "kɛɛ yöö do bha 'zü -yö faan -wɔ "yina yaa -nu -gban -ta 'wo =dua- -gɔ -wa!

³⁷Yö- 'tɔ 'dhö -ya 'dho -sü -bha "sɛgɔ "pɛpɛ 'wo- -nu -züzü bha- -gban 'gü.

**Yesu -bha Piedhö -bha dhebho dhe -kë "klüöklü -kɔ
-dhiang 'ö Dhukö -ya zë
(Matiö 8,14-17; Makö 1,20-34)**

³⁸=Dhe 'ö Yesu -yö go -yakwëekëgükɔ bha- 'gü, 'yö dho Simɔ -gɔ 'kɔɔdhö. -A "tüng bha- 'gü kö- 'na 'gü 'yaa -së, kö "nɛnɛ -ya kë sië =dedewo -sɔbɛɛ 'ka. 'Yö 'wo =bɛɛa Yesu -dhe kö -yö "ta wo -dhe. ³⁹Yö dho 'yö dun Simɔ "na bha- -ta, 'yö -ya "yua bha- "yan 'gü. =Dhe 'ö =ya -ya "yan 'gü "dhü, 'yö "nɛnɛ -ziisü 'ö gun dhebho bha- -bha bha 'ö bo 'gbaandhö, 'yö =wliü 'ö zun- -nu "dhi mɔɔ- -sü -bha.

⁴⁰=Dhe 'ö 'yënnɔ- -gɔ =ya bo -pö -sü 'ka ('ö =waa- 'wɔn dɔ =dhe -a -nu -bha =glooyi =ya ziö "pɛɛpedhö, =dhe wo -mɔɔ -bha 'wo yë kë -sü zü bho), 'yö mɛ "pɛpɛ 'ö "yuédhi -nu 'ö "yua suu 'do 'do =gban 'dhö- -nu -bha 'wo- -nu -gɔ 'kɔɔdhe -nu 'gü bha 'wo nu- =gban "pɛpɛ 'ka Yesu "piü, 'yö 'ö -kɔ -ya -a -nu -ta 'do 'do 'ka 'yö 'wo dha. ⁴¹Kö "yina yaa -nu -wo =dua sië 'wo go mɛ 'gbe 'gü kö -wo 'gbla sië 'wo- pö: «Atanna Gbö -mü i 'ka! Atanna Gbö -mü i 'ka!» "Kɛɛ =waa- pö "dhü 'yö -ya -nu "yan 'gü kë "dhü kö 'wa 'dho 'wɔ; -a -gen -mü =dhe wo -zë -wa -dɔ =dhe Yesu =në Atanna -bha -Yame 'ka.

(Makö 1,35-39)

⁴²=Dhe 'ö- -tadhe =ya =kpaɔ, 'yö Yesu -yö =wliü 'yö dho -bɛɛa Atanna -dhe -dhe 'gü 'ö -dɔ -ta "tungtadhe 'bha bha- 'gü. 'Yö mɛ kpö 'wo -ya -a mɔɔ- -sü -bha 'wo dho- 'ka "dhü 'wo =loo- 'ka -dhe 'ö gun- -bha bha- 'gü. =Dhe 'ö =wa 'dho =wa -kpan -bha, 'yaa gun -zian wo- -nu "piü =dhe -yö "kan wo -bha kö -yö 'dho -dhe 'bha 'gü -bɛɛa Atanna -dhe -dhe 'gü, ⁴³"kɛɛ 'yö Yesu -ya pö- -nu -dhe 'ö- pö: «Atanna -yö n -bɔ kö 'a 'wɔn -taɔng -së ya =në- pö mɛ =gban "pɛpɛ -dhe. -A -kë "dhü -sü 'gü, -a -dɛɛa -bha 'pö =dhe 'pödhe -dhe -nu 'wo to 'ö 'mii 'dho- -nu 'gü =kö bha 'a 'dho mü kö 'a naɔ -së 'ö -gban -a -bha -gblüédhe -bha bha- dɔ- -nu -gɔ.

⁴⁴=Dhe 'ö =yaa- pö "dhü, 'yö -ziö 'yö dho -yakwëekëgükɔ -nu 'wo Izraedhö -sɛ 'gü mü bha- -nu -bhiëë -ta 'dɔɔndhö Atanna -wu pö -sü 'ka.

**Yesu -bha =klang "dhiü -bleesü -nu -da -a =keng- -kɔ -dhiang
'ö Dhukö -ya zë**

(Matiö 4,18-22; Makö 1,16-20)

5 ¹=Dhe 'ö =ya 'dho =ya =loo "yi -ta "gbɛa 'wo- Zenezadhe -yi -kë bha- "sɔɔ, kö mɛ "bhu- =ya =klëën- -zü tingtingdhö kö -wo -yɛa -nu mɔɔ- sië -bɛang 'ka kö 'wo wo "tu 'to Atanna -wu -bha, ²'ö dho -dhe -ga

kö "kplagɔnɛ =ple -wo dɔ siɛ "yi "kɔnɔŋ "dhiü mü kö 'mɛ 'wo gun- 'gü bha =wa lɔɔ- "yi =bhaa kö -wo woo- "nuu -nu "zu siɛ. 3'Yö -da "kplagɔnɛ bha- do 'gü, 'ö -da -a 'dhe 'ö- 'gü bha -yö -gun Simɔ =nɛ- -bha 'ka, 'yö =bhea -dhe 'ö- pö -ya =yɔɔŋ 'dɛdɛ 'nɛ 'bha wo "yi =bhaa kö 'ö bho 'nɛ 'bha wo "kɔnɔŋtaadhɛ 'ka taa- 'bleng -bleng. =Dhe 'ö Piedhö =yaa- kɛ "dhü, 'yö Yesu -yö -ya mü 'yö zun mɛ kpö 'wo bha- -nu =klang kɛ -sü -bha.

4=Dhe 'ö =ya ö bo dhiang zɛ -sü 'ka, 'yö- pö Simɔ -dhe: «=Bhö =yɔɔŋ "kplagɔnɛ bha- 'ka "yi =zinng 'gü kö kaa- i "tayɔɔ -nu bha 'ka "nuu bha- -sɛ do -zuö mü.»

5'Yö Simɔ -ya pö- -dhe: «N Dɛmɛ, 'ya wɔ "yaan "nuu -zuö -sü -bha 'yii pɛ 'bha 'sü, "kɛɛ =dhe 'ö -kɛ =dhe 'bha- pö "dhü, a -dho -a -sɛ do -zuö mü kö 'a- -bha -ga.»

6'Yö Simɔ -yö "nuu bha- -zuö Yesu -wu bha- "dhiü, 'yö 'wo -ya -a "gan -sü -bha, 'wo dho -dhe -ga kö 'yuü- -ya pa -sü 'ka, kö- "nuu ga -nu -wo "kan siɛ. 7'Yö 'wo wo -kɔ "paa 'gü zɛ 'mɛ 'wo "kplagɔ dhɛ 'ö to -a 'gü bha- -nu -dhe kö -wo nu wo "piü kö -wo wo -ta 'kun. 'Yö 'wo nu 'wo 'yuü- bha- bho "nuu bha- 'gü, 'yö 'wo- -loo "kplagɔnɛ =ple bha- 'gü, 'yö- =gban =ple pa, 'ö dɔ mü kö -wo 'dho siɛ "yi =wlöö.

8=Dhe 'ö Simɔ "yan 'dhö -da 'wɔn bha- -dhe 'gü, 'yö dho 'ö zun ö kpü 'gü Yesu -dhe 'ö- pö: «N Dɛmɛ, 'bha 'dho dɔ n "sɔɔ, -a -gen -mü -dhe 'wɔnyaakɛmɛ -mü n 'ka.»

9-A pö 'ö Piedhö -ya wo "dhü bha- -gen -mü -dhe 'ö gun "dhü kö "suü =ya -da waa- "tɛabɔ -nu bha- -nu 'gü =dedewo 'yuü- 'wo- sü "nuu 'ka bha- -wɔn 'gü. 10"Suü- -gun -da -sü 'ka Zan waa- Zakö 'wo -kɛ Zebede gbö -nu 'ka 'ö waa- Piedhö -nu 'wo gun "nuu -zuö siɛ bha- -nu 'gü 'pö =dedewo. Yesu -ya -pö Simɔ -dhe yö =nɛ- -wɔn 'gü 'ö- pö: «Simɔ, "suü 'ya 'dho i kɛ, -a -gen -mü -dhe =ya 'go =dɛɛ 'gü, i -dho kɛ "nuu -zuö mɛ -gɔ -mɛ =nɛ- 'ka.»

11=Dhe 'ö 'mɛ 'wo bha =wa nu woo- "kplagɔnɛ -nu bha- =gban 'ka "yi "kɔnɔŋ "dhiü, 'yö 'wo- to 'mü 'wo dho Yesu -keng-.

=Weeyuame do kɛ "klüöklü -kɔ -dhiang 'ö Dhukö -ya zɛ

(Matü 8,1-4; Makö 1,40-45)

12'Ö gun kö Yesu -yö 'pö- -nu bha- do 'bha 'gü, 'ö dho -dhe -ga kö mɛ do 'bha 'ö =wee -yua =ya "bhɛɛ -da -bha bha =ya nu kö =ya "gblɛɛnu- =wlöö kö =ya bhea" -dhe =yaa- pö: «N Dɛmɛ, -bhö "ta n -dhe -dhe! -A -gen -mü -dhe =ya kɛ -dhe =ya ga -zɛ wo i 'gü, i -kɔ -mɔɔ -bha kö 'i "yua ya- bho n -bha.»

13=Dhe 'ö =yaa- pö "dhü, 'yö Yesu -yö ö -kɔ -pɔ 'yö -kɔ pa 'mɛ bha- 'ka, 'yö- pö- -dhe: «=Ya ga n 'gü, -bhö kɛ "klüöklü!»

-Yö -to 'pö -dhe do bha- 'gü 'ö- -bha "yua bha 'ö bo. 14=Dhe 'ö =ya kɛ "dhü, 'yö -dhio dɔ- -ta 'ö- pö: «Bha 'dho, 'bha 'dho- -gen dɔ mɛ 'bha -dhe, "kɛɛ -bhö 'dho kö 'i i -dɔ -zɔn "saabhɔmɛ -nu =nɛ- -nu -dhe kö "saa- 'ö Moizö -ya -ben zɛ Atanna -bha 'tɔng- 'sɛɛdhɛ 'gü yi 'bha 'ka bha 'i- bho kö mɛ =gban -wa 'wɔn dɔ- -bha =dhe 'bha kɛ "klüöklü.»

¹⁵'Yö- 'tɔ bho -sü 'bha 'dhö -da 'gü -kpeawo, 'yö- 'tɔ 'dhö dho -dhe -gban 'pepe 'gü, 'yö 'wo go -dhe -nu 'gü kpö kpö 'ka 'wo nu 'tu -to -a -wu -bha -dhe 'gü, 'εen 'zü kö 'wo kē "klüöklü; ¹⁶"kεε 'yö Yesu -zē -ya kē 'yö dho ö -du -ta "tungtadhe -nu 'gü 'yö -bhea Atanna -dhe mü.

Yesu -bha "trüünyuame do -kē "klüöklü -ko -dhiang 'ö Dhukö -ya zē
(Matiö 9,1-8; Makö 2,1-12)

¹⁷-Dhe 'ö yi do 'ka kö Yesu -yö me -klang kē siē, kö Fadhizien -nu waa- 'tonggome -nu =wa 'go 'pödhē "pepe 'wo Gadhidhe -se 'gü -dhe -nu, Zude -se 'gü -dhe -nu waa- Zedhizadhemo -dhe -nu 'gü =wa nu, kö -wo 'yaanu siē kö Yesu -yö Atanna -bha 'gügübdhe -zön siē me -nu -kē "klüöklü -sü 'ka, ¹⁸'wo dho -dhe -ga kö me kpö 'bha bha =wa "trüünyuame do 'sü 'gbang -ta kö -wo nu siē- 'ka. =Dhe 'ö =wa nu =wa =loo mü, 'yö 'wo -ya -a "slē mɔɔ- -sü -bha kö 'wo -da 'me bha- 'ka 'kɔɔdhö kö 'wo- wɔ- -kuu "dhiü. ¹⁹"Kεε =dhe 'ö =waa- "slē mɔɔ- 'ö 'wii- yö me "dhaa 'wo gun 'mü bha- -nu -gɔ, 'yö 'wo 'me bha- sü 'wo -da 'ka 'kɔ -ta, 'yö 'wo- -ye bho, 'yö 'wo 'me bha- bɔ -ye bha- -bha waa- -wɔ -ta "gbang bha- 'dhö, 'yö 'wo- =lɔɔ bhiēga -bha me kpö 'gü Yesu wēdhö mü. ²⁰-Dhe 'ö Yesu =ya 'me 'wo bha- -nu -bha 'dhang -bho ö "dhiü -ko ('ö =dhe -yö -mɔɔ -bha 'ö 'me bha- dha) bha- -dhe yö, 'yö- pö "yuēdhi bha- -dhe 'ö- pö: «N "taongdē, 'ma i -bha 'wɔn yaa -nu -mawɔn to, 'bɔn =ya 'go i -bha!»

²¹"Kεε 'yö 'me 'wo -kē 'tonggome -nu waa- Fadhizien -nu 'ka bha 'wo -ya -a pö -sü -bha -dhe: «De suu =nē ya =zɔɔ 'yö Atanna -bhlēē 'yaa -gɔ =ni -oo? De =nē- -ko =mɔɔ- -bha "kpongtaadhe ya- 'gü kö -yö mebhudhe -bha 'wɔn yaa -mawɔn 'to kö 'yii kē Atanna -zē 'ka?»

²²-Dhe 'wo wo -zu 'gɔn siē "dhü, 'ö Yesu =yaa- -nu -zɔgɔngüwɔn bha- dɔ, 'yö- -yɔ bɔ- -nu -gɔ 'ö- pö: «-Mē =nē -kē 'yö 'ka ka -zu gɔn -dhe -ko bha- 'dhö? ²³'Wɔn =ple bha- -mεε =nē "gbu-? -A pö -sü 'ö me -dhe -dhe 'ma i -bha 'wɔn yaa -nu -mawɔn 'to yö =nē "gbu- -ee, "εen -a pö -sü 'ö- -mε -dhe =dhe 'bha kē "klüöklü, -bhö "wli kö 'i 'ta yö =nē "gbu- -ee?»

²⁴-Dhe 'ö =yaa- pö "dhü, 'yö go mü 'zü 'ö- pö: «-A -dhea -bha -dhe 'ka- 'wɔn dɔ =dhe me -bha 'wɔn yaa -mawɔn 'to "sɪ -yö mang Megböme n -dhe "kpong =taa yö. 'Yö- pö "trüünyuame bha- -dhe: «-Bhö "wli kö 'i i -ko -da i -bha 'gbang 'gü kö 'i 'dho i -gɔ 'kɔɔdhö!»

²⁵-Dhe 'ö Yesu =yaa- pö "dhü, 'yö 'me bha 'ö to -dhe do bha- 'gü 'ö -kē "klüöklü, 'yö =wli 'me 'wo bha- -nu "yaan mü 'yö ö -ko -da ö -bha 'gbang 'gü, 'yö dho ö -gɔ 'kɔɔdhö Atanna 'tɔ bho -sü 'ka.

²⁶'Wɔn bha 'yö- 'wɔn -yö 'me 'wo gun mü bha- -gban "pepe kɔn, 'yö "suü 'dhö -da -a -nu 'gü, 'yö 'wo -ya Atanna 'tɔ bho -sü -bha 'wo- pö: «!Aa! Yi 'yan =ya -da 'wɔn -ziisü -dhe 'gü -dhekpaɔyi 'ö =dεε bha- 'ka!»

Dhevi -da Yesu -keng- -kɔ -dhiang 'ö Dhukö -ya zë
(Matiö 9,9-13; Makö 2,13-17)

27=Dhe 'ö 'wɔn bha -ya kē 'dhü, 'yö Yesu -yö zun 'kpenng 'yö dho. =Dhe 'ö -ya 'dho -ya =loo -dhe 'bha bha- 'gü, 'yö -kpan 'niisongkunme do 'bha 'wo- -dhe Dhevi bha- -bha kö -yö -ya sië 'nii- song -kun 'gü -kɔ 'gü. =Dhe 'ö -yaa- yö 'yö- pö- -dhe: «Dhevi, nu 'kii -da n -keng-!»

28'Yö 'me bha 'ö ö -kwaä pē 'pepe 'ö gun- -gɔ -a -gban -zü 'yö -ziö Yesu -keng-.

29=Dhe 'ö -ya kē 'dhü, 'yö Dhevi -yö Yesu -dhe ö -gɔ 'kɔɔdhö kö 'ö- -dhɔkē. -Dhɔkēdhe bha- kē 'tüng 'gü, 'niisongkunme -nu bha- me 'gbɛ -wo -gun mü waa- me 'wɛɛ -nu 'ö 'wo 'wɔnyaakēme -nu 'ka 'pö -a -nu 'dhö, 'yö waa- Yesu -nu -gban 'wo zun pē -bhö -sü -bha wo 'kwëë waa- -bha -klang -nu 'dhö. 30=Dhe 'ö Fadhizien -nu waa- 'tɔnggɔme -nu 'wo Yesu yö kö waa- me 'wo bha -wo wo -kɔ -da sië pēfië do 'gü, 'yö 'wo zun -dɔn bho -sü -bha wo yun 'gü, 'yö 'wo- pö Yesu -bha -klang -nu -dhe: «'Wɔnyaakēme -nu 'kö 'wo ya keng- -nu -zë ka -kɔ -da 'tea- do 'gü -gen -mü -më 'ka ('kɛɛ kö 'waa Atanna =bhlëë dɔ).»

31'Yö Yesu -ya -yɔ bɔ- -nu -gɔ 'ö- pö: «'Mɛ 'wo 'klüöklü wo -zë -a -nu -mawɔn 'yaa kē -dhɔtrɔɔ -bha, me =dede 'ö- -nu 'gü 'yaa -së bha -në- -nu -mawɔn -yö zun- bha. 32Nu 'a- wo 'kɔpung =taa ya 'mii nu kö 'a 'me 'wo- pö wo -dɪ -dhe =dhe pö 'aa wo -bha bha wo -zë -a -nu -dhe Atanna 'piü, a -nu kö 'wɔnyaakēme -nu bha -në 'a- -nu -dhe.»

'Wɔn 'ö -gban 'sunng- 'ma -sü -bha -a -dhiang 'ö Yesu
-ya zë 'ö Dhukö -ya pö
(Matiö 9,14-17; Makö 2,18-22)

33'Yö 'me 'wo bha 'wo- pö Yesu -dhe: «'Bha- pö 'dhü 'kwa- ma, 'kɛɛ 'wɔn do 'bha- -dhö. =Ya kē -nu wo Zan -bha -klang -nu 'waa Fadhizien -nu -bha -klang -nu -wo 'sunng- -nu -ma 'ö 'wo -bheä Atanna -dhe, 'kɛɛ 'yii- -dhe yö i -bha -klang -nu 'kö 'wo ya- -nu -gɔ do, -më -në -kē 'yö -kē 'dhü?»

34'Yö Yesu -ya -yɔ bɔ- -nu -gɔ 'ö- pö: «-A -dhe 'yaa- -bha kö 'me 'wo nu dhe dɔ troo -ta -wa pö- -nu -dhe =dhe 'wa 'dho -bhöpē zun wo 'dhi -bha, 'kɛɛ kö dhesügɔn yöö =dede -yö mü (kö- -nu -nii -yö -da sië). 35-A -gen -mü -dhe -a 'tüng -yö nu sië 'ö- -nu 'yan- dho =fië dhesügɔn bha- 'ka, -a yi 'ö bha -në -ya =loo kö- -nu 'sunng- 'ma 'tüng =ya =loo, (-a -gen -mü -dhe kö =wa kē -wëësü).»

36'Yö to 'mü 'ö 'gwënnng do -da -nu -dhe 'ö- pö: «'Mɛ 'bha 'yaa sɔ -dee 'pe kö -ya 'pen 'sü -ya -nëng sɔ zii =dhong 'dhiü, =ya kē 'dhü kö- -mɛ =ya sɔ -dee -sü bha- 'pe 'wɛɛwɛɛ, -a -gen -mü -dhe yö -zë -ya 'pedhe -da -në- wo 'dhiü. 37=Ya 'go mü 'zü, me 'bha 'yaa we -kiansü -da puu' zii 'gü, -ya -wü 'ö- we -yö =wënnng, 'yö -kē pē =plɛ 'gü see- -sü 'ka. 38'Kɛɛ -wo we suu bha-

-loo puu" -dee -në- 'gü. ³⁹-Ya 'go mü 'zü, 'me 'ö -ya we "dhiü- 'gü dɔ, we -dee -dho 'yaa- kë, -ya zii fië- -bho -a -dee -bha.

'Wɔn 'ö -gban -glooyi -bha -a -dhiang 'ö Yesu -ya zë 'ö Dhukö -ya pö
(*Matiö 12,1-8; Makö 2,23-28*)

6 ¹Zuifö -nu -bha -glooyi do 'ka kö Yesu -yö ziö sië -mlü suu 'wo- -kë 'bluu- 'ka 'wo- -dhe 'ble- bha- -bhlaa do 'gü, kö din- =yaa- -bha -klang -nu 'kun, 'yö 'wo -ya -mlü bha- -kpa- wo 'gü -sü -bha, 'yö 'wo- =slëë wo -kwɛ- 'yö 'wo- ga bɔ wo "dhi 'wo- -bhö. ²=Dhe 'ö Fadhizien -nu 'wo- -dhe 'yö 'yö 'wo- pö- -nu -dhe: «-Yö mü -dhe 'yö 'wɔn 'ö kwaa- 'tɔng- -ya kë -sü -bha -dhio dɔ =glooyi 'ka bha ka -zë 'ka- -kë?»

³'Yö Yesu -ya -yɔ bɔ- -nu -gɔ 'ö- pö: «'Wɔn 'ö Davi -ya kë yi 'bha 'ka 'ö -bɛn zë -sü 'ka Atanna -bha 'sëedhe 'gü bha 'kii- -wu =në- pö "ɛɛn 'kaa- 'gü =në- ma -ee? ⁴(-A pö 'ö- wo -dhe) -dhe 'ö din- =ya waa- ö -kengmɛ -nu 'kun, -yö -dho 'ö -da Atanna -dhɔkëgüko 'gü, 'ö 'bluu- 'wo- -ya Atanna -dhɔkë 'ka -pë 'ka bha- sü 'ö dho- 'ka 'ö waa- -bha me -nu 'wo- -bhö, "kɛɛ 'sa kö -yö -bɛn zë -sü 'ka kwaa- 'tɔng- 'gü -dhe -yö "saabhome -nu -dɪ -slɔɔ =në- -nu -bhöpë 'ka bha 'kii- ma -ee? -Ya kë "dhü kö 'wɔn 'ö ma -klang -nu -wa -kë bha- -kë 'wɔn yaa 'ka -dhe =në 'mɛ?»

⁵=Dhe 'ö =yaa- pö "dhü, 'yö 'go mü 'ö- pö- -nu -dhe: «-Yö kë ka "yaan =dhe mang Mɛgbömɛ ma =në ma =glooyi 'dhö 'dhö.»

'Mɛ do 'bha 'ö- -gbe gun ga -sü 'ka- -bha Yesu -bha -a -kë "klüöklü -ko
-dhiang 'ö Dhukö -ya zë
(*Matiö 12,9-14; Makö 3,1-6*)

⁶Zuifö -nu -bha -glooyi do 'bha 'ka 'zü, 'yö Yesu -yö dho -a -nu bha -yakwëëkëgüko 'gü 'yö -ya mɛ draan- -sü -bha. 'Mɛ 'ö gun- -nu -klang kë sië "dhü bha mɛ do- -gun mü 'ö- -ko -së 'gü -gbe -yö gun ga -sü 'ka- -bha. ⁷Atanna -bha 'tɔnggɔmɛ -nu waa- Fadhizien -nu 'wo gun mü bha 'ö gun "dhü kö wo Yesu 'suan- bho sië, 'ö 'wo wo "yan kpɔ- këwɔn -nu "piü 'kpakpadhö, kë "dhü kö -ya "yuëdhi 'bha dha 'yi bha- 'ka kö 'wo- -dhe yö; -a -gɛn -mü -dhe 'ö gun "dhü kö -wa -gɛn mɔɔ- sië kö za 'wo dho- dɔ- -bha -wa -slɔɔ. ⁸=Dhe 'ö -kë -dhe Yesu -yö 'mɛ 'wo bha- -nu -zɔ "piü -wɔn -dɔ, 'yö- pö 'mɛ 'ö- -ko do- gun ga -sü 'ka- -bha bha- -dhe 'ö- pö: «-Bhö "wlü kö 'i dɔ mɛ kpö 'gü yö!»

=Dhe 'ö 'mɛ bha -ya "wlü -ya dɔ ö -gɛn 'mɛ 'wo bha- -nu =zinng 'gü, ⁹'yö Yesu -ya -nu dhɛɛ' kpɔ 'ö- pö: «'Wɔn 'ö kwaa- 'tɔng- -yö kwa -klang -kë 'ka =glooyi -wɔn 'gü yö -mü -më 'ka? -Ya -pö 'kwa 'wɔn -së kë -ee? "ɛɛn 'kwa 'wɔn yaa =në- kë -ee, 'kwa mɛ dha -ee, "ɛɛn 'kwa- -mɛ to mü kö- 'gü -yö see- ee?»

¹⁰=Dhe 'ö =yaa- pö "dhü, 'yö- -nu -ta -ga, 'yö- pö 'mɛ bha- -dhe: «-Bhö i -gbe 'gü "pɔ!»

'Yö- 'gü -pu, 'yö- -ko bha 'ö pa 'ö diëë, 'yö bo.

¹¹'Wɔn 'ö Yesu -ya -kë 'dhü -glooyi 'ka bha, 'pu 'ö- wo -gɔmɛ -nu bha -nu -bha, -a -naa 'yii kë, 'yö 'wo -ya 'pë 'wo dho- kë Yesu 'ka -a 'slën bho -sü -bha.

Yesu -bha 'ö -bha -klang -nu 'sü -ko -dhiang 'ö Dhukö -ya zë
(*Matiö 10,1-4; Makö 3,13-19*)

¹²-A "tüng -dede 'ö "dhü bha- 'ka, 'yö Yesu -yö -wliü 'yö dho -bhea Atanna -dhe -dhe 'gü -tɔn -gbin-, 'yö -wo 'gü 'yaan 'yö -dhe -yö -kpaɔ. ¹³-Dhe 'ö -dhe -ya -kpaɔ, 'yö 'ö -bha -klang -nu -dhe, 'yö- mɛ -kaɔng do ga -plɛ zë- 'gü, 'yö- -nu -ya 'ö -bha bɔmɛ -nu 'ka. ¹⁴'Mɛ 'ö- -nu -ya "dhü bha -wa mɛ do -dhe Simɔ, 'yö- 'tɔ -ya -ta -dhe Piedhö. 'Yö 'wo- mɛ do 'bha -dhe Andre, 'yö -kë Piedhö 'zlaa- 'ka, 'yö Zakö waa- Zan, 'yö Fidhipö, 'yö Batedhemi, ¹⁵'yö Matiö, Toma, 'yö Adhöfe gbö Zakö, 'yö Simɔ 'dhe 'wo- -dhe «'setakozëmɛ» ¹⁶'yö Zudë 'ö -kë Zakö gbö 'ka waa- Zuda Isikadhio 'ö Yesu go bha.

Dhiang 'ö Yesu -ya zë 'mɛ 'wo nu 'tu -to 'ö -wu -bha -dhe 'gü
-a -nu -dhe 'ö Dhukö -ya pö
(*Matiö 4,23-25*)

¹⁷-Dhe 'ö -ya 'ö -bha bɔmɛ -nu bha- -nu -ya "dhü, 'yö wɛng- -nu 'wo -lɔɔ, 'yö 'wo dho 'wo -loo -dhe "gbɛa -dhe do 'gü, kö- -bha -klang -nu kpö 'dhe 'wo to -wo dɔ sië- -gɔ mü, waa- mɛbhudhe "dhaa 'wo go Zude -sɛ -gban "pepe 'gü waa- Zedhizadhëmö -dhe -nu waa- 'pödhe -nu 'wo 'yi "kpuŋg "dhiü -dhe -nu 'gü, Tii- -dhe -nu waa- Sidɔn -dhe -nu 'gü -a -nu 'dhö, kö -wa nu kö -wo wo "tu 'to- -wu -bha, kö -yö wo dha woo- "yua -nu -gɔ. ¹⁸'Yö 'mɛ 'ö "yina yaa -yö gun- -nu -wëë -kë wo sië bha 'wo nu- "piü, 'yö 'wo dha. ¹⁹'Mɛ "pepe 'wo bha- -nu -gban- -gun -ko -zun Yesu bha -dhe -në- mɔɔ- sië, -a -gen -mü -dhe 'gügbudhe 'ö gun- 'gü bha -në gun- -nu dha sië- -nu -bha "yua -nu -gɔ.

(*Matiö 5,1-12*)

²⁰-Dhe 'ö -ya kë "dhü, 'yö 'daɔnnu 'yö 'ö -bha -klang -nu -ta -ga 'yö- pö: «'Mɛ 'ka "flɛɛmɛ -nu 'ka ka -bha -së; -a -gen -mü -dhe Atanna -bha -gblüdedhe -yö -ya kaa- -ya 'gü.

²¹'Mɛ 'ö din- 'dhö ka -bha ka -bha -së; -a -gen -mü -dhe ka 'kën -wɔn -yö -dhö! 'Mɛ 'ka "gbu bɔ sië "tüng ya- 'gü ka -bha -së; -a -gen -mü -dhe ka -niida -wɔn -yö -dhö!

²²'Mɛ 'ö mɛ "bhu- -nu 'wo dho -ya ka -san 'ka "ɛɛn 'wo dho 'tɔng -ya ka -ta -nu wo, "ɛɛn 'wo "si -nu bho ka -gɔ, "ɛɛn 'wo kpaɔ -pɛ ka -bha mang Mɛgböme n -wɔn 'gü, kö ka -bha -së. ²³-Ya kë "dhü ka -nii -yö -da kö 'ka -së kë- "dhiü, -a 'klɔɔ- -mü -dhe ka -dho -a -trɔɔn 'kpüi- -slɔɔ dhang- 'gü;

-a -gen -mü -dhe -a -nu "bhema -nu -do 'ka -mü, -wo kë -kë "dhü Atanna -wudhiüloomë -nu 'ka yi 'bha 'ka.

24 "Kεε 'me 'kö ka -zë 'ka -naomë -nu 'ka "tüng ya- 'gü bha ka -bha -yö -wëësü; -a -gen -mü -dhe ka -bha -në 'ka- kë sië bha ("kεε dhia" -zë 'yaa ka -bha -së!)

25 'Mε 'ka 'kënsü 'ka "tüng ya- 'gü bha ka -bha -yö -wëësü; -a -gen -mü -dhe din- -dho ka kë. 'Mε 'ka "yu 'to sië "tüng ya- 'gü bha, ka -bha -yö -wëësü; -a -gen -mü -dhe -wëë -dho bɔ ka -ta 'ö 'ka "gbu bɔ!

26 'Mε 'ö mε =gban 'pepe 'wo ka -dhiang -së zë sië bha, ka -bha -yö -wëësü, -a -gen -mü -dhe -a -nu "bhema -nu kë -gleng do bha =në- -kë Atanna -wu =kwaanmε -nu -go.

(Matiö 5,38-48; Matiö 7,12a)

27 Yö =në- -wɔn 'gü, 'yö 'mε 'ka ka "tu 'to sië n -wu -bha bha, 'a dho- pö ka -dhe =dhe ka -zë ka 'yao- -nu -dho -yö ka kë, kö 'ka 'wɔn -së kë 'mε ka -san -ya -nu -kë -a -nu -dhe. 28 -Ka 'dhuë- kë 'mε 'wo "dhang -da sië ka -bha bha- -nu -bha, kö 'ka bhεa" Atanna -dhe 'mε 'wo ka -wëëdhe bho sië- -nu -wɔn 'gü. 29 -Ya kë =dhe =wa ka "tu 'pean do -ma, -kaa "pean do 'dhe 'ö to- slëë- -mε -ta kö -ya -ma 'pö. -Ya kë =dhe =wa ka -bha =gbauu- 'sü ka -go (faandhe -bha), -kaa -mε 'to mü kö -yö kaa- "bhεε -nu =gban 'sü. 30 Mε "bu mε 'ö pë -gbadhe ka -go, -kaa nu- -mε -dhe. -Ya kë =dhe mε 'bha -ya ka =slɔɔpë 'sü ka -go, -kaa 'to- go. 31 'Pë 'ö 'ka- "piü -dhe -wa kë ka -dhe bha kaa -du 'pö -kaa kë mε -nu -dhe.

32 -Ya kë =dhe 'mε 'ö ka -dho -ya -nu -kë wo =në- -nu -dho -ya ka kë doseng bha -oo, kö ka -bho "kpungtaame -nu "piü -dhe 'pö 'mε? Mε =gban -wa 'dhe 'kö bha- -kë! 33 -Ya kë 'zü -dhe 'ka 'wɔn -së kë 'mε 'wo 'wɔn -së -kë ka -dhe =në- -nu -dhe doseng bha -oo, kö ka -bho 'ko "piü -dhe 'pö 'mε? 'Wɔnyaakëme -nu -wa yö -zë -kë 'pö! 34 -Ya kë =dhe 'ka "pɔ do 'mε 'ka 'dhang bho- "dhiü =dhe -yö -dho -a bho bha =në- -mε -bha doseng bha -oo, kö ka -bho "kpungtaame -nu "piü -dhe 'pö 'mε? Woo -du 'pö -wo "pɔ -do mε -nu -bha "dhü kë "dhü kö 'wo- "wεε =slɔɔ. 35 Ka -zë ka 'yao- -nu -dho ka kë kö 'ka 'wɔn -së kë do 'ka 'dho- 'ka, kö 'ka "pɔ do 'ka 'dho ka -zu 'gɔn- bho -wɔn -dhe. -Ya kë "dhü ka =trɔɔn- -dho kë 'kpii- dhang- 'gü, 'ö mε =gban 'wo ka do Atanna 'ö dhang- 'gü -a -bha 'në -nu 'ka, -a -gen -mü -dhe -a "klu -yö -së 'mε 'waa 'wɔn -së do bha waa- "gblüyaame -nu =gban 'ka. 36 -A -kë "dhü -sü -wɔn 'gü, ka Dë 'ö dhang- 'gü bha mεbhudhe -wëë 'dhö- kë -kɔ do 'ö- -bha bha mε -wëë -yö ka kë 'pö- -kɔ -bha.

(Matiö 7,1-5)

37 'Ka 'dho mε -nu -dhiang yaa zë kö Atanna -du 'pö 'ya 'dho za do ka -bha. 'Ka 'dho 'tɔng- -ya mε -ta kö Atanna yöö -du 'pö 'ya 'dho 'tɔng- -ya ka -ta. -Ka mε -nu -mawɔn 'to kö Atanna -du 'pö -yö ka -mawɔn 'to. 38 -Ka gbao- mε -nu

-gɔ, kö Atanna -dɪ 'pö -yö gbaɔ- ka -gɔ. -Yö -dho pè dan 'ö pè pa 'ö -wɛnnɔ -zù 'ö- sù 'ö- -loo ka -gɔ -gɔbau- "yiè- 'gü; -a -gen -mü -dhe pè do 'ka dho- 'sü 'ka pè dan- -bha mɛ -nu -dhe bha -nè 'ö dho- 'sü 'pö 'ö ka -bha dan- -bha.»

39'Yö "gwɛnnɔ "wɛɛ do 'bha -da -a -nu -dhe 'ö- pö: «'Eɛn -yö ka 'gü -dhe "yanwɛlümɛ -mɔɔ -bha 'ö zun "yanwɛlümɛ 'bha -dhe "dhiü, 'yö- -gban -plɛ 'waa -pö -yɛ 'gü -ɛɛ? 40-Yö kè ka "yaan -dhe -klangdhiü -zè yöö pè dɔ -kɔ "ʊʊ -kɔ 'ö- 'gü, 'yii 'dho ziö ö -gɔmɛ -zè -ta. -Ya kè -dhe -ya pè dɔ "gbu-, -yö -mɔɔ -bha 'ö -mɔɔ ö -gɔmɛ 'ka, "kɛɛ 'yii 'dho ziö -zè wo- -ta.

41-Mè -nè -kè 'yö 'i "yɛ -bi yö mɛ -nu -zè -nu "yan -bha, 'yö 'bhaa 'dhü -blün 'kö bhi -zè i "yan -bha bha- yö? 42'Eɛn i -mɔɔ -bha 'i- pö mɛ -dhe -dhe: «N "taɔngdè, -bhö dɔ kö 'a blèè bho i "yan -bha -kɔ kè -dhe kö "dhü -blün 'ö bhi -zè i "yɛnnɔ bha 'bhii- bho mü. "Gblüüdhetiimɛ, -bhö "dhü -blün 'ö i "yɛnnɔ bha- bho 'mü -kö -blɛɛsü kö 'i -dhe yö -sè 'ka kö 'i gun -na "yɛ -bi bho i "tɛado "yɛnnɔ

(Matiö 7,16-20; Matiö 12,33-35)

43-Yö kè ka "yaan -dhe "dhü -sè 'yaa bhe yaa dɔ, "ɛɛn "dhü yaa 'yaa bhe -sè dɔ 'pö; 44-a -gen -mü -dhe "dhü 'ö 'dhö -wa suu -dɔ ö bhe -nè- -bha. 'Waa "dhü "wɛɛ bhe bho "dhü "wɛɛ 'gü. 45-Zuèga -sè 'dhö 'mɛ 'ö "gblüü- -a -mɛ -bha "klɛsédhe -gen -yö -gban -a zuèga bha -nè- -bha, 'yö zuèga yaa 'dhö mɛ 'ö "gblüü- 'ö- -bha -mawɔnyaadhe -gen -yö go 'pö- zuè" 'gü -dhe -kɔ do bha- 'dhö; -a -gen -mü -dhe pè 'ö mɛ zuè" "piü 'yö -wo mɛ "dhi -ta.»

"Gwɛnnɔ 'ö -gban 'kɔ dɔ -sü -bha 'ö Yesu -ya -da -a -dhiang 'ö Dhukö -ya zè

(Matiö 7,24-27)

46'Yö Yesu -ya pö- -nu -dhe: «N -dhe 'ka- wo n Dèmɛ, n Dèmɛ ya- -gen -mü -mè 'ka "kɛɛ kö 'pè 'a- pö ka -dhe 'kaa- 'bha kè? 47'Mɛ -ya bɔ n 'ka 'ö n -wu -ya 'klɔɔ- "dhiü, 'ö -tosea -kè -bha bha 'ö bho pè 'dhe 'ö- -bha a -dho -a pö ka -dhe. 48-A -mɛ -yö -bho gɔndènè do 'ö- pö yöö 'kɔ dɔ, 'ö ö -bha 'kɔ bha- "kpan "se pɔn 'ö dho 'ö zun- 'ka -gwè -bha, 'ö dho 'ö 'kɔ bha- -gen -gban -gwè -ta -nè- -bha. -Dhe 'ö -yaa- 'kɔ bha- dɔ, yi do 'ka 'yö dha -yö ban, 'yö 'yi -yö pa, 'yö 'yi "tɛɛ -yö nu -yö -gban 'kɔ bha- -bha, "kɛɛ 'yö 'yii 'wü, -a -gen 'ö -gban -sü 'ka -gwè -ta bha- -wɔn 'gü. 49'Kɛɛ mɛ 'ö bɔ n 'ka 'ö n -wu ma, "kɛɛ 'ö 'yaa- -yaki -ya, 'ö- "tu 'yaa kè- -bha -a -mɛ -yö -bho 'mɛ 'ö- pö 'ö 'kɔ dɔ, 'ö 'yii 'kɔ "kpan "se pɔn kö -ya -gen -da "sɛɛ, "kɛɛ 'ö- "kpan -ya 'tɛng- -ta "wɛɛwɛɛ -nè- -bha. -Dhe 'ö -yaa- dɔ, 'yö dha -yö ban, 'yö 'yi -yö pa, 'yö 'yi "tɛɛ -yö nu 'ö -gban 'kɔ -bha. "Kɛɛ 'yö 'yii dha- -gɔ, -pö 'ö- wo 'ö wü, -yö kè -wü -trékè -trékèdhö.

Yesu -bha "sɔdha -gɔmɛ do -bha gwèemi -kè "klüüklü -kɔ -dhiang 'ö

Dhukö -ya zè

(Matiö 8,5-13)

7 1=Dhe 'ö Yesu -ya ziö 'mɛ 'wo bha- -nu -dhe 'wɔn -nu 'gü "dhü 'dɔɔndhö, 'yö -ziö 'ö dho Kapɛɛnaɔmö. 2'Ö gun "dhü kö Wɛlɔmö -mɛ

-nu -bha "sɔdha -gɔmɛ do 'bha bha- -bha gwëemi 'ö- wɔn 'dhö- -gɔ "gbu- dedewo bha- 'gü 'yaa -së, kö =ya wɔ "dhëng yaa "dhiü. ³=Dhe 'ö "sɔdha -gɔmɛ bha 'ö Yesu -wɔn -taɔng ma, 'yö Zuifö -nu -bha mɛ zizi 'bha -nu bɔ 'mü kö -wo 'dho -wo bhɛa" Yesu -dhe kö -yö nu kö -yö ö -bha gwëemi bha- dha ö -dhe. ⁴'Yö 'mɛ 'wo bha 'wo dho 'wo =loo Yesu -dhe 'gü, 'yö 'wo =bhɛa- -dhe -dedewo -sɔbhɛɛ 'ka 'wo- pö: «-Bhö dɔ =nɛ- wo "gbu- kö 'i "ta 'mɛ bha- -dhe, -a -gɛn -mü -dhe 'mɛ bha 'mɛ 'ö =ya mɛ -dhe 'ö mɛ- dho- -bha -dhiɔwɔ -bha -a -mɛ -mü; ⁵-a -gɛn -mü -dhe yii- "segɔ ya- -dho -ya -kë, yö =nɛ yii- -yakwëékëgükö ya- dɔ.»

⁶'Mɛ 'wo bha 'yö waa- Yesu -nu 'wo -ziö 'wo dho. =Dhe 'ö =wa -tëng "sɔdha -gɔmɛ bha- -bha 'kɔ -ta, 'yö gɔndɛ bha 'ö ö -sɛmɛ 'bha -nu bɔ Yesu -dhe. 'Yö 'mɛ bha 'wo- pö Yesu -dhe: «Yi Dɛmɛ, yi "taɔngdɛ -ya pö 'yi nu kö 'yi- pö i -dhe =dhe 'bha 'dho i -dɔ ziö "yɛ 'gü "wɛɛwɛɛ, "kɛɛ ö =bhlëɛ 'yaa 'dhö kö 'i -da ö -gɔ 'kɔɔdhö. ⁷Yö =nɛ- wɔn 'gü 'yö yöö =dede 'yii nu i -dhe 'gü, -a -gɛn -mü =dhe -yö ö -dɔ -dɔ =dhe 'yaa -wo i wëédhò -mɛ 'ka. "Kɛɛ 'ö 'dhang -bho "dhiü -dhe 'bha 'to yö kö 'i "dhiyanwɔ do -zian pö, ö -bha gwëemi bha- -dho dha. ⁸-A -gɛn -mü =dhe yöö -dɔ 'pö ö -gɔdhiümɛ -dhö, "kɛɛ -yö ö -bha -pö 'pö ö -kɔwölöömɛ -nu -dhe 'wo- ma, 'ö- pö mɛ 'bha -dhe: «-Bhö 'dho!» 'ö dho, 'ö- pö mɛ 'bha -dhe: «-Bhö nu!» 'ö nu, 'ö- pö ö -bha gwëemi -dhe: «-Bhö -a kë =ni!» 'ö- -kë. ("Sanni -wa kë yö -zɛ ö -dhe "dhü 'yö bhi -zɛ =wɛ?»)

⁹=Dhe 'wo naɔ bha- dɔ Yesu -gɔ 'ö- ma -dhe -kɔ bha- 'dhö, 'yö "sɔdha -gɔmɛ bha- -wɔn "dhia -yö ma- 'gü -a -wɔ bha- "piü. 'Yö ö wɔ =slëɛ mɛ kpö 'wo gun- -keng- bha- -nu -ta 'ö- pö: «A- -pö ka -dhe -dhe 'mii 'dhang bho n "dhiü -mɛ 'ö =dhe 'mɛ ya- 'dhö -a yö Izraédhò -mɛ -nu -zian kpö 'gü.

¹⁰'Mɛ 'wo nu naɔ dɔ bha- -nu yee kë -sü 'ka kö -wo 'dho "kweandhö, "sanni -wo 'dho kö -wo =loo kö gwëemi 'ö- 'gü 'yaa gun -sɛ bha =ya kë "klüöklü.

Yesu -bha =geandhe do -bha 'nɛ -bö -kɔ -dhiang 'ö Dhukö -ya zɛ

¹¹-A -dhekpɔɔyi 'dhe 'ö dɔ- "piü, 'yö Yesu -yö dho 'pödhe do 'bha 'wo- -dhe Nae bha- 'gü kö- -bha -klang -nu waa- mɛ kpö 'gbe -wa -keng-. ¹²=Dhe 'ö =wa 'dho =wa =loo 'pö- 'saan "dhiü, 'wo dho -dhe -ga kö -wo 'dho siɛ mɛ =gee do 'bha -wɛɛ bho -dhe 'gü, 'nëglɔɔnnɛ 'wo gun 'dho siɛ- 'ka "dhü bha =geandhe 'bha gbö =nɛ gun- 'ka, "kɛɛ -yö -gun ö dhe -gɔ "dhü doseng. Kö mɛ kpö 'kpüi- 'wo go 'pödhe bha- 'gü 'wo 'dho siɛ 'nɛ bha -wɛɛ bho -dhe 'gü bha =wa dɔ dhebhɔ bha- -keng- "wɛ -dungdhö. ¹³=Dhe 'ö kwa Dɛmɛ -ya yö, 'yö -wëɛ -yö bɔ- -ta 'yö- pö- -dhe: «'Bha 'dho "gbu bɔ, dhebhɔnɛ!»

¹⁴'Yö =yɔɔn mɛ =gee bha- "sɔɔ, 'yö ö -kɔ -ya -bha. 'Yö 'mɛ 'wo gun- bun siɛ bha 'wo wo bo 'wo 'daɔnnu, 'yö- pö: «'Nëglɔɔnnɛ, -bhö "wlü, ma =nɛ 'a- pö!»

¹⁵=Dhe 'ö =yaa- pö "dhü, 'yö mɛ bha 'ö =wlü 'ö -ya ö -gɛan, 'yö zun dhiang zɛ -sü -bha. 'Yö Yesu -ya sü 'ö- nu- dhe -dhe. ¹⁶'Yö "suü 'dhö -da mɛ 'wo

gun mü bha- -nu -gban "pepe 'gü, 'yö 'wo -ya Atanna 'tɔ bɔ -sü -bha 'wo- pö: «Atanna -ya ö -wudhiüloome 'kpii- do bɔ kwa -dhe, -a -zu -ya -bö (Izraëdhö -me -nu 'ö yi sü 'ö yi -ya -dɪ -ta ö -bha 'ka) bha yi -wɔn -ta.

17'Wɔn 'ö Yesu -ya -kë "dhü bha, 'yö- -taɔng -yö dho 'ö =mɔɔ Izraëdhö -se -gban "pepe 'gü waa- -züzü -dhe -nu 'dhö.

**Zan Mezume -bha me -bɔ Yesu dheekpɔdhe 'gü -kɔ
-dhiang 'ö Dhukö -ya zë
(Matiö 11,2-19)**

18'Yö 'wɔn -nu 'ö Yesu gun- kë sië bha Zan -bha -klang -nu 'wo dho 'wo- -gban -gen dɔ- -dhe. 19'Yö Zan -ya me =ple -dhe 'yö- -nu bɔ Yesu "piü kö -wa dhë" 'kpɔ -wa pö: «'Me 'wo -ya -gɔ bha yö -mü yö -në- 'ka -ee, "ëen -wo -tun -kö dɔ me "wëe 'bha -gɔ -ee?» 20=Dhe 'ö =wa 'dho =wa =loo mü, 'yö 'wo- pö Yesu -dhe: «Zan Mezume -yö yi -bɔ i "piü kö 'yi i dhë" 'kpɔ -dhe 'me 'yi -ya -gɔ bha yö -mü i 'ka -ee, "ëen yi -tun -kö -ya me "wëe 'bha -gɔ -ee?»

21-Wo -to -dhe do bha- 'gü, 'yö Yesu -yö me 'gbë dha -a -nu -bha "yua -nu oo, -a -nu -bha =niɔɔdhe -nu waa "yina yaa -nu -gɔ, 'yö "yanwülümë 'gbë "yan "dhiü -pv. 22'Yö dhë" bha- -yɔ bɔ- -nu -gɔ 'ö- pö: «'Wɔn 'ö ka "yan -ya yö 'ö ka "tv -yö -da 'gü bha, -ka 'dho 'ka- -gen dɔ Zan -dhe kö 'ka- pö- -dhe -dhe: «'Yanwülümë -nu -wo -dhe yö sië, 'ö -genloome -nu 'wo "ta sü, =weeyuame -nu -wo kë sië "klüüklü, 'ö "towlümë -nu 'wo 'wɔn ma, 'ö 'me =wa ga 'wo -bö sië, 'ö 'wo Atanna -bha naɔ -së bha- dɔ sië -wëëmë -nu -gɔ. 23'Më "vɔ me 'ö 'mii kë -dhe -a -gen "dhiü -zuö -bha -gwë 'dhö Atanna -bha zian -ta kö -yö -pö -a -wɔn 'gü, kö- -me -bha -së.»

24=Dhe 'ö 'me 'ö Zan -ya -nu bɔ bha =wa 'dho, 'yö Yesu -yö zun dhë" 'kpɔ -sü -bha 'me 'wo gun mü bha- -nu -gɔ Zan -bu 'gü 'ö- pö: «'Tɔngtadhe 'ö Zan gun- 'gü bha, -më -në 'ka kë dho- -ga -dhe 'gü mü bha? -Kaadhüga 'ö "tëe -ya -vin 'ö dho- 'ka -ni 'ö dho- 'ka -ni yö -mü -ee? 25"ëen me 'bha 'ö sɔ -së -yö gun- -bha yö -mü -ee? "ëen -më -në 'ka kë dho- -ga -dhe 'gü? -Ka -dhe -ga! 'Me 'ö sɔ -së 'dhö- -nu -bha 'ö 'wo -tosea -së kë sië, -wo -kë -gblüädhe -kɔ -nu -në- 'gü. 26-Më -në 'ka kë dho -ga -dhe 'gü 'sa? Atanna -wudhiüloome -ee? A- -pö ka -dhe -ma -iin, -a yöö -zian -zë -bhlëë- 'kpii- Atanna -wudhiüloome -bha. 27'Më 'ö Atanna -ya -dhiang zë ö -gɔ 'sëädhe 'gü 'ö- pö- -bha -dhe:

«-Bhö -dhe -ga, 'ma me bɔ i "dhiü

kö -yö i -bɔ -ta -zian -pë kë bha 'yö bha.»

28 A- -pö ka -dhe kpenngdhö -dhe: Me "pepe 'kö dhebɔ -ya -nu kpɔ, -a me 'bha 'kö- -duë dho kë 'kpii- kö -yö ziö Zan -bha -ta 'yaa 'dhö, "këe 'sa kö 'me 'ö me "bhlëngsü 'ka Atanna -bha -gblüädhepö 'gü, yö -zë -duë -yö 'kpii- Zan -zë -bha.»

29'Sa me "pepe 'kö 'wo Zan dhiang zë -dhe yö, aa" -ni 'niisɔngkunme -nu -zian -wo kë 'dhang -bho -wu "dhiü 'ö 'wo teanwɔn nu Atanna -dhe, 'ö 'wo -wɪ -bha kö -yö wo -go 'wɔn yaa 'gü -zu bho.

³⁰"Kεε Fadhizien -nu waa- Zuifö -nu -bha 'tonggome -nu -zë 'wii- -yo bo, 'wii "wɪ- -bha kö Zan -yö wo "zu. Yö -në- -wɔn 'gü, 'yö -a -nu dha 'ö Atanna yöö- wo 'nu bha 'wo wo -dɪ -fië -sü 'ka- 'gü.

³¹Yö go mü 'ö- pö: «Ya kë "dhü kö 'mε 'wo =dεε -yën ya- 'gü, -a -dho -a -nu -zɔn -më -në- 'ka? ³²-A -nu =teni- -kë -dhe nuë" -nu 'wo -ya -sü 'ka "dheε 'kpii- 'gü, 'wo dhiang zë sië wo 'ko -dhe -a -nu 'dhö =dhe: «'Ya 'tan bho ka -dhe kö 'ka- kë, "kεε 'kii "wɪ- -bha kö 'ka "tan kë. Kaa do bha 'ya "gbu bo 'zü ka -dhe, "kεε 'kii "gbu bo! ³³-A pö 'a- wo "dhü bha- -gen -mü =dhe =dhe 'ö Zan Mezume =ya nu "kɔnɔn =taa 'ö 'yii we mü, 'ö 'yii -bhöpë -bhö, 'yö 'ka- pö- -bha -dhe "yina yaa -ya 'gü. ³⁴=Dhe 'ö mang Mεgböme 'ma nu 'zü 'ö ma -zë 'mii we waa- -bhöpë -nu -kian 'to, 'yö ka- pö n -bha =dhe we mü -dudu -mü n 'ka. "Eεn 'zü a -nëng 'niisongkunme -nu "Eεn Atanna 'tɔ zë -mε -nu -bha! ³⁵"Kεε yö -në- =gban 'gü, 'mε 'kö 'wo 'wɔndɔme -nu 'ka, -a -nu =gban "pεpε -wo kë- 'wɔn -dɔ =dhe zian 'ö Zan -ya -zɔn bha =në tean- -zian 'ka.»

Yesu -bha -da Simɔ Fadhizien mi -gɔ 'kɔɔdhö -kɔ -dhiang 'ö Dhukö -ya zë

³⁶Yi do 'ka 'yö Fadhizien mi do -yö Yesu -dhe -bhöpë 'ka ö -gɔ 'kɔɔdhö. 'Yö dho. =Dhe 'ö =ya 'dho =ya =loo mü, ('yö 'waanu =dhe -kɔ 'wo- -kë 'ka wo wɔ -kɔ 'gü -a 'dhö), 'yö 'wo zun pë -bhö -sü -bha, ³⁷"kwεεkwεεkédhe do 'bha -yö -gun 'pödhe bha- 'gü. =Dhe 'ö =ya Yesu -kë Fadhizien mi bha- -gɔ 'kɔɔdhö -wɔn ma, 'yö dho mü kö -sangdhe do 'ö -dhasiklɔɔ "yi 'dhö- pa -sü 'ka -ya -gɔ. ³⁸=Dhe 'ö =ya 'dho =ya =loo mü, 'yö bo Yesu =kee- -ta, 'yö dho- -gen "piü 'yö zun ö kpiö 'gü, 'yö -ya "gbu bo -sü -bha, 'yö- "yanyi -yö zun =wennɔ -sü -bha Yesu -gen -ta -wla -wla -wladhö, 'yö ö -gɔ "gblënu 'yö ö -gɔdhe kun 'ö- -ziö ö "yanyi bha- -bha, 'yö ö "dhi =gblü Yesu -gen bha- -bha 'yö- -bha mü, 'yö -dhasiklɔɔ "yi bha- =wennɔ- -gen -ta.

³⁹=Dhe 'ö Fadhizien mi 'ö Yesu -dhe bha 'ö 'wɔn bha- -dhe yö, 'yö -ya ö -zɔ 'gɔn -sü -bha 'ö- pö: «Ya kë =dhe 'mε 'ö ya -yö Atanna -wudhiüloome =dede 'ka 'nu, kö -yö -dho dhebho 'ö kë sië- -bha bha- dɔ, 'ö- suu dɔ =dhe =niédhe -mü. ⁴⁰"Kεε Yesu -yö -zugɔndhe bha- -to -a "gblüödhö 'ö- pö- -dhe: «Simɔ, -yö n "piü =dhe 'a 'wɔn do 'bha pö i -dhe.»

'Yö Simɔ -ya pö- -dhe: «N Dëmε, n "tu -yö i -wu -bha, -a pö!»

⁴¹Yö- pö: «Simɔ, gɔndë do 'bha =në gun 'yö "pɔ dɔ mε =plε -bha. 'Yö 'wëë- "gblü -kaɔng =plε "pɔ dɔ mε do bha, 'yö dho 'yö 'wëë- "gblü =plε nu mε do 'dhe to bha- -dhe. ⁴²=Dhe 'ö "pɔ bha =ya =gwëë, 'ö =yaa- 'wɔn dɔ =dhe -a bho "sɪ 'yaa- -nu -dhe, 'yö- to "dhü 'ö- =gbaɔ- -nu -gɔ.»

'Yö Yesu -ya pö Simɔ -dhe: «'Ma i dheε" 'kpɔ: Mε =plε 'wo- -nu -mawɔn to bha, -a de -sü 'pö 'mε 'ö- -nu -mawɔn to bha- -dho dho- kë 'ö -ziö mü?»

⁴³Yö Simɔ -ya -yɔ bo 'ö- pö: «A n -zɔ -gɔn -dhe 'mε 'ö- -bha 'wëë- gun 'kpii- bha yö -mü.» 'Yö Yesu -ya pö- -dhe: «-Yö "dhü tean- 'ka, Simɔ!»

⁴⁴=Dhe 'ö =yaa- pö "dhü, 'yö =slëë ö 'gü 'ö ö wë bo dhebho në bha- -ta 'ö- pö Simɔ -dhe 'zü -deewo 'ö- pö: «-Bhö -dhe -ga! 'Bha dhebho ya yö -ee?»

Nu 'a- wo i -go 'kɔɔdhö ya 'bhii n -gen -bha "zu (=dhe -kɔ 'kwa- -kè 'ka kwa wɔ -kɔ 'gü bha- 'dhö), "kɛɛ yö -zè =ya n -gen -bha "zu ö "yanyi 'ka =ya ö wundhe ziö- -bha. ⁴⁵'A -da i -go 'kɔɔdhö 'bhii -sè kè n -bha kö 'i -loo n -bha (=dhe -kɔ 'kwa kwa 'ko =tua bho- 'ka kwa wɔ -kɔ 'gü bha- 'dhö), "kɛɛ 'a -da -zè wo 'kɔɔdhö yö =dɛɛ, yö -zè 'ö zun -loo n n -gen -bha -sü 'ö- bha 'yö- -bha. ⁴⁶'Bhii -dhasiklɔɔ "yi zun n -gbin- kö -yö kè -dhe 'bha -bhlèè -ya n -bha (=dhe -kɔ 'ö- 'ka kwa wɔ -kɔ 'gü -a 'dhö), "kɛɛ yö -zè =ya -dhasiklɔɔ =wennng n -gen -ta. ⁴⁷Yö =nè- -wɔn 'gü, Simɔ, 'yö 'a dho- pö i -dhe -dhe 'pè 'ö -kè 'yö n -dho -yö dhebhnè bha- -kè "gbu- "dhü bha- -gen -mü -dhe 'wɔn yaa "pɛpɛ 'ö- -kè 'ö- -naa 'yaa gun bha- -gban bian =ya 'go- -bha "pɛɛpedhö; -a -gen -mü -dhe 'mɛ 'wo- -mawɔn to 'wɔn 'dɛdɛ 'gü, 'yö- mɛ -dho -ya -kè 'dɛdɛ.»

⁴⁸'Yö- pö dhebho bha- -dhe: «Dhebhnè, 'bɔn 'ö gun i -bha bha- -gbaan 'go i -bhal!»

⁴⁹=Dhe 'ö =yaa- pö "dhü, 'yö 'mɛ weng- -nu 'wo gun pè -bhö siè wo "kwèè bha 'wo zun wo -zu 'gɔn -sü -bha 'wo- pö: «Mɛ 'ö ya de suu -mü =zɔɔ 'yö mɛ -nu -bha 'wɔn yaa -nu -gban -mawɔn to ya -oo?» ⁵⁰"Kɛɛ 'yö Yesu 'yii ö "tu kè yö -zè -bha, 'yö- to "dhü 'ö- pö dhebhnè bha- -dhe: «-Bhö i -bha dho wo i -ta "puu 'ka, i -bha 'dhang -bho n "dhiü -sü =nè i dha bha.»

Dhong -nu 'wo gun Yesu -go gwèédhe 'gü 'ö Dhukö -ya -dhiang zè

8 ¹⁻²=Dhe 'ö =ya kè "dhü, 'yö Yesu -yö -da 'pö- "gblügblü -nu waa- 'sɛennè -nu -bhièè "piü, Atanna -bha naɔ -sè 'ö -gban -a -bha -gblüédhe -bha bha- dhiang zè -sü 'ka. Kö- -bha -klangdhiü -nu -kaɔng do ga =plɛ bha -wa -keng- waa- dhong -nu 'bha -nu 'ö- -nu dha "yua -go, "ɛɛn 'ö "yina yaa -kè -nu 'gü bha- -nu 'dhö. Dhong -nu bha -wa mɛ do -dhe Madhi 'ö go 'pödhe 'wo- -dhe Madadha bha- 'gü. Madhi bha =nè "yina yaa "saɔplɛ -yö gun- 'gü, 'yö Yesu -ya bho- 'gü. ³'Yö Zanö, 'ö -kè -gblüéd Edhodö -bha "kweangɔdhiü 'wo- -dhe Suza bha- -bha dhebho 'ka, 'yö Sizanö waa- mɛ kpö 'bha 'ö woo -du 'pö 'wo gun waa- -bha -klang -nu -a -nu -ta 'kun siè -a -nu -slɔɔpè -nu 'ka bha- -nu 'dhö.

-Mlü bɔ "gwènnng 'ö Yesu -ya -da -a -dhiang 'ö Dhukö -ya zè

(Matiö 13,1-9; Makö 4,1-9)

⁴=Dhe 'ö yi do 'ka kö mɛ =ya 'go 'pö- -nu 'gü 'do 'do 'ka =wa bho wo 'ko -ta 'tu -to -a -wu -bha -dhe 'gü, 'yö "gwènnng do -da -nu -dhe 'ö- pö:

⁵«Yi do 'ka 'yö gɔndè do -yö =wliü 'yö dho -mlü bɔ -dhe 'gü ö -go 'bhlaa- =Dhe 'ö =ya 'dho =ya =loo mü, 'yö zun -mlü -pen -sü -bha. -A -pen 'ö- wo bha 'yö- ga 'bha -nu 'wo =wennng zian -gloo "piü ('yö "sɛ 'yii kpa- -ta), 'yö zian ziö -mɛ -nu 'wo taa- -ta, 'yö -maa -ya -kpea -bhö. ⁶'Yö- -kɔ "pɛan 'bha -yö =wennng -gwè 'saa- "dhiü, =dhe 'ö =ya bho 'yö "kpeaga 'yi 'ö 'yaa gun "sɛɛdhö mü bha- -wɔn 'gü. ⁷'Yö- -kɔ "pɛan 'bha -yö =wennng "glɛɛn -kpɔɔ 'gü, 'yö

bho, "kɛɛ waa- 'glen -wo -bho 'ö 'wo -kpea wo "kwëë, 'yö "glen faan -yö -kë -ta 'gbiin- 'yö- zë. ⁸'Yö- -kɔ "pean 'dhe 'ö to 'ö =wɛnnɔ "sɛ -sɛ 'gü, 'yö bho faan -dede 'ka 'yö -dhi, 'yö- -kpaaga do ga- -kë -bha këng do.» =Dhe 'ö =ya ö bo "gwënnɔ bha- -da -sü 'ka "dhü, 'yö ö -wu "dhiü =wliü 'ö- pö: «'Me 'ö 'wɔn 'gü ma -mɛ 'ka -ya 'gü ma!»

(Matiö 13,10-17; Makö 4,10-12)

⁹=Dhe 'ö =ya kë "dhü, 'yö- -bha -klang -nu 'wo =yɔɔn- "sɔɔ 'wo- dhe" kpɔ 'wo- pö: «'Gwënnɔ 'i- -da bha- 'klɔɔ- -mü -më 'ka?» ¹⁰'Yö- -yɔ bɔ- -nu -gɔ 'ö- pö: «Ka -zë Atanna -bha -gblüdedhe 'gü -wɔn -nu 'ö gun -gblɛn 'kpɔ -sü 'ka 'ö mɛ 'bha 'yaa gun- do sië bha =yaa- -ta "pu ka -dhe, "kɛɛ mɛ -kpea 'kô 'wo to -a -nu -bha -zë, a -dho -dhiang zë- -nu -dhe "gwënnɔ =në- 'gü, kë "dhü kö- -nu "yan -ya -dhe yö "kɛɛ kö 'wa 'dho- do, kö- -nu "tu -ya ma, "kɛɛ kö 'wa 'dho- 'klɔɔ- do tongtongdhö.

¹¹"Kɛɛ "gwënnɔ 'a- -da bha- 'klɔɔ- =nɛ: Atanna -wu bha =në -dhe -mlüga 'wo- bɔ bha- 'dhö. ¹²-A 'dhe 'ö =wɛnnɔ zian -gloo "piü bha =në -dhe 'mɛ 'wo Atanna -wu ma 'ö =ya 'go mü 'ö Sɔtraan -yö nu 'ö- bho- -nu -zu -bha, kë "dhü kö 'wa 'dho 'dhang bho- "dhiü 'ö 'wo dha bha- -nu 'dhö. ¹³-A 'dhe 'ö =wɛnnɔ -gwë saa- "dhiü bha =në -dhe 'pö =dhe 'mɛ =wa Atanna -wu ma, 'ö 'wo sa- -ta 'wo- kun wo faan 'ka, "kɛɛ 'ö- yun 'yaa ziö- -nu 'gü, 'ö 'wɔn "gbu- 'në 'bha =ya -da -nu -ta kö =wa "tüng 'në 'bha kë 'mü 'wo -kan Atanna -wu -bha bha- -nu 'dhö. ¹⁴-A 'dhe 'ö =wɛnnɔ "glen 'gü bha =në -dhe 'pö =dhe 'mɛ 'wo Atanna -wu ma, 'ö 'wo 'dhang bho- "dhiü, "kɛɛ 'yö "kpungtaapë -nu 'ö -gban -zɔgɔndhe -nu oo, =nɔɔ -dho -nu oo, =niidadhe kë -sü -nu 'ö "kpung =taa yö -a -wɔn -bha bha 'ö- -nu -kan Atanna -bha 'yö 'wo- -wu 'ö- ma bha- =trɔɔn 'yaa kë- -nu -bha bha- -nu 'dhö. ¹⁵-A 'dhe 'ö =wɛnnɔ "sɛ -sɛ 'gü bha =në -dhe 'pö =dhe 'mɛ 'wo Atanna -wu ma, 'ö 'wo -wɪ -bha zuë" -sɛ 'ka 'ö 'wo -kplü -bha wo faan -gban 'ka, 'ö 'wo =trɔɔn -kë -dhe zuësadhe 'gü -a -nu 'dhö.

-Dhangbha "gwënnɔ 'ö Yesu -ya -da -a -dhiang 'ö Dhukö -ya zë

(Makö 4,21-25)

¹⁶=Dhe 'ö =ya ö bo- -pö "dhü -sü 'ka, 'yö "gwënnɔ -dee 'bha -da 'zü- -nu -dhe 'ö- pö: «'Me 'bha 'yaa -dhangbha do 'yaa 'dho 'yaa 'tea- kpa- -ta, "ɛɛn 'yaa dho 'yaa- -da "gbang =wliö, "kɛɛ -ya -sü 'ö- do -dhangbha -dɔtapë =në- -ta kë "dhü kö mɛ =ya -da 'kɔɔdhö kö -yö -dhe yö. ¹⁷-A -gen -mü -dhe pë "bu pë 'dhe 'kö -bin 'gü, -a =gban- -dho -wo "yɛa-, -a 'bha 'yii 'dho 'to -gblɛn 'kpɔ 'gü, 'sa 'wɔn "pepe 'ö- 'gü 'dhö tii, -a =gban -ta -dho "pu 'ö -ya 'yënnɔ- -dhe.

¹⁸=Dhe 'ö "dhü, -ka ka -zu 'to ka -di 'gü ka "tu -to 'wɔn -bha -kɔ 'gü; -a -gen -mü -dhe 'mɛ 'ö pë 'dhö- -gɔ 'ö- -ziö 'gü -ziö =në 'wo dho- -mɛ taa kë, "kɛɛ 'mɛ 'kö pë 'bha 'yaa- -gɔ, 'ö- seɛn" 'në 'dhe -zian 'ö- -gɔ 'yaa- -ziö 'gü ziö bha, -a 'dhe 'në ö -zu 'gɔn sië- -dhe bha, -wo -dho -a 'sü- -mɛ -gɔ.

'Me' ö Yesu -ya -nu do ö -bha me 'ka -a -dhiang 'ö Dhukö -ya zë
(Matiö 12,46-50; Makö 3,31-35)

¹⁹Yö -to -dhe bha- 'gü 'yö- dhe waa- dheebhang -nu 'wo nu- -keng-. "Këe -ko 'wo dho- kë- 'ka kö -wo -kpan -bha, 'wii- -ko yö me "bhu- "dhaa 'wo gun- -klëën -sü 'ka- -zü bha- -wɔn 'gü. ²⁰Yö 'wo nu 'wo- pö Yesu -dhe: «I dhe waa- i dheebhang -nu -wa nu, -wo "kpenngdhö, -wa "piü -dhe 'ka ka 'ko yö.»

²¹"Këe 'yö Yesu -ya -yɔ bɔ 'ö- pö: «N dheebhang 'bha 'yaa 'dhö kö 'yii kë 'me 'kö 'wo wo 'tu 'to Atanna -wu -bha 'wo- 'gü -wɔn -kë bha- -nu 'ka.»

Yesu -bha 'tëe -dha "kan -ko -dhiang 'ö Dhukö -ya zë
(Matiö 8,23-27; Makö 4,35-41)

²²Yi do 'ka 'yö Yesu waa- -bha -klang -nu 'wo -da "kplagɔnë do 'gü, 'yö- pö- -nu -dhe: «-Ka -kwa 'yi "kan 'kwa bɔ 'yi -taama!» 'Yö 'wo -ziö. ²³=Dhe 'wo 'dho sië, 'yö "tëe -dha -ziisü -yö -ya ban -sü -bha -a -nu -bha 'yi -ta mü, 'yö 'yi 'dhö -ya "kplagɔnë bha- pa -sü -bha "wë -yaan -yaandhö, kö -wa do -dhëng yaa "dhiü, "këe 'kö Yesu -zë -yö yi -në- zë sië. ²⁴Yö- -bha -klang -nu 'wo =yɔɔn- "sɔɔ 'wo pa- -bha 'wo- pö: «Yi Dëme, yi Dëme, =ya do 'ya- =zɔɔ -wa, ga =ya dun kwa -ta -wa!» =Dhe 'ö =wa 'pa- -bha "dhü, 'yö =wliü 'yö =gbla "tëe waa- 'yi kpö kpö -nu 'wo gun -da sië- -nu -gɔ "kplagɔnë 'gü bha- -ta, 'yö "tëe -yö bo ziö -sü 'ka, 'yö 'yi -dɔ 'pö 'ö bo zɔn -sü 'ka, 'yö -dhe -ta -yö do dingdhö. ²⁵=Dhe 'ö =ya bo -kë "dhü -sü 'ka, 'yö- pö ö -bha -klang -nu -dhe: «Ka -zu -yö n -dhe -dhe -në 'me 'sa?» "Këe 'ö gun "dhü kö "suü -ya -nu kë sië -dedewo kö 'wɔn bha- 'wɔn =yaa- -nu 'kɔn, 'yö 'wo -ya -a pö -sü -bha wo 'ko -nu -dhe 'wo- pö: «De suu -në ya -zɔɔ 'yö yö -zë 'ö ö faan -wo "tëe waa- 'yi -nu -gban -ta 'yö 'wo- -wu ma -ni -oo?»

Yesu -bha 'yina yaa -kë Zedhazeni -ko -dhiang 'ö Dhukö -ya zë
(Matiö 8,28-34; Makö 5,1-20)

²⁶Yö 'wo dho 'wo =loo -dhe 'wo gun dho sië- -bha Zedhazeni -së 'ö Gadhidhe -së "tüng 'gü bha- 'gü bha- 'gü. ²⁷=Dhe 'ö Yesu =ya 'go "kplagɔnë 'gü =ya zun 'sia-, 'yö me do 'bha 'ö go 'pödhe bha- 'gü bha 'ö nu do- -gɔ zian-. Me 'ö "dhü bha 'yina yaa kpö 'në 'bha -yö -gun 'gü. 'Ö gun "dhü kö -yi =ya -gwëë kö 'yaa sɔ -da ö -bha, kö 'yaa wo 'kɔɔdhö 'zü -zianwo, kö -yö -wo bun =taa -dhe -nu -në- 'gü. ²⁸=Dhe 'ö Yesu yö, 'yö =gbla "gbu- 'ka, 'yö zun ö kpiö 'gü Yesu -dhe kö -ya pö sië "gbu- 'ka 'ö- pö: «Yesu, Atanna 'ö dhang- 'gü -a gbö, 'kwa ma mü? "Een i -nu kö 'i n -wëëdhe bho -ee? -Bhö do "gbu- bhëa" =në 'a- wo i -dhe, 'bha 'dho n -wëëdhe bho!»

²⁹-A pö 'ö- wo "dhü bha- -gen -mü =dhe 'ö gun "dhü kö Yesu -ya pö sië- -dhe -dhe 'me 'ö ö -yëa kun- 'gü 'ö- yi =ya -gwëë bha -yö 'go- 'gü. 'Sa kö 'me 'ö bha -ko 'yaa =mɔɔ- -bha 'zü, kö =waa- -lö löɔga -nu waa- -piö döngga

-zian 'ka -a -gen -bha, -ya -kan ö "yina -nu bha 'wo- sü 'wo dho- 'ka "tungtadhe -nu 'gü. ³⁰'Yö Yesu -ya dheε" kpö 'ö- pö: «-Wo i -dhe -dhe?» 'Yö-pö: «-Wo n -dhe (-gblü "dhaa»); -a -gen -mü -dhe "yina -nu 'wo gun- 'gü bha -wo -gun 'gbε yaa wo. ³¹"Kεε kö -wo bhea" siε Yesu -dhe -dedewo kö 'ya 'dho wo kē 'mε bha- 'gü 'ö- -nu bɔ -klɔng züziösü 'gü.

³²"Tüŋg 'wo- kē siε- 'ka "dhü bha kö -bho kpö 'bha -yö -bhöpē mɔɔ- siε goo -bha -dhe 'bha 'gü -tɔn -bha mü. 'Yö "yina -nu bha 'wo -bhea Yesu -dhe kö -ya wo kē 'mε bha- 'gü -yö dɔ "gbu- -yö wo bɔ -bho kpö bha- 'gü kö 'wo -da -a -nu 'gü. 'Yö Yesu -ya -nu bɔ mü. ³³'Yö "yina -nu bha 'wo go 'mε bha- 'gü, 'yö 'wo dho 'wo -da -bho -kpluu bha- 'gü, 'yö -bho -nu bha 'wo dɔ -beang -bha 'wo go- 'ka goo -bha -dhe bha- 'gü, 'yö 'wo dho 'wo drung dɔ "yi -ta "gbεa 'ö gun mü bha- =bhaa, 'yö "yi -ya -nu -gban zē.

³⁴=Dhe 'ö 'mε 'wo gun -bho -kpluu bha- -gɔdhiömε -nu 'ka bha 'wo 'wɔn bha- -dhe yö, 'yö 'wo dɔ -beang -bha 'wo dho- -taɔng 'ka 'pödhε bha waa- -züüdhe =gban "pepe 'gü. ³⁵'Yö mε -yö go -dhe -nu bha- 'gü 'wo nu 'wɔn bha- -dhe -ga -dhe 'gü. 'Yö 'wo dho 'wo -kpan 'mε bha- -bha kö -ya kē "klüöklü =ya sɔ -da ö -bha kö -yö -ya siε Yesu "sɔɔ, kö "yina yaa bha- =gbaan 'go- 'gü dee" wo "pepεdhö kö- "yan 'gü =ya =söŋg. =Dhe 'wo- -dhe yö "dhü, 'yö "suü 'dhö -da -a -nu 'gü. ³⁶'Yö 'mε 'kö wo -zē 'wo gun 'mε bha- -kē "klüöklü -dhe =dede 'gü bha, -kɔ 'ö -kē 'ka 'yö 'mε 'ö "yina -kpa- -yö gun- 'gü bha 'ö dha, 'yö 'wo- -gen dɔ 'mε 'wo nu bha- -nu -dhe. ³⁷=Dhe 'ö =ya kē "dhü, 'yö "suü 'dhö -da mε "pepe 'wo gun Zenezadhe -se bha- 'gü bha- -nu -gban "pepe 'gü =dedewo, 'yö 'wo nu 'wo =bhea Yesu -dhe kö -yö 'dho -yö 'go wo -gɔ "se 'gü. =Dhe 'ö =ya kē "dhü, 'yö Yesu -yö -da "kplagɔnē 'gü 'yö ö yee -kē 'ö dho.

³⁸'Yö 'mε 'ö "yina yaa -yö gun- 'gü bha 'ö =bhea- -dhe kö 'ö 'to- -keng-. "Kεε 'yö 'yii 'wi- -bha, 'yö- pö- -dhe: ³⁹«-Bhö 'dho i -gɔ 'kɔɔdhö kö 'wɔn 'ö Atanna -ya -kē i -dhe bha 'i- -gen dɔ 'mε 'wo mü- -nu -dhe.

'Yö 'mε bha 'ö dho 'yö -da 'wɔn 'ö Yesu -ya -kē ö -dhe bha- -gen dɔ -sü 'ka 'pö- "piü.

**Yesu -bha Zedhiusö 'dhu waa- dhebhɔnē do -a -nu -kē "klüöklü -kɔ
-dhiang 'ö Dhukö -ya zē
(Matiö 9,18-26; Makö 5,21-43)**

⁴⁰=Dhe 'ö =ya ö "dhiü yee kē 'ö =ya "yi -ta "gbεa 'ö Zenezadhe bha- "kan 'zü -deewo, =ya 'dho =ya -loo -dhe 'wo "ta zü bho- -bha -blεesü bha- 'gü kö mε =gban "pepe "yan -ya -gɔ, kö mε "dhaa -yö dɔ siε- -gɔ mü, ⁴¹'yö gɔndēnē do 'ö -kē Zuifö -nu -bha Atanna -dhɔkägükɔ -gɔmε 'ka 'wo- -dhe Zedhiusö bha 'ö nu- "piü, 'yö zun- -dhe ö kpiö 'gü, 'yö =bhea- -dhe kö 'wo 'dho ö -gɔ 'kɔɔdhö. ⁴²-A pö 'ö- wo "dhü bha- -gen -mü =dhe 'ö gun "dhü kö- 'dhunē do 'ö- -gɔ, 'ö- -kwe =ya =mɔɔ -kaɔng do ga =plε -nu -bha bha- 'gü 'yaa -sē, kö =ya wɔ 'ya-. Yesu 'dhö gun 'dho siε mü "tüŋg 'ö- 'gü bha, kö mebhudhe -ya -keng- -yεεdhö, kö =ya dɔ- -nu -kɔ "bho 'gü sɔkɔɔdhö.

⁴³'Me 'wo gun- =keng- "dhü bha, dhebhönë do 'bha -yö -gun -nu kpö 'gü, 'ö- 'gü 'yaa gun -së. 'Ö gun "dhü kö -yɔɔn yën -yua 'ö zun- -bha -a -kwe =ya kē -kaɔng do ga =plɛ. Kö- =kwɛɛ =gbaan =wɛnng "yua bha- -pë kē -sü -ta -dhɔtrɔɔ -nu "piü, kö- -nu 'bha -kɔ 'yii =mɔɔ- dha -sü -bha. ⁴⁴Dhebhö bha 'yö bɔ Yesu =taama, 'yö =yɔɔn- "sɔɔ, 'yö ö -kɔ -yɛ -bha sɔ "zɔ -bha. -Yö -to -dhe do bha- 'gü, 'ö- -bha "yua 'ö gun- -bha bha 'ö bo. ⁴⁵'Yö Yesu -ya pö: «-Ka dɔ! De =në- -kɔ pa n 'ka bha?» =Dhe 'ö me =gban 'wo zun -dɪ -zë -sü -bha dhe" 'kpɔ 'ö- -kë bha- "dhiü, 'yö Piedhö -ya pö- -dhe: «'Yö dhe" suu -mɛɛ =në 'i- kpɔ "dhü, n Dëme? Me "dhaa 'ö ma i -zü ya 'bhaa- yö =në wo -ee?»

⁴⁶'Kɛɛ 'yö Yesu -ya -yɔ bɔ 'ö- pö: «A- -pö mɛ 'bha =ya -kɔ 'pa n 'ka! -A -gɛn -mü =dhe faan 'bha =ya 'go n 'gü, 'ma- -dhe yö.»

⁴⁷=Dhe 'ö dhebhönë bha =yaa- 'wɔn dɔ =dhe 'slüü- =ya bho ö -ta, 'yö -ya =zii -sü -bha, 'yö dho 'ö zun ö kpiö 'gü Yesu =wlöö, 'yö 'wɔn 'ö- -wɔn 'gü, 'ö pa- -bha sɔ 'ka bha 'ö- -gɛn bho mɛ =gban "pepe "yaan, 'yö -kɔ 'ö to- 'ka 'pö -dhe do bha- 'gü, 'ö- -bha "yua -yö bo bha 'ö- =gban pö. ⁴⁸'Yö Yesu -ya pö- -dhe: «N "teado, i -bha 'dhang -bho n "dhiü -sü =në i dha bha, -bhö i -bha 'dho wo i 'flëë- 'gü!»

⁴⁹-Yö -to -a pö "dhü -dhe 'gü, 'yö mɛ -yö go Zuifö -nu -bha -yakwëëkëgüko -gɔmɛ bha- -gɔ 'kɔɔdhö, 'yö- pö gɔndë bha- -dhe: «'Bha 'dho kwa Dëme ziö "yɛ 'gü "wɛɛwɛɛ, i 'dhu 'yaa mü 'zü.»

⁵⁰'Kɛɛ =dhe 'ö Yesu -yö -wu bha- ma, 'yö- pö -yakwëëkëgüko -gɔmɛ bha- -dhe 'ö- pö: «'Bha 'dho "suü, 'bha 'dhang bho n "dhiü, i 'dhu bha -yö -dho dha.»

⁵¹=Dhe 'ö dho 'ö -loo mü, 'yii "wɪ- -bha kö mɛ 'bha -yö -da ö =keng- 'kɔɔdhö kö 'yii kē Piedhö 'dhöö, Zan 'dhöö, Zakö waa- 'në bha- dhe waa- dë -nu -zë 'ka. ⁵²Kö 'mɛ 'kö 'wo gun mü, -a -nu =gban "pepe -wo "gbu =në- bɔ sië, 'ö 'wo -wëë -wu kpɔ 'në bha- ga -sü -wɔn 'gü. 'Yö Yesu -ya -nu -dhe -ga 'ö- pö: «'Ka 'dho "gbu bɔ, -a -gɛn -mü =dhe -yö yi =në- -zë 'yii ga.»

⁵³=Dhe 'ö- pö "dhü, 'yö 'wo =wɛɛ dɔ- -bha, -a -gɛn -mü =dhe 'ö gun "dhü kö -wa 'wɔn -dɔ 'kpakpadhö =dhe =ya ga. ⁵⁴'Kɛɛ =dhe 'ö =ya kē "dhü, 'yö Yesu -yö 'në bha- kun- -kɔ -bha, 'yö =gbla "gbu- 'ka 'ö- pö: «'Nëdhiëngnë, -bhö "wli!»

⁵⁵'Në bha -yö -to -dhe do bha- 'gü 'yö- 'nii- -sɛa -yö -da 'gü, 'yö =wli, 'yö Yesu -ya pö -wo nu- -dhe -bhöpë 'ka kö -ya -bhö.

⁵⁶'Yö 'wɔn bha- 'wɔn -yö 'në bha- 'kpɔmɛ -nu kɔn =dedewo, "kɛɛ 'yö Yesu -ya pö- -nu -dhe 'wa 'dho- -gɛn dɔ mɛ 'bha -dhe.

Yesu -bha ö -bha -klangdhiü -nu bɔ -kɔ -dhiang 'ö Dhukö -ya zë

(Matiö 10,5-15; Makö 6,7-13)

9 ¹Yi do 'ka 'yö Yesu -yö ö -bha -klang -nu -kaɔng do ga =plɛ bha- -nu -dhe -dhe do 'gü, 'yö "yina yaa -nu -kë mɛ 'gü -sü waa- "yuëdhi -nu

-kë "klöüklü -sü -faan -da -nu 'gü. ²=Dhe 'ö =yaa- kë "dhü, 'yö dho 'yö- -nu bɔ Atanna -bha -gblüädhe -dhiang zë -dhe 'gü mɛ -nu -dhe, kö =wa 'dho -wo "yuädhi -nu dha. ³=Dhe 'ö woo ziö, 'yö- pö- -nu -dhe: «Ka 'dho -sü 'ka, 'ka 'dho pë 'bha -pë 'bha 'kun ka -kɔ 'piü 'ta -kɔ 'ka -pë 'ka, 'ka 'dho -taadhü 'kun ka -kwɛɛ-, "ɛɛn -kwɛɛsügüpë 'bha 'ya 'dho kë ka -gɔ, -bhöpë 'ya 'dho kë ka -ta, "ɛɛn 'wëëga 'ya 'dho kë ka -ta. -Ka 'dho ka -kɔ 'waa ka -gen 'ka, sɔ do 'ö ka -bha bha -në -yö 'to ka -bha, 'ka 'dho- "wɛɛ bha 'sü. ⁴=Ya kë -dhe 'ka 'dho, =wa ka =yëë bho 'kɔ 'ö- 'gü, -ka 'to yö =në- 'gü kö -yö 'to "dhü -yö zun- 'ka ka 'dho -yi -bha, kö 'ka 'dho 'go mü 'ö 'ka dho ka =yëë bho -dhe "wɛɛ 'bha 'gü ('ö -siö ka -dhe ng bho -nu -dhe ka "piü). ⁵=Ya kë -dhe 'ka -da 'pödhe 'ö- 'gü, -a 'gü -mɛ -nu 'wii "wɪ ka =yëë bho -wɔn -bha, -ka 'go mü kö 'ka 'dho. "Kɛɛ ka 'dho -sü 'ka, 'ka ka -gen -bha -ma kö -bobi 'ö dɔ ka -gen -bha 'pö- bha- 'gü bha, -yö 'go ka -gen -bha kö -wa 'wɔn dɔ -dhe ('wa wo -dɪ zë za 'ka Atanna wëëdhö dhia").»

⁶=Dhe 'ö =ya ö bo ö -wu -kɔ -a -nu -bha -sü 'ka -dhe -kɔ bha- 'dhö, 'yö 'wo dho 'wo -da 'pö- -nu -bhiëë "piü, Atanna -bha -gblüädhe -wɔn -dhiang zë -sü 'ka, kö -wo "yua -nu bho sië mɛ -nu -bha.

Edhodö -bha -ya zuëdhiütɛ -ta -kɔ -dhiang 'ö Dhukö -ya zë
(*Matiö 14,1-12; Makö 6,14-29*)

⁷=Dhe 'ö Edhodö 'ö gun Gadhidhe -sɛ =kɔɔnmɛ 'ka bha =ya 'wɔn -nu 'wo gun kë sië bha- -nu ma, yöö ö -bha pö -kɔ 'ö- 'gü -a -kɔ 'yaa gun, -a -gen -mü -dhe 'ö gun "dhü 'kö 'mɛ 'wo Yesu -wɔn -dhiang zë sië -a -nu -wu 'yaa do. Kö mɛ 'bha -nu -wa pö sië -dhe Zan Mezume 'ö Edhodö -ya zë bha -në =ya -bö,

⁸"ɛɛn Atanna -wudhiüloomɛ Edhi 'ö gun yi 'bha 'ka bha -në =ya nu, "ɛɛn 'zü -a -wudhiüloomɛ "wɛɛ 'bha -nu -në- mɛ do 'bha =ya -bö -deewo, (kö -wo "wɪ sië- 'ka "dhü yuudhö).

⁹"Kɛɛ kö Edhodö -zë -ya pö sië: «"Kɛɛ mɛ 'dhe 'kö 'wo- -dhiang "sinma zë sië ya de -mü 'sa "kɛɛ kö 'ma Zan -zë zë?»

Kö -ya "slë mɔɔ- sië kö 'ö -kpan Yesu -bha.

Yesu -bha bɔmɛ -nu yee kë -sü -dhiang 'ö Dhukö -ya zë
(*Matiö 14,13-21; Makö 6,30-44; Zan 6,1-14*)

¹⁰=Dhe 'ö Yesu -bha bɔmɛ -nu bha =wa wo yee kë -wa nu, 'yö 'wo -ya 'wɔn -nu 'wo- -kë mü -a -nu -gen dɔ -sü -bha -a -dhe. 'Yö- -nu sü, 'yö 'wo dho wo -dɪ -ta -dhe 'bha 'ö 'pödhe 'wo Besaida -dhe -kë bha- "sɔɔ bha- 'gü. ¹¹=Dhe 'ö mɛ "dhaa 'wo gun Yesu =keng- bha 'wo- 'wɔn dɔ -dhe =ya 'dho, 'yö 'wo -ziö =keng-. =Dhe 'ö =yaa- -nu yö kö -wo nu sië ö mɔɔ- -dhe 'gü, 'yö ö -kɔ -ya -a -nu -dhe ng -bha. 'Yö zun Atanna -bha -gblüädhe -dhiang zë -sü -bha -a -nu -dhe, kö -yö mɛ 'dhe "yua 'dhö gun- -nu -bha 'ö- -nu -mawɔn 'dhö gun dha -sü -bha -a -nu dha sië 'pö.

Yesu -bha me "gblü "sɔɔdhu "dhiü gba -kɔ -dhiang 'ö Dhukö -ya zë

¹²Dhe 'ö -ya dhiang zë 'me bha- -nu -dhe "dhü, 'ö "bin 'dhö 'ma sië, 'yö- -bha -klang -nu -kaɔŋ do ga =ple bha 'wo -yɔɔn- "sɔɔ 'wo- pö- -dhe: «Yi Dëme, -bhö i -wu 'kpɔ 'me 'wo ya- -nu -bha kö 'wo 'dho wo -yëë -nu, waa- wo -bhöpë -nu mɔɔ- -dhe 'gü, 'pö- -nu "ɛen gbɛɛtadhe -nu 'wo kwa -züzü ya- -nu 'gü; -a -gen -mü =dhe -dhe 'kwa- bha ya "tungtadhe -mü, 'kɔ 'bha 'yaa mü kö yöö 'to -bhöpë =në- -bha.

¹³Yö Yesu -ya -yɔ bɔ- -nu -gɔ 'ö- pö: «Ka -në -kaa -nu "dhiü gba!»

"Kɛɛ 'yö 'wo -yɔ bɔ- -gɔ 'wo- pö: «Bluu- bhe "sɔɔdhu waa- 'yuüga =ple =në -ya 'to, 'pë 'ö yi -gɔ -a -kpɛa =në bha. =Ya 'to yö -zë -bha kö 'dho =në yii- wo me -tu "tu ya- -nu -bhöpë 'dho -dhe 'gü.

¹⁴"Kɛɛ 'sa 'me 'wo gun -dhe bha- 'gü, -wo -gun 'gbɛ =dedewo tean- 'ka, -a -gen -mü =dhe gɔɔn- -nu 'wo gun mü -wo -mɔɔ me "gblü "sɔɔdhu -nu -bha (kö 'wii 'në -nu waa- dhong -nu -da mü).

'Yö Yesu -ya pö ö -bha =klang -nu -dhe: «-Kaa -nu dan -kaɔŋ "sɔɔdhu "sɔɔdhu kö 'ka- -nu -yɛa baa-.» ¹⁵'Yö 'wo- -nu -yɛa =baa =dhe -kɔ 'ö- pö- 'ka bha- 'dhö, 'yö- -nu =gban "pɛpɛ 'wo wo -yɛa kun. ¹⁶'Yö Yesu -yö ö -kɔ -da 'bluu- bhe "sɔɔdhu waa- 'yuüga =ple bha- 'gü, 'yö ö "yan "dhiü -wliü dhang- 'gü, 'yö Atanna nuɛ" bho- -wɔn 'gü, 'yö- -nu "kplü "kplü bho, 'yö- nu ö -bha -klang -nu -dhe kö -wa 'gü -gblü 'me 'wo bha- -nu -ta. ¹⁷'Yö 'wo- 'gü -gblü, 'yö 'me 'wo bha- -nu =gban "pɛpɛ 'wo pë -bhö 'wo kën kpɛnngkpɛnngdhö, 'yö- -kpɛa -yö to, 'yö- -bha -klang -nu 'wo- -kpɛa bha- -loo töö -kaɔŋ do ga =ple 'gü 'yö- pa.

**Piedhö -bha Yesu -dɔ Atanna -bha -Yame 'ka -kɔ waa- Yesu -bha ö ga
-wɔn waa- ö -bö -wɔn -dhiang 'ö Dhukö -ya pö
(Matiö 16,13-19; Makö 8,27-29)**

¹⁸Dhe 'ö yi do 'ka kö Yesu -yö bheɛ" sië Atanna -dhe ö -dɔ -ta -dhe 'bha bha- 'gü waa- -bha =klang -nu 'dhö, 'yö dheɛ" ya- kpɔ- -nu -gɔ 'ö- pö: «Ka- ma -dhe de suu -në n 'ka?»

¹⁹'Yö 'wo- -yɔ bɔ- -gɔ 'wo- pö: «('Mɛ 'wo i -dhiang zë sië) -a -nu -wu 'yaa do, me 'bha -nu -wa -pö Zan Mezume -mü i 'ka, "ɛen Edhi -mü i 'ka, "ɛen 'zü Atanna -wudhiüloome -nu 'wo gun yi 'bha 'ka bha -në- me 'bha =ya -bö.» ²⁰'Yö Yesu -ya pö- -nu -dhe: «'Yö ka -zë =we, ka ka -bha -pö 'gü =dhe?»

'Yö Piedhö -ya -yɔ bɔ- -gɔ 'ö- pö: «Atanna -bha -Yame -mü i 'ka, n Dëme.»

(Matiö 16,20-28; Makö 8,30-38; 9,1)

²¹'Yö -dhio dɔ- -nu -ta glɔɔglɔdhö 'ö- pö 'wa 'dho- pö "dhü me "wɛɛ 'bha -dhe.

22=Dhe 'ö =yaa- pö- -nu -dhe "dhü, 'yö go mü ö- -ta yɔ 'ö- pö: «A -dhea -bha -dhe mang Məgböme 'a sēē bho =dedewo, kö Zuifö -nu -bha me zii -nu -wo wo -kɔ "kan n "dhiü, waa- "saabhöme -nu -gɔme -nu waa- 'tɔnggɔme -nu 'dhö, kö -wo n zē, kö 'a -bö -a -dhekpaɔyi -yaaga -naa 'ka.»

-To Yesu "piü -kɔ -dhiang 'ö- zē 'ö Dhukö -ya pö

23=Dhe 'ö =ya ö bo- -pö "dhü -sü 'ka, 'yö- pö 'me 'wo gun mü -a -nu =gban "pepe -dhe 'ö- pö: «Me 'ö- "piü =dhe 'ö bɔ n 'ka, -a me -yö ö bo ö -dɪ 'ka kö -yö sēē bho 'pö =dhe n 'dhö yi =gban 'ka. 24-A pö 'a- wo "dhü bha- 'klɔɔ- -mü =dhe me "ʊ me 'ö dho kē- "piü =dhe 'ö ö -dɪ dha -dhe mɔɔ- ö -dɪ -dhe, -a -me -gɔ -dho 'to- 'gü, "kɛɛ me 'ö -kɔ -kan ö -dɪ -wɔn "dhiü ma -zē n -wɔn 'gü, -a -me -dho dha. 25"Ɛɛn pē "pepe 'ö "kpung =taa -a =gban =slɔɔ -sü kö -yö kē me -gɔ, "kɛɛ kö- -me 'nii- -zē -yö =dhɛng, "ɛɛn kö- 'gü -yö see-, ('kö 'ya 'dho -da Atanna -bha -gblüädēdhēkēdhe 'gü -dhe 'bha -kpaɔ -yi 'ka) -gen -mü -mē 'ka? 26-A pö 'a- wo "dhü bha- 'klɔɔ- -mü =dhe 'me "ʊ me 'ö dho 'yiü- kē n 'tɔ -pö ö -bha -sü 'ka, "ɛɛn 'ö dho 'yiü- kē n -wu -pö me -nu -dhe -sü 'ka, a -dho 'yiü- kē 'pö- -me -gɔ yi 'ö mang Məgböme 'a dho nu- 'ka ma 'tɔbhɔdhe 'gü yaa ma "kiē 'slüöslü -nu bha- -nu 'dhö n dē -bha -gblüädēdhe 'gü bha- 'ka.» 27'Yö- pö: «A- -pö ka -dhe tɛan- =dede 'ka =dhe: Me 'wo -dhe ya- 'gü ya- =gban 'wii 'dho ga kö Atanna -bha medhe bha- zü 'yii bho -kö.»

Yesu -bha ö 'gü "gla -kɔ -dhiang 'ö Dhukö -ya zē (Matü 17,1-8; Makö 9,2-8)

28=Dhe 'ö =ya ö bo dhiang -nu bha- zē -sü 'ka "dhü, 'ö -dhekpaɔyi -ya kē "saaga, 'yö Piedhö 'dhö, Zan 'dhö, Zakö 'dhö -a -nu sü 'yö 'wo dho -bhea Atanna -dhe -dhe 'gü -tɔn 'bha bha- =gbin-. 29=Dhe 'ö =wa zun bhea" -sü -bha, 'yö Yesu wēēdhe -yö -gla, 'yö- -bha -sɔ 'bhü 'dhö -ya bho -sü -bha -papadhö. 30'Wo dho "kan wo -ta kö me =ple -wo dɔ siē- "sɔɔ mü kö -wo wo -gɔ dun siē. Atanna -wudhiüloome -nu =ple 'bha 'wo gun yi 'bha 'ka 'wo- me do -dhe Moizö, 'wo- me do -dhe Edhi bha. 31"Kɛɛ kö Atanna -bha -gblüädēdhe ö dhang- 'gü bha- 'bhü -yö dɔ siē- -nu -bha, kö- -nu kwi "yan- bho siē -papadhö, kö 'wɔn 'ö yöö 'dho- kē Zedhizadhémö, -a zē 'ö woo- wo kö -yö kē 'wɔn 'ö nu- 'gü "kpung =taa -a -gɔ dɔ -kɔ 'ka bha -wa -dhiang zē siē. 32-A "tüng bha- 'gü kö Piedhö waa- ö "teabɔ -nu -a -nu "yankɔ =gbaan kē 'gbin- 'gbin- 'ka yi kɔɔ, "kɛɛ yö -zē =gban 'gü, -wo -to wo "yaan 'ö 'wo wo "yan -kpan Yesu -bha medhe 'bhü bha- -bha waa- me =ple bha- -nu 'dhö. 33=Dhe 'ö me =ple bha woo "kan Yesu -bha, 'yö Piedhö -ya pö- -dhe 'ö- pö: «N Dēme, 'kwa -ya -dhe ya- 'gü -yö -dho kē -sē "dhe! -Ka nu kö 'kwa sɔ -kɔ -yaaga dɔ -dhe ya- 'gü kö -a do -yö kē i -bha 'ka, kö- do -yö kē Moizö -bha 'ka, kö- do -yö kē Edhi -bha 'ka -dhe!» "Kɛɛ -a pö 'ö gun wo siē "dhü bha 'yaa gun- 'gü ma siē ö -dɪ -gɔ.

34-Yö -to dhiang bha- zē -dhe 'gü, 'yö "dhuu -yö go dhang- 'gü 'yö nu 'yö kpa Yesu waa- me =ple 'ö weng- -nu 'wo gun wo -gɔ dun siē bha- -nu -bha.

-Dhe 'ö =klang -nu bha 'wo- -nu -da "dhuu 'gü -dhe yö "dhü, 'yö "suü 'dhö -da -nu 'gü. ³⁵Yö -wu do 'bha -yö bɔ "dhuu bha- 'gü 'ö -wɪ 'ö- pö: «N Gbö (do 'ö n -gɔ) 'yö ya, -ka ka "tu to- -wu -bha!»

³⁶-Dhe 'ö -wu bha =ya bo "wɪ -sü 'ka "dhü, 'wo dho -dhe -ga kö Yesu =ya 'to ö do 'ka. "Kee 'wɔn 'wo- -dhe yö bha 'wo go mü 'wii- -gen dɔ me 'bha -me 'bha -dhe -a "tüng 'dhe kö bha- 'gü, (-yö kē -to -a -nu zuē "piü).

**'Nē 'bha 'ö "yina yaa -yö gun- 'gü Yesu -bha -a -kē "klöklö -kɔ
-dhiang 'ö Dhukö -ya zē**

(Matiö 17,14-18; Makö 9,14-27)

³⁷-Dhe 'ö -ta -dhe =ya =kpaɔ, 'ö =wa 'go -tɔn =gbin- =wa lɔɔ-, 'yö me kpö 'bha -yö nu Yesu -dhe 'gü. ³⁸Yö me do -yö bɔ 'me 'wo bha- -nu kpö 'gü 'ö- pö: «N Dēme, -bhö "ta n -dhe -dhe! -Bhö dɔ "gbu- kö 'i n gbö ya- -wēē -ga -dhe! -Yö n -gɔ "dhü doseng -wa, ³⁹yua 'ö ma 'nē ya- -bha ya "yina -yua -mü. -A "yina bha =ya -da 'gü, 'yö -ya "gbla -sü -bha, 'yö =ya -dɪ zē- 'ka -gblagbladhö. 'Yö- "dhidhi "vuu -yö bhɔ, 'yö 'yaa 'wɪ- -bha kö -yö 'go- -ta "vaandhö "kee kö =yaa- -zlukpa bho kö "sɪ 'bha 'yaa- -dhe 'zü. ⁴⁰-Dhe 'a nu- 'ka, a- -nu i -bha =klang -nu ya =nē- -nu -dhe =kö -blēesü kö -wa dha n -dhe, "kee 'yö- -nu -kɔ 'yii =mɔɔ- -bha.»

⁴¹-Dhe 'ö =ya ö bo- -pö "dhü -sü 'ka, 'yö Yesu -ya pö 'me 'wo gun mü bha- -nu -dhe 'ö- pö: «Gɔɔgbume -nu, suuyaame -nu 'ka ya, 'kaa "wɪ 'ö- wo- -bha kö 'ka 'dhang bho Atanna -bha 'gügbudhe "dhiü ya -yö ka 'gü -dhe a -dho 'to ka "piü 'ö 'a ka -kwē bun "dhü -kpeawo -ee?» 'Yö- pö 'me bha- -dhe: «-Bhö nu i gbö bha- 'ka n -dhe yö!»

⁴²-Dhe 'ö 'nē bha 'ö =yɔɔn Yesu "sɔɔ, 'yö "yina bha 'ö =wli- 'gü, 'yö- -zuö 'sia-, 'yö zun -dɪ zē -sü -bha "gbu- 'ka, "kee 'yö Yesu -yö =gbla "yina yaa bha- -ta, 'yö 'nē bha- dha, 'yö- sü 'ö- dɔ- dē -gɔ. ⁴³-Dhe 'ö =ya kē "dhü, 'yö me =gban "pepe 'wo 'dhang bho Atanna -bha 'gügbudhe -bha -kē -ziisü -sü "dhiü.

(Matiö 17,22-23; Makö 9,30-32)

"Dhabhliwɔn -nu 'ö Yesu gun kē siē bha, 'me 'wo bha -wo -to -a din "piü, 'yö Yesu -ya pö ö -bha =klang -nu -dhe 'ö- pö: ⁴⁴«Me 'kö 'ka bha ka -zē, -ka ka "tu 'to n -ta -sē 'ka kö dhiang 'ö maa- zē ka -dhe bha =nē 'ya 'dho 'go ka "yaan. Yö -mü -dhe mang Megböme -wo -dho n =gbaɔ me "bhu- -nu -gɔ,

⁴⁵"kee -a -bha =klang -nu -zē 'waa gun -wu bha- 'gü ma siē, -a 'gü- -gun -nu 'gü tii, 'ö 'waa- 'klɔɔ- dɔ. 'Sa -wo gun "suü siē- -gɔ, 'wii- dheē' 'kpɔ kö -ya 'klɔɔ- pö- -nu -dhe.

Yesu -bha =klang -nu -bha -due -ta kɔɔ- -kɔ -dhiang 'ö Dhukö -ya zē

(Matiö 18,1-5; Makö 9,33-37)

⁴⁶"Kee 'sa kö 'wɔn 'ö -gban 'me 'wo bha- me 'dhe 'ö- -due dho kē 'kpii- dhang- 'gü dhia" -a -wɔn -bha bha -wo wo 'ko 'kun siē- 'gü. ⁴⁷-Dhe 'ö Yesu

=ya 'wɔn 'ö gun- -nu -gɔ 'gü bha- dɔ, 'yö 'në 'dede do sü 'yö- dɔ ö "sɔɔ, ⁴⁸'yö-pö- -nu -dhe: «Mε "ʊʊ mε 'ö =bhlëë -ya 'në suu 'ö =ni- -bha n -wɔn 'gü kö -yö =bhlëë -ya ma =në n -bha bha. 'Mε 'ö n =bhlëë -ya 'pö kö -yö =bhlëë -ya 'mε 'ö n bɔ =në- -bha bha. -A -kë 'dhü -sü -wɔn 'gü, 'mε 'ö dho ö -dɪ kë mε sɛɛn' 'nësü 'ka ka kpö 'gü bha, -a -mε =në dho kë mε 'kpii- 'ka dhang- 'gü.

**Me -klang kë -wɔ 'ö -gban 'mε 'wii nu kwa -gɔ kö -wɔ -
bɔ kwa 'ka -a -bha 'ö Yesu -ya pö
(Makö 9,38-40)**

⁴⁹=Dhe 'ö =ya ö bo- -pö "dhü -sü 'ka, 'yö Zan -ya pö- -dhe: «N Dëme, 'dho 'yi- wo i -bha naɔ -së bha- dɔ -dhe 'gü bha yi -kpan mε 'bha -bha kö -yö 'yina yaa kë sië mε -nu 'gü i 'tɔ 'gü, "kεε kö 'yaa- dɔ, 'yö 'yi- pö- -dhe -yö 'to- -gɔ -naa 'ka.»

⁵⁰'Yö Yesu -ya -yɔ bɔ- -gɔ 'ö- pö: «'Ka 'dho- -kɔ bho- -bha, -a -gen -mü -dhe 'mε 'kö 'yii dɔ ka -gɔ -gblü gɔɔn -yan -zë 'gü kö -yö -bɔ ka 'ka.

**Samadhi -pö do 'bha 'gü -mε -nu -bha -kɔ Yesu -dheng
=yëë bho -sü 'ka -kɔ -dhiang 'ö Dhukö -ya zë**

⁵¹=Dhe 'ö "tüng 'ö Yesu dho 'go- 'ka "kɔpung =taa =ya 'to klöö-, 'yö- "dhiü =wliü- -bha kö 'ö 'dho Zedhizadhëmö. ⁵²=Dhe 'ö -da zian -ta, 'yö mε bɔ ö "dhiü. 'Mε 'ö- -nu bɔ bha 'yö 'wo dho 'wo -da Samadhi -pö do 'bha bha- 'gü, 'yö 'wo -ya Yesu =yëë bho 'gü -kɔ mɔɔ- -sü -bha. ⁵³"Kεε 'yö 'wii "wɪ- -bha kö -wa =yëë bho 'dho 'ö- wo sië Zedhizadhëmö Atanna -dhɔkëdhe 'gü bha- -wɔn 'gü (-a -gen -mü -dhe 'waa gun "wɪ sië- -bha kö Zuifö -nu -wo bɔ wo -gɔ 'pödhö -wo 'dho wo -bha Atanna -dhɔkëdhe 'gü Zedhizadhëmö).

⁵⁴=Dhe 'ö Zakö waa- Zan 'wo -kë -a -bha -klangdhiü -nu 'ka bha, 'wo 'wɔn bha- -dhe yö, 'yö 'wo- pö- -dhe: «'Yi Dëme, -bhö dɔ 'sa kö 'yi peng -gbadhe Atanna -gɔ dhang- 'gü kö -yö 'mε 'wo ya- -nu -bhö -dhe!»

⁵⁵'Yö Yesu -yö ö wë bɔ- -nu -ta, 'yö -dɔn bho- -nu 'ka ['ö- pö: «"Yina suu 'ö -da ka 'gü 'yö 'ka dhiang suu bha- zë sië bha 'kaa- dɔ; ⁵⁶-a -gen -mü -dhe mang Mεgböme 'mii nu kö 'a mε -nu 'nii- zë 'gü see-, a -nu kö 'a- -nu dha =në- wo.] 'Yö 'wo -ziö 'wo dho 'pödhe "wεε 'gü.

**-Bɔ Yesu 'ka -kɔ -dhiang 'ö Dhukö -ya zë
(Matiö 8,19-22)**

⁵⁷=Dhe 'ö =wa ziö 'wo 'dho sië, 'yö mε do 'bha -ya pö- -dhe: «N Dëme, a -dho 'dho i -keng- -dhe =gban 'pεpε 'gü.»

⁵⁸'Yö- -yɔ bɔ- -gɔ 'ö- pö: «('Bha- pö "dhü ma -zë n -bha 'yaa 'gbu- "kεε) -yö kë i "yaan =dhe "sakpadë -nu -yε -dhö 'wo -wɔ 'gü, 'ö -maa -nu 'kɔ 'dhö 'dhö, "kεε mang Mεgböme -zë, n -gɔ -dɔ =wlöö -pë -zian 'yaa 'dhö.»

⁵⁹'Yö- pö mε "wεε 'bha -dhe: «-Bhö nu kö 'i -da n -keng-!» "Kεε 'yö 'mε bha 'ö- -yɔ bɔ Yesu -gɔ 'ö- pö: «N Dëme, -bhö dɔ 'gbu- kö 'a 'dho =kö kö n dë =ya ga yi 'ö- 'ka 'ma- -wεε bho kö 'a nu -dhe!»

60 "Kee 'yö Yesu -ya -yɔ bɔ- -gɔ 'pö 'ö- pö: «-Bhö i kwaa- 'me Atanna -ya -nu sü -dhe me -gee 'dhö bha- -nu -zü kö -wo wo 'ko -nu -wεε bho, bhi -zë, -bhö 'dho Atanna -bha -gblüdédhe -wɔn -dhiang zë me -nu -dhe.»

61 'Yö me do "wεε 'bha -ya pö: «N Dëme, a -dho 'dho i -keng-, "kee -bhö dɔ kö 'a 'dho n -wu -da -dhe 'gü n -gɔ 'kɔɔme -nu -dhe.»

62 'Yö- -yɔ bɔ- -gɔ 'ö- pö: «Me "ʊ me 'ö -ya 'dhang bho n "dhiü, -a -dhea -bha -dhe- -me -yö -dhe -ga ö "dhiü do kö -yö 'dho- 'ka, kö 'ya 'dho -dhe -ga ö -taama, 'me 'ö -dhe -ga ö -taama kö- -me 'yaa -tosea -kë Atanna -bha -gblüdédhe 'gü -me 'ka.»

**Yesu -bha ö -wu -kpɔ ö -bha -klangdhiü -nu -kaɔng "saɔplɛ
'ö- -nu bɔ bha- -nu -bha -kɔ -dhiang 'ö Dhukö -ya zë**

10 1=Dhe 'ö -ya kë "dhü, 'yö Yesu -yö -kɔ -ye 'zü 'me 'wo gun- -keng- bha- me -kaɔng "saɔplɛ "wεε 'bha -bha, 'yö- -nu dan =plɛ =plɛ, 'yö- -nu bɔ ö "dhiü 'pödhɛ "pepe 'ö -bɔ 'gü -wɔn -yö gun- -bha bha- -nu 'gü. 2=Dhe 'ö yöö- -nu bɔ =dhe -kɔ bha- 'dhö, 'yö -wu kpɔ- -nu -bha 'ö- pö: «Atanna -bha yë 'ö- këwɔn 'dhö 'dhö bha -kaa -ta -ga. 'Ö =dhe -mlü 'dhö kö yö =në -ya -pë kë -dhe =gban "pepe 'gü bha, "kee -a "kan -me 'yaa 'dhö. =Dhe 'ö "dhü, -ka bhea" 'bhlaadë -dhe kö -yö ö -bha -mlü bha- "kan -me bɔ.» 3 'Yö- pö- -nu -dhe: «-Ka 'dho, "kee ka bɔ 'a- wo bha- 'wɔn kë ka "yaan -dhe a ka -bɔ =dhe me "bhlaanë -nu bɔ laa -nu kpö 'gü. 4 Ka 'dho -sü 'ka 'ka 'dho 'wëëga -da ka -ta, =kwεεsügüpë 'bha 'ya 'dho kë ka -gɔ. "Een 'ka 'dho -sabha =plɛ -naa -da ka -ta. 'Me "ʊ me 'ö 'ka -kpan -bha zian -ta, 'ka 'dho- =tua bho. 5 'Ka 'dho 'ka -da 'kɔ 'ʊ 'kɔ 'ö- 'gü, 'ka -da 'kɔɔdhö 'mü, -wu -blɛsü 'ka dho- pö yö -mü -dhe: «Zuëwaanüsü -yö kë 'kɔ ya- 'gü -me -nu ka -gɔ!» 6 'Ka- pö "dhü, =ya kë -dhe 'me 'ö zuë" 'waanü -sü 'ö go Atanna "piü bha- -dho 'dhö- -bha =ya kë 'kɔ bha- 'gü, ka -bha 'dhuë- bha -yö -dho -a -me 'kun, "kee yö -zë 'yi kë "dhü, ka -bha 'dhuë- -dho ö yee kë 'ö nu ka "piü. 7 'Ka 'dho zïö 'kɔ 'gü -zaadhö (kë "dhü 'ö -siö ka -dheng bhɔɔ -nu -dhe), =wa ka =yëë bho 'kɔ 'ö- 'gü, -ka 'to mü kö 'pë 'wo- nu ka -dhe, -yö -kë -bhöpë 'ka oo, -yö -kë müpë 'ka oo, kö 'ka- -bhö, "een kö 'ka- mü; -a -gen -mü -dhe 'me 'ö yë -kë, -a -dhea -bha -dhe -wa -saa bho. 8 'Ka -da 'pö- "ʊ 'pö- 'ö- 'gü kö -wo ka -dheng -zë 'kun, pë "ʊ pë 'wo- nu ka -dhe -bhöpë -zë 'ka -kaa -bhö. 9 Kö 'ka "yuédhi -nu 'wo 'pö- bha- 'gü -a -nu dha, kö 'ka- pö 'pö- bha- 'gü -me -nu -dhe: «Atanna -bha -gblüdédhe =ya -tëng ka -ta.» 10 =Ya kë -dhe 'ka -da 'pö- "ʊ 'pö- 'ö 'gü kö- 'gü -me -nu 'wii ka =yëë bho (Atanna -wu -san -bha -a -me -nu kë -sü -wɔn 'gü), -ka 'dho kö 'ka dɔ "dheédhó 'ka- pö 'pö- bha- 'gü -me -nu -dhe =dhe: 11 «-Bobi -zian 'ö yi -gen kun ka -gɔ 'pö- ya- 'gü ya =në 'yi- bho sië yi -bha ya, (kö ka -bha "dhang 'ka- -mɔɔ bha -yö 'to ka -ta). "Kee -yö kë -zë wo ka "yaan =dhe Atanna -bha -gblüdédhe =ya dun ka -ta. 12 =Ya kë =dhe 'ka- pö "dhü, a- pö ka -dhe tɛan- =dede 'ka -dhe kö Atanna -bha me "bhü- -nu dhe" 'kpɔ -yi bha -yö =loo, 'wɔn 'ö dho wɔ

'pö- bha- 'gü -mε -nu -ta -a "dhiü -dho ziö 'wɔn 'ö- -wɔ Sodomö -mε -nu (ö- wɔn "dhia 'yaa gun- -nu 'gü 'pö yi 'bha 'ka bha- -nu -ta) bha- -ta.

**Yesu -bha 'pödhe 'ö- 'gü -mε -nu 'wii 'dhang bho- "dhiü -a 'vee- ziö -kɔ
-dhiang 'ö Dhukö -ya zë
(Matiö 11,20-24)**

¹³Yö =në- -wɔn 'gü 'yö Yesu -ya pö: «Kodhazen -mε -nu, ka 'vee-! Besaida -mε -nu, ka 'vee-! -A -pö ka -dhe "dhü -gen -mü -dhe "dhabhliwɔn -nu 'a- -kë -nu wo ka kpö 'gü bha, =ya kë -dhe a- -kë "dhü Tii- -pö waa- Sidɔn -pö -nu -në- 'gü, kö- -nu -gbɛʊv kë Atanna -dhe -yi 'yaa =dεε. ¹⁴-A -kë "dhü -sü 'gü, Atanna -bha mε "bhu- -nu dhεε" 'kpii- 'kpo -yi bha =ya =loo yi 'ö- 'ka, 'wɔn 'ö -kë 'mε 'wo gun 'pödhe 'wo- Sidɔn waa- Tii -pö -kë bha- 'gü yi 'bha 'ka bha- -nu 'ka bha- fië- -dho kë ka -bha -bha. ¹⁵Kapεεnaɔmö -mε -nu, kaa -du 'pö =wε! -Yö -kë ka 'gü =dhe ka -zë 'ka kpea- ka -gɔ =ya zun dhang- -bha, "kεε ka -gɔ -dho lɔɔ- 'ö dho 'ö -sɔ peng -kaso 'ö =geebɔɔ bha- 'gü.

¹⁶=Dhe 'ö =yaa- pö "dhü, 'yö go mü 'zü 'ö- pö ö bha =klang -nu bha- -nu -dhe 'ö- pö: «=Ya kë =dhe 'ka 'dho mε 'ö =ya "tu 'to ka -wu -bha kö =ya "wɪ ma =në n -wu -bha bha, -εε 'mε 'ö -kɔ 'zü ka -wu 'ka kö -yö -kɔ ma =në n -wu 'ka bha, 'sa kö- -mε -yö -kɔ 'pö 'mε 'ö n bɔ =në- -wu 'ka bha.

**Yesu -bha =klang -nu 'wo dho bha -a -nu "kpläng
bho -dhe -kɔ -dhiang 'ö Dhukö -ya zë**

¹⁷=Dhe 'ö mε -kaɔng "saɔple bha =wa 'dho, -a -nu yee kë -sü 'ka -wo -nu =niidadhe =dede 'ka. =Dhe 'wo nu 'yö 'wo- pö wo Dεme -dhe: «Yi Dεme, 'dho 'yi- wo bha "yina yaa -nu -zian -wo kë wo -gɔ -lɔɔ yi -dhe i 'tɔ 'gü!»

¹⁸'Yö Yesu -ya -yɔ bɔ- -nu -gɔ 'ö- pö: «-A -kë "dhü -sü 'wɔn 'ya 'dho ka 'kɔn,) -a -gen -mü -dhe n -kɔ =ya ziö Sɔtraan -gɔ, ¹⁹=ya 'go mü, 'ma -kɔ -ziö -a zü -gban 'gü -pë "pepe =gban -gɔ -sü -faan -da ka 'gü 'pö, kë "dhü kö pë "ʊ -pë 'bha -kɔ 'ya 'dho =mɔɔ ka -bha, -a -wɔn 'gü ka -dho taa- -mlεε -nu waa- gean" -nu -ta 'ö 'waa ka kë -kɔ 'bha 'gü, -a 'klɔɔ- -mü -dhe a kë Sɔtraan yö kö -yö 'go sië dhang- 'gü 'ö -pö -dhe dha 'ö "yaan- kun -a 'dhö.» ²⁰'Kεε 'kö 'zü yöö kë "dhü, 'wɔn 'ö yöö kë ka =nii -da 'gü -wɔn 'ka 'yaa "yina yaa -nu -bha -gɔ -dho ka -dhe "sia- -wɔn -zë 'ka. 'Wɔn 'ö dho ka =nii -da yö -mü -dhe mε 'ka bha ka 'tɔ -ben -yö zë -sü 'ka dhang- 'gü.

(Matiö 11,25-27; Matiö 13,16-17)

²¹Dhiang bha -yö -to Yesu "dhi 'yö zuëniidadhe -ya pa Atanna -bha 'Nii- "slüüslü -kɔ 'ka 'yö- pö: «'A, n Dë Atanna, 'ma i nuε" bho =dedewo, "sε waa- dhang- -a -nu 'gü -pë =gban -gɔdhiüme, -a -gen -mü -dhe 'wɔn -nu ya 'bha- -bin 'wɔn dɔ -mε -nu waa- "yaakime -nu 'wo "kpungtaadhe ya- 'gü -nu -gɔ, 'yö 'bha- -ta "pu 'mε 'wo -dhe 'në 'sεennë -nu 'dhö =në- -nu -dhe. Tεan- =dede 'ka, n Dë, a i nuε" -bho "wɪ 'i- wo- bha kö -yö kë "dhü bha- -wɔn 'gü.»

22 'Yö go 'mü 'yö- pö: «N Dë -ya 'wɔn -gban "pepe dɔ n -kɔ 'ka, me 'bha 'yaa yeng yi -bho "kuu dɔ. Ma 'a -kë -a Gbö 'ka, me 'bha 'yaa n dɔ kö 'yii kē n Dë 'ka, "ɛɛn yö 'ö -kë 'pö n Dë 'ka, me 'bha 'yaa- dɔ kö 'yii kē ma 'a kē -a Gbö 'ka, "ɛɛn 'zū 'mē 'kō 'a- -ta -pu -a -nu -dhe bha kwa 'ka.»

23 -Dhe 'ö -yaa- pö "dhü, 'yö ö wē bɔ ö -bha -klang -nu -ta, 'yö- pö- -nu -dhe -dɪ -wɔn "dhiü 'ö- pö: «'Mē 'ö- -nu "yan -yö -dhe 'ö 'ka yö siē ya- yö, -a -nu -bha -sē! 24 -A 'klɔɔ- -mü =dhe a- -pö ka -dhe =dhe -yö -gun Atanna -wudhiüloome -nu waa- -gblüdē 'gbe "piü =dhe wo "yan -yö -da 'wɔn -nu 'a- -kë ka- -dhe yö siē ya- -dhe 'gü, "kēɛ 'wii- -dhe yö, =dhe wo "tu -yö -da 'wɔn -nu 'ka- ma siē ya- 'gü, "kēɛ 'wii- ma.»

**"Gwënnng 'ö -gban "klusëme do 'bha 'ö go Samadhi -a
-bha 'ö Yesu -ya -da 'ö Dhukö -ya -dhiang zë**

25 =Dhe 'ö Yesu -yaa- pö "dhü, 'yö Atanna -bha 'tɔnggɔmɛ do -yö =wli 'yö- pö 'ö- 'gü dan 'yö- pö- -dhe: «N Dëme, a -dho -a kē -kɔ kē =dhe kö 'a kē -tosea 'ö 'yaa yēn 'ö Atanna "piü bha- kē -me 'ka?»

26 'Yö Yesu -ya -yɔ bɔ- -gɔ 'ö- pö: «-Mē -wɔn -nē -bɛn zē -sü 'ka Atanna -bha 'tɔng- 'sëédhe 'gü 'wɔn bha- 'gbluv "piü 'i- dɔ, "ɛɛn 'bha- -wu pö 'i- 'gü ma -kɔ -kë -dhe?»

27 'Yö -yɔ bɔ- -gɔ 'ö- pö: «Atanna -wu -ya -pö =dhe: Bha- pö 'i -da -a -bha =sii 'ö 'yaa yēn bha- kē -dhe 'gü, -a -dhe a -bha =dhe -a -dho -yö i kē i zuē" =gban 'ka, i 'nii- =gban 'ka, i faan =gban 'ka, =ya 'go mü kö i këyɔɔ -dho -yö i kē =dhe i -dɪ 'dhö.»

28 'Yö Yesu -ya pö- -dhe: «I- -pö -sē, 'bha 'dho -bhö -a kē "dhü, i -dho -da -bha -gblüädēdhëkēdhë 'gü.»

29 "Kēɛ 'yaa gun 'tɔnggɔmɛ bha- "piü =dhe dhiang -yɔ -yö 'to ö -ta, 'yö- pö Yesu -dhe: «De suu -nē 'wo- -dhe mē këyɔɔ?»

30 'Yö Yesu -yö dhiang zü -dee bho 'ö- pö: «'Yi do 'ka 'yö mē do 'bha 'dhö gun 'go siē Zedhizadhëmö kö -yö 'dho siē Zedhiko. 'Yö dho 'yö -da 'wɔnyaakēmɛ -nu =kwɛɛ-. 'Yö 'wo -pö -ta 'wo- -bha pē =gban "pepe sü- -gɔ, 'yö 'wo- -ma -tëkē -tëkēdhö. =Dhe 'wo- -ga =dhe -ya wɔ 'ya- 'yö 'wo wo -kwaa- -zü 'wo dho. 31 'Yö "saabhömɛ -nu 'wo Atanna -dhökëgükö 'gü bha- mē do 'dhö gun 'go siē 'pö Zedhizadhëmö, 'yö bɔ zian do bha- -ta, 'yö dho 'yö -kan 'mē 'wo- "dhama -da bha- 'gü, 'yö kpɔ- 'ka 'yö bɔ zian "wɛɛ 'ka 'yö dho. 32 'Yö Dhevi -gɔ 'kɔɔmɛ -nu ('ö woo -dɪ 'pö 'wo "saabhömɛ -nu -ta kun Atanna -bha yē kē -sü -bha) bha- mē do 'bha 'ö gun bɔ siē 'pö -dhe do bha- 'gü, 'yö -kpan 'mē bha- -bha. 'Yö kpɔ- 'ka 'pö 'yö dho. 33 "Kēɛ =dhe 'ö Samadhi mi do 'bha bha 'ö gun ö bha 'ta 'kpɔ siē, 'yö nu 'ö -loo -dhe bha- 'gü 'yö 'mē bha- yö, 'yö -wëē -yö bɔ- -ta =dedewo. 34 'Yö =yɔɔn 'mē bha- "sɔɔ 'yö- -bha bhie -nu -zu "pɛɛpɛdhö, 'yö pē -ya "dhiü, 'yö sɔ "pɛn =piü- 'ka, 'yö- sü 'ö- -ya ö -dɪ -bha =soo bha- -ta, 'yö dho- 'ka -dheng -nu =yëëbhögükö do 'bha 'gü, 'yö- "dhiü -ziö wo -sē 'ka. 35 =Dhe 'ö =wa wɔ mü 'ö- -ta -dhe =ya

-kpaɔ, 'yö -kɔ -da ö -gɔ 'yië- 'gü, 'yö 'wëë- këng do -nu 'sinma sü 'mü, 'yö-
nu wo -dhëngbhɔɔdë bha- -dhe, 'yö ö -wu kpɔ- -bha 'ö- pö: «I i -zu kë ma
me ya- 'gü n -dhe -së 'ka. 'Ma 'dho a nu sië, 'pë uv pë 'i dho- see- -bha n
zian 'gü, 'ma nu kö 'i- pö n -dhe kö 'a i gba- "wëë 'ka.»

36 'Yö 'tɔnggɔmë bha- dhë" kpɔ 'ö- pö: «Më -yaaga bha- de -sü -në 'i- do
-dhe 'më 'ö -pö 'wɔnyaakëmë -nu -kwëë- bha- këyɔɔ 'dhö?»

37 'Yö- -yɔ bɔ Yesu -gɔ 'ö- pö: «Më 'dhe -a -wëë -ya -kë bha -në- këyɔɔ
'ka.»

'Yö Yesu -ya pö- -dhe: «-ÉÉ, kö 'bha 'dho 'sa -bhö -a kë 'pö -dhe 'me
bha- 'dhö!»

Yesu -bha -dho Matö waa- Madhi -a -nu -gɔ 'kɔɔdhö -kɔ -dhiang 'ö Dhukö -ya zë

38=Dhe 'ö Yesu waa- ö -bha -klang -nu =wa -da zian -ta 'wo 'dho sië
Zedhizadhëmö, 'yö 'wo =loo 'pödhë 'bha bha- 'gü, 'yö dhebhɔnë do 'bha
'wo- -dhe Matö bha, 'ö- =yëë bho ö -gɔ 'kɔɔdhö. 39 Matö bha- dheebhang
do- -gun mü 'wo- -dhe Madhi. =Dhe 'ö Yesu =ya 'dho =ya -da 'kɔɔdhö,
'yö Madhi dho 'ö -ya -a "sɔɔ kö 'ö ö "tu 'to- -wu -bha. 40 Kö Matö -zë -yö
'kɔɔdhö -yë -nu kë sië, 'yö Matö nu 'ö- pö Yesu -dhe: «N Dëmë, n 'to 'ö n
'zlaa- Madhi -ya wo yë -bha 'ö nu "tu -to i -wu -bha -dhe 'gü ya i i -bha -pö
'gü -dhe? -A pö- -dhe kö -yö n -ta 'kun -dhe!»

41 'Yö Yesu -ya -yɔ bɔ- -gɔ 'ö- pö: «Matö n 'tëado, 'wɔn 'gbe -në 'i dɔ sië
'kën 'gü -a -wɔn 'gü 'yö i zuëdhiütë sië bha, 42 "këë pë dosengseng -në-
-wɔn 'dhö 'gbu-, yö -në Madhi -ya sü bha. 'Pë 'ö Madhi -ya -sü bha -në me
'bha -kɔ 'yaa -mɔɔ- -bha kö -ya 'sü- -gɔ.

-Bhea Atanna -dhe -kɔ 'ö Yesu -ya -zɔn 'ö Dhukö -ya pö (Matiö 6,9-13; Matiö 7,7-11)

11 1-Dhekpaɔyi do 'ka, 'yö Yesu -yö =wliü 'ö dho -bhea Atanna -dhe
-dhe 'gü -dhe do 'bha 'gü. =Dhe 'ö ö bo -bhea -a -dhe -sü 'ka, 'yö-
-bha -klangdhiü -nu bha- me do -ya pö- -dhe: «N Dëmë, -bhö -bhea Atanna
-dhe -kɔ -zɔn yi -dhe -dhe -kɔ 'ö Zan -ya -zɔn 'ka ö -bha -klang -nu -dhe
bha- 'dhö -dhe!» 2 'Yö Yesu -ya pö- -nu -dhe: «'Kwa- ma! 'ka- pö 'ka bhea"
Atanna -dhe, -kaa pö: «'Yi Dë, i 'tɔ -yö kë -bhlëësü, 'wɔn- 'to bhi -në i -bha
-bha "kpung =taa yö -dhe -kɔ 'ö- 'ka dhang- 'gü -a 'dhö. 3 -Bhö dɔ 'gbu- kö
-dhe "puu 'ö -kpaɔ 'i yi -bhöpë nu yi -dhe. 4 -Bhö yi këwɔn yaa -nu -mawɔn
'to -dhe -kɔ 'ö me =ya 'wɔn yaa kë 'pö yi 'ka, 'yi- -më -mawɔn to 'ka bha-
'dhö. -Bhö yi -maa kë kö 'ya 'dho -da 'wɔn yaa 'gü.»

5=Dhe 'ö Yesu =ya ö bo -bhea Atanna -dhe -kɔ -zɔn -sü 'ka -a -nu -dhe
'dhü, 'yö- 'gwënnng do -da -nu -dhe 'ö- pö: «'Ya kë -dhe 'më 'ka bha me
'bha =ya "wliü gbeng =zinng 'gü kö -yö 'dho ö "taɔngdë "piü kö -ya pö- -dhe:
«N "taɔngdë, -bhö -bhöpë "pɔ dɔ n -bha! 6 N "taɔngdë -dhëng 'bha -në =ya

bhɔ n -ta, "kɛɛ maa pɛ ʔo- -kpa -dhe n "yan 'yaa- "dhiü, -bhö dɔ "gbu-!»
 7Kö- "taɔngdɛ bha -yö bɔ 'kɔɔdhö -ya pö- -dhe: «-Fɛɛ bha! 'Ma "kwɛɛ ta
 'nu, yaa- n "piümɛ -nu 'ya 'waanu, 'mii 'dho -mɔɔ- -bha 'zü kö 'a "wliü kö 'a
 -bhöpɛ nu i -dhe», "kɛɛ kö- "taɔngdɛ ʔo nu 'bluu- -gbadhe bha -yö -fɛɛ -ya
 -bha, 8a- -pö ka -dhe tean- -dede 'ka -dhe 'kö 'zü ʔo -kɛ -dhe 'me bha 'yii
 "wliü kö -yö -bhöpɛ bha- nu ʔo "taɔngdɛ bha- -dhe -a -bha -kɛ -a "taɔngdɛ
 'ka -sü -wɔn 'gü, "kɛɛ -yö -dho "wliü zɛ wo ʔo pɛ "pɛpɛ ʔo- -mawɔn 'dhö-
 -bha bha- nu -dhe ʔo -fɛɛ ʔo- -ya -bha bha yö -zɛ -wɔn 'gü.» (-Bhea Atanna
 -dhe -sü bha ʔo -kɔ ʔo- -bha 'yö bha.) 9Yö -nɛ- -wɔn 'gü, 'yö ma -zɛ 'a- pö ka
 -dhe: «-Ka pɛ -gbadhe Atanna -gɔ, -yö -dho -a nu ka -dhe. -Ka pɛ mɔɔ-, ka
 -dho -a -sɔɔ. -Ka "kwɛɛ -ta -ma, -wo -dho "kwɛɛ "pu ka -gɔ. 10-A -gen -mü
 -dhe 'me ʔo pɛ -gbadhe Atanna -gɔ, 'yö- nu- -dhe, 'me ʔo pɛ -mɔɔ 'yö- yö,
 'me ʔo "kwɛɛ -ta -ma 'yö 'wo- -pu -gɔ. 11"ɛɛn 'nɛ dɛ 'bha- -kɛ 'yö- -bha 'nɛ
 -ya 'bluu- -gbadhe -gɔ, 'yö 'bluu- 'kö bha- to 'yö -gwɛ nu- -dhe -ee? "ɛɛn
 ʔo -ya 'yuüga -gbadhe, 'yö- to 'yö -mlɛɛ "yaandhe nu- -dhe -ee? 12"ɛɛn
 mɛ 'bha -yö ka kpö 'gü, 'yö- -bha 'nɛ -ya -tɔyaan -gbadhe -gɔ, 'yö gean"
 nu- -dhe -ee? 13"Sanni ka 'kö ka "gblü 'dhö 'ya- bha 'ka pɛ -sɛngbɔ -nu nu
 kaa- 'nɛ -nu -dhe -dhe -kɔ bha- 'dhö, 'yö n Dɛ 'kö- "klu 'dhö -sɛ =wɛ, -yö
 -dho -kɔ 'me 'wo 'Nii- "slüüslü -gbadhe -gɔ -a -nu -dhe -kɔ kɛ -dhe -a -ta?

**Yesu -bha 'yina yaa -me do ʔo gun "bhɔbhɔ 'ka -a -kɛ "klüöklü -kɔ
 -dhiang ʔo Dhukö -ya zɛ
 (Matiö 12,22-30; Makö 3,20-27)**

14Yi do 'ka, 'yö Yesu -yö "yina yaa ʔo gun mɛ do 'bha 'gü ʔo gun- kɛ
 siɛ "bhɔbhɔ 'ka bha- -kɛ, 'yö go 'mɛ bha- 'gü 'yö dhiang zɛ. 'Yö- 'wɔn -yö
 mɛ kpö 'wo gun mü bha- -nu kɔn, 'yö 'wo "dhi dɔ Yesu -bha bong 'ka.
 15"Kɛɛ 'yö mɛ 'bha -nu -wa pö: «'Mɛ ʔo bha "yina -nu ʔo- "piü kɛ siɛ bha,
 Bɛɛzɛbidhö ʔo kɛ "yina yaa -nu -bha -gblü dɛ 'ka bha -nɛ- -faan nu- -dhe.»
 16Kö 'mɛ 'wo- 'gü dandhe mɔɔ- siɛ 'pö -wa pö siɛ- -dhe 'wo- pö: «'Ö -ya
 kɛ -dhe faan ʔo i 'gü 'i 'wɔn -nu kɛ siɛ- -bha bha ʔo go Atanna -nɛ- "piü
 dhang- 'gü tean- 'ka, -bhö "dhabhliwɔn 'bha kɛ kö 'yi- -dhe yö!» 17"Kɛɛ
 -dhe ʔo -kɛ -dhe Yesu -ya -nu zuɛpiüwɔn -dɔ, 'yö- -yɔ bɔ- -nu -gɔ ʔo- pö:
 «'Yaa ka 'gü -dhe "sɛ "sɛ ʔo- 'gümɛ -nu -wa -ya 'ko -zɛ 'wo "kwɛɛ -sü
 -bha, kö- "sɛ bha -ya 'wü -naa bha -ee? -Ya kɛ "dhü -a 'kɔdhi -nu 'waa 'wü
 -nɛ wo 'wo dho- 'ka -ee? 18-Ya kɛ "dhü 'ka- pö -dhe Sɔtraan -nɛ faan nu n
 -dhe 'yö 'a "yina yaa -nu -kɛ 'ka mɛ -nu 'gü bha oo, -ya kɛ -dhe Sɔtraan -ya
 ʔo -gen -da ʔo -dɔ -bha mɛdhe 'gü kö -yö -gblü gɔɔn ʔo -dɔ 'ka bha -oo, -a -bha
 -gblü dɛdhe -dho -gwɛɛ -kɔ -kɛ -dhe? 19-Ya kɛ -dhe 'ka- pö ma -zɛ a "yina
 -nu -kɛ mɛ 'gü Bɛɛzɛbidhö -nɛ- faan 'ka bha -oo, 'yö ka gbö -nu -zɛ -wɛ?
 Yö -nɛ- -wɔn 'gü 'yö 'a dho- pö ka -dhe -dhe ka -dɔ 'nɛ -nu bha -nɛ 'wo
 dho ka zɛ za 'ka yi do 'ka. 20"Kɛɛ -ya kɛ -zɛ wo -dhe a "yina yaa -nu bha-
 -nu -kɛ Atanna faan -nɛ- 'ka, kö- -bha -gblü dɛdhe -ya nu ka "piü.»

21-Dhe 'ö Yesu =yaa- pö "dhü, 'yö- -ta "gwënnng -da -nu -dhe 'ö- pö: «Me 'ö -kegbaan 'ka, 'ö -gblü -gɔɔn 'ka -kwɛɛ 'dhö- -gɔ, =ya ö -bha "kweandhe -maa kë, -a =slɔɔpë -nu -wo -kë wo 'flëë- 'gü. 22"Kɛɛ 'me 'ö- faan 'dhö "gbu- 'ö -ziö yö -zë -ta =ya nu, kö- -kɔ -zë -yö wɔ- -ta, -ya 'kpee- =në- bho, 'yö- -bha 'ko -zë 'ka -kwɛɛ =gban sü- -gɔ 'yö- =slɔɔpë =gban "pɛpɛ 'gü -gblü mɛ -nu -ta.

23-A -kë "dhü -sü bha- 'gü, a- -pö ka -dhe =dhe 'mɛ 'yii bɔ n 'ka kö -yö -nu n -gɔ, 'yö 'mɛ 'yii n -ta 'kun n "piü -mɛ -nu -loo 'ko -ta -sü -bha, kö- -nu -kan 'kwëë- -mɛ =në -mü.»

"Yina yaa 'ö 'go mɛ 'gü, -a yee kë -sü -dhiang 'ö Yesu -ya zë
(Matiö 12,43-45)

24'Yö go mü 'ö- pö: «=Ya 'go yö -zë 'gü, "yina yaa =ya 'go mɛ 'gü =ya 'dho, -yö -dhe "kpeadhɛ -nu =në- =mɔɔ kö 'ö -ya 'gü. =Ya kë =dhe =yaa- -dhe mɔɔ- 'yii- yö 'yö- pö: «A, =ya 'to yö -zë -bha kö a -dho n yee kë 'a dho n -gɔ 'kɔɔdhe 'a go- -bha bha- 'gü "dhe.» 25=Ya kë "dhü =ya ö yee kë kö -yö nu, kö 'kɔɔdhe bha =waa- -gblö "pɛpɛdhö, kö =wa 'kɔɔdhe dhipë -nu -loo mü -dhe =gban 'gü, 26'yö ö yee -dee 'bha -kë 'ö dho 'yö ö -kɔ -da "yina yaa -dee "saɔplɛ 'ö wo -zë -a -nu -mawɔn 'dhö 'ya- 'ö -ziö ö -ta -a -nu 'gü, 'yö 'wo nu 'zü -deewo 'wo -da 'mɛ bha- 'gü, 'yö 'wo wo -yɛa kun mü. =Wa wo -yɛa -dee 'dhe 'kö bha- 'kun =dhe -kɔ bha- 'dhö, -a 'mɛ bha- këwɔn =ya -siö -zianwo =taamasü bha- 'gü, -yö kë -dhe 'pë 'yii pë 'bha kë -blɛsü -a 'dhö.

27Yesu -yö -to dhiang -nu bha- -nu zë -dhe 'gü, 'yö dhebhɔnë do -yö bɔ mɛ kpö 'gü 'yö ö -wu "dhiü =wlü 'ö- pö: «'Aami, 'në suu 'kö ya 'ö -wɔ dhebhɔ 'kö "gblü- , 'ö 'yɔn mü- -gɔ -a -bha -së =tɔn -kɛɛ!»

28"Kɛɛ 'yö Yesu -ya -yɔ bɔ 'ö- pö: «Mɛ -zian 'kö 'wo wo "tu 'to Atanna -wu -bha 'ö 'wo- 'gü -ta sü wo -zë -a -nu -bha -së 'ö -ziö dhebhɔ kö n kpö bha- -bha -ta!»

Yesu -bha -kɔ "dhabhliwɔn kë -sü 'ka -kɔ -dhiang 'ö Dhukö -ya zë
(Matiö 12,38-42)

29Yi do 'bha bha- 'ka 'zü, kö Yesu =ya mɛ -nu yö kö -wo nu sië 'tu -to ö -wu -bha -dhe 'gü -dhe =gban 'gü yuudhö, 'yö -ya dhiang zë -sü -bha -a -nu -dhe 'ö- pö: «"Tüng ya- 'gü -mɛ -nu këwɔn 'bha -bha 'bha 'yaa -së, "kɛɛ -ya -nu "piü 'sa -dhe 'a "dhabhliwɔn do 'bha kë -a -nu "yaan kö 'wo- 'suan- bho- -bha =dhe Atanna =në n bɔ tɛan- 'ka. "Kɛɛ 'mii 'dho "dhabhliwɔn -zë -dee 'bha kë 'zü -a -nu "yan "dhiü kö 'yii kë 'wɔn 'ö -kë Atanna -wudhiüloomɛ Zonasö 'ka yi 'bha 'ka, ('ö -dhekpɔɔyi -yaaga -kë 'yuü- "gblü- 'yö -wo 'zü "yɛa- 'ö -tosea -kë bha yö -zë suu 'ka). 30-A pö 'a- wo "dhü bha- 'klɔɔ- -mü =dhe Zonasö -wɔn 'dhö -kë Ninivö -mɛ -nu -gɔ "dhabhliwɔn 'ka -kɔ do 'ö- 'gü yi 'bha 'ka bha, mang Mɛgböme mang -dɪ 'pö n -wɔn -dho kë "tüng ya- 'gü -mɛ -nu -gɔ -kɔ do bha =në- 'gü. 31-A -wɔn 'gü, Atanna -bha mɛ

"bhu- -nu dhε" 'kpii- 'kpɔ -yi bha -ya -loo yi 'ö- 'ka, -gblüädhe 'ö gun Seba -sε -gɔ 'dhiü yi 'bha 'ka bha -në dho 'wliü 'yö 'me 'wo 'tüng ya- 'gü bha- -nu zë za 'ka Atanna -kuu 'dhiü; -a -gen -mü -dhe yö -zë -yö kē -go 'sε -gblεen -dede 'gü 'ö nu 'ö 'ö 'tu to (-gblüäd) Sadhomɔ zë -dhiang -nu -bha, 'yaaki 'ö Atanna -ya nu Sadhomɔ -dhe bha- 'piü, 'sa a- -pö ka -dhe -dhe ma 'kô a ka kpö 'gü ya, (ma -zë ma 'wɔn dɔ -sü -yö -ziö Sadhomɔ -bha -ta, 'kεε 'sa mε 'bha 'yaa 'ö 'tu to n -wu -bha). ³²Ninivö -me -nu -dɪ 'pö -wo -dho 'wliü 'yi bha- 'ka Atanna wëädhö, 'ö 'wo 'tüng ya- 'gü -mε -nu zë za 'ka; -a -gen -mü -dhe -dhe 'ö Zonasö -ya 'dho -ya dhiang zë 'me 'wo bha- -nu -dhe -wo kē wo zuë" -slëë Atanna "piü. "Kεε 'sa a- -pö ka -dhe -dhe 'me 'ö dhiang zë sië ka -dhe ya, yö -zë -due -yö 'kpii- Zonasö -zë -bha ("kεε yö -në- -gban 'gü 'waa 'wɪ- -bha kô -wo wo zuë" slëë- Atanna "piü).»

**"Gwënnng 'ö -gban -dhangbha -bha 'ö Yesu -ya -da -a
-dhiang 'ö Dhukö -ya zë
(Matiö 5,15; Matiö 6,22-23)**

³³Yö- pö: «Mε 'bha 'yaa -dhangbha dɔ kô -yö gbɔ -gblü -ta, 'εen 'zü kô -ya -gblen 'kpɔ, 'kεε =waa- dɔ -wa -ya -dhangbha -dɔtapë -në- -ta, 'yö 'me -ya -da 'kɔädhö 'yö -dhe yö. ³⁴-Kɔ do bha- 'gü, mε 'yan -në -dhe mε kwi -bha -dhangbha 'dhö. "Tüng 'ö mε 'yan -dhe 'bha 'yaa- -bha, 'ö 'flëë- 'gü -së 'ka kô mε kwi -yö -dhepuudhe 'gü 'pö. "Kεε mε 'yan -dhe -ya -ya -bha kô mε kwi -ya -da -dhetiidhe 'gü. ³⁵-Dhe 'ö "dhü kô -ka ka -zu 'kpɔ ka -dɪ 'gü kô -dhepuudhe 'ö ka 'gü bha 'ya 'dho 'gla -dhetiidhe 'gü. ³⁶-Ya kē -dhe -dhe 'dhö 'pu -sü 'ka mε -dhe =gban -dhe =gban -ta, kô i -dhe 'bha 'yaa -dhetiidhe 'gü 'zü, kô -dhe -ya 'pu i -ta blongdhö -naa bha. -Ya kē "dhü kô 'bha kē -dhe 'me 'ö dɔ sië -dhangbha 'bhü 'dhiü, 'ö -dhe -ya 'pu- -zü zian -gban 'ka -a 'dhö.»

**Yesu -bha teanwɔn -ye Fadhizien -nu 'yan -bha -kɔ
-dhiang 'ö Dhukö -ya zë
(Matiö 23,1-36; Makö 12,38-40)**

³⁷-Yö -to dhiang bha- zë -dhe 'gü, 'yö Fadhizien mi do -ya -dhe -bhöpë 'ka 'ö -gɔ 'kɔädhö 'yö dho. ³⁸-Dhe 'wo gun pë -bhö sië, 'ö Yesu 'yii 'ö -kɔ 'zu -kô kô -yö gun -na pë -bhö -dhe -kɔ 'ö- 'ka -a -nu 'tuü- 'ka -a 'dhö, 'yö- 'wɔn -yö Fadhizien mi bha- kɔn. ³⁹"Kεε 'yö kwa Dëme -ya pö- -dhe 'ö- pö: «Fadhizien -nu, 'ka bha ka -dhe 'mε 'wo 'yitakɔ -nu waa- pëbhögütea -nu -bha -dhe -zu 'ö 'wo- 'gü -dhe -zë to "dhü -në- 'dhö. Ka pa -sü 'ka ka dhɔɔbhaa -pë -nu -dhɔ waa- -kwaan bho -sü -nu waa- "gblüyaadhe -nu -në- 'ka kpenngkpenngdhö. ⁴⁰-Ya kē "dhü kô 'wɔn -ma 'koo -sü 'aa mü 'ka kē- sië bha -ee? -Gɔgütiime -nu 'ka ya! "εen Atanna 'ö pë kwi -bha -zian -da bha 'yii- 'gü -zian -zë -da -ee? ⁴¹-Ka 'wɔn -nu 'wo ka zuë" "piü bha -në- bho 'mü -kô -blεesü kô pë -së 'ö go mü bha 'ka- -gbaɔ -wëëmε -nu -gɔ. 'Ka yö -në- kē "dhü kô ka -slɔɔpë -gban 'pepe -ya kē "slüüslü Atanna 'gü.

⁴²"Kεε ka -bha -yö -wëësü, Fadhizien -nu! -A -gen -mü -dhe ka kaa- tapë -nu 'nii- bho Atanna -dhe 'ö 'ka dho 'ka "tuvdhe -nu -gban -zian 'nii- bho, "kεε 'yö 'wɔn 'dhe 'kö kēwɔn 'ka 'kaa- kē; -a -gen -mü -dhe Atanna -dho -bha mε kē -sü waa- dhɔɔbhaawɔn kē -sü 'ö- -dhio dɔ bha, yö -zē 'yaa 'dho ka -gbin-. "Kεε 'sa kö yö -nē kēpē 'ka 'nu -blæesü, 'yö- 'dhe 'kö bha 'ö dɔ- "piü.

⁴³Ka -bha -yö -wëësü, Fadhizien -nu! -A -gen -mü -dhe -yεa -blæesü -nu 'wo Zuifö -nu -bha -yakwëekëgükö 'gü -dhe -nu 'gü 'ö -bhlëesü bha -nē -ya 'gü -dho -yö ka -kē. 'Yö ka "piü -dhe 'ka kē mε kpö 'gü "dhæedhe -nu 'gü, -wo ka -nē ka -tua bho -bhlëesü 'ka kö -yö ziö mε -kpea -ta.

⁴⁴Ka -bha -kē -wëësü -gen -mü -dhe ka -dhe mε bun 'ö- 'suan- -bho -bha -pē 'yaa 'dhö, 'ö mε -yö -taa- -ta mε tii' 'ka, 'ö- bian -yö mε kun bha -nē- 'dhö.»

⁴⁵=Dhe 'ö -yaa- pö "dhü, 'yö 'tɔnggɔmε -nu 'wo gun mü bha- mε do -ya pö- -dhe 'ö- pö: «N Dëmε, -a 'dhe 'kö bha 'bha- pö "dhü kö i "si bho sië mε -gban "pεpε -nē yi -gɔ bha 'sa -wa!»

⁴⁶'Yö Yesu -ya -yɔ bɔ- -gɔ 'ö- pö: «'Tɔnggɔmε -nu, kaa -du 'pö ka -bha -yö -wëësü; -a -gen -mü -dhe 'tɔng- -nu 'ka- dɔ mε -nu -dhe bha -yö -kē -dhe -kwεε- 'gbiin- 'ö mε 'bha 'yaa -mɔɔ- -bha 'ö 'ka- dhu 'ka mε -nu dɔ- 'ka -nē- 'dhö. Mε -nu -nē 'ka- -nu -ta dɔ- 'ka, "kεε kö ka -zē 'kaa 'wɔ- -bha kö 'ka ka kɔngga -zian zun- -bha kö yöö -nu to- 'sü -wɔn -nē- -bha.

⁴⁷A- pö ka -bha -yö -wëësü, -a -gen -mü -dhe bun -sεngbɔ -nu -nē 'ka Atanna -wudhiüloome -nu 'ö ka "bhema -nu -wa zē yi 'bha 'ka bha- -nu -wɔ sië- 'gü, "kεε kö kaa -dede ka- 'wɔn -dɔ -dhe wo -nē 'wo- -nu zē. ⁴⁸-A kē 'ka- wo "dhü bha -nē- -zɔn -dhe kaa- ka "bhema -nu ka zü -yö do, -a -gen -mü -dhe -dhe 'wo- -nu zē 'yö ka -zē 'ka 'kɔ dɔ- -nu bun -ta. ⁴⁹'Wɔn 'ö- -wɔn 'gü 'yö Atanna -ya pö ö -bha -kpaɔdhe -bha yi 'bha 'ka -dhe:

«A -dho n -wudhiüloome -nu bɔ- -nu -dhe,

waa- ma bɔmε -nu 'dhö,

'yö 'wo- mε 'bha -nu zē,

'yö 'wo- mε -kpea -wëëdhe bho» bha 'yö bha.

⁵⁰-A -kē "dhü -sü 'gü, Atanna -wudhiüloome -nu 'wo -gban -a -nu zē -sü bha "dhü yi 'bha -yi 'bha 'ka 'ö nu 'ö zun -dεε -bha bha, -a "dhang -dho 'mε 'ka "töng ya- 'gü bha -nē ka 'kun. ⁵¹'Ö go Abedhö -bha 'ö dho 'ö zun- 'ka Zakadhi 'wo- zē 'saabhodhe waa- Atanna -dhɔkëgükö -a -nu -zinng 'gü bha- -bha, a- -pö ka -dhe tean- -dede 'ka -dhe 'mε 'ka -dεε -yën ya- 'gü ya -nē- "dhang 'dhö ka -bha.

⁵²'Tɔngdɔmε -nu, ka -bha -yö -wëësü, -a -gen -mü -dhe zian 'ö dho Atanna 'piü 'ö tean- -zian 'ka bha, 'ka- ta mε "bhu- -nu -gɔ 'ka- -dhakɔ -da ka -ta. Mε dha -zian bha 'kaa 'wɔ- -bha kö 'ka -da -ta, "kεε 'sa 'ka zun mε -kpea -gɔ zian-, -a -nu -da mü -kɔ 'bhaa 'dhö, "kεε kö -a -dho -ya wo -zē -a -nu -bha 'sa.»

⁵³Dhe 'ö Yesu =ya ö bo dhiang -nu bha- -nu zë -sü 'ka 'ö 'dho sië, 'yö Fadhizien -nu waa- 'tonggöme -nu 'wo wo wë 'gü -siö kö -wo =nëng sië- 'sön 'gü 'wo dhæ" =gban "pëpe suu 'do 'do kpɔ- -gɔ ⁵⁴-a -gen mɔɔ- kian 'ka, kè "dhü kö 'wo- 'kun- -dɪ "dhi -dhiang -bha.

-Dhio 'ö Yesu -ya dɔ ö -bha -klang -nu -ta "gblüüdhe =gbleen -me -nu -gɔ
waa- 'me 'ö -suügöme 'ka -a -dhiang 'ö Dhukö -ya zë
(Matiö 10,26-27)

12 ¹Yö -zë 'ö kè sië "dhü "tüng 'ö- 'gü bha kö me "bhu- 'ö bho 'ko -ta kö =ya kè -ziisü. Kö- -nu peng =ya bhɔ 'ko zë =dhe -bha. 'Mε 'wo gun -dhe bha- 'gü -wo -mɔɔ me "gblü drun =dede -bha. -Yö -ya -dhio dɔ -sü -bha ö -bha -klang -nu -ta yö =në- 'gü 'ö- pö: «-Ka ka -dɪ 'kun Fadhizien -nu -bha =gɔng 'wo- -da me -nu -gɔ "gblüüdhe =gbleendhe -bha bha =në- -gɔ ('kò 'ka 'dho kè =dhe- -nu 'dhö), ²-a -gen -mü -dhe 'wɔn "pëpe 'wo -bin -sü 'ka -a 'bha 'yii 'dho 'to -bin 'gü kö "dhe 'yii bho- -ta, "εen 'wɔn "pëpe 'wo- -kè -bin 'gü, -a 'bha 'yii 'dho 'to -gblen 'kpɔ 'gü, -a =gban- -dho -wo zang -ta. ³Yö 'wɔn 'ö- -wɔn 'gü 'yö 'wɔn "pëpe 'ka dho- pö -dhetiidhe 'gü, 'yö- =gban dho -wo "yεa- -dhepuudhe 'gü, 'yö dhiang -nu 'ka dho- zë "waa 'gü ka -gɔ 'kɔɔdhe -nu 'gü bha 'wo- =gban pö "dhæ -ta bha 'yö bha.

(Matiö 10,28-31)

⁴'Mε 'ka n "taɔngdë -nu 'ka bha =në 'a dhiang -nu bha- zë ka -dhe =dhe: "Suü 'ya 'dho ka kè 'me =wa ka zë 'wii 'dho =mɔɔ- -bha kö -wo 'wɔn "wεε 'bha kè ka 'ka yö -zë zian- -ta bha- -nu -gɔ, ⁵"kεε 'me 'ö -suügöme 'ka, a -dho -zɔn ka -dhe. Atanna 'ö =ya ka zë 'ö =mɔɔ- -bha 'ö ka 'nii- -da peng -kaso 'gü bha =në -suügöme 'ka. A- -pö ka -dhe tεan- =dede 'ka -dhe 'me 'ö -suü -gɔ -me 'ka 'yö bha.

⁶Zöngnë -nu =në 'wo =mɔɔ- -bha 'wo- "sɔɔdhu "dhɔɔ dɔ -suga =ple -bha, "kεε 'sa kö -a -nu -bha -kè 'sεennë -sü =gban waa- -bha -bha Atanna -zv 'yaa bhɔ- do -zian 'ka. ⁷Sa ka -zë ka -gɔdhe -zian 'ö ka -gɔ -bha -yö dhong- -sü 'ka 'ö- "dhi 'dhö Atanna "yaan. A- -pö yö =në- -wɔn 'gü ka -dhe =dhe 'ka 'dho "suü; -a -gen -mü -dhe ka =bhlëë -yö 'kpɪi- 'ö -ziö zöngnë 'gbe =dede -zian -ta.

(Matiö 10,32-33; Matiö 12,32; Matiö 10,19-20)

⁸A- -pö ka -dhe =dhe: Mε "su me 'ö dɔ "dhæ -ta 'ö- pö ö -bɔ n 'ka, mang -dɪ 'pö a -dho dɔ Atanna -bha "kië -nu wëédhö yi do 'ka 'a- pö a -bɔ -a -me 'ka, mang Mεgböme ma =në 'a- pö. ⁹"Kεε me "su me 'ö bo n 'ka "dhæ -ta, mang -dɪ 'pö a -dho bo- -me 'ka Atanna -bha "kië -nu "yan "dhiü yi do 'ka.

¹⁰-Ya 'go yö -zë 'gü, me "su me 'ö mang Mεgböme n -bhafang bho, Atanna -dho -a -me -mawɔn to, "kεε me "su me 'ö- -bha 'Nii- "slüüslü -bhafang bho, 'yii 'dho- -me -mawɔn 'to tongtongdhö.

11-Ya kë -dhe =wa ka 'kun kö -wo 'dho ka 'ka Zuifö -nu -bha -yakwëekëgüko -nu 'gü, "ëen zadame -nu -kuu "dhiü, "ëen 'zü -gome "gblöglö -nu -kuu "dhiü (ma -zë n -wön 'gü), 'ka dho ka -dt -ta za dɔ -ko -nu 'ö- 'gü, "ëen dhiang -nu 'ka dho- zë, -a 'bha "sika 'ya 'dho kë ka 'gü; 12-a -gen -mü =dhe Atanna -bha 'Nii- "slüöslü bha -yö -dho -a -da ka zuë" 'piü -a "tüng =dede bha- 'gü 'yö 'pë 'ö pöpë 'ka -a dɔ ka "dhi.

"Gwënnng 'ö Yesu -ya -da 'ö -gban -naome -taamasü -bha 'ö Dhukö -ya pö

13 Yesu -yö -to -a pö "dhü -dhe 'gü, 'yö me do 'bha -yö bɔ me kpö bha- 'gü 'ö- pö: «N Dëme, -bhö -a pö n =dhoo ya- dhe -yö kwa dë 'kean- bha- 'gü -gblü kö -yö n -bha nu.»

14 'Yö Yesu -ya -yɔ bɔ- gɔ 'ö- pö: «N "taongdë, de =në n -ya ka -gɔ "dhiü, "ëen 'ö n -ya kaa- 'kean- 'gü -gblü -me 'ka?»

15 'Yö- pö- nu -dhe 'ö- pö: «Ka ka -dt 'kun -së =naɔ -dho -bha ka kë -sü yaa 'gü yaa -gɔ, 'ka 'dho 'to -kplü -sü 'ka =naɔ -bha; -a -gen -mü =dhe 'kö 'zü 'me 'bha =naɔ =slɔɔ -ko "ʊʊ -ko 'ö- 'gü, "këe mebhudhe -bha -tosea kë -sü 'yaa -gban =naɔ -kë me -gɔ -sü -bha.»

16 'Yö "gwënnng do -da -nu -dhe 'ö- pö: «=Naome 'kpii- do 'bha =në gun yi 'bha 'ka, 'yö 'ke- 'kpii- -kë -kwe 'bha bha- -ta, 'yö 'ke- -yö -dhi -gɔ =dedewo -kwe bha- -ta. 17 Tapë -dhi -gɔ -ko yaa 'ö -kwe bha- -ta bha- wön 'gü, 'yö -ya 'ö -zu 'gɔn -sü -bha 'ö- pö: «-Bhöpë 'ö "sinma 'dhö ya- =loo -dhe -yö 'me? Maa- kë -ko kë =dhe?» 18 'Yö 'ö -zu gɔn "senngdhö 'yö- pö: «-ën 'hëën! 'Pë 'ö maa- kë 'ma- dɔ. Ma -bhöpë -loo 'gü -ko -nu 'ö =wa kë 'sëennë bha =në maa- 'wü kö 'a -dee dɔ kö 'a ma tapë -nu =loo- 'gü, waa- n =slɔɔpë -kpea 'dhö. 19-Ya kë -dhe 'ma n bo, 'yö 'a- pö n -dt -dhe =dhe: -Kwe =ya dhi, -bhöpë =ya ziö n -ta, 'mii 'dho 'ke- kë -kwe kpö 'ka, maa n "tëe pa kö 'a pë -bhö kö 'a pë mü kö 'a n 'flëë- bho.»

20 "Këe 'yö Atanna -ya pö- dhe 'ö- pö: «A -tamame 'i ya! I -dho ga gbeng do 'ö =dëe- 'gü kö- =naɔ bha 'me 'ö yöö 'ö 'flëë- bho- 'gü 'i- me pö?»

21 =Dhe 'ö Yesu -ya 'ö bo "gwënnng bha- -da -sü 'ka, 'yö- -ta yɔ -nu -dhe 'ö- pö: «Me "ʊʊ me 'ö =naɔ =mɔɔ 'ö- drung dɔ 'ö -dt -dhe "kpung -taa yö, 'ö 'yaa 'ö -zu 'gɔn 'ö -dhekpao dhia" 'ö Atanna wëëdhö -a 'ka, -a -me -kë -dhe 'me bha =në- 'dhö.»

'Dhang -bho Atanna "dhiü -ko =dede 'ö 'dhö -a -dhiang 'ö

Yesu -ya zë 'ö Dhukö -ya pö

(Matiö 6,25-34)

22 'Yö- pö 'ö -bha =klang -nu -dhe: «'Pë 'ö- -wön 'gü 'yö 'a- pö ka -dhe =dhe: 'Ka 'dho -ya kaa- -tosea -wön zuën -ta bha 'yö bha. Ka -bhöpë -wön -nu oo, ka -dasɔ -wön -nu oo, 'ka 'dho -ya -a 'bha -wön zuën -ta. 23 -A -gen -mü =dhe me 'nii- -zë -wön -yö 'gbu- 'ö -ziö -bhöpë -wön -ta, 'yö me kwi -dt 'pö- -wön 'dhö 'gbu- 'ö -ziö sɔ -wön -ta. 24 -Ka 'wön 'suan- bho gɔngdë -nu

-bha! -An -bha 'bhlaadhe -yö 'me kö woo- -mlü "kan? 'Kö -zian 'yaa- -nu -gö kö yöö 'to- -gbaandhe kë -sü -bha. "Kee 'sa -wo pë -bhö yi -gban 'ka 'wo kë. Atanna =në- -nu "dhiü gba. -Ka -dhe -ga, ka -zë ka =bhlëë 'ö Atanna -gö -yö -ziö -maa -nu -ta. -A -dhiang -zian 'yaa zë. ²⁵"Een me 'bha -yö ka kpö 'gü 'ö- -me -bha -ya ö -dt -bha -tosea -wön zuën -ta -sü -wön 'gü, 'ö =möö- -bha 'ö ö -dt -bha =sii "pen 'në 'dede -zian -da 'gü -ee? ²⁶'Kii =möö 'wön 'në -bhaasü 'kö bha- kë -sü -bha, ka -ya 'sa 'wön -kpea 'ö to -a -nu zuën -ta -më -wön 'gü?»

²⁷'Yö- pö: «-Ka "dhü -nu 'wo "bin -ya sië bha- -nu -ga, 'waa yë 'bha kë, 'waa sɔ bɔ, "kee sɔ 'wo- -da wo -bha bha a- -pö ka -dhe =dhe (-gblüdë) Sathomö 'ö gun =naome -ziisü 'ka yi 'bha 'ka bha, -a -bha 'tɔbhɔdhe =gban waa- -bha -bha, 'yii- sɔ suu bha- -da tongtongdhö 'ö to- -bha. ²⁸Yö =në- -wön 'gü 'yö 'a- pö 'ka ka -zɔ yö Atanna =në- -dhe. Kaa- zɔ -yö -a -dhe -sü =në 'dede. 'Yaa yö -zë 'ka, "sanni -yö sɔ -da "bü -zë -bha =dhe -kɔ bha- 'dhö bha -oo, 'yö ka -zë =we? ²⁹Ka -zë 'ka 'dho ka -bhöpë "een ka müpë möö-, 'ka 'dho -ya -zianwo -a -wön zuën -ta; ³⁰-a -gen -mü =dhe 'me 'waa Atanna dɔ =në 'wo pë 'dhe -nu bha- -nu =möö. "Kee ka -zë, ka Dë bha -ya 'wön -dɔ =dhe ka -mawön -ya -bha. ³¹Pë 'ö mööpë 'ka ka -zë ka -bha 'ka -blëesü yö -mü -a -bha -gblüdedhe 'ö dhang- 'gü bha =në- 'ka, 'ka yö =në- kë "dhü 'yö pë "pepe 'ö ka -mawön 'dhö- -bha, 'yö- nu ka -dhe.

(Matiö 6,19-21)

³²-A -wön 'gü, 'me 'ka bɔ n 'ka 'ö ka kpö 'në 'dhö =dhe -tuü kpö 'dhö ya, "suü 'bha -bha 'bha 'ya 'dho ka kë! -A -gen -mü =dhe -yö -ga ka Dë Atanna =në- 'gü 'yö ö -bha -gblüdedhe bha- nu ka -dhe. ³³-Ka ka =slööpë -nu 'go kö 'ka- sɔng =gbao -wëëme -nu -gö kö =nao 'ö 'yaa see-, "een 'ö 'yaa kë zii bha =në 'ka- möö-, kö 'ka =nao 'ö 'yaa yën bha =në- -loo 'ko -ta dhang- 'gü. -Dhe bha =në -kwaanme 'bha 'yaa 'dho mü "een 'ö =ze 'yaa pë see- -bha tongtongdhö. ³⁴-A pö 'a- wo "dhü bha- 'klɔɔ- -mü =dhe -dhe 'ö me =slööpë 'dhö- -bha =në me zuë" 'yaa 'go mü.»

**"Gwënnng 'ö -gban gwëëzë -nu 'wo wo "yan to wo Dëme
-gö -a -nu -bha 'ö Yesu -ya -da 'ö Dhukö -ya pö**

³⁵'Yö go mü 'ö- pö: «-Ya 'go yö -zë 'gü, ka -ta -yö kë 'kun -sü 'ka "töng =gban "pepe 'gü kö kaa- -dhangbha -nu -wo kë dɔ -sü 'ka. ³⁶Ka -zë -ka kë =dhe gwëëzë -nu 'ö- -nu Dëme =ya 'dho dhedɔ troo -ta -dhe 'bha 'gü, 'ö 'wo -ya sië- -gö kö =ya nu =ya "kwëë -ta -ma kö -wo 'to -wo "kwëë 'pu- -gö =në- 'dhö. ³⁷Gwëë" 'ö suu 'dhö "dhü 'ö- -gɔme yaa- -go 'ta 'gü 'ö dho nu 'ö -kpan -bha kö -yö -ya sië ö "yaan "dhü bha kö- -bha -së. A- -pö ka -dhe tean- =dede 'ka =dhe -yö -dho ö -ta kun 'ö- -nu 'yaanu. 'Ö =wa bo 'yaanu -sü 'ka 'ö- -nu "dhiü -ziö wo. ³⁸Yaa- -nu "töng "bu "töng 'ö- 'gü, -yö -kë gbeng =zinng 'gü oo, -yö -kë -dhekpaɔ "dhiü oo, 'me 'ö dho -kpan -a -nu

-bha kö -wo -ya sië wo "yaan -a -bha gwëëzë -nu bha- -nu kpö 'gü, kö- -nu -bha -së. ³⁹Yö kē ka "yaan -dhe -ya kē 'nu -dhe 'kōdē 'ō 'dhö -yö "tüng 'ō -kwaanme dho nu- 'ka ö -gɔ 'kɔɔdhö -a -dɔ, kö -yö -dho -ya ö "yaan 'ō 'waa -kwaan bho- -ta 'ō 'waa- -bha 'kɔ zua. ⁴⁰Dhe 'ō 'dhü, kaa -dɪ 'pö -ka kē baa- -sü 'ka yi -gban "pepe 'ka; -a -gen -mü -dhe mang Mëgböme a -dho nu "tüng 'ō ka -zɔ 'yaa- -bha -nē- 'ka.»

**"Gwënnng 'dhe 'ö -gban gwëëzë -nu -ple -bha 'ö Yesu -ya
-da 'ö Dhukö -ya pö
(Matiö 24,45-51)**

⁴¹Yö Piëdhö -ya pö- -dhe 'ö- pö: «N Dëme, "gwënnng 'i- -da bha i- -da 'me 'yi -kē i -bha -klang -nu 'ka ya -nē yi -dhe, "ëen i -wɪ mē -gban "pepe -nē yi 'ka bha do -ee?»

⁴²Yö- -yɔ bɔ- -gɔ 'ö- pö: «Gwëëmi -towutasü 'ö -kpaɔsü "dhü bha yö -mü de -nē- 'ka 'sa? Yö -mü 'me 'ö- Dëme dho ö -bha 'kɔ 'to- "piü 'ö ö -zɔ -kē 'gü, 'ö -bhöpē nu- dëme -bha yëkëme -nu -dhe -a nu "tüng -bha bha -nē- 'ka. ⁴³Mē 'ö- dëme yaa- -nu kö -ya kē sië "dhü bha kö- -bha -së. ⁴⁴A- pö ka -dhe tēan- -dede 'ka -dhe -yö -dho -a -ya ö -sɔɔpē -gban "pepe -gɔ "dhiü. ⁴⁵"Këe -ya kē -zē wo -dhe -a gwëëmi -yaa- pö ö -dɪ -dhe -dhe: «-Ee', 'me bha 'yii 'dho nu 'piö-, -ya -ya ö dëme -bha yëkëme -nu -ma -sü -bha, -ya -ya pē -bhö -sü waa- we mü -sü -bha, kö -ya mü kö -ya 'kun, ⁴⁶-a gwëëmi suu bha- dëme -dho "kan- 'gü 'ö nu yi 'ö- -zɔ 'yaa- -bha waa- "tüng 'ö 'yaa- dɔ bha -nē- 'ka. 'Yö -ya nu bha- wo "dhü 'yö- gwëëmi bha- kun 'yö 'wɔn bho- 'gü -dedewo, 'yö- sü 'yö waa- 'wɔnyaakëme -nu 'ö 'wii 'to -kplü -sü 'ka Atanna -bha bha- -nu bɔ -dhe do 'gü,

⁴⁷Gwëëmi 'ö ö dëme -dhidhewɔn dɔ "këe 'ö 'yaa- kē bha- dëme -dho "dhü -yan 'bha bho- 'gü -sɔbhëe -dede 'gü. ⁴⁸Gwëëmi 'dhe 'ö 'yii ö Dëme dhɔɔbhaawɔn dɔ, yö -zē -ya mē -ma 'gü -wɔn kē, -wo -dho -a -ma -zē wo 'pö, "këe 'yii 'dho kē -dhe mē -blëesü -bha 'dhö; -a -gen -mü -dhe 'mē 'wo pē 'gbe nu- -dhe, 'yö 'wo -trɔɔn 'kpii- mɔɔ- -mē "dhiü 'pö, 'yö 'wo -nëng- "sɔn 'gü pē 'gbe 'wo- nu- -dhe bha- -wɔn 'gü.»

**Yesu -bha -kē peng -da -mē 'ka -kɔ -dhiang 'ö- zē 'ö Dhukö -ya pö
(Matiö 10,34-36)**

⁴⁹Yö- pö: «Nu 'a- wo "kpuŋg =taa bha a -nu peng -nē -da -dhe 'gü. -Ya kē -dhe -ya -dhe -bhö -sü zü bho 'nu n "yaan -yö -dho dhi n -dhe -dedewo! ⁵⁰"Këe 'wɔn 'gbu- 'ö -bɔ 'gü -wɔn 'dhö -tun n -bha bha -nē- -zii 'dhö -tun n -ta 'ö dho 'ö zun- 'ka -a -gɔ -da 'plöö -yi -bha! ⁵¹Yö -kē ka 'gü -dhe zuëwaanüsü -nē 'a nu- 'ka "kpuŋg =taa yö -ee? A- -pö ka -dhe -abin! Mii nu zuëwaanüsü 'ka, a -nu -kankwëesü -nē- 'ka "kpuŋg =taa. ⁵²-A -gen -mü -dhe -ya 'go -dëe 'gü, 'mē 'wo 'kɔ do 'gü -wa kē "sɔɔdhu, -wo -dho "pe 'gü 'ö mē -yaaga 'wo 'dhang bho n "dhiü 'wo bɔ "pean do "piü, 'ö- mē -plē 'ö

'waa 'dhang bho n "dhiü 'wo bɔ 'pö "pean do "piü, "ɛɛn 'zü me -plɛ- -dho bɔ "güng 'bha "piü, 'ö me -yaaga bɔ "güng 'bha "piü. ⁵³Nädë -dho -siö ö gbö -bha, 'ö 'në 'dhö -siö ö dë -bha. 'Nädhe -dho -sië ö 'dhu -bha, 'ö- 'dhu -dt 'pö 'ö -siö ö dhe -bha. Gändhe -dho -siö ö gbö -bha dhebhɔ -bha, 'ö- gbö -bha dhebhɔ -dt 'pö 'ö -siö ö "na -bha (n -wɔn 'gü).»

**Yesu -bha 'wɔn 'suan- -bho -bha -pë -nu 'wo -dɛɛ -a
-dhiang 'ö- zë 'ö Dhukö -ya pö
(Matiö 16,2-3)**

⁵⁴'Yö- pö 'zü me kpö bha- -nu -dhe 'ö- pö: «Ka dha 'kpong- 'suan- bho kö -ya -ya dhang- -bha dha genngdhö, 'yö 'ka- pö: «Pë =gban yöö kē, dha -dho ban =dɛɛ», 'yö dha bha ö ban 'pö tean- 'ka. ⁵⁵'Yö 'ka "tɛɛ yö kö -yö 'go sië dha genngdhö 'yö 'ka- pö: «'Yënn- -dho 'bhü =dɛɛ», 'yö kē 'pö "dhü tean- 'ka. ⁵⁶Ka 'wɔn -nu kö 'wo -gban "sɛ waa- dhang- -nu -a -nu -bha wo -zë -a -nu 'suan- -bho, 'ö 'ka- -bhokoo dɔ, -yö kē -kɔ -kē =dhe 'sa 'yö 'kaa 'wɔn 'suan- -bho -bha pë -nu 'ö Atanna 'dhö- kē sië "tüng ya- 'gü bha yö -zë 'suan- bho kö 'ka- dɔ, "gblüüdhe =gbleɛn -mɛ -nu 'ka ya!

(Matiö 5,25-26)

⁵⁷-Yö kē -kɔ kē -dhe 'yö 'kaa 'wɔn 'ö -së, 'ö pö 'aa- -bha -a -bhokoo dɔ? ⁵⁸A- -pö ka -dhe =dhe: 'Mɛ 'ö kaa- i za dɔ "yɔɔ 'ka 'dho sië za =gblü 'dhiü, -kaa "slë mɔɔ- kö kaa- -mɛ 'ka mɔɔ- 'gü kö ka -tun zian -ta, kē "dhü kö i za dɔ "yɔɔ 'ya 'dho i "dhiü dɔ zadɔmɛ -nu -gɔ, 'ö woo -dt 'pö 'wo i "dhiü dɔ "sɔdha -nu -gɔ, 'ö 'wo i -da -kaso 'gü. ⁵⁹A- -pö i -dhe "puu 'ka -dhe kö -wo bo i -da -sü -zë 'ka -kaso 'gü, mɛ -nu -bha "pɔ 'ö i -bha bha- -suga -zian 'yii dho 'to i -bha kö -wo i bho -kaso bha- 'gü.»

**-Tosea -kë Atanna "piü -sü "ɛɛn -wëë -ga wo -sü
-dhiang 'ö Yesu -ya zë 'ö Dhukö -ya pö**

13 ¹-A "tüng do bha- 'gü, 'yö me 'bha -nu -wo nu 'yö 'wo -ya 'wɔn 'ö Pidhatö -ya -kë, 'ö -gban mɛ 'bha -nu 'wo go Gadhidhe 'wo gun Atanna -dhökë sië, 'ö Pidhatö -ya pö -wa -nu zë kö -wo "saa- bho sië Atanna -dhe -a -nu -wɔn -bha bha- -gen dɔ -sü -bha Yesu -dhe. ²'Yö- -yɔ bɔ- -nu -gɔ 'ö- pö: «-Yö ka 'gü -dhe Gadhidhe -mɛ -nu 'wo- -nu -wëë -kë "dhiü bho "dhü bha -në- -nu këwɔn 'dhö ya 'ö -ziö mɛ -kpea 'wo to -a -nu -ta -ee?» ³'Yö- pö: «A- -pö ka -dhe -abin, "kɛɛ -ya kē -dhe 'kii ka kwaa- ka "ta -kɔ yaya -nu bha- -nu -zü, kö 'ka ka wë bɔ Atanna "piü, ka -dho -wëëga wo 'pö -dhe 'mɛ 'wo bha- -nu 'dhö. ⁴"ɛɛn 'zü -yö ka 'gü -dhe mɛ -kaɔng do ga "saaga 'ö Sidhoe -kɔ -yö wü- -nu -ta yi 'bha 'ka 'ö- -nu zë bha wo -në- -nu "ta -kɔ -yö gun 'ya- 'ö -ziö Zedhizadhemö -mɛ =gban "pɛpɛ -ta -ee?» ⁵'Yö- pö: «A- -pö ka -dhe -abin! "Kɛɛ -ya kē -dhe 'kii ka kwaa- ka "ta -kɔ yaya -nu bha- -nu -zü, kö 'ka ka wë bɔ Atanna "piü, ka -dho -wëë -ga wo 'pö =dhe 'mɛ 'wo bha- -nu 'dhö.»

"Gwënnng 'ö Yesu -ya -da 'ö -gban figö -dhü -bha 'ö Dhukö -ya pö

⁶Yö to 'mü 'ö "gwënnng do 'bha -da -a -nu -dhe 'ö- pö: «Figö -dhü do 'bha -yö -gun gändënë do 'bha bha- -gɔ 'bhlaa. 'Yö yi do 'ka, 'yö 'bhlaadhe dëme bha 'ö nu kö 'ö "dhü bha- bhe bho, 'yö 'yii pë 'bha yö mü. ⁷Yö- pö 'bhlaadhe bha- -yëkëme -nu -dhe 'ö- pö: «A -gban nu sü -bha "dhü do ya- bhe bho -dhe 'gü -a -kwe -yaaga -naa =ne, "kɛɛ 'mii- bhe yö- 'gü do. =Dhe 'ö "dhü, -bhö -a "kan; -a -gen -mü =dhe -a ta -gen 'yaa 'dhö, -yö -dɔ -due bha- 'gü "wɛɛwɛɛ, -a =trɔɔn 'bhaa 'dhö.» ⁸Yö- figö -dhe -yëkëme bha 'ö- -yɔ bɔ- -gɔ 'ö- pö: «N Dëme, -bhö -a 'to "dhü kö -kwe do ya -yö zïo, a -dho -a "piü 'pɔn 'a "sɛ -sɛ =loo- -gen "piü kö kwa- -bha -ga -kwe dhia" 'ka. ⁹Bha mü "dhü -yö -dho bhe kë =wɛ. =Ya kë 'zï =dhe 'yii "wi- -bha kö -yö 'ö bhe kë yö -zë 'gü, kö- "kan -wɔn =nɛ dho 'to- -bha.

Dhebho do 'bha 'ö Yesu -ya dha =glooyi 'ka -a -dhiang 'ö Dhukö -ya zë

¹⁰Yi do 'ka, Yesu -gun dhiang zë sië mɛ -nu -dhe 'ö- -nu -klang -kë 'wɔn -nu 'wo -gban Atanna -bha -a 'ka Zuifö -nu -bha -yakwëëkëgükɔ do 'bha 'gü. ¹¹Mɛ 'ö gun dhiang zë sië- -nu -dhe "dhü bha, dhebho do 'bha -yö -gun -nu kpö 'gü 'ö dhang- -yua -yö gun- -bha. "Yua 'ö "dhü bha 'yina yaa -nu 'wo gun dhebho 'bha- 'gü =nɛ 'wo- -da 'gü. -A "tüng bha- 'gü kö- -kwe =ya kë -kaɔng do ga "saaga kö dhebho bha 'yaa =mɔɔ- -bha kö -yö "wlü kö -yö dɔ 'ö -gean tongtongdhö. ¹²=Dhe 'ö Yesu =ya yö 'yö- pö- -dhe: «Dhebho, i =niɔɔdhe 'ö i -bha bha =ya bo =dɛɛ, 'bha kë "klüöklü!»

¹³Yö 'ö -kɔ -ya dhebho bha- -ta. -Yö -to -dhe do bha- 'gü, 'ö =wlü 'ö dɔ 'ö -gean, 'yö zun Atanna 'to bho -sü -bha. ¹⁴"Kɛɛ =dhe 'ö =ya kë "dhü, 'wɔn bha 'yii dhi -yakwëëkëgükɔ bha- -gɔdhiüme -dhe, 'yö zun -dɔn bho -sü -bha 'mɛ 'wo gun mü bha- -nu 'ka 'ö- pö: «=Dhekpaɔyi 'ö Atanna -ya -ya kö -wo yë kë- 'ka -yö "saɔdo, -a "saɔple -naa -zë =glooyi -mü. 'Ka- pö 'ka nu ka -kë "klüöklü -dhe mɔɔ- -dhe 'gü, -ka nu yi "wɛɛ -nu bha- -nu 'ka, 'ya 'dho kë =glooyi -zë 'ka!»

¹⁵Yö Yesu -ya -yɔ bɔ- -gɔ 'ö- pö: «A gbleen" -gɔn mɛ -nu 'ka -mɛ -nu 'ka ya! Kaa- -du -nu waa- kaa- =soofëng -nu =wa kë -kplü -sü 'ka 'kaa- -nu "pu =glooyi 'ka 'waa 'dho "yi mü -ee?» ¹⁶"Eɛn 'yaa ka 'gü =dhe dhebho 'ö Sɔtraan =yaa- -kplü 'ö- -kwe -kaɔng do ga "saaga -naa 'dhö ya bha, Ablaamö bhang do 'bha -mü 'pö -ee? -Më =nɛ -kë 'yö 'waa- dha =glooyi 'ka?»

¹⁷"Tüng 'ö Yesu gun- pö sië- 'ka "dhü bha kö- 'yaɔ- -nu bha- -nu -gban wë =ya lɔɔ- dee" wo "pɛɛpedhö, "kɛɛ kö mɛ kpö kö 'wo bha- -nu -nii -nɛ -da sië Atanna 'to bho -wɔn -nu 'ö- kë sië bha- -wɔn 'gü.

"Gwënnng 'dhe 'ö -gban tapë 'bha 'wo seneve -kë -a ga -bha

'ö Yesu -ya -da 'ö Dhukö -ya pö

(Matiö 13,31-32; Makö 4,30-32)

¹⁸Yö go mü 'zï 'ö "gwënnng do 'bha -da 'ö- pö: «Atanna -bha -gblüdédhe bha -yö -bho -më =nɛ- -bha, "ɛɛn -a -zɔn 'ka -mü -më 'ka? ¹⁹-A suu- -kë

-dhe tapè 'wo- seneve -kë bha- ga 'ö gøndënë do -ya ta ö -gɔ "dhü -bhlaa 'gü -në- 'dhö. (Pè 'ö bha mɛ- mɛ "yan "nuu -në- dɔ- ga -ta.) "Kɛɛ -dhe 'ö gøndënë bha -yaa- ta, 'ö -ya bhɔ, 'yö -kpea, 'yö -kpea, 'yö 'dho ö -kë "dhü 'kpii- 'ka, 'yö -maa -nu 'wo go dhang- 'gü 'wo nu 'wo 'kɔ dɔ- kwɛɛ" 'gü.»

**"Gwënnɔ 'dhe 'ö- -da 'ö -gban "seke -bha -a -dhiang 'ö Dhukö -ya zë
(Matiö 13,33)**

²⁰Yö go mü 'zü 'ö- pö: «Atanna -bha -gblüédhe bha a -mɔɔ -bha 'zü 'a- -zɔn -më 'ka? ²¹A -mɔɔ -bha 'a- -zɔn "seke 'ö dhebhɔ do -ya sü 'ö- -da 'bluu- -bi "kidhung -kaong -pɛ ga "sɔɔdhu -bha, 'ö -ya kë "dhü 'ö 'ö -yagüpè pa 'ö -wënnɔ -zü bha -në- 'ka.»

**"Gwënnɔ 'ö -gban 'kɔdhi "sɔɔsɔɔ -bha 'ö Yesu -ya -da 'ö Dhukö -ya pö
(Matiö 7,13-14.21-23)**

²²Yesu -gun 'dho sië 'pö- 'gblüglü -nu waa- 'pö- 'sɛennë -nu 'gü mɛ -nu -klang kë -sü 'ka kö -yö 'dho sië Zedhizadhëmö. ²³Yi do 'ka, 'yö mɛ do 'bha -ya dheɛ" kpɔ 'ö- pö: «N Dëmɛ, 'mɛ 'wo dho dha -wo -dho kë 'gbe "we -ee?»

'Yö- -yɔ bɔ- -gɔ 'ö- pö: ²⁴«Ka ka 'gü dɔ "gbu- kö 'ka ka ziö -dhe yö (kö 'ka bɔ Atanna 'piü), yaa yö -zë 'ka a- -pö ka -dhe -dhe -yö -dho kë mɛ 'gbe "piü -dhe 'wo bɔ- 'ka, "kɛɛ 'wii 'dho -mɔɔ- -bha; -a -gen -mü -dhe -kë Atanna -bha 'ka -dhe -yö 'ya. -A -dhe -yö -dhe -da 'kɔ 'ö- "dhi 'dhö "sɔɔsɔɔ -a 'gü -sü 'dhö.

²⁵"Kɛɛ -ya kë -zë wo -dhe kö 'kɔdë -yö "wli kö -yö 'dho -yö "kwɛɛ ta, kö ka -zë 'kii -da 'kɔɔdhö -kö, kö 'ka bɔ "kpenng 'ka "kwɛɛ -ta -ma 'ka- pö: «N Dëmɛ, n Dëmɛ, -bhö "kwɛɛ "pu yi -gɔ! -Yö -dho bɔ 'kɔɔdhö 'ö- pö ka -dhe: «Maa ka 'godhe dɔ.» ²⁶-Ya bɔ kë -sü 'ka "dhü, ka -dho bɔ "kpenng yö -në- 'gü 'ka- pö: «I- pö -zë -wo -dhe 'bhaa yi 'godhe dɔ, "kɛɛ kweng- -nu kwa kë -kɔ -da pëfië do 'gü kwa "kwëë, 'ö -ya mü 'zü 'i dhiang -nu zë 'i bɔ- 'ka yii- 'pö- -nu 'gü, -kpinng -ta -dhe -nu 'gü -wa! ²⁷Yö- -yɔ bɔ ka -gɔ 'ö- pö: «Ka bhɔ n 'ka taa -gblɛɛn, 'wɔnyaa kɛmɛ -nu! Maa mɛ 'bha ka 'godhe dɔ; -a -gen -mü -dhe ka -to kaa- 'wɔn yaa kë -sü -në- -bha 'ö- 'wɔn- yën. ²⁸"Gbu- -dho "wu -dhe bha -në- 'gü, 'ö 'wo wo "sɔn "dhiü -bhö klöklödhö, -a -gen -mü -dhe -a "töng bha- 'gü kö 'ka ka "yan -kpan Ablaamö oo, Izaakö waa- Zaköbö -nu -bha, waa- Atanna -wudhiüloomɛ -nu -gban "pepe 'dhö -a -bha -gblüédhe bha- 'gü, "kɛɛ kö ka -zë -wa ka -zuö "kpenngdhö. ²⁹Mɛ- -dho 'go 'yënnɔ- -wo -zian 'ka, 'ö go 'yënnɔ- -pö -zian 'ka, 'ö go mɛ -kɔ -së 'gü, 'ö go mɛ -kwaa 'gü, 'ö 'wo wo -kɔ -da 'tɛa- do 'gü Atanna -bha -gblüédhe bha- 'gü. ³⁰-A yi 'ö bha- 'ka, -taama -gen 'bha -nu -dho bɔ "dhiü, 'ö "dhiü -gen 'bha -nu 'wo bɔ -taama.»

**Yesu -bha -wëë -wu -kpɔ Zedhizadhëmö -dhe -bha -kɔ
-dhiang 'ö Dhukö -ya zë
(Matiö 23,37-39)**

³¹-A yi do bha- 'ka, 'yö Fadhizien -nu 'bha -nu 'wo nu 'wo- pö- -dhe: «-Bhö ziö kö 'i 'dho, -bhö 'go -dhe ya- 'gü, -a -gen -mü -dhe Edhodö -ya -dhe mɔɔ- sië kö 'ö i zë.»

³²'Yö- -yɔ bɔ 'ö- pö: «Ka 'dho kö 'ka- pö "gblüüdhetiime bha- -dhe =dhe a -tun kö 'yina yaa -nu kë me "bhu- 'gü -dhe ya- 'gü, 'ö 'a "yuédhi -nu dha =dɛ waa- dhia" -nu 'gü 'yö 'a- -gɔ -da 'plöö dhia" =taama, 'yö 'a gun -na 'dho-. ³³-A -gen -mü -dhe 'kö 'zü 'ö -ya "yan "bu "yan 'ö- -ta, "kɛɛ -a -dhe a -bha -dhe 'a "ta bha- 'sü "dhü =dɛ waa- dhia" 'gü kö 'a 'dho 'a -da 'ka Zedhizadhémö -a -dhekpacyi -yaaga -naa 'ka, -a pö 'a- wo "dhü bha- 'klɔɔ- mü -dhe -a -dhe 'yaa -bha -dhe 'me 'ö -kè Atanna -wudhiüloomɛ 'ka -wa zè -dhe "wɛɛ 'bha 'gü kö 'yii kë Zedhizadhémö -dhe -zè 'ka.»

³⁴=Dhe 'ö =yaa- pö "dhü, 'yö -ya "gbu bɔ -sü -bha Zedhizadhémö -dhe -bha 'ö- pö: «Zedhizadhémö -me -nu, Zedhizadhémö -me -nu, ka 'kö kaa- yè 'dhö -mü Atanna -wudhiüloomɛ zè -sü 'ka, 'ö 'me 'wo- -nu bɔ ka -dhe kö -wo 'pa ka -bha 'ka -gwè -zuö -nu 'ka- -nu zè- 'ka bha, -yö -gun n "piü =dhe 'a- "slè mɔɔ- -kɔ =gban -kɔ =gban 'gü kö 'a ka =loo 'ko -ta n gban =wlöö =dhe -kɔ 'ö -tɔdhee "busdhe -yö 'ö 'nè -nu -kè 'ka -a 'dhö, "kɛɛ 'kii- -yɔ bɔ n -gɔ! ³⁵Yö =nè- -wɔn 'gü, 'yö 'a dho n kwaa- ka -wɔn -zü, "kɛɛ a- -pö ka -dhe tean- =dede 'ka =dhe ka "yan 'yii 'dho -kpan n -kpong 'gü -dhe -bha 'zü 'ö dho 'ö zun- 'ka yi 'ka dho- pö- 'ka =dhe: «Me 'ö nu kwa Dème 'tɔ 'gü bha, Atanna -bha 'dhuè- -ya -me 'kun!» bha- -bha.»

Yesu -bha "yuédhi do 'bha dha -kɔ -dhiang 'ö Dhukö -ya zè

14 ¹Yi do 'ka 'yö Fadhizien -nu -gɔmɛ do 'bha -yö Yesu -dhe 'ö -gɔ 'kɔɔdhö kö 'wo pè -bhö. -Yö -kè "dhü Zuifö -nu -bha =glooyi do 'ka. 'Yö dho 'yö -da 'kɔɔdhö. Yaa" kë 'wo wo siè bha Fadhizien -nu -kpɛa 'wo to -wo Yesu 'suan- =nè- bho siè. ²'Wo dho -dhe -ga kö me do 'bha 'ö -bhla -yua 'dhö- 'gü -yö dɔ siè- wéédhö. ³'Yö 'tɔnggɔmɛ -nu waa- Fadhizien -nu 'wo gun mü bha- -nu dhɛɛ" kpɔ 'ö- pö: «'Wɔn 'ö -gban "yuédhi -nu dha -sü -bha =glooyi 'ka bha kwa -bha 'tɔng- -ya -pö -dhe -a -wɔn 'gü? 'Kwa- kë -ee "ɛɛn 'kwa 'dho- -kè -ee?»

⁴'Yö -dhe a -yö ga- -nu -ta, 'yö 'wo dɔ dingdhö. -Yö -to 'gü 'yö Yesu -yö 'ö -kɔ pa "yuédhi bha- 'ka 'yö- dha, 'yö- pö- -dhe -yö 'dho. ⁵=Dhe 'ö -ya bo -wu -kpɔ 'me 'ö- -kè "klüöklü bha- -bha -sü 'ka, 'yö- pö 'me 'wo to- -nu -dhe 'ö- pö: «'Me 'ka bha de -mü 'ka ka kpö 'gü 'yö- -bha 'nè "ɛɛn -a -bha -du =ya -da -klɔng 'gü =glooyi 'ka, 'yö 'yii 'dho 'to 'ö- bho mü?

⁶-An dhɛɛ" 'ö- kpɔ "dhü bha, -a -yɔ 'yii =slɔɔ- -nu -gɔ kö -wa bɔ.

-Yea -kun -dhɔkédhe -ta -sü waa- me -dhe -dhɔkédhe -ta -kɔ -dhiang 'ö Yesu -ya zè 'ö Dhukö -ya pö

⁷=Dhe 'ö =ya kë "dhü, 'yö "gwénng do -da 'me 'wo- -nu -dhe -dhɔkédhe -ta 'wo gun -yɛa -blɛɛsü kɔɔ- siè bha- -nu -dhe 'ö- pö: ⁸«Wa 'me i -dhe -dhɔkédhe -ta, =dhe dhe dɔ -dhe -nu 'dhö, 'bha 'dho -yɛa -blɛɛsü mɔɔ-, -a -gen -mü -dhe 'kö 'me 'wo ka -dhe bha- me 'bha- mü 'ö- =bhléè 'dhö 'kpai- 'ö -ziö i -bha -ta 'bhaa- dɔ. ⁹Kè "dhü kö 'me 'ö ka -dhe bha 'ya 'dho nu 'ö- pö

i -dhe: «-Bhö 'go -yea 'dhe bha- 'gü kö 'me 'ö ya -yö -ya mü». -Ya kë "dhü kö -ya kë kpaɔ 'ka -ya 'pe i -bha. Kö i -bha -go -yea 'dhe bha- 'gü -sü kö 'i 'dho -ya -taama bha- 'yiü- yöö i kë. ¹⁰"Kee 'me 'ö -wa i -dhe -dhəkédhe -ta, -bhö 'dho kö 'i -ya -yea -totaamasü -në- 'gü, kë "dhü kö 'me 'ö ka -dhe bha -ya nu kö -ya pö i -dhe: «N "taɔngdë, -bhö bɔ "dhiü!» -Ya kë "dhü, i -gengbɔ -dho kë "gblüglü me "pepe 'wo -dhəkédhe -ta mü bha- -nu -gban 'gü.» ¹¹'Yö- pö: «-A pö 'a- wo ka -dhe "dhü bha- -gen -mü -dhe 'me 'i dho i -dɔ 'sü -kiandhö i "teabɔ -nu -bha, Atanna -dho i -da -a -nu =wlöö, "kee 'me 'i dho i -dɔ -da i "teabɔ -nu =wlöö, -yö -dho i gba -due 'kpɪi- 'ka.»

¹²-Dhe 'ö ö bo- -pö "dhü -sü 'ka, 'yö- pö 'me 'ö -dhe 'ö weng- -nu 'wo gun- -gɔ 'kɔɔdhö bha- -dhe 'ö- pö: «N "taɔngdë, -ya kë -dhe 'bha- pö 'i me -nu -dhəkë, "een 'bha- pö 'i -dhəkédhe kë, 'bha 'dho i "taɔngdë -nu oo, i dheebhang -nu oo, i 'ke- -nu "een i -yayɔɔ -nu 'wo -naɔme 'ka -a -nu -dhe -dhəkédhe -ta, kë "dhü kö 'wa 'dho i -dhe 'pö 'ö 'wo 'wɔn 'i- -kë bha- -gɔyɔɔ dɔ i -gɔ. ¹³"Kee 'bha- pö bhii -dhəkédhe kë, -bhö -wëeme -nu waa- -niɔɔme -nu, "ta -sü 'bebedhö -me -nu waa- "yanwlüme -nu -në- -nu -dhe. ¹⁴'Bha- kë "dhü, i zuë" =nii -dho -da, -a -gen -mü -dhe 'me 'wo bha 'waa -mɔɔ- -bha kö -wa -gɔyɔɔ dɔ i -dhe, -ya 'go mü 'zü, Atanna -dho -a -gɔyɔɔ dɔ i -dhe, 'me 'wo 'dhang bho- "dhiü -a -nu -bö -yi 'ka.

**"Gwënnng 'ö -gban -dhəkédhe 'kpɪi- kë -sü -bha 'ö Yesu
-ya -da 'ö Dhukö -ya pö
(Matiö 22,1-10)**

¹⁵-Dhe 'ö 'me 'ö weng- -nu -a -nu -kɔ -yö gun 'tea- do 'gü bha 'wo 'wɔn bha- ma, 'yö- me do -ya pö Yesu -dhe: «-Ya kë "dhü yö -zë 'gü 'sa kö 'me 'ö dho pë -bhö Atanna -bha -gblüédhəkédhe 'gü kö- -me -bha -së "dhe!»

¹⁶'Yö- -yɔ bɔ- -gɔ 'ö- pö: «-Bhö -dhe -ga zɔɔ, yi do 'ka 'yö me do 'bha -yö -dhəkédhe 'kpɪi- do -kë, 'yö me 'gbe -dhe. ¹⁷-Dhe 'ö pë -bhö "tüng -ya -loo, 'yö ö -bha gwëemi do bɔ 'me 'ö- -nu -dhe bha- -nu -dhe -dhe 'gü 'yö- pö -wo nu, -bhöpë -ya ma. ¹⁸"Kee 'yö 'me 'wo bha- -nu -gban "pepe 'wo -kɔ 'dho -sü -bha. 'Yö me -blesü -ya pö: «N -kpladhe -yö n -bha, 'bhlaadhe do 'bha 'a- dho ya, -a -dhea -bha -dhe 'a 'dho kö 'a -wo mü, -dhe 'ö "dhü -yö n -mawɔn 'to.» ¹⁹'Yö- me do 'bha -ya pö: «Mang -dɔ 'pö, -du -kaɔng do 'a- dho ya, -yö n "piü -dhe 'a dho kö 'a- -nu draan- yë kë -sü -bha. 'Bha 'dho -bhö -a pö i dëme -dhe 'mii 'dho nu.» ²⁰'Yö- me -yaaga -naa -ya pö: «A -go dhe 'sü -dhe 'gü -dee 'gü, 'wɔn 'ö- -wɔn 'gü 'mii 'dho nu 'pö 'yö bha.» ²¹'Yö- -bha gwëemi bha 'ö ö yee kë 'ö nu 'ö -ziö 'wɔn bha- -gban -gen 'gü "peɛpɛdhö ö dëme -dhe, 'yö 'wɔn bha 'ö -siö 'me 'ö -dhiɔ kë bha- -dhe. 'Yö -wu -dee 'bha kpaɔ gwëemi bha- -bha 'ö- pö: «-Bhö 'dho -beang 'ka "dheedhe waa- zian -gbeng -ta -dhe -nu 'gü kö 'i -wëeme -nu, -niɔɔme -nu, "yanwlüme -nu waa- "ta -sü 'bebedhö -me -nu -dhe kö 'ka nu.» 'Yö 'me bha 'ö dho 'yö nu, ²²'yö- pö ö -gɔme -dhe: «N dëme, -kɔ 'i- pö 'a- kë- -bha bha 'ma- kë-

-bha, "kɛɛ -yɛa 'bha ɛya 'to.» ²³Yö- gɔmɛ -ya pö- -dhe: «-Bhö 'dho zian -go -ta -dhe -nu waa- "yasa "piü -dhe -nu 'gü kö 'i =dhiɔ kɛ, mɛ "ʊʊ mɛ 'i dho -kpan -bha, -bhö -fɛɛ -ya -bha kö -yö nu kö -yö -da 'kɔɔdhö kö 'kɔ -yö pa; ²⁴-a -gen -mü =dhe a- -pö ka -dhe -dhe 'mɛ 'a- -nu -dhe -a -nu -bhlɛɛ -bha bha- mɛ do -zian 'yii dho 'pɛ 'wo- -kpa bha- din -zian -ga.»

-Kë Yesu -bha -klang 'ka -kɔ -dhiang 'ö- zɛ 'ö Dhukö -ya pö
(Matiö 10,37-38)

²⁵Yi do 'ka kö mɛ ɛya ta Yesu -bha kö -wo 'dho siɛ zian -ta -yɛɛdhö, 'yö =slɛɛ ö 'gü 'yö- pö 'mɛ 'wo bha- -nu -dhe 'ö- pö: ²⁶«'Mɛ 'ka nu siɛ bha mɛ "ʊʊ mɛ 'ö- pö 'ö bɔ n 'ka, "kɛɛ 'ö- -mɛ -yö ö dɛ oo, ö dhe oo, ö -bha dhebhö oo, ö -bha 'nɛ -nu oo, ö dheebhang gɔɔn- -nu "ɛɛn dhong -nu "ɛɛn -a -mɛ -dɔ -bha -tosɛa =dede -zian fiɛ bho n -bha, kö ma -klangdhiü 'yaa -mü. ²⁷"ɛɛn 'zü 'mɛ 'yii "wɪ- -bha kö -yö saan" n -wɔn 'gü, kö 'yaa =mɔɔ- -bha kö -yö kɛ ma -klangdhiü 'ka.» ²⁸Yö- pö: «-A pö 'a- wo ka -dhe "dhü bha- -gen -mü -dhe mɛ 'bha 'yaa 'dhö ka kpö 'gü bha kö -ya pö =dhe yö -zɛ 'ya- pö 'ö 'kɔ dɔ, 'yaa 'yaanu kö -yö ö -zɔ 'gɔn 'pɛ 'ö dho =mɔɔ 'kɔ bha- dɔ -sü -bha kö -yö bo- -wɔn -ta, ²⁹kɛ "dhü kö 'ya 'dho ö bo 'kɔkpan -ya -sü 'ka 'ö 'wɛɛ- -yö kɔn, 'ö =fiɛ- 'kɔ dɔ -sü -bha 'ö mɛ 'wo "yan -kpan bha kö -yö 'kɔ bha- dɔ siɛ bha 'wo =wɛɛ dɔ -bha 'wo- pö: ³⁰«'Mɛ 'ö ya, -yö -gun 'kɔ dɔ siɛ "kɛɛ ɛya =fiɛ- -bha -wa! ³¹"ɛɛn 'zü -gblüdü -mɛɛ -mü, 'yö =yaa- pö 'ö 'dho -gblü bha, "kɛɛ kö mɛ "gblü -kaɔng do =nɛ- -gɔ, 'yö 'yaa 'yaanu 'yaa ö -zɔ 'gɔn 'ni 'ö- faan dho =mɔɔ 'mɛ 'ö nu siɛ- -gɔ mɛ "gblü -kaɔng =plɛ 'ka bha- -bha -sü -wɔn 'gü, 'yö 'yaa gun -na 'dho-? ³²-A -mɛ =yaa- yö =nɛ- kɛ "dhü, 'yö -ya kɛ =dhe 'yii 'dho =mɔɔ- -bha, 'yö -gblüdü 'dhe bha- to =gblɛɛn, 'yö mɛ bɔ- -dhe 'yö- pö: «-Gblü 'yaa n "piü», ³³Yö =nɛ- -wɔn 'gü, 'yö 'a- pö ka -dhe -dhe 'ö mɛ "ʊʊ mɛ 'ö- 'ka 'ö ka kpö 'gü 'ö 'yii ö kwaa- pɛ "pɛpɛ 'ö- -gɔ -a -gban -zü, kö -yö zio n =keng-, -a -mɛ 'yaa =mɔɔ- -bha kö -yö kɛ ma -klangdhiü 'ka.»

(Matiö 5,13; Makö 9,50)

³⁴Yö- pö: «=Wee 'ö bha pɛ -sɛ -mü, "ɛɛn 'yaa "dhü -ee? "Kɛɛ ɛya kɛ =dhe =wee din ɛya 'go- -bha kö "slɛ 'wɛɛ 'bha 'kö 'wo dho- kɛ =taamasü 'gü kö-din -yö dhi 'yaa 'dhö 'zü. ³⁵Kö ɛya kɛ pɛ see- -sü =nɛ- 'ka bha, kö- -trɔɔn 'yaa 'dhö 'zü "se waa- "dung -zian 'bha -bha. Kö ɛya 'to -zuö "kɛɛnng -pɛ =nɛ- 'ka.» 'Yö- pö: «'Ma- pö "dhü, 'wɔn ma -tv 'dhö 'mɛ 'ö- -gɔ -bha -ya 'gü ma!»

"Gwɛnng 'ö -gban Atanna -bha -tuü -nu 'wo -dheɛng 'ö -waa- yö -a -bha 'ö
Yesu -ya -da 'ö Dhukö -ya zɛ
(Matiö 18,12-14)

15 ¹-A "töng bha- 'gü, 'niisɔngkunmɛ -nu waa- 'wɔnyaakɛmɛ "wɛɛdhe -nu -gun nu siɛ Yesu -dhe 'gü kö 'wo 'tv 'to- -wɔ -bha. ²'Yö

Fadhizien -nu waa- 'tonggɔmɛ -nu 'wo -ya Yesu =tɔɔ kɛ -sü -bha "waa 'gü 'wo- pö: «Mɛ 'kô ya yô -zɛ waa- 'mɛ 'ö- -nu "ta -kɔ 'yaa -sɛ bha -nɛ 'wo -nɛng 'kwɛɛ-. Weng- -nu -wo pɛ -zian -bhö wo "kwɛɛ.»

3'Yö Yesu -yö "gwɛnnɔg do -da -nu -dhe -a -wɔn 'gü 'ö- pö: 4«De -mü ka kpö 'gü 'yö "bhlaa kɛng do -ya kɛ- -gɔ, 'yö- do -ya =dhɛng 'yö 'yaa -kaɔng "sueisiö waa- "bhlaa "sueisiö 'ö to bha- 'to "tung -ta, 'yö 'yaa 'dho- do ö =dhɛng bha- mɔɔ- -dhe 'gü, 'yö 'yaa 'to- mɔɔ- -dhe 'gü 'yaa 'dho 'yaa zun- 'ka -a yô -sü -bha? 5A- -pö ka -dhe -dhe: =Ya kɛ -dhe- -mɛ =yaa- yô, -a -nii -yö -da 'ö- sü 'ö- -wɔ ö gbaandhö, 6'ö nu- 'ka "kweandhö 'ö ö "teabɔ -nu waa- ö -yayɔɔ -nu -dhe 'ö- pö- -nu -dhe: «-Ka nu kö 'kwa ma "tan kɛ n -dhe, -a -gen -mü =dhe ma "bhlaa 'ö =dhɛng bha 'ma- yô!» 7A- -pö ka -dhe tean- =dede 'ka =dhe: -Kɔ do bha =nɛ -niidadhe -yô kɛ- 'ka dhang- 'gü kö 'wɔnyaakɛmɛ doseng -zian =ya bɔ Atanna 'ka "kpung =taa 'ö -ziö 'ka mɛ -kaɔng "sueisiö ga "sueisiö 'ö pö 'aa- -nu -bha -a -nu -du 'gü, 'ö- -nu -mawɔn 'yaa -bɔ Atanna 'ka -wɔn -bha 'zü -a -nu -wɔn -ta.»

**"Gwɛnnɔg 'ö -gban 'wɛɛ- "puu ga 'ö =dhɛng -a -bha
'ö Yesu -ya -da 'ö Dhukö -ya -dhiang zɛ**

8'Yö go mü 'zü 'ö- pö: «Kö 'wɛɛ- "puu ga -kaɔng do -yô kɛ dhebɔ do -gɔ, kö- ga do -yô =dhɛng, -yô -dho -dhangbha dɔ 'ö -pia sü 'ö- -ziö 'kɔ "piü -dhe =gban "pɛpɛ 'gü, "fɔn kö =yaa- yô. "Eɛn 'yaa kɛ "dhü -ee? 9=Ya ö bo- yô -sü 'ka, 'yô ö "teabɔ -nu waa- ö -yayɔɔ -nu -dhe 'yö- pö: «-Ka nu 'kwa ma troo kɛ n -dhe, -a -gen -mü -dhe ma 'wɛɛ- "puu ga 'a kɛ- =dhɛng bha 'ma- yô!» 10'Yö- pö: «A- -pö ka -dhe -dhe: Kö 'wɔnyaakɛmɛ do -yô bɔ Atanna 'ka, -a -niidadhe -yô -kɛ -a -bha "kiɛ -nu kpö 'gü dhang- 'gü -kɔ do bha =nɛ- 'gü.»

**"Gwɛnnɔg 'dhe 'ö Yesu -ya -da 'ö -gban 'nɛgɔɔn do 'ö
=dhɛng -a -bha -a -dhiang 'ö Dhukö -ya zɛ**

11'Yö -ya mü 'zü 'ö "gwɛnnɔg do 'bha -da 'ö- pö: «Gɔndɛnɛ do 'bha -nɛ gun, 'yö 'nɛgɔɔn =plɛ -yô gun- -gɔ. 12'Yö- mɛ "bhlɛngsü -ya pö ö dɛ -dhe yi do 'ka 'ö- pö: «N dɛ, i 'kean- 'ö dho 'to yi -gɔ dhia" bha, -bhö -a 'gü -gblü kö 'i n -bha nu.» 'Yö- dɛ -yô ö 'kean- 'gü -gblü -a -nu -ta. 13=Dhe 'ö mɛ "bhlɛngsü bha 'ö ö -kɔ -da ö -bha =naɔ bha- 'gü, 'yö -dhekpɔyɔi 'nɛ 'bha -kɛ, 'yö =wlü 'ö dho "se =gblɛɛn 'bha 'gü, 'yö -ya 'nɛglɔɔndhe kɛ -sü -bha -naɔ bha- 'gü, 'yö -ya -a 'gü see- -sü -bha. 14=Dhe 'ö =ya ö bo- =gban 'gü see- -sü 'ka "pɛɛpɛdhö, 'yö "vüü -yô -da "se bha- 'gü, 'yö -kpla -yô zun- 'kun -sü -bha. 15'Yö dho 'yô -da yɛ 'gü "sɛ bha- 'gü mi do "piü, 'yö 'mɛ bha 'ö- bɔ ö -gɔ -bɔ -kluu 'gü kö -yô -ya -a -nu -gɔ "dhiü. 16"Üng 'ö gun- 'ka -bɔ -gɔ "dhiü bha, -bɔ -nu -bhöpɛ 'wo- nu- -nu -dhe bha- 'bha -bhö -dɔ -gun -bha; -a -gen -mü =dhe kö -bhöpɛ 'bhaa- -gɔ, (kö din- -ya kɛ siɛ), "kɛɛ 'waa gun- -bha nu siɛ. 17Yi do 'ka 'yô 'yaanu 'ö ö -zɔ gɔn "fluudhö 'yö- pö: «Din- -yô n -zɛ -mɛ -wɔn -zɛ 'gü kö 'mɛ 'wo yɛ 'gü n dɛ -gɔ -wo 'gbe, "kɛɛ kö -wo pɛ -bhö 'wo =fiɛ- -kpɛa -bha. 18A -dho "wlü 'a dho n

dë 'piü, 'ö 'a- pö n dë -dhe: «N dë, -bhö n 'to, 'ma -da Atanna 'dhiü, 'ma -da i 'dhiü, ¹⁹-a -dhe 'yaa -bha -zianwo 'zü -dhe -wo i 'tö pö n -bha -dhe i gbö -mü n 'ka, 'këe 'kö 'zü 'i n 'sü -zianwo -dhe i -bha yëkëme do 'dhö kö 'yö bha.»
²⁰-Dhe 'ö 'në bha 'ö ö -zu gôn 'dhü, 'yö =wlü 'ö dho ö dë 'piü.

=Dhe 'ö- dë -ya yö kö -yö nu sië, 'yö dho dɔ- gɔ zian- -dhe =gblæen 'gü, 'yö -wëë -yö bɔ- -ta =dedewo, 'yö -beang sü 'ö dho ö gbö bha- 'dhiü -gɔ 'yö dho 'yö =loo- -bha. ²¹'Yö- gbö -ya pö- -dhe: «N dë, 'ma nu, 'këe nu 'a- wo bha a- -dɔ -dhe 'ma -da Atanna 'dhiü, 'ma -da i 'dhiü, -a -dhe 'yaa -bha 'zü -dhe -wo i 'tö -zian pö n -bha.» ²²'Këe 'yö- dë -ya pö ö -bha gwëëzë -nu -dhe 'ö- pö: «-Ka 'dho 'vaandhö kö 'ka nu ma =gbauu- ga -sësü -dede 'ö 'kɔɔdhö bha- 'ka kö 'ka- -da n gbö ya- -bha, kö 'ka kɔnggaapë -ya -kɔ -bha (kö -ya -zɔn =dhe -kɔ do 'ö gun- -bha n -gɔ -blæesü bha =ya kë 'zü- -bha -deewo), kö 'ka -slu -ya -gen -bha! ²³-Ka 'dho kö 'ka nu -du 'gbɔng 'ö 'kwa- 'dhiü gba 'ö =ya 'yɔn kë bha- 'ka kö 'ka- zë kö 'kwa pë -bhö kö 'kwa troo kë! ²⁴-A -gen -mü =dhe n gbö 'ka- -ga sië 'ö dɔ bha, =ya gun =ya kë =dhe 'më =ya ga =në- 'dhö, n gbö 'ö =ya bhɔ -deewo ö dɔ bha =ya gun =ya -dheng 'nu n -gɔ, 'këe 'yö 'ma- yö bha!» 'Yö 'wo -ya troo kë -sü -bha.

²⁵'Këe kë 'wo- wo sië 'dhü bha kö -a gbö 'kpiisü -zë -yö 'bhlaa. -Dhe 'ö =ya nu =ya =loo 'kweandhe 'sɔɔ, 'yö- 'tu -yö -da 'wipë -nu waa- troo -nu -wu 'gü. ²⁶'Yö ö dë -bha gwëë" -nu bha- më do -dhe 'yö- dhe" kɔɔ 'ö- pö: «'Kwa- ma 'kweandhö?» ²⁷'Yö gwëëmi bha 'ö- pö- -dhe: «I dheebhang 'ö kë dho 'se 'piü bha =në =ya ö yee kë =ya nu, 'yö i dë =ya -du zë- -dhe, nu 'ö- wo kö -a 'klüöklü -sü -yö -kpan -bha bha- -wɔn 'gü.» ²⁸-A ma 'ö- wo 'dhü bha 'yö -siö -dhe, 'yö -zuv -kë 'ö- pö 'yii 'dho 'dho 'kweandhö. -A dë- -zun 'kpenng -gen =ne, 'yö -bhëa- -dhe kö 'wo 'dho 'kɔɔdhö. ²⁹'Këe 'yö- pö ö dë -dhe 'ö- pö: «Ma -zë 'a zun yë -kë i -dhe -sü -bha 'dhü 'yi bha- 'ka, yö =në- =dëe 'dhö 'dhö, 'mii i -wu bho- 'piü do, 'këe 'bhii -bhv 'në -zian nu n -dhe do kö yaa- n 'teabɔ -nu 'yi- -bhö kö 'yi troo kë- -ta, ³⁰'Këe i gbö 'kö yö -zë 'ö i -bha =naɔ sü 'ö dho- 'ka 'se 'piü, 'ö- =gban 'gü see- -zuadhe -nu -bha bha, yö -zë 'ö nu 'bha -du 'kwa gun- 'dhiü gba sië bha- zë- -dhe -këe!»

³¹'Yö- dë -ya pö- -dhe 'ö- pö: «Gɔnnë, bhi -zë kweng ko 'ko 'piü yi -gban 'ka, pë 'pepe 'ö n -gɔ ya i -bha -mü, ³²'këe bhii =dede -bhö -a -ga bha, i 'zlaa- 'ö dɔ ya, =ya gun =ya kë =dhe 'më =ya ga- 'dhö, 'yö =ya -bö 'ö dɔ bha, =ya gun =ya kë =dhe 'më =ya -dheng -a 'dhö, 'yö 'ma- yö ö dɔ bha. (-A -kë 'dhü -sü 'gü, -a -dhe -gun -bha -dhe i 'zlaa- 'ö nu bha, 'kwa- 'gü -troo kë kö 'kwa kwa 'dhia bho).»

**"Gwënnng 'ö Yesu -ya -da 'ö -gban -flüme 'wo
 =naɔ to- 'piü -a -bha 'ö Dhukö -ya pö**

16 ¹-Dhe 'ö =ya kë 'dhü, 'yö go mü 'zü 'yö 'gwënnng -dee 'bha -da ö -bha =klang -nu -dhe 'ö- pö: «Gɔndënë do 'bha -yö -gun, 'ö =naɔ gun- gɔ. 'Yö- -bha =naɔ bha- -gɔdhiüme -yö gun.

Yi do 'ka 'yö 'wo nu 'wo- pö =naome bha- -dhe =dhe -a -bha -nao -gödhiüme bha -ya -bha -nao bha- 'gü -në- see- sië. ²Yö göndë bha 'ö ö -bha -nao -gödhiüme bha- -dhe 'ö- pö- -dhe: «-Wu -nu 'a- ma sië i -bha ya- 'bha 'yaa n -zu 'kun. =Dhe 'ö "dhü, -bhö nu kö 'i ma -nao bha- "kpläng bho n -dhe; -a -gen -mü =dhe 'yaa n "piü =dhe 'i -ya -gö "dhiü 'zü.»

³Yö 'me 'bha 'ö zun ö -zu 'gön -sü -bha 'ö- pö: «N dëme -ya pö 'ö- wo yöö ö -bha -nao =gban 'sü n -gö ya, a -dho -a kë mü =dhe, "këe kö 'ke- kë 'su 'yaa n -dhe, kö -gbadhesü -yö n 'gü 'pö 'yiüsü ya?» ⁴Yö- pö: «Kwa- ma, 'pë maa kë kö me -nu -wo n gba -yaa 'ka wo -gö 'kwohdö kö =wa n kë yë bha- 'gü 'ma- dö.» ⁵Yö ö dëme -bha "pö 'dhö 'me 'ö- -nu -bha bha- -nu -dhe, 'yö- pö me -blesü -dhe: «N dëme -bha 'wëë- =dhe 'pö i -bha?» ⁶Yö- pö: «-A -bha "yön "gbunggbu këng do =në n -gö.» Yö- pö- -dhe: «-Bhö 'yaanu kö 'i i -dö -bha "pö 'sëédhe bha- -ben zë kö 'i -ya 'gü =dhe "yön "gbunggbu -kaong "swoödhü =në i -gö.» ⁷Yö go mü 'ö- pö me do 'bha -dhe 'ö- pö: «Yö bhi -zë =we?» 'Yö- -yö bö 'pö- -gö 'ö- pö: «-A -bha -mlüga 'tea- -yan këng do =në n -gö.» 'Yö- pö- -dhe: «-Bhö i -bha "pö 'sëédhe 'sü 'pö kö 'i -kaong "saaga -ben zë- -ta.» ⁸=Dhe 'ö =naome bha 'ö- ma -dhe ö -ködhiüme =flüsü bha =yaa- kë "dhü, 'yö "dhe -ya -ta 'ö- pö -yö -dö 'wön kë -dhe 'ka. =Dhe 'ö Yesu =yaa- pö "dhü, 'yö- pö ö -bha =klang -nu -dhe: «-A pö 'a- wo ka -dhe "dhü bha- -gen -mü =dhe 'me 'waa Atanna dö 'wo =dëe -yën ya- 'gü ya, -wo woo- 'wön -nu -zun 'ko "dhiü kë -kö -dö wo 'ko =zinng 'gü 'ö -ziö 'ka 'me 'wo Atanna dö -a -nu -ta.»

⁹Ö go mü 'yö- pö 'zü ö -bha =klang -nu -dhe 'ö- pö: «-A -kë "dhü -sü 'gü, mang -dö 'pö a- -pö ka -dhe =dhe: "Dhang -nao 'ö "kpong =taa yö bha, 'ka "taongdëdhe 'kun- 'ka me -nu -bha. =Ya kë "dhü, -a -nao 'ö ka -gö bha -ya yën yi 'ö- 'ka Atanna -dho ö -kö 'kpo ka -gö -a -bha -sii 'ö 'yaa yën bha- këdhe 'gü, ¹⁰'sa 'me 'ö 'wloödhe -kë 'wön 'seennë -nu 'gü, kö -yö -dho -a kë 'wön 'kpii- 'gü 'pö, "këe me 'ö 'yaa 'wloödhe kë 'wön 'seennë 'gü, kö- -me 'yii dho- kë 'wön 'kpii- 'gü. ¹¹-A -kë "dhü -sü 'gü, =ya kë =dhe 'wii ka 'wloödhe yö =flü -nao 'ö "kpong =taa yö bha- -wön 'gü, 'dee dho =moo- -bha 'ö =nao -së 'ö Atanna "piü bha- -kefama bho ka -bha? ¹²=Ya kë 'zü =dhe me -nu -bha pë 'wo- =due bho ka "piü bha 'kii- 'kun -së, Atanna -dho -a 'dhe ka -bha 'ka -a nu ka -dhe -kö -kë =dhe?

¹³-Yö kë ka "yaan =dhe: Me do 'yaa =moo- -bha kö -yö yë kë me =ple "piü. =Ya kë "dhü, =ya kë -kö "bu -kö 'ö- 'gü me do -san -dho -a kë 'ö me do -dho -ya -kë. "Een 'zü -yö -dho -kplü me do -bha, 'ö- me do to. Kaa -dö 'pö 'kii 'dho =moo- -bha kö 'ka kë Atanna -bha me 'ka kö 'ka -ya mü 'zü 'ka kë -nao -gö =dhuengdhe 'gü -kö do bha -në- 'gü.»

**-Kö 'ö Yesu -yö teanwön pö- 'ka Fadhizien -nu -dhe -a
-dhiang 'ö Dhukö -ya zë
(Matiö 11,12-13; Matiö 5,31-32; Makö 10,11-12)**

¹⁴Dhiang -nu 'ö Yesu gun- zë sië "dhü bha kö Fadhizien -nu "tu -ya -bha. "Këe =dhe 'ö -kë =dhe =nao -dho -ya -nu kë "gbu- bha, -wo -gun =wëe =në- dö

sië- bha. ¹⁵Ya -pö -nu -dhe yö -në- -wɔn 'gü 'ö- pö: «Fadhizien -nu, ka -zë -kɔ 'ka dho- kē- 'ka kö 'ka bhɔ me -nu 'gü Atanna dhɔɔbhaawɔn kē -me -bha -në 'ka- -dhe -mɔɔ, "kɛɛ 'sa kö yö -zë -yö -dhe yö ka zuë" 'piü. 'Pë 'ö me "bhu- -nu -zë -a -nu 'gü pë -së 'ka bha -në yö -zë 'gü pë -yënnɔsü 'ka.

¹⁶Ya 'go mü -a -bha 'tɔng- -nu 'ö Moizö -ya -ben zë yi 'bha 'ka bha waa- -wudhiüloomɛ -nu -a -nu -bha "tɔng -në gun -bleesü kö Zan 'yii bhɔ -kɔ. (Kë "dhü kö -yö Atanna -dhidhewɔn kē -kɔ -gleng -da Izraedhö -me -nu -bha), "kɛɛ 'ö go Zan bhɔ -sü -bha 'ö nu 'ö zun- 'ka -dɛɛ bha, -naɔ -së 'ö -gban Atanna -bha -gblüedhe -bha -në 'yi- pö sië. Me -gban -wo wo 'gü dɔ sië "gbu- yö -në- -wɔn 'gü 'yö 'wo -kplakpla zë sië kö 'wo -da mü bha.

¹⁷Kɛɛ yö -në- -gban 'gü, dhang- waa- "sɛ -a -nu ziö -sü -dho kē -bhaasü Atanna -bha 'tɔng- bha- -blünga -zian -go -bha -sü 'ka.

¹⁸-A -kē "dhü -sü 'gü, me "ɔɔ me 'ö- dhe bho "bü 'ö- -dee sü kö -yö -da -në- wo me -nu -bha "piü bha. 'Sa kö me "ɔɔ me 'ö -yö dhe 'ö -wa wo bo- 'ka -a 'sü, kö- -mɛ -yö -da -në wo sië me -nu -bha dhe "piü bha.»

**"Gwënnɔ 'ö Yesu -ya -da 'ö -gban -naɔmɛ do waa- -wëemɛ
do 'wo- -dhe Dhazaa -a -nu -bha 'ö Dhukö -ya pö**

¹⁹'Yö Yesu -ya pö- -nu -dhe 'ö- pö: «=Naɔmɛ 'kpüi- 'bha -në gun, sɔ -nu 'wo gun- -gɔ, 'yi 'yaa zun- 'bha -bha. -Yö -gun sɔga "kpeakpea -dɪ -slɔɔ 'ö -ma 'yaa wo- sɔng -bha bha -në- -da sië. 'Yö -dhe "puu 'ö -kpaɔ, 'yö 'ö "dhia bho 'yö pë -sɛsɛngbɔ -nu -bhö.

²⁰-Wëemɛ 'bha -yö gun mü 'pö 'wo- gun -dhe sië Dhazaa. Bhiëë -yö -gun -bha -dhe -gban "pepe 'gü, 'yö gun nu sië -kpeawo 'ö -wɔ -naɔmɛ bha- -gɔ 'kɔ "dhiëngdhö. ²¹Kë "dhü kö 'me bha 'ö 'pë 'ö- -bhö sië kö- -blünblün 'në -nu 'wo -wënnɔ bha -wa nu 'ö -dhe kö 'ö- -bhö. Kö 'gben- -nu -wo nu sië 'wo bhiëë 'ö- kwi -bha bha- -ma pa -nu wo.

²²Yi do 'ka 'yö -wëemɛ bha 'ö ga, 'yö Atanna -bha "kië -nu -wa sü 'wo dho- 'ka -dhe -së 'ö Ablaamö "sɔɔ bha- 'gü. 'Yö -naɔmɛ bha yöö -dɪ 'pö 'ö dho 'ö ga. 'Yö 'wo dho 'wo- -wɛɛ bho. ²³=Dhe 'ö -ya 'dho -ya -loo -geebɔɔ 'pö, 'ö -wëedhe yö sië mü -dedewo, 'ö dho 'ö "yan "dhiü "wlü kö -yö -dhe -ga, kö Ablaamö -yö dɔ sië -dhe 'bha 'gü 'tiiii mü, "kɛɛ kö Dhazaa -ya "piü mü. ²⁴'Yö 'ö -wu "dhiü -wlü "gbu- 'ka 'ö- pö: «N dë Ablaamö, -bhö dɔ "gbu- kö 'i n -wëë -ga kö 'i Dhazaa bɔ kö -yö 'ö kɔngga "zɔ "yɛ "yi -bha kö -yö nu- 'ka -ya zun n 'nɛɛ -taa kö -yö -dhië -dhe! Saan" -yö 'ma sië n -bha peng ya- 'gü "gbu- -wa!» ²⁵'Yö Ablaamö -ya -yɔ bɔ- -gɔ 'ö- pö: «Gɔnnë n gbö, -a 'wɔn kē i "yaan -dhe -tosea -së -zë -a 'bha -në 'i gun- kē sië "kɔng -taa bha. -A "tɔng bha- 'gü kö Dhazaa -dɪ 'pö -yö saan" 'gü, "kɛɛ 'yö dɔ 'kwa- wo ya yö -zë -niü 'dhö -da sië -dhe ya- 'gü 'yö bhi -zë 'i -wëedhe yö sië bha.

²⁶"Kɛɛ yö -në- -gban 'gü -zianwo, -zinng -yö kwa -zinng 'gü, -gblüga do 'bha -yö kwa -zinng 'gü bha- -kē -gbleen -kɔ 'yaa -së. Kë "dhü kö me -yaa- pö 'ö 'go yi "pean "piü kö 'ö bɔ ka "pean "piü, 'ɛɛn kö -yö 'go ka "pean "piü

-yö bɔ -dhe ya- 'gü, kö 'ya 'dho -mɔɔ- -bha.» 27'Yö =naome bha 'ö- pö: «-Bhö dɔ "gbu- 'sa, n dë Ablaamö, bhea" =në 'a- wo i -dhe kö 'i Dhazaa bɔ n dë -gɔ 'kɔdhi 'gü, -a -gen -mü -dhe n dheebhang -nu "sɔɔdhu -wo mü. 28Kö -yö 'dho -yö 'wɔn -nu ya- -nu -gen dɔ- -nu -dhe kö wo -zë -wo Atanna -wu -ya -bhlëë 'gü kö 'wa 'dho nu -wëédheyödhe ya- 'gü.» 29'Yö Ablaamö -ya -yɔ bɔ- -gɔ 'ö- pö: «Atanna -wu 'sëédhe 'ö Moizö -ya -ben zë bha -yö mü, -a 'dhe 'ö- -wudhiüloome -nu -wa -ben zë 'pö bha -yö mü, -wo -dho -a -wu pö- -nu -dhe, -wo wo "tu 'to- -bha!» 30'Yö =naome bha 'ö- pö Ablaamö -dhe: «(=Iin, -yö "dhü tean- 'ka n dë Ablaamö,) "këe 'më 'kö 'wo bha wo -zë -a -nu -wu =në 'yii 'dho =mɔɔ- -nu -bha. "Këe =ya kë =dhe më =ya 'go =geebɔɔ kö -yö 'dho -a -nu "piü, -wo -dho wo bo wo kë -sɔng -nu 'ka yö -zë 'gü.» 31'Yö Ablaamö -ya -yɔ bɔ- -gɔ 'ö- pö: «=Ya kë =dhe 'wii wo "tu to 'sëédhe 'ö Moizö waa- Atanna -wudhiüloome -nu 'wo- -ben zë bha yö -zë -wu -bha, 'kö më "yaandhe -zian yöö 'go =geebɔɔ kö -yö 'dho, 'yii 'dho bhɔ- -nu 'gü tean- -bha.»

Yesu -bha më =klangkëwɔ 'ö -gban më 'ko -nu -mawɔn 'to -sü, -zu -yö Atanna -dhe -sü waa- gwëëmi këwɔn -nu bha -a -dhiang 'ö Dhukö -ya zë (Matiö 18,6-7.21-22; Makö 9,42)

17 1=Dhe 'ö =ya kë "dhü, 'yö Yesu -yö go mü 'zü 'ö dhiang zë 'ö -bha -klang -nu -dhe 'ö- pö: =Ya kë -kɔ "ʊʊ -kɔ 'ö 'gü, 'wɔn- -dho -da -nu wo më "bhu- -nu -gen 'gü 'ö 'wo -da Atanna "dhiü, "këe 'më 'kö yaa- -kë 'wɔn -nu bha- -nu -da më -gen 'gü -më 'ka bha =në- -më bha dho kë -wëësi. 2-Gwë kpö 'kpikpi -zian -dun -a -më bhɔ -bha -sü 'wo- -zuö 'ka =weeyi -bhaa -a fië- -dhö -a -më -bha 'më 'wo -dhe 'në 'sëennë -nu ya- -nu 'dhö 'dhang -bho n "dhiü -sü 'gü bha më do zian -da Atanna "dhiü -sü -bha. 3-A -kë "dhü -sü bha- 'gü, -ka "ta ka 'suan- 'ka. =Ya kë =dhe i dheebhang =ya 'wɔn yaa kë i 'ka, -bhö -a -dhiang zë -së 'ka kö 'i -dhio dɔ- -ta. =Ya kë =dhe =ya "wɪ i -bha -bha kö -yö 'ö bo 'ö =sɔng bha- 'ka, -a -mawɔn 'to. 4=Ya kë =dhe =ya -da i "dhiü =dhe pë "sɔɔple 'dhö -dhekpɔɔyi do 'ka, kö =ya -da i "dhiü -kɔ 'ö- 'gü 'do 'do kö -yö nu -ya pö i -dhe =dhe 'ya -da i "dhiü, "këe 'yii 'dho- 'bha kë "dhü 'zü, -a -dhea -bha =dhe 'i- -mawɔn 'to.

5=Dhe 'ö =ya 'ö bo- -pö "dhü -sü 'ka, 'yö- -bha bɔmë -nu -wa pö- -dhe: «Yi Dëmë, -bhö yi -bha -zu -yö Atanna -dhe -sü taa kë!»

6'Yö- -yɔ bɔ- -nu -gɔ 'ö- pö: «=Ya kë =dhe ka -bha -zu -yö Atanna -dhe -sü =ya kë -zianwo =dhe "pënnnga 'dhö, 'ka- pö "dhü 'kpü- 'ö dɔ ya- -dhe -yö 'go 'ö "gblɔv kö -yö 'dho dɔ =weeyi =bhaa, -yö -dho 'dho ka -wu bha- "dhiü.»

7'Yö- pö 'zü- -nu -dhe 'ö- pö: «'Më 'ka ya de -mü 'ka ka kpö 'gü 'yö- -bha -dhuënggɔmi =ya 'go 'ke- kë -dhe 'gü kö -yö nu, "ëen =ya 'go -tuü -maa kë -dhe 'gü kö -yö nu, 'yö dho =mɔɔ- -bha kö -ya pö- -dhe: «-Bhö nu "vaandhö kö 'i pë -bhö? -A -më 'yaa 'dhö. 8'Pë 'ö dho- pö yö -mü -dhe -yö 'ö baa-, -yö 'bhlaa- -sɔ bha- bho 'ö -bha kö -yö 'ö "dhi mɔɔ- kö 'ö pë -bhö kö 'ö müpë

mü. Kö -ya bo ö -bha bha- 'ka kö yö -zë -yö gun -na 'yaanu kö -yö ö -bha -bhö "εεν ö -bha müpë mü. ⁹Kö -yö kë -dhe yöö- nue" 'bha -në- bho -a këwɔn -bha 'yaa -mü. "εεν 'yaa "dhü -ee? ¹⁰Ka -bha -yö -kɔ bha -në- 'gü 'pö. -Ya kë -dhe -wu -nu 'a dho- 'kpɔ ka -bha bha, 'ka ka bo- 'gban 'gü -wɔn kë -sü 'ka, -kaa pö: «Gwëëmi "wæwæedhe -mü yi 'ka, yi kë -yë -në 'yi- -kë, nuebhome -zian 'yaa -mü yi 'ka.»

-Weeyuame -kaɔng do 'ö Yesu -ya -nu dha -a -dhiang 'ö Dhukö -ya zë

¹¹-Dhe 'ö yi do 'ka kö Yesu -yö 'dho sië Zedhizadhemö, 'yö bɔ Samadhi -sɛ waa- Gadhidhe -sɛ -nu -naa "dhiü. ¹²'Ö gun kö -yö -da sië 'pödhɛ do 'bha 'gü, 'yö =weeyuame -kaɔng do 'wo nu dɔ- 'gɔ zian-, -wo -to 'ka 'bleng -bleng, 'yö 'wo wo -wu "dhiü =wlü 'wo- pö- -dhe: ¹³«Yesu yi Dëmɛ, -bhö yi -wëë -ga -dhe!» ¹⁴-Dhe 'ö- -nu yö, 'yö- pö- -nu -dhe: «-Ka 'dho kö 'ka ka -dɔ -zɔn "saabhome -nu -dhe!» =Dhe 'ö 'mɛ 'wo bha 'wo 'dho sië, 'wo dho "kan wo -ta kö =wa kë "klüöklü. ¹⁵-Dhe 'ö 'mɛ 'wo bha- mɛ do 'ö ö -dɔ yö kö 'ya kë "klüöklü 'kpakpadhö, 'yö -yɛ ö 'gü 'zü -deewo 'ö nu Atanna 'tɔ bhɔ -sü 'ka "gbu- 'ka. ¹⁶'Yö nu 'ö zun ö kpiö 'gü Yesu -dhe, 'yö zun- nue" bho -sü -bha, "kɛɛ 'sa kö Samadhi mi -në gun 'mɛ 'kö bha- 'ka.

¹⁷Yesu -ya -pö yö -në- -wɔn 'gü 'ö- pö: «Mɛ -kaɔng do 'wo gun bha, -a -nu =gban 'wii kë -në wo "klüöklü -ee? 'Yö- mɛ -kpea -nu -zë -wo 'mɛ? ¹⁸-Më -wɔn -në -kë 'yö- mɛ -kpea -zë -a -nu 'bha -zɔ 'yii -da Atanna nue" bho -wɔn -ta kö -wo wo yee kë -wo nu kö 'yii kë "sɛ "wɛɛ 'gü mi 'kö ya- 'ka?»

¹⁹-Dhe 'ö -ya ö bo- -pö "dhü -sü 'ka, 'yö- pö 'mɛ 'bha- -dhe: «N "taɔngdë, -bhö "wlü kö 'i i -bha 'dho wo; i -bha 'dhang -bho n "dhiü -sü -në i dha bha.»

-Kɔ 'ö Atanna -bha -gblüädɛdhe dho nu- 'ka -a -dhiang 'ö Yesu

**-ya zë 'ö Dhukö -ya pö
(Matiö 24,23-28.37-41)**

²⁰-Dhe 'ö 'wɔn bha -ya kë "dhü, 'yö Fadhizien -nu -wo Yesu dheɛ" kpɔ 'wo- pö: «Atanna -bha -gblüädɛdhe -dho nu -mɛ "tüng -në- 'gü?» 'Yö- -yɔ bɔ- -nu -gɔ 'ö- pö: «-A -bha -gblüädɛdhe -bha nu -sü bha 'yii 'dho kë mɛ 'bha "yan -bha 'kun -wɔn 'ka. ²¹'Wii 'dho- pö: «Atanna -bha -gblüädɛdhe -bha -dhe -ya nu -dɛɛ -ya -loo -dhe 'ö -ni- 'gü!», "εɛn: «-Yö -dhe 'dhe ya- 'gü!»; -a -gen -mü -dhe -a -bha -gblüädɛdhe -yö ka kpö 'gü yö.»

²²'Yö- pö ö -bha =klang -nu -dhe 'ö- pö: «-Ka -dhe -ga, "tüng 'bha- mü -dho -loo 'ö 'ka- 'slɛ =mɔɔ kö ka "yan -yö -da mang Megböme ma mɛdhe kë -yi "zɔ "dhiü 'në 'dɛdɛ 'në 'bha -zian 'gü, "kɛɛ 'kii 'dho- -dhe yö. ²³-Wo -dho -a pö ka -dhe: «-Ka 'dho -dhe ya- 'gü, -yö mü!» "εɛn: «-Yö -dhe 'dhe -ni- 'gü!», "kɛɛ =waa- pö "dhü 'ka 'dho- -yɔ bɔ, 'ka 'dho -beang 'sü 'ka dho- -dhe mɔɔ-; ²⁴-a -gen -mü -dhe mang Megböme n nu -sü bha -yö -dho kë

-dhe -kɔ 'ö dha -yö "yaan- kun- 'ka, 'ö -kë =dhe me- me "yan zë, "kɛɛ 'ö "se zun- 'ka 'ko "dhiü bha =në- 'dhö. ²⁵"Kɛɛ "sanni -yö kë "dhü, kö =dɛɛ ya- 'gü -me -nu =në =wa wo bo n 'ka, kö =wa n -wëë -kë "dhiü -gban "pɛpɛ suu bho. ²⁶Wɔn do 'ö -kë yi 'bha 'ka Noe -bha "tüng 'gü, -a do 'bha -dho kë mang Mɛgbömɛ n nu -yi 'ka. ²⁷-A "tüng bha- 'gü kö me "bhu- -nu -wo pë =në -bhö sië, 'ö 'wo we mü, 'ö 'wo dhe sü, 'ö 'wo- sü "dhü wo gbö -nu -dhe 'ö 'to- 'ka "dhü 'ö zun- 'ka Noe -bha -da "yitagɔ 'gü -yi -bha. -wo -to 'wɔn -nu bha =në- -bha 'yö dha -yö zun "sɛɛ, 'yö "yi -yö pa, 'yö- -nu -gban zë "pɛɛpɛdhö. ²⁸Wɔn do 'ö -kë Dhɔtö -bha "tüng 'gü 'zü =në dho kë. -A "tüng bha- 'gü kö pë -bhö -sü -nu oo, we mü -sü -nu oo, pë 'dho -sü -nu, pë 'dhoɔ dɔ -sü -nu, pë ta -sü -nu waa- 'kɔ dɔ -sü -nu =në =wa wɔ mɛ "bhu- -nu -gɔ -së. ²⁹-Wo -to 'wɔn -nu bha =në- kë -sü -bha, 'yö Dhɔtö -go Sodɔmö -yi -yö =loo. =Dhe 'ö =ya bo 'go -sü 'ka Sodɔmö -pö 'gü, 'yö pɛng waa- blɔɔn" -dha -yö zun ban -sü -bha, 'yö- -nu -gban "pɛpɛ zë. ³⁰Yi 'ö Mɛgbömɛ dho nu- 'ka, -yö -dho kë -kɔ do bha =në- 'gü.

³¹Me "bu mɛ 'ö dho kë 'kɔ =taa yi 'ö "dhü bha- 'ka, 'ö- =kwɛɛ yaa- -kë 'kɔɔdhö, 'ya 'dho- pö ö -dɪ -dhe =dhe 'ö lɔɔ- kö 'ö dho- 'sü -dhe 'gü, -ɛɛ 'mɛ yaa- -kë 'zü 'bhlaadhe 'bha 'gü, 'ya 'dho- pö 'ö ö yee kë kö 'ö 'dho ö =taama. ³²'Ma- pö "dhü, ka -zu -yö -da 'wɔn 'ö Dhɔtö -bha dhebhɔ =slɔɔ yi 'bha 'ka ('ö -dhe -ga ö =taama 'ö- 'gü -yö see- bha =në- -ta). ³³'Mɛ 'ö yaa ö -dɪ dha -dhe -mɔɔ -a -mɛ -gɔ -dho 'to- 'gü. 'Yö 'mɛ 'ö yaa -wɪ ö -gɔ -to 'gü -wɔn -bha bha yö -zë 'ö dha. ³⁴A- -pö ka -dhe tean- =dede 'ka =dhe: -A yi 'ö bha- 'ka gbɛng, mɛ =plɛ 'wo wɔ -sü 'ka sɛɛ" do -ta, 'gbu- -dho mɛ do 'sü 'ö dho- 'ka 'ö- mɛ do to. ³⁵'Ö dhong -nu =plɛ 'wo dho kë pë zɔn -dhe 'gü "wɪü do 'gü, 'ö 'gbu- -ya mɛ do sü 'ö- mɛ do to. ³⁶Gɔɔn- -nu =plɛ 'ö waa- -kë 'bhlaa- do 'gü, 'gbu- -dho mɛ do 'sü 'ö- mɛ do to.»

³⁷'Yö- -bha =klang -nu -wa dhɛɛ" kpɔ 'wo- pö: «-A 'wɔn 'i 'wɪ sië- 'ka bha, -yö -dho kë "dhü -dhe -mɛɛ =në- 'gü, yi Dëmɛ?»

'Yö- pö: «-Ka 'wɔn 'suan- bho "gblëë- -nu bha. -Dhe 'ö pë =gɛɛ 'dhö- -bha, 'yö "gblëë- -nu -wo bho 'ko -ta -a -dhe 'gü.

**"Gwënnng 'ö Yesu -ya -da 'ö -gban =geandhe waa- zadɔmɛ 'ö
me 'bha -wëë 'yaa- kë -a -nu -bha -a 'ö Dhukö -ya pö**

18 ¹-Dhe 'ö =ya ö bo- -pö "dhü -sü 'ka, 'yö "gwënnng do -da ö -bha =klang -nu bha- -nu -dhe, kë "dhü kö 'ö- -zɔn -nu -dhe =dhe -a -dheɛ -bha =dhe -wo bheɛ" Atanna -dhe yi =gban "pɛpɛ 'ka kö- -nu 'gü 'ya 'dho ga 'yö- pö: ²«Zadɔmɛ do 'bha -yö -gun 'pödhɛ do 'bha 'gü yi 'bha 'ka, 'ö 'yaa gun "suü sië Atanna -gɔ, "ɛɛn 'ö 'yaa gun -kpla sië mɛ 'bha -mɛ -bha -mɛ 'bha -gɔ 'pö. ³=Geandhe do 'bha -yö -gun 'pö 'pödhɛ do bha- 'gü, 'ö dhiang -yö gun waa- mɛ 'bha -a -nu =zinng 'gü. 'Yö =geandhe bha 'ö dho 'ö dhiang bha- -da zadɔmɛ bha- -dhe. =Ya kë =sië -nu wo 'yö dho zadɔmɛ bha- "piü, 'yö- pö- -dhe -yö woo- za bha- dɔ. ⁴'Yö =geandhe bha 'ö ö -gen dɔ

zadome bha- -dhe 'gü pinpindhö kö 'yaa 'wɪ- -bha kö -ya -nu -bha za bha-
do. "Kɛɛ -a -fɛɛ -ya -bha -kɔ yaa bha- -wɔn 'gü, 'yö yi do 'ka 'yö zadome bha
'ö- pö: «Kwa- ma, 'maa 'suü -zè wo Atanna -gɔ tɛan- 'ka, "ɛɛn 'maa -kpla
mɛ 'bha -gɔ, ⁵"kɛɛ yö -nè- -gban 'gü, -dhe 'ö 'maa n -yɛa yö dhebho ya- -gɔ
bha, -ka do kö 'a- -bha za bha- do kö- -bha -fɛɛ 'go n -bha.»

⁶'Yö kwa Dème Yesu -ya -ta yɔ 'ö- pö: «Zadome -mawɔn yaa bha 'ö
dhiang 'ö- zè bha ka- ma -ee?» ⁷'Yö- pö: («'Sanni mɛ "bhu- -zè -yö -dua -fɛɛ
-gɔ kö -yö za do -dhe -kɔ bha- 'dhö, "kɛɛ kö yö -zè -mawɔn -yö 'ya- "dhü bha
-oo,) 'yö Atanna -zè -wɛ? -Mè -nè -kè 'yö 'yaa ö -bha mɛ -nu -ta -za do kö
-wo bheä" siè- -dhe 'yèngg- 'gü waa- gbang 'gü -nu -gban 'gü?» ⁸'Yö- pö: «A-
-pö ka -dhe tɛan- -dede 'ka -dhe: -A 'gü -zian 'yii 'dho -gwèè 'yö ka -ta -za
do. "Kɛɛ 'wɔn do 'bha- -dhö, yö -mü -dhe: 'Ö yaa- -do mang Mɛgböme n nu
-yi -bha kö -zu -yö n -dhe -sü -yö -tun mɛ 'bha -gɔ "kpung yö -taa "wɛ -ee?»

**'Gwèngg 'ö Yesu -ya -da 'ö -gban Fadhizien mi do
waa- 'niisongkunme -a -nu -bha 'ö Dhukö -ya pö**

⁹-Dhe 'ö Yesu =ya ö bo "gwèngg 'dhe bha- -da -sü 'ka -dhe -kɔ bha- 'dhö,
'yö dho 'yö- do 'bha -da 'mɛ 'wo gun wo -zu 'gɔn siè -dhe wo -zè pö 'yaa
wo -bha Atanna wèèdhö, 'ö 'waa gun mɛ -kpea yö siè- 'gü bha- -nu -dhe
'ö- pö: ¹⁰«Yi do 'ka, 'yö mɛ =ple 'wo =wli 'wo dho -bheä Atanna -dhe -dhe
'gü -a -dhökègükö 'gü. Mɛ =ple 'wo "dhü bha- mɛ do -gun Fadhizien 'ka.
'Yö- mɛ do- gun 'niisongkunme 'ka. ¹¹-Dhe 'ö =wa 'dho =wa -da 'kɔdhö,
'yö- Fadhizien mi -sü -yö do "pean do "piü, 'yö zun -bheä Atanna -dhe -sü
-bha 'ö- pö: «Aa, n Dè Atanna, 'ma i nuè" bho -dedewo, 'wɪ 'ö bhii- wo-
-bha kö 'a kè -kwaanme 'ka, "ɛɛn kö 'a kè 'wɔnyaakème "ɛɛn -zuazème 'ka
-dhe mɛ -kpea 'wo to- -nu 'dhö, "ɛɛn 'zü kö 'maa -dhe 'niisongkunme 'ö do
ya- 'dhö bha- -wɔn 'gü; ¹²-a -gen -mü -dhe a 'sunng- -ma -dhekpɔyi -ple
-nè 'ka "dhɔɔɔ do 'gü, 'ö 'a n -slɔɔpè -gban 'pɛpɛ 'nii- bho i -dhe.»

¹³Kö 'niisongkunme 'kö bha -yö do siè "pean "wɛɛ "piü, kö 'yaa -mɔɔ
-zian wo- -bha kö -yö ö "yan "dhiü "wli dhang- 'gü. "kɛɛ kö -yö ö -kɔ -ya
siè ö -kuu 'gü 'ö- pö: «Aaa, n Dè Atanna, -bhö i zuè" kè -sɛa n "piü kö 'i n
-mawɔn 'to -dhe, 'wɔnyaakème -mü n 'ka -wa.» ¹⁴'Yö Yesu -ya -ta yɔ 'ö- pö:
«A- -pö ka -dhe -sii -dede -ta -dhe mɛ =ple bha- mɛ 'dhe 'ö -bheä "dhü bha,
Atanna -yö kè- -mawɔn -to 'ö dho ö -ta "puu 'ka ö -gɔ 'kɔdhö mɛ 'dhe 'ö to
bha- -bha; -a -gen -mü -dhe 'mɛ 'ö dho- pö 'ö ö -dɪ fiè bho mɛ -kpea -bha,
Atanna -dho -a -bhlèè -pö kpekpedhö, "kɛɛ 'mɛ 'ö yaa ö -dɪ -da mɛ -gban
=wlöö, -yö -dho -a -mɛ gba -due 'kpii- 'ka.»

**Yesu -bha 'dhuè- -kè 'nè 'sɛɛnnè -nu -bha -kɔ -dhiang 'ö Dhukö -ya zè
(Matiö 19,13-15; Makö 10,13-16)**

¹⁵'Ö go- 'dhe bha- 'gü, 'yö 'wo nu- -dhe 'nè 'sɛɛnnè -nu 'ka 'pö kö -yö ö
-kɔ zun- -nu -bha kö Atanna -bha 'dhuè- -ya -nu 'kun. "Kɛɛ -dhe 'ö- -bha

-klang -nu 'wo- -dhe yö "dhü, 'yö -siö -nu -dhe, 'yö 'wo -ya -dɔn bho -sü -bha 'me 'wo nu 'në -nu 'ka bha- -nu 'ka. ¹⁶'Yö Yesu -ya pö -wo nu- -nu 'ka. -Dhe -ya kë "dhü 'yö- pö- -nu -dhe: «-Ka ka kwaa- 'në -nu -zü kö -wo nu n "piü, 'ka 'dho- -nu "kan n -bha, -a -gen -mü -dhe Atanna -bha -gblüädhe ö dhang- 'gü bha -yö 'me 'wo -dhe -a -nu 'dhö -në- -nu -bha 'ka.» ¹⁷'Yö- pö: «A- -pö ka -dhe tean- -dede 'ka -dhe: Me "uu me 'ö 'yii ö -kɔ -ya Atanna -bha -gblüädhe bha- -bha -dhe -kɔ 'ö 'nëseennë -nu 'wo "wɪ sië- 'ka 'wɔn -bha bha- 'dhö, -a -me 'yii 'dho -da mü tongtongdhö.»

-Naome do 'ö Yesu dheε" kpɔ yi do 'ka -a -dhiang 'ö Dhukö -ya zë
(*Matiö 19,16-30; Makö 10,17-31*)

¹⁸Yi do 'ka 'yö Zuifö -nu -gɔme do -yö nu, 'yö Yesu dheε" kpɔ 'ö- pö: «-Gɔmedë këwɔn -sësü, -më -në këwɔn 'ka 'ö 'ma- kë 'yö a dho -sii 'ö 'yaa yën 'ö Atanna "piü bha- -slɔɔ?»

¹⁹'Yö Yesu -ya -yɔ bɔ- -gɔ 'ö- pö: «I n -dhe me këwɔn -së -më -wɔn 'gü, "këε kö Atanna yöö do -në- këwɔn 'dhö -së?» ²⁰'Yö- pö: «I- 'wɔn -dɔ -dhe -yö -bɛn zë -sü 'ka Atanna -bha 'tɔng- 'gü -dhe:

«Waa -da me -nu -bha dhe "piü tongtongdhö,
'waa me zë tongtongdhö,
'waa -kwaan bho tongtongdhö,
'waa -sua -ya me 'bha -bha tongtongdhö,
-bhö i 'kpɔme -nu -bhlëë -ya.»

-Yö n 'gü -dhe i yö -zë -dɔ.»

²¹'Yö- pö: «-Iin, -a 'dhe 'kö bha a yö -zë -dɔ, a -bho yö -zë kë -sü 'ka n 'nëdhe 'gü 'nu yi 'bha 'ka.»

²²-Dhe 'ö Yesu -yaa- ma "dhü 'yö- pö- -dhe: «'Wɔn do -në- këwɔn -ya 'to i -bha.» 'Yö- pö: «-Bhö 'dho kö 'i i -slɔɔpë -gban "pɛpɛ "dhɔɔ dɔ kö i -naɔ bha 'gü -gblü -wëëme -nu -ta kö 'i nu 'i 'to n -keng-, -ya kë "dhü Atanna -dho i gba -naɔ bha- "wεε 'ka dhang- 'gü.»

²³-Dhe 'ö -wu 'dhe 'kö bha- ma Yesu "dhi, 'yö ö wëë' 'gü -siö, -a -gen -mü -dhe -naɔ -yö -gun -gɔ -dedewo, 'yö 'yii "wɪ -bha kö -yö ö -kɔ bho ö -bha -naɔ bha- 'gü. ²⁴-Dhe 'ö Yesu -ya -dhe yö -dhe -a wɔ -ta -ya ga kpɛkpedhö dhiang 'ö- zë- -dhe bha- -wɔn 'gü, 'yö- pö 'me 'wo gun mü bha- -nu -dhe: «Ka -dhe -yö bha -ee? A- -pö ka -dhe -dhe -naome -nu -da Atanna -bha -gblüädhe 'gü -sü -dho -gbaɔn -dedewo. ²⁵-Yɔɔnmea -zian -bha -ziö -sedha -ye 'ka -dhe -dho kë -së -naome -nu -bha -da Atanna -bha -gblüädhe 'gü -sü -ta.»

²⁶-Dhe 'ö 'me 'wo gun mü 'wo 'wɔn bha- ma, 'yö 'wo- dheε" kpɔ 'wo- pö: «-Ya kë "dhü 'sa kö 'dee dho dha 'wɔn yö- 'gü?»

²⁷'Yö Yesu -ya -yɔ bɔ- -nu -gɔ 'ö- pö: «Me "bhü- -në- -fiëbhawɔn 'dhö 'dhö, "këε Atanna -zë -fiëbhawɔn 'yaa 'dhö tongtongdhö.»

²⁸'Yö Piedhö -ya pö- -dhe: 'Yö 'me 'kö 'ya yi 'kε- -nu waa- yi -slɔɔpë -gban "pɛpɛ 'to 'ya nu i -keng- 'sa yö -wε?»

²⁹'Yö- -ɣɔ bɔ- -gɔ 'ö- pö: «A- -pö ka -dhe tean- =dede 'ka -dhe: Me "ʊʊ me 'ö zë Atanna -bha -gblüädhe -wɔn -dhe 'ö bo ö -bha 'kɔ 'ka "ɛɛn 'ö -kan ö -bha dhebhɔ -bha, "ɛɛn ö dheebhang -nu -bha, "ɛɛn ö 'kɛ- -nu -bha, "ɛɛn ö -bha 'në -nu -bha, ³⁰Atanna -dho -a "dhiüziöta nu- -mɛ -dhe "tüng 'kwa dɔ- 'ka ya- 'gü, 'ö dho 'ö- gba -sii 'ö 'yaa yën 'ö- "piü bha- 'ka -dhekpɔɔ dhia" 'gü.»

**Yesu -bha ö ga -wɔn waa- ö -bö -wɔn -dhiang zë -kɔ -yaaga -naa 'ö
Dhukö -ya -gen dɔ**

(Matiö 20,17-19; Makö 10,32-34)

³¹=Dhe 'ö =ya ö bo- -pö "dhü -sü 'ka, 'yö ö -bha -klang -nu -kaɔng do ga =plɛ bha- -nu -dhe -dɪ -ta, 'yö- pö- -nu -dhe: «-Ka -dhe -ga, 'dho =në kwa- wo sië Zedhizadhëmö bha. 'Wɔn "pepe 'ö -gban mang Mɛgbömɛ n -wɔn -bha 'ö Atanna -wudhiüloomɛ -nu -wa -ben zë bha, -a 'gü -wɔn kɛ "tüng =në =loo bha, ³²-a -gen -mü =dhe 'dho kwa- wo sië ya -wo -dho n =gbaɔ 'me 'waa Atanna dɔ- -nu -gɔ, 'ö 'wo =wɛɛ dɔ n -bha, 'ö 'wo 'si bho n -gɔ, 'ö 'wo wo "dhidhi -pɛn n -bha, ³³'ö 'wo n -ma -klangga 'ka, 'ö 'wo n zë, "kɛɛ =wa bo n zë -sü 'ka, a -dho -bö -a -dhekpɔɔyi -yaaga -naa bha- 'ka.»

³⁴"Kɛɛ -a pö 'ö- wo "dhü bha 'wii- 'gü ma, -a 'gü -yö -gun -nu 'gü tii', 'wii- 'klɔɔ- 'bha dɔ.

**Yesu -bha "yanwülümɛ do 'bha -kë "klüöklü -kɔ -dhiang 'ö Dhukö -ya zë
(Matiö 20,29-34; Makö 10,46-52)**

³⁵=Dhe 'wo 'dho sië, 'ö Yesu =ya =loo Zedhiko -pö "saan "dhiü, 'yö 'wo -kpan "yanwülümɛ do -bha kö -yö -ya sië zian "güng "piü kö -yö gba -dhe sië. ³⁶=Dhe 'ö- "tu 'dhö -da mɛ kpö 'wo gun ziö sië -yuudhö bha- -nu -wu 'gü, 'yö mɛ -nu dheɛ" kpɔ, ³⁷'yö 'wo- pö- -dhe: «Yesu 'ö go Nazadhetö bha =në ziö sië bha.» ³⁸'Yö "yanwülümɛ bha 'ö =gbla 'ö- pö: «Yesu, Davi Gbö, -bhö n -wëë -ga -dhe!»

³⁹=Dhe 'ö- pö "dhü, 'yö 'mɛ 'wo gun 'ta 'sü sië 'wo gun Yesu "dhiü bha 'wo zun -ya -a "yan 'gü -sü -bha, kɛ "dhü kö -yö ö "dhi ta. "Kɛɛ 'yii- -ɣɔ bɔ, 'yö ö -wu "dhiü 'bha =wlü 'zü "gbu- 'ka 'ö- pö: «Davi Gbö, -bhö n -wëë -ga -dhe!»

⁴⁰=Dhe 'ö Yesu "tu -yö -da -a -wu 'gü, 'yö 'daɔnnu, 'yö- pö -wo nu- 'ka ö -dhe. =Dhe 'ö =wa nu =wa =loo- 'ka Yesu "sɔɔ, ⁴¹'yö- dheɛ" kpɔ 'ö- pö: «-Më -wɔn =në 'i- "piü =dhe 'a- kɛ i -dhe?»

'Yö- -ɣɔ bɔ- -gɔ 'ö- pö: «N Dëmɛ, -yö n "piü =dhe 'i n "yan ya =në- "dhiü "pu kö a -dhe yö -deewo.»

⁴²'Yö Yesu -ya pö- -dhe: «=Dhe 'ö "dhü, i "yan "dhiü -yö "pu, i -bha 'dhang -bho n "dhiü -sü =ya i dha!»

⁴³'Mɛ bha -yö -to -dhe do bha- 'gü 'ö- "yan -yö -dhe yö -deewo, 'yö -ziö Yesu -keng- kö -yö Atanna 'tɔ bhɔ sië. 'Yö mɛ "pepe 'kö 'wo gun Yesu -keng-, 'ö 'wo 'wɔn bha- -dhe yö, 'yö 'wo -ya Atanna 'tɔ bhɔ -sü -bha.

Zase dha -ko -dhiang 'ö Dhukö -ya zë
(Matiö 25,14-30)

19 ¹Yö Yesu -yö -dho "dhü 'ö -da Zedhiko -pö 'gü, 'yö zun 'pö- 'gü 'pe -sü -bha. ²'Ö "dhü bha kö göndënë do 'bha 'ö -kë -naomé 'ka, "këe 'ö -kë 'niisongkunme -göme 'ka 'wo- -dhe Zase bha -ya "slë mɔɔ- sië kö 'ö Yesu dɔ. ³"Këe -dhe 'ö -kë -dhe 'yaa gun me -gbleen 'ka, -a -ko 'yii -mɔɔ- -bha me kpö 'ö gun Yesu -keng- bha- -wɔn 'gü. ⁴Yö -beang sü 'ö -da "dhiü, 'yö dho 'ö -da "dhü do 'bha bha- 'gü, kë "dhü kö 'ö Yesu yö; -a -gen -mü -dhe 'ö gun "dhü kö =yaa- 'wɔn dɔ -dhe -yö -dho bɔ -dhe bha -në- 'gü. ⁵=Dhe 'ö Yesu dho 'ö -loo "dhü 'ö Zase gun- 'gü bha- =wlöö, 'yö 'ö -gɔ "dhiü =wlü 'ö -dhe -ga "dhü bha- 'gü, 'yö- pö Zase -dhe: «Zase, -bhö lɔɔ- 'vaandhö, -a -gen -mü -dhe =dëe 'ö -dëe 'ka a -dho -da 'ka i -gɔ 'kɔɔdhö.» ⁶Yö Zase -yö -lɔɔ -beang 'ka, 'yö dho 'ö -yëë bho =niidathe -dede 'ka 'ö -gɔ 'kɔɔdhö. ⁷=Dhe 'ö 'me 'wo gun Yesu -keng- bha 'wo 'wɔn bha- -dhe yö, 'yö- -nu =gban "pepe 'wo -ya -dɔn -bho wo yun 'gü -sü -bha Yesu 'ka 'wo- pö: «Me bha =ya 'dho 'ö -yëë bho 'wɔnyaakëme -gɔ 'kɔɔdhö -wa!» ⁸"Këe "töng 'wo- pö sië 'ka "dhü bha kö Zase =ya 'dho =ya dɔ Yesu wëëdhö kö -ya pö sië- -dhe 'ö- pö: «N Dëme, =ya 'go -dëe 'gü, =naɔ 'ö n -gɔ a -dho -a "pe 'gü 'a- "pean do nu "flëeme -nu -dhe, 'ö me "pepe 'a "kpënn- -kë -nu -gɔ 'a- -nu -bha =naɔ -bhö bha 'a dho 'a- -gɔɔ -yiisiö nu- -me -nu -dhe.» ⁹=Dhe 'ö =yaa- pö "dhü, 'yö Yesu -ya pö- -dhe: «Zase, dha -sü -bhiëë -ya zun i -bha 'kɔ -bha -dëe, -a -gen -mü -dhe Ablaamö suu -mü i 'ka 'pö. ¹⁰-A pö 'a- wo "dhü bha- 'klɔɔ- -mü -dhe mang Megböme a -nu "kpung =taa kö 'me 'ö Atanna -bha zian -ya -dheeng- -nu -gɔ =në 'a- -nu mɔɔ- kö 'a- -nu dha.»

"Gwënnng 'ö Yesu -ya -da 'ö -gban -naɔ -ziö 'gü
ziö -sü bha -a -dhiang 'ö Dhukö -ya pö

¹¹"Töng 'ö Yesu 'dhö "wɔ sië- 'ka "dhü bha kö 'waa Zedhizadhemö -dhe 'ka -gbleen 'zü, kö 'me 'wo wo 'tu 'to sië- -wu -bha bha -wo wo -zu 'gɔn sië -dhe 'wa bo 'dho -sü -zë 'ka kö 'wo -loo Zedhizadhemö bhoo, kö Atanna -bha -gblüedhe =ya -ya -bha -naa bha. ¹²Yö "gwënnng do -da -nu -dhe 'ö- pö: «Yi do 'ka 'yö göndënë do 'ö bhɔ -gblüedhe -kɔdhi 'gü, 'yö =wlü 'ö dho "se -gbleen 'bha 'gü kö =wa bo 'ö kë -sü 'ka -gblüed 'ka mü kö 'ö nu 'ö -ya 'ö -bha "se -gɔ "dhiü. ¹³=Dhe 'ö yöö 'dho, 'yö 'ö -bha gwëëzë -nu -kaɔng do -dhe, 'yö "sënnng ga -kaɔng do 'gü -gblü -a -nu -ta 'yö- pö: «-Ka 'dho- 'ka kö 'ka- -ziö 'gü ziö "sanni n nu -sü -zinng 'gü.» ¹⁴"Këe -dhe 'ö -kë -dhe 'me bha- -san -gun 'ö -gɔ "següme -nu kë sië bha, 'yö 'wo me bɔ- -keng- "se 'ö dho- 'gü bha- 'gü, 'yö 'wo- pö 'me 'wo mü- -nu -dhe: «Yaa yi "piü -dhe 'ka 'me bha- -ya yii- -gblüed 'ka.» ¹⁵"Këe yö =në- =gban- 'gü, -dhe 'ö =wa bo 'me bha- -ya -sü 'ka -gblüed 'ka, 'ö =ya 'ö yee kë =ya nu 'ö -gɔ "se 'gü, 'yö me bɔ 'ö -bha gwëëzë -nu bha- -nu

-dhe kö -wo nu kö -wo wo "kpläng bho ö -dhe. 16-A me -blæesü 'ö nu, 'yö ö "kpläng bho 'ö- pö: «N Dème, "sënnng ga do 'i- to n -gɔ bha, -a -kaɔng do =nè 'a- =slɔɔ- -bha.» 17'Yö -gblüdü -ya pö- dhe: «Ya dhi, i këwɔn -yö -sè. 'Ma- do =dhe 'wɔɔɔ- 'nè -mü i 'ka pè -bhaasü 'a- to i "piü ya- -bha. =Dhe 'ö "dhü, 'ma i -ya 'pö- 'gblügblyü -kaɔng do -gɔ "dhiü.» 18'Yö me -ple -naa -yö nu 'yö- pö: «N Dème, "sënnng kpö do 'i- to n -gɔ bha, -a "sɔɔdhu =nè 'a- =slɔɔ- -bha.» 19'Yö- pö- dhe: «Bhii -dɪ 'pö, -bhö -ya 'pö- 'gblügblyü "sɔɔdhu -gɔ "dhiü.» 20'Yö- me do 'bha- nu 'ö- pö: «N Dème, "sënnng kpö 'i- nu n -dhe bha, -a -ga 'a- -da sɔ 'gü 'a kpö -kè 'ö ya.» 21'Yö- pö: «-A kë 'a- wo "dhü bha- -gen -mü =dhe "suü =nè 'a- wo i -gɔ, a- -dɔ =dhe i -mawɔn -yö 'ya-, 'pè 'yaa i -bha 'ka 'i- sü 'ö to i -gɔ, 'ö 'bhii -mlü bɔ -dhe 'ö- 'gü 'i dho 'i -mlü -kan mü.» 22'Yö -gblüdü -ya pö- dhe: «I -dɪ -wɔ =nè 'a dho i 'kun- -bha, -a -gen -mü =dhe gwëë" suu yaa -mü i 'ka. I- pö i- -dɔ =dhe n -mawɔn -yö 'ya-, 'pè 'yaa n -bha 'ka, a- sü 'ö to n -gɔ, 'ö 'mii 'pëë- ta 'a- bhe bho, 23-yö -kè -mü =dhe 'sa 'yö 'bhii 'dho ma =naɔ 'a- dɔ i -gɔ bha- 'ka kö 'i- -da 'wëë- -kɔ 'gü, kö "sanni -yö dɔ n nu -yi -bha kö -a =trɔɔn =ya -da, 'yö i- to i -ta?» 24'Yö- pö 'me 'wo gun mü bha- -nu -dhe 'ö- pö: «-Ka ma "sënnng kpö 'ö 'me bha- -gɔ bha- 'sü- -gɔ kö 'ka- dɔ- -kaɔng do 'dhö 'me- -gɔ bha- -gɔ.» 25'Yö 'me 'wo bha 'wo- pö- -dhe: «'Yö n Dème, -a -kaɔng do 'dhö 'me 'kö- -gɔ 'yö 'i- pö 'zü 'yi- 'bha nu yö =nè- -dhe -ee?» 26'Yö- -yɔ bɔ- -nu -gɔ 'ö- pö: «'A- zè ka -dhe =sii =dede -ta =dhe: -A 'bha 'dhö 'me 'ö- -gɔ 'ö- -ziö 'gü -ziö =nè 'wo dho- -me taa kë, "këë pè 'bha 'yaa 'me 'kö- -gɔ, -a 'dhe 'nè -zian 'ö- -gɔ ('ö 'yaa- -ziö 'gü ziö) bha =nè 'wo dho- 'sü- -gɔ do. 27=Ya 'go yö -zè 'gü, 'me 'wii "wɪ- -bha kö 'a kë- -nu -bha -gblüdü 'ka bha, -ka nu- -nu 'ka kö 'ka- -nu zè n "yaan yö!»

Yesu -da Zedhizadhëmö -kɔ -dhiang 'ö Dhukö -ya zè

(Matiö 21,1-11; Makö 11,1-11; Zan 12,12-19)

28=Dhe 'ö =ya ö bo dhiang -nu bha- -nu zè -sü 'ka, 'yö -da me kpö bha- -nu -dhe "dhiü, 'yö 'wo dho Zedhizadhëmö. 29=Dhe 'ö =wa 'dho 'ö =ya =loo Befaze -pö waa- Betani -pö -nu "sɔɔ, -tɔn 'wo- -dhe Odhivie -tɔn bha- "pean "piü, 'yö ö -bha -klang -nu bha- me =ple bɔ, 'yö- pö- -nu -dhe: 30«-Ka 'dho 'pö- 'ö -ya kwa wëëdhö bha- 'gü. 'Ka -da 'plöö ka -dho =soofäng 'nè do 'ö me 'bha 'yii -ya -ta do -a yö kö -yö -kplü -sü 'ka, 'ka- yö -kaa "pu kö 'ka nu- 'ka. 31Me =ya ka dhe" 'kpɔ =yaa- pö: «Ka- -pu kö 'ka- kë -dhe?», -kaa pö- -me -dhe: «Yi dème -mawɔn =ya zun- -bha.»

32'Me 'ö- -nu bɔ "dhü bha 'yö 'wo dho. 'Yö 'wo -kpan =soofäng 'nè bha- -bha =dhe -kɔ 'ö- pö- 'ka bha- 'dhö. 33=Dhe 'wo =soofäng 'nè bha- "pu sië, 'yö- -me -nu -wo nu 'wo- -nu dhe" kpɔ 'wo- pö: «Ka- -pu -mè -wɔn 'gü?»

34'Yö 'wo- -yɔ bɔ- -nu -gɔ 'wo- pö: «Yi Dème -mawɔn =ya zun- -bha.» 'Yö 'me 'wo bha 'wii "wɪ.

35'Yö 'wo- sü 'wo dho- 'ka Yesu -dhe. =Dhe 'ö =wa 'dho =wa =loo- 'ka Yesu -dhe 'gü, 'yö 'wo woo- sɔ -nu =loo- -ta, 'yö 'wo Yesu -ya -ta. 36=Dhe 'ö

-soofëng 'në bha 'ö zun 'ta 'sü -sü -bha, 'yö mε -nu 'wo sɔ kpɔ zian -ta -dhe -gban 'gü 'wo dho- 'ka "dhiü. ³⁷Dhe 'ö =wa 'dho 'ö 'wo Odhivie -tɔn bha- lɔɔ- sië 'kö =wa =yɔɔn Zedhizadhemö -pö "sɔɔ, 'yö- -bha =klang -nu bha- -nu -gban "pepe 'wo wo -wu "dhiü =wliü, 'yö 'wo zun Atanna 'tɔ bhɔ -sü -bha kö -a -nu =niü -yö -da sië =dedewo "dhabhliwɔn "gblüglbü -nu 'ö Yesu -ya -kë 'wo- -dhe yö bha- -wɔn 'gü ³⁸'yö 'wo- pö: «-Gblüdë 'ö nu kwa Dëme -bha nu 'gü bha, -a 'tɔ -yö bhɔɔ! -Ya -dɪ 'flëë- 'gü -sü -yö kë dhang- 'gü kö Atanna 'ö dhang- 'gü -a 'tɔ- bhɔɔ!»

³⁹-Dhe 'wo- pö sië "dhü, 'yö Fadhizien -nu ga bha -wo bɔ mε "dhaa bha- 'gü 'wo- pö Yesu -dhe: «Yi Dëme, -a pö i -bha =klang -nu -dhe kö -wo wo "dhi ta!»

⁴⁰'Yö- -yɔ bɔ- -nu -gɔ 'ö- pö: ««A- -pö ka -dhe =dhe kö 'me 'wo bha -wo wo "dhi ta, -gwë -nu -dho "wɪ!»

**Yesu -bha -wëë -wu -kpɔ Zedhizadhemö -dhe
-wɔn 'gü -kɔ -dhiang 'ö Dhukö -ya zë**

⁴¹-Dhe 'ö =wa =yɔɔn 'pödhε "sɔɔ, 'yö Yesu zun 'gbu bɔ -sü -bha Zedhizadhemö -pö 'gü -mε -nu bha 'ö- pö: ⁴²«Zedhizadhemö -mε -nu, =ya kë 'nu =dhe 'wɔn 'ö dho ka gba -ya -dɪ 'flëë- 'gü -sü 'ka, 'ö kë sië ka -dhe =dεε ya, ka- -dɔ 'nu, kö ka -bha -dho kë -së. "Kεε -kaa -ga =tɔn 'ö 'yaa "dhü, 'yö -bin -sü 'ka ka -gɔ 'yö 'kaa- yö bha. ⁴³-Ka -dhe -ga, -a dɔ 'ö 'kii- wo bha- -wɔn 'gü, "tüng 'bha -dho =loo 'ö ka 'yaɔ- -nu 'wo nu 'wo "saan -kan kaa- 'pö- ya- -zü, 'ö -gblü -yö 'gba dɔ ka -bha 'ö 'wo ka =klëën zian -gban -zian =gban 'ka, 'ö 'wo ka =kang. ⁴⁴-Wo -dho kaa- 'pö- ya- 'wü -trukpe -trukpedhö, 'ö mε do -zian 'yaa 'to "yaan, 'ö 'wo dho 'wo wo -gen -ziö -a "yɔv 'gü, 'ö- 'kɔ "kpan -gwë do -zian 'yaa 'to 'ko -ta, -a -gen -mü -dhe "tüng 'ö Atanna -ya sü kö 'ö "ta- 'ka ka -dhe bha 'kii- dɔ.»

**Yesu -bha Atanna -dhɔkëgükɔ -bhlëë -ya -kɔ -dhiang 'ö Dhukö -ya zë
(Matiö 21,12-17; Makö 11,15-19; Zan 2,13-22)**

⁴⁵-Dhe 'ö dho 'ö =loo Zedhizadhemö, 'yö dho 'ö -da Atanna -dhɔkëgükɔ 'gü, 'ö dho -yö -kpan "dhɔɔdɔmε -nu -bha mü kö -wo woo- pë 'në -nu "dhɔɔ dɔ sië. 'Yö -ya -a -nu "piü kë -sü -bha ⁴⁶kö -ya pö sië- -nu -dhe 'ö- pö: «-Yö -ben zë -sü 'ka Atanna -bha 'sëëdhε 'gü -dhe -a -bha 'kɔ- -dho kë -bhea 'gü -kɔ =në- 'ka, "kεε yö =në ka -zë 'ka- kë -kwaanme -nu -ya 'gü -yε =në- 'ka bha!»

⁴⁷-A "tüng bha- 'gü, -yö gun 'dho sië yi =gban "pepe 'ka Atanna -dhɔkëgükɔ 'gü, 'ö mε -nu =klang -nu -kë -nu wo, "kεε 'sa kö "saabhomε -nu -gɔmε -nu oo, 'tɔnggɔmε -nu waa- Zuifö -nu -bha -kweagbö -nu -wa "slë mɔɔ- sië kö 'wo- zë. ⁴⁸"Kεε -kɔ 'ö woo- kë- 'ka kö- -nu -kɔ =mɔɔ- -bha 'wii- yö, -a -gen -mü =dhe kö "següme -nu -gban "pepe -wo wo "tv 'to sië- -wu bha- -bha 'wo- din yö =dedewo 'ö 'wo- teandhe -nu -gban yö.

Yesu -bha -kɔ -mɔɔ 'wɔn -bha -sü -gen 'go -dhe -dhiang
 'ö - zë 'ö Dhukö -ya pö

(Matiö 21,23-27; Makö 11,27-33)

20 ¹Yi do 'bha bha- 'ka kö Yesu -yö 'wɔn -taɔng -së pö sië "següme -nu -dhe, 'ö- nu -klang -kë -a -wɔn 'ka Atanna -dhɔkëgüko 'ö Zedhizadhëmö bha- 'gü, 'yö "saabhome -nu -gɔme -nu 'wo nu waa- 'tɔnggɔme -nu waa- -kwægbo -nu 'dhö, ²'yö 'wo- pö Yesu -dhe: «'Wɔn -nu 'i- kë sië ya i- -kë de -në- -bha kë 'gü "εen i- -sabho de "dhiü?» ³'Yö -yɔ bɔ- -nu -gɔ 'ö- pö: «'Kwa- ma, a -dho -a -yɔ bɔ, "kεε a -dho ka dheε" do 'kpɔ 'pö. ⁴Kaa -di 'pö Zan -bha me -bɔ Atanna 'ka -zɔ 'ö gun- wo sië ya, -yö -gun -sabho sië de -në- "dhiü? Me "bhu- -nu -ee, "εen Atanna -ee?» ⁵=Dhe 'ö- pö "dhü, 'yö 'wo -ya -wɪ 'gü -sü -bha wo 'ko =zinng 'gü 'wo- pö: «Ya kë -dhe 'kwa- pö -yö -go Atanna "piü, kö yöö- pö kwa -dhe yö kë -mü -dhe 'sa 'yö 'kii 'dhang bho- "dhiü, ⁶"kεε -ya kë 'zü -dhe 'kwa- pö -yö -gun kë sië me "bhu- -nu -në- -nu -bha kë 'gü, kö "següme -nu -gban "pεpe woo (=wεε dɔ kwa -bha) kö -wo kwa -zuö -gwë 'ka, -a -gen -mü -dhe -wo 'dhang -bho "dhiü =dhe Atanna -wudhiüloome =në gun Zan 'ka.» ⁷=Dhe 'ö =waa- zɔn- 'gü "dhü, 'yö 'wo- pö Yesu -dhe 'waa- 'go -dhe dɔ. ⁸'Yö -yɔ bɔ- -nu -gɔ 'pö 'ö- pö: «Mang -di 'pö, 'wɔn 'a- kë sië bha 'me 'a- kë- -bha kë 'gü 'maa- dɔ.»

"Gwënnng 'ö Yesu -ya -da 'ö -gban buzankëme "gblü yaa
 -nu -bha 'ö Dhukö -ya pö

(Matiö 21,33-46; Makö 12,1-12)

⁹-Yö -to -dhe bha- 'gü 'yö "gwënnng do 'bha -da "següme -nu -dhe 'ö- pö: «Me do 'bha -në gun, 'yö 'ö -bha -drɔɔdhe kpɔ, 'yö dho 'yö- -da buzán 'gü 'yö dho "ta -gblëen 'bha 'gü.

¹⁰=Dhe 'ö -drɔɔ bha- ga bho "tüng -ya -loo, 'yö 'ö -bha gwëemi do bɔ buzankëme -nu bha- -nu "piü, kö -wa 'gü -gblü kö -wo 'ö -bha dɔ- -gɔ kö -yö nu- 'ka 'ö -dhe, "kεε 'yö buzankëme -nu bha 'wo gwëemi bha- -ma -tëké -tëkédhö, 'yö 'wo- "piü kë 'yö dho 'ö -kɔ 'gü "fië 'ka 'ö dëme -ta.

¹¹'Yö -slëë 'zü 'ö me "wεε do 'bha bɔ, 'yö 'wo- kun 'zü 'wo- -ma -tekpe -tekpedhö, 'yö 'wo "si bho- -gɔ, 'yö 'wo- -kë 'yö dho 'ö -kɔ "fië 'ka 'ö dëme -ta 'pö.

¹²'Yö dho 'zü 'ö- me -yaaga -naa bɔ. 'Yö -zë 'ö -loo mü, -a -gi -në 'wo- wo, 'yö 'wo- -kë 'yö dho.

¹³=Dhe 'ö me 'dhe bha 'ö dho, 'yö -drɔɔdhe dëme -ya pö: «-Kaa 'to "dhü! 'Me 'a- -nu bɔ bha kë 'wo- wo me "wεε 'ka 'yö -kë, -ka dɔ kö 'a n ga 'gü -në -dede bɔ, 'bha mü "dhü -wo -dho yö -zë -ya -bhlëë 'gü.»

¹⁴"Kεε -dhe 'ö- gbö -ya 'dho -ya -loo mü, 'ö buzankëme -nu bha =waa- yö 'yö 'wo- pö: «-An aan-! Me =dede 'ö- -bha 'kεanpë 'dhö -mü 'yö nu bha, yö -në zëme -zian 'ka, yö -zë 'kwa- zë kö -dhe ya -ya 'to kwa -gɔ!» ¹⁵'Yö 'wo -pö -ta 'wo- kun 'yö 'wo go- 'ka -drɔɔdhe 'gü, 'yö 'wo- zë.»

=Dhe 'ö bo "gwënnng bha- -da -sü 'ka, 'yö- -nu dheε" kpö 'ö- pö: «Yö ka 'gü =dhe =ya kë "dhü bhao-, 'bhlaame bha -yö -dho buzankëme -nu bha- -nu kë =dhe =taamasü 'gü? 16-Yö kë ka "yaan =dhe =ya nu, -yö -dho buzankëme -nu bha- -nu zë =në- wo kö -yö ö -bha 'bhlaa- 'sü -ya dɔ me "wεε -nu -gɔ. =Dhe 'ö "següme -nu -wo 'wɔn bha- ma 'yö 'wo- pö: «'Wɔn 'dhe 'kö bha- yaa -yö dɔ me 'ka =gbleen -wa.» 17"Kεε =dhe 'wo- pö "dhü, 'yö Yesu -ya -nu -ta -ga 'yö- pö: «Ya kë "dhü 'sa kö- pö 'ö Atanna -wu 'sëédhe -ya wo =dhe: <Gwë 'ö 'kɔdɔme -nu -wa -zuö bha =né kë -kë 'kɔ "kpan -ya -ta -gwë 'ka bha kö ka- 'klɔɔ- -dɔ =naa bha "we -ee?»

18 A- -pö ka -dhe =dhe me "ɔɔ me 'ö yaa- -pö -gwë bha- -ta, -a -me "dhiü -dho "ye, "kεε 'sa -gwë bha yaa- -pö me "ɔɔ 'me 'ö- -ta, -yö -dho -a -me -böü bho. 19 "Saabhome -nu -gɔme -nu waa- 'tɔnggɔme -nu -gun -a "slë mɔɔ- sië kö wo -kɔ yö wɔ- -ta -dhe do bha- 'gü, -a -gen -mü =dhe 'ö gun "dhü kö =waa- 'wɔn dɔ =dhe -yö "wɔ sië wo =né wo 'ka bha, "kεε kö -wo "suü sië "següme -nu -gɔ.

'Nii- sɔng -bho "segɔdhiüme -dhe -sü -dhiang 'ö

Yesu -ya zë 'ö Dhukö -ya -gen dɔ

(Matiö 22,15-22; Makö 12,13-17)

20=Dhe 'ö =ya kë "dhü, 'yö 'wo me bɔ kö -wo 'kpɔ- -dhe "yεédhö kö -wa -gen mɔɔ-. 'Me 'wo "dhü bha, 'yö 'wo wo -dɔ -kë =dhe 'wɔnsékëme 'dhö, 'yö 'wo dheε" "kapɔ -kapɔ -nu kpɔ- -gɔ, kë "dhü kö =ya 'kɔn- -gɔ "kwëë -dhe 'ö- 'gü kö 'wo- 'kun 'wo 'dho- 'ka "segɔdhiüme -nu -kuu "dhiü. 21 'Yö 'wo- dheε" kpö 'wo- pö: «Yi Dëme, yi 'wɔn -dɔ =dhe 'bhaa =sua kë, =dhe pë "pεpe 'i yi -klang -kë 'ka bha tean- -mü, =ya 'go mü 'zü, 'bhaa -kplä me 'bha -bha -kë -tiandhö -sü -gɔ kö i 'kpɔ teanwɔn 'ka, Atanna -bha zian =né 'i- -zɔn me -dhe =sii =dede -ta. 22 -A -kë "dhü -sü 'gü, yi 'nii- sɔng -bho "sekɔɔnme 'kpii- -dhe -sü ya, këwɔn -mü "εen këwɔn 'yaa -mü?» 23=Dhe 'ö Yesu -ya -nu -bha "kpënnng- bha- 'gü yö, 'yö- pö- -nu -dhe 'ö- pö: «Ka nu 'tanmaga do 'ka!» 24=Dhe 'wo nu- 'ka, 'yö- -nu dheε" kpö 'ö- pö: «De =né- 'tɔ waa- "bleen- 'wo 'tanmaga bha- -ta bha?» 'Yö 'wo- pö- -dhe «'Wlɔmö -me -nu -bha -gblüdë 'kpii- -mü.» 25 'Yö- pö: «=Dhe 'ö "dhü 'sa kö pë 'dhe 'ö Sezaa -bha 'ka, -kaa bho -gblüdë 'kpii- -dhe, kö pë 'dhe Atanna -bha 'ka 'ka- bho- -dhe!» 26=Dhe 'ö- pö- -nu -dhe "dhü, 'ö 'me 'wo- -nu bɔ -a -wu mɔɔ- -dhe 'gü bha 'wii -ye yö dhiang -yɔ 'ö- bɔ me kpö bha- 'gü bha- -bha -dhe 'bha -dhe 'bha 'gü, -a 'wɔn -zian =né- -nu kɔn, 'yö 'wo wo "dhi ta.

'Wɔn 'ö -gban -bö kö -wo -go ga 'gü -sü -bha -a -dhiang 'ö Yesu -ya zë

Fadhizien -nu -dhe 'ö Dhukö -ya pö

(Matiö 22,23-33; Makö 12,18-27)

27 'Me 'wo -kë Sadusien -nu 'ka, 'ö 'wo -zë 'waa 'dhang bho 'me =ya ga -a -bö -wɔn "dhiü bha, yi do 'ka 'yö- me ga 'bha 'wo dho Yesu "piü, 'yö 'wo-

dhεε" kpɔ 'wo- pö: 28 «Yi Dëme, 'pë Moizö -ya -ben zë yi -dhe -a -ga 'ö ya, -ya pö -dhe:

«Mε 'ö dhe 'dhö- -gɔ, =ya kē -dhe -ya ga kö 'nē 'yaa- -gɔ,
-a -mε 'zlaa- -ya -bha dhebhɔ bha- 'sü kö weng -wo 'nē 'kpɔ,
kö -yö kē 'mε 'ö ga bha- suu 'ka.»

29 "Kεε -bhö -a -ga kö dheebhang -zë -nu "saɔplε 'wo gun, kö mε -blεesü -yö dhe 'sü kö -yö 'dho -yö ga kö 'yii 'nē 'kpɔ -kö. 30 Kö- mε =plε -naa waa- mε -yaaga -naa -wo 'dho kö -wa -bha dhebhɔ bha- 'sü kö- -nu 'bha 'wii 'nē 'kpɔ. 31 Kö mε "saɔplε bha- -nu -gban -wo 'dho kö -wo dhe bha- 'sü kö waa- "wεε 'bha 'wii 'nē 'kpɔ tongtongdhö. 32 Kö -yö to- 'ka "dhü kö- dhebhɔ bha -yö ga 'pö. 33 =Ya kē "dhü, game -nu bhɔ -yi bha =ya -loo, dhebhɔ bha -yö -dho kē 'mε 'wo bha- de -sü 'pö- -bha dhebhɔ 'ka kpenngdhö, "kεε kö -a -nu -gban -wo kē 'ke- -kē dhebhɔ bha- -dhe.»

34 'Yö Yesu -ya -yɔ bɔ- -nu -gɔ 'ö- pö: «Mε 'wo =dεε -yën ya- 'gü -nē- -nu -mawɔn 'dhö dhe 'sü -sü waa- gwaan- 'kpɔ -sü -bha, 35 "kεε 'mε 'kö 'wo dho kē -toseakēme 'ka -dhekpɔ dhia" 'gü, -tosea -dee 'ö Atanna dho- kē bha- 'gü kö =wa -bö =wa 'go ga 'gü bha, wo -zë -a -nu -mawɔn 'yii 'dho kē dhe 'sü -wɔn "εen gwaan- 'kpɔ -wɔn -bha; 36 -a -gen -mü -dhe kö 'wii 'dho ga 'zü tongtongdhö, "kεε kö woo kē -dhe Atanna -bha "kiē -nu -nē 'dhö =taamasü 'gü, kö 'go 'wo- wo ga 'gü bha =wa kē Atanna -bha 'nē 'ka. 37 =Ya 'go yö -zë 'gü, =ya 'to- 'dhe 'kö -gban game -nu -bö -wɔn -bha bha- -bha, 'pë 'ö Moizö -ya -ben zë yi 'bha 'ka ö -gɔ 'sëédhe 'gü, 'ö -gban -kpɔɔ kpö 'ö "gü siē- -bha bha -ya -zɔn -dhe 'yaa -sua 'ka; -a -gen -mü -dhe Moizö -yö Atanna -dhe -dhe bha -nē- 'gü Ablaamö -bha Atanna, Izaakö -bha Atanna, Zakɔbö -bha Atanna. 38 "Kεε 'sa a- -pö ka -dhe -dhe mε 'dhe 'kö Atanna -ya 'tɔ pö ö -bha "dhü bha, -a -nu -gban -wo "yaanme -nē- 'ka, -a -gen -mü -dhe 'kö 'wii kē "yaandhe 'ka kwa kpö 'gü -dεε, "kεε -a -nu -gban "pepe -wo "yaan Atanna -zë -gɔ.» 39 =Dhe 'ö- pö "dhü 'ö ö bo, 'yö 'tɔnggɔmε -nu bha- mε ga 'bha 'wo- pö- -dhe 'wo- pö: «A, n Dëme, i dɔ -zë -wo mεa- dhiang -nu -yɔ bɔ -dhe 'ka.» 40 'Ö go yö -zë 'gü, Sadusien -nu bha 'wii- dheε" "wεε 'bha 'kpɔ 'zü.

Klisi waa- Davi -a -nu -gban 'kwëë- -kɔ -dhiang 'ö Yesu

-ya zë 'ö Dhukö -ya pö

(Matiö 22,41-46; Makö 12,35-37)

41 =Dhe 'ö =ya kē "dhü, 'yö Yesu -ya pö 'pö- -nu -dhe 'ö- pö: «=Ya kē "dhü 'sa kö -a pö 'wo- wo siē -dhe 'mε 'ö Atanna -bha -Yame 'ka bha Davi suu -mü bha- -gen -mü -mē 'ka, 42 "kεε kö Davi yöö =dede -ya -pö ö -bha "tan 'ö- bho Atanna -dhe bha- 'sëédhe 'gü Klisi bha- -bu 'gü -dhe:

«Kwa Dëme -ya -pö n Dëme -dhe:

-Bhö -ya -due -së 'ö n -kɔ -së -ta ya- 'gü =kö

43 kö -yö 'dho "dhü -yö zun- 'ka yi 'a dho i 'yaɔ- -nu kē- 'ka i -gen -dɔ -ta -pë 'ka' bha- -bha.

44-Ya kë 'dhü 'me 'ö Davi -zë -ya -dhe 'ö Dëme bha -yö -mɔɔ -bha 'ö -kë -a bhaa 'në 'ka -kɔ -kë -dhe? ('Kee 'yö- 'yɔ 'yii -sɔɔ- -nu -gɔ.)

**-Dhio 'ö Yesu -ya dɔ 'ö -bha -klang -nu -ta 'ö -gban 'tɔnggɔme
-nu -bha 'ö Dhukö -ya pö
(Matiö 23,1-36; Makö 12,38-40)**

45-Dhe 'ö dhiang -nu bha- -nu zë sië 'dhü, 'ö me -gban "pepe 'wo "tu 'to sië- -wu -bha, 'yö- pö 'ö -bha -klang -nu -dhe 'ö- pö: 46«-Ka ka -di 'kun -së 'tɔnggɔme -nu -gɔ! -A -gen -mü -dhe 'me 'wo bha -tɔyang -gbleɛngbleɛn -në- -da -dhɔ -ya -nu -kë kö 'wo -nië- 'ka -dhe -nu 'gü kö 'wa -loo 'dheedhe -nu 'gü kö -wo zun- -nu -dhe kpiö 'gü kö -wa -nu -bhlëë -ya. -Yea -blëesü -nu bha =në 'wo- =mɔɔ Zuifö -nu -bha -yakwëëkëgükɔ -nu waa- dɔtadhe -nu 'gü kö 'wo -ya 'gü. 47"Kee =wa 'go mü kö -wo 'dho sië 'wo -geandhe -nu -ta -bhö, =wa 'go mü =wa -loo me -nu "yan "dhiü, 'yö 'wo =bhea Atanna -dhe -kɔ 'gü =gbleɛngbleɛn -nu bha- -kë, (kë "dhü, kö 'wo bhɔ me -nu 'gü Atanna dhɔɔbhaawɔn kë -me -nu -bha, "kee kö 'waa- "gblɔɔ -zian -bha). A- pö ka -dhe -dhe 'wɔn 'ö Atanna dho- wɔ 'me 'wo bha- -nu -ta, -a "dhiü- -dho ziö me -gban -bha -ta.

**Gbaɔ 'ö -geandhe "fleesü do 'bha -ya wo Atanna -gɔ -a
-dhiang 'ö Dhukö -ya zë
(Makö 12,41-44)**

21 1-Dhe 'ö Yesu -yö 'ö bo -a -pö "dhü -sü 'ka, 'yö 'ö -gɔ "dhiü =wliü. 'Ö dho -dhe -ga kö =naɔme -nu -wo gbaɔ sië Atanna -gɔ, kö -wa 'wëë- -da sië 'pë 'wo- nu Atanna -dhe -a -da 'gü -pë 'ö- -dhɔkëgükɔ 'gü bha- 'gü. 2"Kee kö -geandhe -wëësü 'në do 'bha bha 'pö "tanmaga -plë -ya -kwëë-, kö -ya -da sië mü 'pö. 3'Yö Yesu -ya pö: «A- -pö ka -dhe tɛan- -dede 'ka -dhe "tanmaga -plë 'ö -geandhe ya 'ö- =gbaɔ Atanna -gɔ ya, -yö 'gbiin- 'ö -ziö me 'wo bha- -nu -gban "pepe -bha -ta. 4-A -gen -mü -dhe wo -zë -a -nu -kɔ -në- -nu 'kën -gu -ta, 'yö- 'dhe 'ö- -nu "yan 'yaa -kë 'ka -pë "dhiü bha 'wo- =gbaɔ Atanna -gɔ, "kee -geandhe 'në -wëësü 'kö pë 'bhaa- -gɔ 'ö dɔ bha, a- -pö ka -dhe -dhe 'pë =ya 'to- 'nu- -gɔ -a -bha -bhöpë sɔng -zian 'ka -a -kpea -në 'ö- nu Atanna -dhe bha.

**Yesu -bha Atanna -bha 'kɔ 'wü -wɔn -to "dhiü kö -ya pö -kɔ waa- -wëëwɔn
-nu 'wo dho kë kö -tosea gun -na yën- -a -dhiang 'ö Dhukö -ya zë
(Matiö 24,1-2; Makö 13,1-2)**

5'Ö gun kö me 'bha -nu -wo Atanna -dhɔkëgükɔ 'ö Zedhizadhemö bha- -kë -së -dhiang zë sië, -gwë suu -nu 'wo- sü 'wo 'kɔ bha- dɔ- 'ka waa- pë -nu 'wo- =gbaɔ Atanna -gɔ 'wo mü bha- -wɔn 'gü, 'yö Yesu -yö dhiang do zë 'ö- pö: 6«-Ka -dhe -ga, -a yi -yö nu sië 'ö -gwë -sengbɔ -nu 'ka- -ga sië bha, 'ö- =gban -yö -loo, 'ö- do -zian 'yaa 'to 'ko -ta.»

(Matiö 24,3-14; Makö 13,3-13)

⁷Dhe 'ö -yaa- pö "dhü, 'yö 'wo- dhe" kpö 'wo- pö: «Yi Dème, -a 'wön bha -yö -dho kë "dhü -më "tüng -në- 'gü? "Een -yaa- pö 'ö kë yi -dho -a 'suan- bho -më -nu -në- -bha?»

⁸Yö- -yö bə- -nu -gö 'ö- pö: «-Kaa kë -së kö 'wa 'dho "kpënn- kë ka -gö 'wo ka -pö; -a -gen -mü =dhe më 'gbe- -dho nu n 'tə 'gü, 'ö 'wo- pö ka -dhe =dhe n nu "tüng -ya -loo, "een wo -në 'wo n 'ka, "këe =waa- pö "dhü, 'ka 'dho- -yö bə. ⁹Ya 'go yö -zë 'gü, ka -dho -a ma ka "tə 'ka =dhe -wo -gblü gɔɔn sië -dhe -nu 'wo -ni -a -nu 'gü, "een "sɛgɔ -nu 'yan -yö dɔ sië -gean. -Ya kë "dhü ka "gblüüdhe 'ya 'dho "muu bho, -a -gen -mü =dhe -a -dhea -bha =dhe 'wön -nu bha -wo kë -kö -blɛəsü. "Këe yö -zë 'yii 'dho kë "se "dhiütodhe 'ka.»

¹⁰"Sɛgɔ 'bha- -dho "wli 'ö dho ö -gblü -da -a 'bha -ta, 'ö -gblüidë 'bha -yö =wli 'ö dho 'ö -pö më 'bha -ta. ¹¹'Ö "sɛ -yö =zii -kɔ -ziisü -ziisü -nu -kë, 'ö "vüü 'dhö -da -dhe -nu 'gü 'zuuzudhö 'ö 'ka- ma, 'ö "yua yaya -nu 'wo sɔ. 'Ö "dhabhliwön -nu 'ö -ya kë 'ö "suü -da më 'gü 'ö -kë dhang- 'gü -dhe -nu 'gü 'ka- yö. ¹²"Këe "sanni 'wön -nu bha- =gban "pepe -yö kë, -wo -dho ka 'kun -kö -blɛəsü 'wo ka -wëë -kë =gban "pepe suu wo, 'ö wo ka "dhiü dɔ pë -gɔ, 'ö 'wo 'wön bho ka 'gü Zuifö -nu -bha -yakwëëkëgükɔ -nu 'gü, 'ö 'wo ka -da -nu wo -kaso 'gü, 'ö 'wo dho ka 'ka -gblüidë -nu waa- "sɛgɔdhiümë -nu -kuu "dhiü n 'tə -wön 'gü. ¹³'Wön -nu bha -wo -dho kë ka 'ka "dhü, "këe -a -gen -mü =dhe kë "dhü kö 'ka "sɛedhe kë n -bha -a -nu -dhe. ¹⁴A- -pö "dhü kö -yö 'to ka "yaan kö -a yi -ya -loo kö ka -dɪ -ta -za dɔ -wön -zvgɔndhe 'ya 'dho -ya ka -bha, ¹⁵-a -gen -mü =dhe ka -ziö dhiang 'gü "tüng -ya -loo kö =wa 'dho ka 'ka -gɔmɛ -nu -kuu "dhiü (dhiang 'ö kaa- zë ma -në 'a dho- dɔ ka "dhi). Ma -në 'a dho "yaaki nu ka -dhe. "Yaaki -zian 'a dho- nu ka -dhe bha, -yö -dho ziö ka -da -mɛ -nu -bha -ta, 'ö- -nu "dhi kun 'ö 'ka dhiang -yö bə, 'ö 'pë woo- pö ka -dhe 'ö =dheng- -nu -gɔ. ¹⁶A- -pö ka -dhe =dhe 'mɛ 'wo -kë ka 'kpɔmɛ -nu 'ka waa- ka dheebhang -nu, 'mɛ 'ö keng- -nu ka suu 'dhö do, "een ka "taɔngdë -nu -zian -dho ka "dhiü dɔ ka 'yaɔ- -nu -dhe. -Wo -dho më ga 'bha zë ka "piü. ¹⁷Ka -san -dho më =gban "pepe kë n -wön 'gü, ¹⁸"këe yö -në- =gban 'gü, ka wun "dhe 'ö ka -gɔ -bha bha- do -zian 'yii 'dho =dheng Atanna -gɔ. ¹⁹-Ya kë -dhe yö -në -ya 'kun bho ka 'gü, kö 'kii bo n 'ka, 'yö 'ka dho -da -sii 'ö yaa yën -a kë -dhe 'gü -dhekpəɔ dhia" 'gü.»

'Wön 'ö dho kë Zedhizadhemö -pö 'ka waa- Yesu -bha nu -sü -dhiang 'ö Dhukö -ya pö

(Matiö 24,15-21; Makö 13,14-19)

²⁰Yö Yesu -yö go mü 'ö- pö: «-Ya 'go yö -zë 'gü, yi 'ö 'ka dho- ma- 'ka -dhe -gblü -ya 'gba dɔ Zedhizadhemö -dhe -bha -dhe =gban "pepe 'gü =ya -klëen- 'ka- -zü, -yö kë ka "yaan =dhe kö -a 'wü "tüng -ya -loo. ²¹-A yö -zë

-ya kē 'dhü, 'me 'wo dho kē Zude -se 'gü -a "tüng bha- 'gü, -wo -beang sü kö -wo 'dho -tɔn -gbeng 'gü -dhe -nu 'gü. Kö 'me 'wo Zedhizadhemo -pö yaan- -bha -wo -da "bü, kö 'me 'ö wo -zē waa- -kē gbɛɛ -ta -dhe -nu 'gü, 'wa 'dho -nu 'plöödhe mɔɔ-. ²²-A -gen -mü -dhe Atanna -dho 'wɔn bho ka 'gü 'yi bha -nē- 'ka, kē 'dhü kö 'wɔn "pɛpɛ 'ö -ben zē -sü 'ka- -bha 'sēédhe 'gü bha- 'gü -wɔn -yö kē. ²³-A "tüng bha- 'gü, dhong -nu 'wo dho kē 'gbiödhe 'ka, "ɛɛn 'ö 'nē dho kē- -nu -gɔ "yɔn -bha, -a -nu -bha -dho kē -wēēsü; -a -gen -mü -dhe Atanna -dho 'ö -mawɔn -siö "sɛgɔ ya- 'gü me -nu 'ka "tüng bha -nē- 'gü, 'ö "sɛ ya- 'gü -mɛ -nu 'wo -kē -wēēwēēsü -dedewo. ²⁴'Me 'waa Atanna dɔ -a -nu -bha -gblü -kɔ -dho =mɔɔ- -nu -bha, 'ö 'wo- -nu kun =dhuəng 'ka, 'ö 'wo dho nu- 'ka "sɛgɔ =gban "pɛpɛ 'do 'do 'gü, 'ö "sɛ "wɛɛ 'gü -mɛ -nu 'wo =taa Zedhizadhemo -dhe -ta, 'ö 'wo- -da wo -gen =wlöö 'ö dho- 'ka "dhü 'ö zun- 'ka- -nu -bha "tüng 'ö Atanna -ya -ya -a ziö -yi -bha.»

(Matiö 24,29-31; Makö 13,24-27)

²⁵-Ya 'go yö -zē 'gü, "dhabhliwɔn -dho kē 'ö 'ka- -dhe yö 'yēnng- waa- "su waa- "susēngga -nu -bha. "Suü- -dho -da "kpungtaame -nu 'gü, 'ö "sika -yö -da -nu 'gü, -a -gen -mü -dhe -a "tüng bha- 'gü, =weeyi -dho 'ö kpö kē -dhe -tɔn 'dhö 'ö =loo 'ö dho 'ö -zuö -yuudhö. ²⁶-A "tüng bha- 'gü, me 'bha -nu -dho ga zuédhiütɛɛ -gɔ kö -wo wo -zu 'gɔn sié 'wɔn -nu 'wo dho wɔ "kpungtaadhe -ta bha- 'ka, -a -gen -mü -dhe Atanna -bha 'gügbudhe 'ö dhang- 'gü bha -yö -dho =loo 'yi bha -nē- 'ka. ²⁷-Wo -dho mang Megböme n yö "tüng bha -nē- 'gü kö a nu sié dha 'kpong- -ta ma medhe -faan "gbu- bha- 'ka waa- 'tɔbhɔdhe -ziisü 'dhö. ²⁸-Ya kē -dhe 'ka 'wɔn -nu bha- -dhe yö "tüng 'ö- 'gü kö -ya kē -sü -zü bho, -ka dɔ =zinng 'gü kö 'ka ka -gɔ "dhiü 'wliü, -a -gen -mü -dhe 'ö kē sié "dhü "tüng 'ö- 'gü kö ka -bho 'wɔn 'gü "tüng =ya 'gan klöö-.»

"Gwēnng 'ö Yesu -ya -da 'ö -gban figö -dhü -bha

(Matiö 24,32-35; Makö 13,28-31)

²⁹'Yö 'wɔn -zɔn 'ka do -zɔn -a -nu -dhe 'ö- pö: «-Ka figö -dhü -nu waa- "dhü "wɛɛ 'dhe -nu 'wo to -a -nu -ga kö 'ka 'wɔn 'suan- bho- -bha:. ³⁰-a -gen -mü -dhe 'ka- -nu yö kö -wo wo -trɔng -dee -ya sié, kö 'ka- 'wɔn dɔ -dhe dha "yi -ya =tēng. ³¹-Ya kē 'pö -dhe ka "yan 'dhö -da sié 'wɔn -nu bha- -nu kē -dhe 'gü, -yö kē ka "yaan -dhe Atanna -bha -gblüédhe -ya dun ka -ta. ³²A- -pö ka -dhe tɛan- =dede 'ka -dhe: 'Wɔn -nu bha- =gban -dho kē kö 'me 'wo "tüng ya- 'gü ya- -nu -gban 'wii ga -kö. ³³-A -gen -mü -dhe "sɛ waa- dhang- -wo -dho ziö, "kɛɛ n -wɔ -zē 'yii 'dho bho- -bha tongtongdhö.»

-Dhio 'ö Yesu -ya dɔ 'ö -gban -dɔ 'suan- 'ka -sü

-bha -a -dhiang 'ö Dhukö -ya zē

³⁴Yesu -ya -pö -nu -dhe yö -nē- -wɔn 'gü 'ö- pö: «-Kaa kē ka 'suan- 'ka kö ka -gɔ 'ya 'dho 'to pē -sē -bhö -sü waa- we mü -sü "ɛɛn -ya "kpungtaapē -nu

-wɔn zuën -ta -sü 'ö "dhiü ziö 'ka- -bha, 'ö yi bha 'ö nu 'ö -kan ka 'gü; ³⁵-a -gen -mü -dhe yi 'ö bha- nu -sü -dho kë -dhe "nuu 'ö "yibhakëme -nu -wa -zuö 'yi -bhaa bha -në- 'dhö 'ö -kan "kpungtaame -gban "pɛpɛ 'gü. ³⁶-A -kë "dhü -sü 'gü, -ka -ya ka "yaan kö 'ka bhea" Atanna -dhe "tüng -gban 'gü, kë "dhü kö 'ka faan -slɔɔ, kö 'wɔn "pɛpɛ 'ö nu sië bha -yö 'kun bho ka 'gü, kö yi 'ö Mɛgböme dho nu- 'ka bha -yö -kpan ka -bha -dɔ -gean -sü 'ka.»

³⁷"Tüng 'ö Yesu -ya -kë Zedhizadhemö bha -dhe -ya -kpaɔ -kɔ 'ö- 'gü 'do 'do 'yö dho Atanna -dhɔkëgüko 'gü, 'yö mɛ -draan mü, "bin 'dhö 'ma sië, 'yö dho -tɔn 'wo Odhivie -tɔn -kë bha- -gbin- 'yö -wɔ mü. ³⁸-A -wɔn 'gü, "sɛgüme -nu -gban "pɛpɛ -wo -gun -suö sië -dhekpaɔ tii' 'gü, 'ö 'wo nu Atanna -dhɔkëgüko 'gü kö 'wo- -wu ma.

**-Gɔme -nu -bha yang -ya Yesu -bha -kɔ waa- Zuda -bha -da -a -dhe pë
"piü -kɔ -dhiang 'ö Dhukö -ya zë**

(Matiö 26,1-5; Makö 14,1-2; Zan 11,45-53)

22 ¹'Ö gun "dhü kö 'bluu- 'ö "sɛke 'yaa- -bha 'wo- -bhö -troo 'ö- -ta 'wo- -dhe 'Pakö bha, -a yi -ya 'to klöö-, ²kö 'mɛ 'wo -kë "saabhome -nu -gɔme -nu 'ka, waa- 'tɔnggɔme -wa "slë mɔɔ- sië kö 'wo Yesu 'kun, "kɛ kö -wo "suö sië "sɛgüme -nu -gɔ.

(Matiö 26,14-16; Makö 14,10-11)

³"Kɛɛ 'sa Sɔtraan -yö -da Yesu -bha -klang -nu -kaɔng do ga -plɛ bha- me 'dhe 'wo- -dhe Zuda Isikadhioö bha- -gɔ 'gü "tüng -dede bha -në- 'gü. ⁴'Yö -ziö 'ö dho 'ö -gɔ dun "saabhome -nu -gɔme -nu waa- Atanna -bha 'kɔ -gɔdhiöme -nu -gɔme -nu 'ka kö -kɔ 'ö dho Yesu "dhiü dɔ- 'ka- -nu -dhe kö -wa -ya 'kwëë- kë. ⁵-Dhe 'ö dho 'ö- pö- -nu -dhe 'yö- 'gü -wɔn -yö -dhi -nu -dhe -dedewo, 'yö 'wo- pö- -dhe -yaa- yö -zë kë "dhü, -wo -dho -a gba 'wëë- 'ka. ⁶-Dhe 'ö bo -wɔ 'wɔn bha- -bha -sü 'ka, 'yö -ya -a "slë mɔɔ- -sü -bha kö 'ö Yesu -gbaɔ- -nu -gɔ mɛ -gban tii' 'ka.

Yesu -bha mɛ -plɛ -bɔ 'Pakö -pë -kpa -dhe 'gü -kɔ -dhiang 'ö Dhukö -ya zë

(Matiö 26,17-25; Makö 14,12-21; Zan 13,21-30)

⁷-Wo -to 'wɔn bha- -bha "dhü, 'yö yi 'wo -tuü -pë 'wo- zë troo bha- -ta bha- zë- 'ka bha 'ö -loo. ⁸'Yö Yesu -yö Piedhö waa- Zan -a -nu bɔ, 'yö- pö- -nu -dhe: «-Ka 'dho kwa -bha Pakö -pë -kpa kö 'kwa- -bhö!»

⁹'Yö 'mɛ 'wo bha 'wo- pö- -dhe: «-Yö i "piü -dhe 'yi- -kpa 'mɛ?»

¹⁰'Yö- pö: «-Ka -dhe -ga, -ya kë -dhe 'ka 'dho 'ka -da Zedhizadhemö 'plöö, ka -dho -kpan mɛ do 'bha -bha kö "yipɛ -ya -gɔ, 'ka- yö -ka ziö- -keng- kö keng- -nu 'ka 'dho, 'kɔ 'ö yaa- -da 'gü bha kö 'ka -da -keng- mü. ¹¹-Ya kë -dhe 'ka -da 'kɔɔdhö mü kö 'ka- pö- 'kɔ dɛ -dhe: «'Kɔ dɛ, yi Dɛme -ya -pö -dhe 'ö waa- 'ö -bha -klang -nu 'wo dho 'Pakö -pë -bhö -bha 'i- -dhe -zɔn yi -dhe.» ¹²'Ka- pö- -dhe "dhü -yö -dho 'kɔdhi -mɔɔbhasü 'ö- 'gü -dhe

'dhö -pë kē -sü 'ka, 'ö -yatapë -gban 'dhö mü, -a -dhe -zɔn ka -dhe 'ko -ta 'dhüng 'gü. -Dhe 'ka dho kwaa- Pakö -pë -kpa -bha 'yö bha.»

¹³'Yö 'me 'wo bha 'wo dho, 'yö -kɔ do 'ö Yesu -ya pö- 'ka bha 'yö -kē 'pö- kɔ -bha "kpüdhö, 'yö 'wo Pakö pë -kpa mü.

**-Bhöpë 'ö Atanna -gɔ 'kɔɔdhö bha- -wɔn zü bho -kɔ
-dhiang 'ö Dhukö -ya zë**

(Matiö 26,26-30; Makö 14,22-26; 1 Kodhengtö 11,23-25)

¹⁴-Dhe 'ö =wa wo bo pë bha- -kpa -sü 'ka 'ö- -bhö "tüng =ya =loo, 'yö Yesu waa- ö -bha bɔmɛ -nu 'wo -ya pëpë "dhiü. ¹⁵'Yö- pö ö -bha -klang -nu -dhe: «Pakö -pë 'dhe 'kwa- -bhö sië ya -a 'gü -wɔn -yö -dhi n -dhe =dedewo, -a -gen -mü =dhe -yö -gun n "piü =dhe- do 'dhe 'kö ya 'kwa- -bhö kwa "kwëë gbonggbongdhö kö 'a gun -na saan". ¹⁶-A pö 'a- wo "dhü bha- 'klɔɔ- -mü =dhe 'mii 'dho- 'bha -bhö "kpung ya -taa 'zü 'ö dho 'ö zun- 'ka -a 'klɔɔ- zun zang -ta -sü ('ö n ga -sü 'ka) bha- -bha, 'ö dho 'ö zun- 'ka- 'dhe 'kwa dho- -bhö Atanna -bha -gblüädhe 'gü bha- yi -bha.

¹⁷-Dhe 'ö =yaa- pö "dhü 'ö =ya ö bo, 'yö ö -kɔ -da we -kɔɔ 'gü, 'yö Atanna nüe" bho 'yö- pö: «-Ka we -kɔɔ ya- 'kun kö 'ka- 'gü -gblü ka 'ko -ta; ¹⁸-a -gen -mü =dhe a- -pö ka -dhe =dhe -drɔɔ ga "yi 'ö ya 'mii 'dho- mü 'zü tongtongdhö 'ö dho 'ö zun- 'ka Atanna -bha -gblüädhe nu -yi -bha.»

¹⁹-Dhe 'ö ö bo- pö "dhü -sü 'ka, 'yö ö -kɔ -da 'bluu- 'gü, 'yö Atanna nüe" bho. =Dhe 'ö =ya ö bo, 'yö- "kplü "kplü bho 'yö- 'gü -gblü -a -nu -ta 'yö- pö: «-Ka -dhe -ga, n kwi 'a- nu ka -wɔn 'gü bha- "blëen- =nɛ, ['ka kē -kaa -bhö =sië kö ka -zu -yö -bö n -wɔn -ta -kpeawo.»

²⁰-Dhe 'wo wo bo pë -bhö -sü 'ka, 'yö wekɔɔ sü 'zü -kɔ do bha- 'gü, 'yö- nu- -nu -dhe 'yö- pö: «N =yɔɔn 'ö woo- =wɛnng kö -yö kē -mlɛɛ -dee 'ö maa -da n Dë Atanna waa- me "bhü- -nu -a -nu =zinng 'gü -a -gen 'ka bha- "blëen- =nɛ]. ²¹'Kɛɛ 'sa 'me 'ö dho n -da pë =kwëe- "dhü bha, yeng -në yi -kɔ 'dhö pëfië do 'gü ya!» ²²'Kɛɛ a- -pö ka -dhe tɛan- =dede 'ka -dhe mang Megböme ga 'ö maa- wo ya 'a- wo "dhü kö 'wɔn 'ö Atanna -yaa- -ben zë 'nu -ya bo bha -ya yö =në- 'gü -wɔn kē, "kɛɛ 'me 'kö dho 'wɔn bha- -gbɔ dɔ ö -dɪ -gbin- =në- -mɛ -bha 'dhö -wëësü!

²³-Dhe 'ö =yaa- pö "dhü, 'yö- -bha =klang -nu 'wo -ya wo 'ko -nu dheɛ" 'kpɔ -sü -bha kö 'me 'ö dho 'wɔn bha- kē 'wo- dɔ.

**Zaɔdhe 'ö Yesu -bha -klang -nu -wa -da kö 'me 'ö- -due
'dhö 'kpii- 'wo- dɔ bha -a -dhiang 'ö Dhukö -ya zë**

²⁴-Wo -to -dhe do bha- 'gü, 'yö Yesu -bha =klang -nu bha 'wo -ya wo 'ko zaɔ- -sü -bha -due 'kpiidhe -wɔn 'gü, ²⁵'yö- -yɔ bɔ- -nu -gɔ 'ö- pö: «-Gblüäd -nu 'wo "kpung =taa -a -nu -kɔ -yö -mɔɔ woo- "següme -nu -bha, 'ö 'wɔn 'ö -dhi -nu -dhe 'wo- -wɔ -nu -ta, "kɛɛ 'ö =wa 'go mü 'wo- pö wo -gɔmɛ -nu kēwɔn -yö -së. ²⁶'Kɛɛ ka -zë ka -bha 'ya 'dho kē "dhü. Ka -zë 'me 'ö- -due dho kē 'kpii- ka kpö

'gü, -a -dhea -bha -dhe yö -në -yö kë -dhe me -gban ka -da =wlöö 'dhö, kö me 'ö ka -gɔdhiü -në -yö kë -dhe ka "dhiü -ziöwome 'dhö. ²⁷"Een me -ple -wa kë kö me do -yö kë pë -bhö -dhe 'gü, kö me do -ya "dhiü -ziö wo kö me -ple 'wo bha 'dee 'kpii-? Kö 'me 'wo- "dhiü -ziö wo sië bha 'yaa -mü -ee? "Kee -kaa -ga 'ö ma -zë 'ma kë ka kpö 'gü -dhe ka "dhiü -ziöwome 'dhö bha. ²⁸Ka -zë ka -në 'ka 'ta n -keng- 'ö 'kwa -ziö 'wɔn "gbu- "pɛpɛ 'ö -wɔ n -ta -a -gban 'gü. ²⁹Yö -në -wɔn 'gü, 'yö 'a -gblüdedhe nu -sü 'ka ka -dhe -dhe -kɔ do 'ö n Dë -ya nu- 'ka n -dhe -a 'dhö. ³⁰Kë "dhü kö kweng- -nu 'kwa -kɔ -da pëfië do 'gü ma -gblüdedhe -ya -bha -yi 'ka, kö 'ka -ya 'pö -blüdedhe -gbloo -nu 'gü kö 'ka Izraëdhö "sego -kaɔng do ga -ple bha- 'me 'ö 'dhö -a -due -zɔn.»

Yesu -bha Piedhö -bha ö -wɔn zɔɔ -sü -dhiang 'ö Dhukö -ya zë
(*Matiö 26,31-35; Makö 14,27-31; Zan 13,36-38*)

³¹-Dhe 'ö -ya ö bo- -pö "dhü -sü 'ka, 'yö- -pö Piedhö -dhe: «Piedhö, Sɔtraan -ya ka -gbadhe Atanna -gɔ kö 'ö ka -piö -dhe -kɔ 'wo -mlü -piö 'ka 'ö- -flee -yö go- 'gü bha- 'dhö, ³²"kee 'ma bhea" Atanna -dhe i -wɔn 'gü kö i -bha 'dhang -bho n "dhiü -sü 'bha 'ya 'dho "kan- -ta 'ö 'i -kan n -bha. 'Bha i -du -slɔɔ yi 'ö- 'ka kö i zuë" -ya 'waanu, bhii -du 'pö 'i i dheebhang -nu 'ö keng- -nu 'ka bɔ n 'ka bha- -nu -zɔ -gban.»

³³Yö Piedhö -ya -yɔ bɔ- -gɔ 'ö- -pö: «N Dëme, -a "sɪ 'yaa n -dhe kö 'a "kan i -bha. 'Kö -ya kë ga -zian 'ka kwa -dho -a wo kwa "kwëë, -ya kë 'zü dha -sü 'ka kwa -dho -a wo kwa "kwëë.»

³⁴Yö Yesu -ya -pö- -dhe: «Piedhö, a- -pö i -dhe -dhe "sanni -tɔɔn -yö "wɔ gbeng 'ö -dɛɛ 'gü, kö 'bha bo n 'ka -dhe pë -yaaga 'dhö.»

-Wu 'ö Yesu -ya kpɔ ö -bha -klang -nu -bha kö -wa
kë ö zian 'gü bha- -dhiang 'ö Dhukö -ya zë

³⁵-Dhe 'ö go mü 'yö- -nu dheɛ" kpɔ 'ö- -pö: «Ka bɔ 'a- wo "tüng 'bha 'gü, 'ö 'a- -pö ka -dhe -dhe 'ka- -pö kaa 'dho 'ka 'dho -kwëesügüpë waa- 'wëë- -nu, 'waa -sabha -nu 'bha 'sü bha, -dhe 'ö 'ka dho pë 'bha -kpla -yö kë ka -kun -ee?» 'Yö 'wo- -pö- -dhe: «'Aa bhoo, pë 'bha -kpla 'yii yi 'kun.»

³⁶Yö- -pö- -nu -dhe: «'Ka- -pö 'ka 'dho -taamasü -ya- 'gü, 'me 'ö- -bha 'wëëga 'dhö- -gɔ -yö ö -bha pë 'sü, -kwëesügüpë 'dhö 'me 'ö- -gɔ -ya 'sü, kö 'me 'ö -siangga 'yaa- -gɔ, -yö ö -bha -sɔ "dhɔɔ dɔ kö -ya 'dhɔ; ³⁷-a -gen -mü -dhe -a -dhea -bha -dhe 'pë 'ö -ben zë -sü 'ka Atanna -bha 'sëedhe 'gü n -bu 'gü bha, -a 'gü -wɔn -yö kë -dhe:

«Waa- dɔ 'wɔnyaa-këme -nu -bhiëë 'gü.»

"Kee 'sa 'wɔn 'ö -ben zë -sü 'ka n -bu 'gü, 'ö- -këwɔn 'dhö 'dhö "dhü bha- -kë "tüng -ya -tëng. Yö -në dho kë 'wɔn 'ö Atanna -yö n bɔ- 'gü bha- -gɔ -da 'plöö -sü 'ka.»

³⁸Yö 'wo- -pö- -dhe: «'Yi Dëme, -siangga -ple -ne!» 'Yö- -pö- -nu -dhe: «-A 'dhe bha -yö 'to "dhü, -ya -mɔɔ.» (-A -pö 'ö- -wo "dhü bha- -klɔɔ- -mü -dhe 'pë 'ö- -pö- -nu -dhe bha 'wii- 'gü ma ö 'klɔɔ- 'ka.)

**Bhea" -kɔ 'ö Yesu -yö -bhea- 'ka Odhivie -tɔn -gbin-
-a -dhiang 'ö Dhukö -ya zë
(Matiö 26,36-46; Makö 14,32-42)**

³⁹Yesu -gun 'dho sië Odhivie -tɔn -gbin- zii 'kpa 'ö -bhea Atanna -dhe mü, 'ö -ya gun -ya kè- 'tuü- 'ka. =Dhe 'ö go 'kɔ bha- 'gü 'ö zun "kpɛnng, -yö -ziö do 'ö 'ö wë dɔ Odhivie -tɔn -gbin-, 'yö- -bha -klang -nu -dɪ 'pö 'wo -ziö -keng-. ⁴⁰=Dhe 'wo dho 'wo -loo mü, 'yö- pö 'ö -bha -klang -nu -dhe: «-Ka bhea" Atanna -dhe kö 'ka 'dho -da Sɔtraan -gɔ döng 'gü!»

⁴¹Yö yö -zë 'ö bhɔ 'në 'bha wo- -nu -dhe taa- 'bleng -bleng 'yö zun 'ö kpiö 'gü, 'yö zun -bhea Atanna -dhe -sü -bha 'ö- pö: ⁴²«N Dë Atanna, -ya kè -dhe -ya ga i 'gü kö 'wɔn 'gbu- 'ö maa- 'yi mü ya 'i n dha- -gɔ, -yö -dho -dhi n -dhe, "kɛɛ yö =në- =gban 'gü, 'yaa n 'piü =dhe -yö 'to ma -zë n -bha -bha, -yö n 'piü =dhe bhi =në i dhɔɔbhaa -yö kè.»

⁴³[-Yö -to mü 'yö Atanna -bha "kië do -yö go dhang- 'gü 'yö nu 'yö faan -sɛa -da 'gü. ⁴⁴=Dhe 'kö 'ö- -ga =dhe ga -zii -ya kpa 'ö -ta, 'yö zun -bhea Atanna -dhe -sü -bha 'ö -sɔbhɛɛ =dede 'ka, 'ö dɔ mü kö 'fëyi 'ö bhɔ sië- -bha 'ö -loo "sia- bha, -ya kè -dhe =yɔɔn kpö kpö =në- 'dhö.] ⁴⁵=Dhe 'ö 'ö bo, 'yö =wlü 'ö dho 'ö -bha -klang -nu -dhe 'gü, 'ö dho -yö -kpan -a -nu -bha kö -a -nu =gban =wa yi zë kplɔɔngdhö -wëë 'ö bɔ sië- -nu -ta bha- -wɔn 'gü. ⁴⁶'Yö- pö- -nu -dhe: «Yi -zian =në 'ka- zë sië -wa! A- -pö ka -dhe =dhe 'ka "wlü kö 'ka bhea" kö Sɔtraan 'ya 'dho "kpɛnng- kè ka -gɔ 'ö 'ka -da Atanna "dhiü!»

**Yesu 'kun -kɔ -dhiang 'ö Dhukö -ya zë
(Matiö 26,47-56; Makö 14,43-50; Zan 18,3-11)**

⁴⁷-Yö -to dhiang bha- zë -dhe 'gü, 'yö mɛ kpö -yö -wo kö- -bha -klang -nu -kaɔng do ga =ple bha- mɛ 'dhe 'wo- Zuda -kè bha -ya -nu -dhe "dhiü. =Dhe 'wo nu, 'yö =yɔɔn Yesu "sɔɔ 'yö -loo- -bha. ⁴⁸'Yö Yesu -ya pö- -dhe: «Zuda, 'wɔn 'ö i 'gü 'yö bha -ee? I mang Megböme n "dhiü -dɔ -loo n -bha -sü =në- 'ka -ee?»

⁴⁹=Dhe 'mɛ 'wo gun Yesu =keng- bha- -nu "yan 'dhö -da 'wɔn bha- -dhe 'gü, 'yö 'wo- dhɛɛ" kpö 'wo- pö: «Yi Dëmɛ, -yö mü =dhe, 'yi 'mɛ 'wo- ya- -nu 'yën -siang 'ka -ee?»

⁵⁰-A -pö "dhü -sü =në "gbu- kö- mɛ do -ya -siang bɔ 'ö -ta kö -ya "saabhómɛ 'kpüi- -bha gwëëmi zë- 'ka- -kɔ -së 'gü "tu kpö -bha kö =yaa- bho mü. ⁵¹"Kɛɛ 'yö Yesu -ya pö- -nu -dhe: «=Ya =mɔɔ! -Kaa 'to "dhü.»

'Yö 'mɛ bha- "tu kpö bha -sü 'yö- -ya mü 'ö "gbluɔ 'ka -deewo 'yö- -kë "klüöklü. ⁵²=Dhe 'ö =ya kè "dhü, 'yö Yesu -ya pö "saabhómɛ -gɔmɛ -nu waa- Atanna -bha 'kɔ -maakëmɛ -nu -gɔmɛ -nu waa- -kwɛagbö -nu 'wo nu bha- -nu -dhe 'ö- pö: «Nu 'ka- wo n 'kun -dhe 'gü =dhe mɛ- nu mezëmɛ 'kun, 'ö 'ka nu "dhü -nu waa- -siang -nu 'ka ya- -gen -mü -më 'ka? ⁵³"Kɛɛ

kö yi -gban 'pepe 'ka, kweng- -nu kwa -gun Atanna -dhökëgükö 'gü -dhe do 'gü, 'yö 'kii n 'kun -a "tüng bha- 'gü, "këe a- 'wön -dö -dhe ka -bha "tüng -në -loo bha, -a -gen -mü -dhe Sotraan 'ö -dhetiidhe -göme 'ka bha, -a -ko -moo n -bha "tüng 'ö Atanna -ya -ya -në -loo bha.

Piedhö -bo Yesu 'ka -kə -dhiang 'ö Dhukö -ya zë

(Matiö 26,57-58.69-75; Makö 14,53-54.66-72; Zan 18,12-18.25-27)

⁵⁴=Dhe 'wo Yesu kun, 'yö 'wo dho- 'ka "saabhome -nu -göme 'kpii- gə "kweandhö kö Piedhö -ya -keng- "këe kö -ya 'ka -gbleen. ⁵⁵=Dhe 'wo dho 'wo -loo "kweandhe bha- 'gü, 'yö 'wo peng -ya 'dhueng -ta "kpenngdhö mü, 'yö 'wo -ya -bha. 'Yö Piedhö dho- -nu kpö 'gü mü 'yö 'yaanu. ⁵⁶-Wo -ya -zläädhö, 'yö gwëédhe do 'bha bha 'ö Piedhö yö kö -yö -ya sië peng 'bhü "dhiü, 'yö 'ö "yan -gban 'gü zuudhö 'ö- pö: «Me 'ö ya -yö -gun 'me 'wo- kun bha- -keng- "dhe!»

⁵⁷"Këe 'yö Piedhö -ya -zaə- 'ö- pö: «Maa 'me bha- dö -wa, dhebhönë!»

⁵⁸=Dhe 'ö- -dhe 'në bha -ya -gwëë, 'yö me "wëe 'bha -ya yö 'zü 'yö- pö- -dhe: «Me 'wo bha- me do -mü i 'ka "dhe!» 'Yö Piedhö -ya pö: «Aa, 'maa -mü -wa, gəon- -së!»

⁵⁹=Dhe 'ö "tüng 'bha -ya ziö 'zü, 'yö me do 'bha -yö -nëng 'gü 'zü 'ö- pö: «Me 'ö ya -yö -gun 'me bha- -keng- tean- -dede 'ka, -a -gen -mü -dhe Gadhidhe mi -mü, (me -ya -dhe -yö -a "dhi -wu -bha).»

⁶⁰'Yö Piedhö -ya -yö bə- -gə 'ö- pö: «Dhiang -zian 'i- zë sië bha n "tu 'yaa- -bha.» Piedhö -to dhiang bha- zë -dhe 'gü -dhe do bha- 'gü 'yö -təon -yö -wı. ⁶¹'Yö kwa Dëme -yö -slëë 'ö 'gü 'yö- -ga. 'Yö Piedhö -zu -yö -bö 'pö dhiang 'ö- zë- -dhe -blëesü, 'ö- pö -dhe "sanni -təon -yö "wı, kö -ya bo 'ö 'ka -dhe pë -yaaga 'dhö bha- -ta. ⁶²'Yö zun "kpenng, 'yö zun "gbu bə -sü -bha -wëëwëesü 'ka.

-Kə 'wo Yesu -wëédhe bho- 'ka waa- -dho zagəbhome -kuu "dhiü -kə -dhiang 'ö Dhukö -ya zë

(Matiö 26,67-68; Makö 14,65)

⁶³"Tüng 'ö kë sië- 'ka "dhü bha kö 'me 'kö- -nu -kə 'dhö gun Yesu -bha bha -wa -ma -në wo sië 'ö 'wo -wëe dö- -bha. ⁶⁴'Ö 'wo pë -kplü -a "yan "dhiü, ('wo- -ma) 'wo- pö- -dhe: «De -në i -ma bha? -Bhö -a -me 'tə pö, Atanna -wudhiüloome!»

⁶⁵'Ö 'wo "si -gban -si -gban suu bho- -gə.

(Matiö 26,59-66; Makö 14,55-64; Zan 18,19-24)

⁶⁶=Dhe 'ö -dhe -ya -kpaə, 'yö Zuifö -nu -bha -kwəagbö -nu oo, "saabhome -nu -göme -nu waa- 'tənggöme -nu 'wo bho 'ko -ta, 'yö 'wo me bə kö -wo nu Yesu 'ka wo -kuu "dhiü. ⁶⁷=Dhe 'wo nu- 'ka, 'yö 'wo- pö- -dhe: «Ya kë -dhe 'ö bhi -në 'i Atanna -bha -Yame bha- 'ka -dedewo tean- 'ka, -bhö -a pö yi -dhe!»

'Yö Yesu -ya -yɔ bɔ 'ö- pö: «'Kö maa- pö ka -dhe "dhü =wɛ, 'kii 'dho 'dhang bho- "dhiü, ⁶⁸'ma ka dhɛɛ" -zian 'kpɔ, 'kii 'dho- -yɔ bɔ, ⁶⁹"kɛɛ 'wɔn 'ö teanwɔn 'ka yö -mü =dhe =ya 'go =dɛɛ 'gü, mang Mɛgböme, n -yɛa =nɛ dho kɛ n Dɛ Atanna 'ö- 'gü 'dhö "gbu- bha- -kɔ -sɛ 'gü dhang- 'gü.»

⁷⁰'Yö- -nu =gban "pɛpɛ 'wo- pö: «'Bha- pö "dhü kö i- -pö =dhe? Atanna Gbö -mü i 'ka -ee?» 'Yö- pö: «=lin, yö =nɛ 'ka- pö bha, Atanna Gbö -mü n 'ka.»

⁷¹=Dhe 'kö 'wo- ma "dhü bhoo 'yö 'wo- pö: «=Mɛ -wɔn =nɛ ka "piü =dhe -ya pö ka -dhe 'zü- 'dhe 'kö bha- zian 'gü, "kɛɛ kö yöö =dede -a "dhi =yaa- pö kö 'kwa- ma?»

-Dho Yesu 'ka Pidhatö -kuu "dhiü -kɔ -dhiang 'ö Dhukö -ya zɛ
(*Matiö 27,1-2.11-14; Makö 15,1-5; Zan 18,28-38*)

23 ¹=Dhe 'wo- pö "dhü, 'yö 'mɛ 'wo bha- =gban "pɛpɛ 'wo -wliü 'wo -ta Yesu -bha, 'yö 'wo dho- 'ka Pidhatö -kuu "dhiü. ²=Dhe 'wo dho 'wo =loo mü, 'yö 'wo Yesu -da Pidhatö -dhe 'wo- pö: «'Yi- -kpan 'mɛ ya- -bha kö -yö -da siɛ "següme -nu -gɔ 'gü, 'ö- pö- -nu -dhe 'wa 'dho 'nii- song bho -gblüdü Sezaa -dhe, "ɛɛn yö -zɛ Klisi -mü ö 'ka, ö "dhü kö -gblüdü -mü ö 'ka 'pö.»

³=Dhe 'ö =waa- -da Pidhatö -dhe -wu bha- 'gü, 'yö Pidhatö -ya dhɛɛ" kpɔ 'ö- pö: «'I- -pö Zuifö -nu -bha -gblüdü -mü i 'ka tean- 'ka -ee?» 'Yö Yesu -ya -yɔ bɔ 'ö- pö: «'Yö =nɛ 'i- pö siɛ bha.»

⁴'Yö Pidhatö -ya pö "saabhome -nu -gɔmɛ -nu waa- mɛ kpö 'wo gun 'mü bha- -nu -dhe 'ö- pö: «=Song 'ö yöö kɛ 'mɛ 'ka nu- ka ya- -bha kö -yö kɛ- zɛ -gen 'ka 'mii- yö.»

⁵"Kɛɛ 'yö 'wo =nɛng 'gü 'wo- pö: «'Yi- -pö -yö -da =nɛ wo siɛ "següme -nu -gɔ 'gü, 'ö- -nu -gɔ 'gü =see dhiang -nu 'ö- zɛ wuudhö 'ö -ziö 'ka, 'ö zü bho Gadhidhe -sɛ 'gü 'ö =ya bɔ- 'ka Zude -sɛ 'gü -dhe =gban 'gü -ya nu -ya -loo- 'ka yö bha- 'ka.»

Pidhatö -bha Yesu -bɔ Edhodö -dhe -kɔ -dhiang 'ö Dhukö -ya zɛ

⁶=Dhe 'ö Pidhatö =ya Yesu 'tɔ ma Gadhidhe -dhe -bha, 'yö- -nu dhɛɛ" kpɔ- -kɛ Gadhidhe mi 'ka -sü -wɔn 'ka.

⁷=Dhe 'kö 'wo bo- =iin 'pö -sü -zɛ 'ka, 'ö- 'wɔn dɔ =dhe -yö -go Gadhidhe, "sɛgɔ 'ö Edhodö gun- -gɔdhiü bha- 'gü, 'yö- bɔ Edhodö -dhe, -a -gen -mü =dhe 'ö gun "dhü kö Edhodö -yö Zedhizadhémö "tüng bha- 'gü. ⁸=Dhe 'ö Edhodö -yö Yesu yö, -a 'gü -wɔn -yö -dhi -dhe =dedewo, -a -gen -mü =dhe 'ö gun "dhü kö 'ö zun- "slɛ mɔɔ- -sü -bha kö 'ö -kpan -bha kö- yi =ya =gwɛɛ. Pɛ 'ö -kɛ 'yö gun- "slɛ mɔɔ- siɛ kö 'ö-kpan -bha bha, -a -gen -mü =dhe kö =yaa- -taɔng ma, 'yö gun ö -zu 'gɔn siɛ =dhe 'ö -kpan -bha yi do 'ka kö -yö "dhabhliwɔn -nu bha- 'bha kɛ ö "yaan. ⁹-A -wɔn 'gü =dhe 'ö Yesu -yö =loo mü, Edhodö -yö dhɛɛ" 'gbɛ =dede -kpɔ -gɔ "kɛɛ 'yii- 'bha -yɔ bɔ. ¹⁰Kö

"saabhome -nu -gome -nu waa- 'tonggome -nu -wo mü, kö -wo wo -wu
 "dhiü "wliü sië 'ö 'wo =sua -ya -bha -a -san -bha -mawonyaadhe 'ka "dhü do.
 11 'Yö Edhodö waa- ö -bha "sodha -nu 'wo zun =wæ -dɔ Yesu -bha -sü -bha
 kö- -san =ya zun- -nu 'gü "pæpædhö. =Dhe 'ö =wa =wæ 'bha dɔ- -bha 'ö =wa
 wo bo, 'yö Edhodö -yö sɔ ga do sü 'ö- -da -bha, 'yö- sü 'zü -deewo 'ö- bɔ
 Pidhatö -dhe. 12-A "tüng bha- 'gü, kö Edhodö waa- Pidhatö 'waa -së, "kæ
 -wo -dhi wo 'ko -dhe yi do bha- -në- 'ka, 'yö 'wo -kë "taongdë -zë -nu 'ka.

Yesu "dhiü -dɔ -a zë -më -nu -dhe -kɔ -dhiang 'ö Dhukö -ya zë
(Matiö 27,15-26; Makö 15,6-15; Zan 18,39-19,16)

13=Dhe 'wo dho 'zü -deewo 'wo =loo Pidhatö -kuu "dhiü, 'yö Pidhatö -yö
 "saabhome -nu -gome -nu waa- më -kiandhö -nu =loo 'ko -ta waa- "següme
 -nu 'dhö, 'yö- pö- -nu -dhe: 14 «'Më 'ka nu- 'ka n -dhe ya ka- -pö -bha =dhe
 -yö -da -në wo sië "següme -nu -gɔ 'gü kö 'wa 'dho yi -wu ma, "kæ -a dhe"
 'a- kpɔ kaa =dede ka 'yaan ya, pë "pæpæ 'ö 'ka- pö- -bha bha- 'bha 'kö 'a
 dho- yö -a =song 'gü 'yaa 'dhö. 15 A- -sü 'a- bɔ Edhodö -dhe yö =në- -wɔn
 'gü, "kæ yöö -dɪ 'pö 'yii =song 'bha yö- -bha. Yö =në- -wɔn 'gü 'yö =yaa- bɔ
 'zü -deewo kwa -dhe ya. =Ya kë "dhü kö 'wɔn 'kö yöö kë më -zë 'gü -wɔn
 'ka, 'yii- 'bha kë. 16=Dhe 'ö "dhü, a -dho -a pö kö -wa -wëedhe bho -zë wo,
 "kæ =waa- -ma 'bha wo a -dho n kwaa- -zü 'ö dho.»

17 ['Ö "dhü bha kö Pakö yi =ya =loo -kɔ 'ö- 'gü 'do 'do, Pidhatö -yö
 -kasogüme do -lɔɔ Zuifö -nu -dhe.]

18=Dhe 'ö =yaa- pö "dhü, 'yö 'më 'wo bha 'wo ta wo 'gü 'wo =gbla "gbu-
 'ka 'wo- pö Pidhatö -dhe 'wo- pö: «-Bhö më 'dhe 'kö bha =në- zë kö 'i
 Badhabasö -zë lɔɔ- yi -dhe.»

19 "Kæ kö Badhabasö 'wo "wɪ sië- 'ka bha, -wa -da -kaso 'gü "dhinaa 'kpii-
 'bha 'ö -da 'plöö mü bha waa- më 'ö- zë =në- -wɔn 'gü. 20 'Yö Pidhatö -yö 'ö -kö
 -ya -nu zuë" -ta 'zü -deewo kë "dhü kö -wo "wɪ- -bha kö 'ö 'ö kwaa- Yesu -zü.
 21 "Kæ 'yö 'wii- -yɔ bɔ, 'yö 'wo =gbla 'wo- pö: «-A dɔ "dhü -bha! -a dɔ "dhü -bha!»

22 'Yö Pidhatö -ya pö 'zü- -nu -dhe -gen -yan -yaaga -naa 'ka 'ö- pö: «-Më -wɔn
 yaa =në 'më ya 'ö- -kë? A- -pö ka -dhe -dhe ma -zë 'mii =song 'bha yö- -bha kö
 -yö kë -zë -gen 'ka. =Dhe 'ö "dhü, =waa- -ma 'bha wo a -dho n kwaa- -zü.»

23 "Kæ 'wii "wɪ- -bha tongtongdhö, 'yö 'wo =nëng 'gü 'yö 'wo =gbang dɔ- 'ka
 -yuudhö -dhe -wo Yesu =në- zë. 'Yö- -nu -bha -yö to- -bha 'gbla 'wo- wo "dhü
 kpö 'ka bha- -wɔn 'gü. 24 'Yö Pidhatö -ya pö: «-Ëë, -a 'dhe kaa- -pö =në dho kë.»
 25 'Yö dho 'ö 'ö -kö bho "dhinaa -dame, mezëme 'kö bha yö -zë 'gü 'më 'wo bha-
 -nu -dhe. 'Yö Yesu dɔ- -nu -gɔ kö 'pë 'ö -dhi -nu -dhe -wa kë- 'ka.

Yesu -dɔ "dhü -bha -kɔ -dhiang 'ö Dhukö -ya zë
(Matiö 27,32-44; Makö 15,21-32; Zan 19,17-27)

26=Dhe 'ö "sodha -nu =wa Yesu 'kun 'wo dho sië- 'ka -a zë -dhe 'gü, 'yö
 'wo dho 'wo -kpan Sidhenö mi do 'bha 'wo- -dhe Simɔ bha- -bha kö -yö 'gö

sië 'bhlaa-, 'yö 'wo- kun 'pö 'wo Yesu -do bha "dhü bha- nu- -dhe kö -ya 'sü -yö 'dho- 'ka- -keng-.

27'Wo gun 'dho sië Yesu 'ka "dhiü kö me kpö 'gbe -dede -wa -keng-, kö dhong -nu 'gbe 'bha -nu -wo mü 'pö kö -wo wo -kuu -ta -ma sië "gbu 'ka, 'ö 'wo -wëë -wu kpö Yesu -bha. 28'Yö Yesu -yö ö wë bɔ- -nu -ta 'ö- pö: «Zedhizadhemö dhong -nu, 'ka 'dho "gbu bɔ ma -zë n -bha, -ka "gbu bɔ ka -dɪ =në- bha waa- kaa- 'në -nu 'dhö. 29-A -gen -mü -dhe "tüng 'bha- -dho -wo 'ö 'wo- pö =gblöödhe -nu oo, 'me 'wii 'në 'kpɔ do waa- 'me 'wii 'yɔn nu 'në -dhe do -a -nu -bha -së! 30-A "tüng bha =në- 'gü, 'yö 'wo dho 'daɔnnu 'wo- pö -tɔn "gblügbliü -nu -dhe: «-Ka nu 'ka -gblü yi -ta! -Tɔn 'sënnë -nu, -ka nu 'ka yi -ta kpa!» 31-A -gen -mü -dhe "sanni -wo 'wɔn suu ya- wɔ "dhü -sëa -zë -ta, 'yö "dhü "kpea -zë =wë?»

32"Tüng 'wo gun 'dho sië Yesu 'ka "dhü bha kö 'wɔnyaakëme -nu "wëe =plɛ 'wo 'dho sië- -nu zë 'pö -wo mü, -wo -gun 'dho sië waa- Yesu -nu =gban =në- -nu 'ka bha. 33=Dhe 'wo dho 'wo =loo -tɔn 'wo- me -gɔ "kpea -tɔn -kë bha -gbin-, 'yö 'wo Yesu waa- 'wɔnyaakëme -nu =plɛ bha- -nu -gban "dhü -bha -dhe bha- 'gü. 'Yö 'wo- me do bɔ Yesu -kɔ -së 'gü, 'yö 'wo- me do bɔ -a -kwa 'gü, 'yö 'wo- do- -nu =zinng 'gü. 34"Tüng 'wo gun- do sië- 'ka "dhü -bha bha kö -yö ö zë -me -nu "dhiü bhea" wo sië- Atanna -dhe 'ö- pö: «N Dë, -bhö -a -nu -mawɔn 'to, -a -gen -mü -dhe 'pë 'wo- kë sië bha 'waa- do.»

'Yö 'wo zë "kpüü -kë -a -dasɔ -nu -ta, 'yö 'wo- 'gü -gblü wo 'ko -ta. 35'Ö kë sië "dhü bha kö me kpö 'kpii- bha -wo mü, kö -wa -dhe -ga sië. Kö Zuifö -nu -gɔme -nu bha -wo =wëe do sië Yesu -bha 'wo- pö: «=Ya kë -dhe 'ö Klisi 'ka, 'ö 'me 'ö Atanna -ya -ya -a 'ka =dedewo tean- 'ka, =ya me -nu dha 'gbe, -yö ö -dɪ dha =tɔn kö 'wo- -dhe yö!»

36'Kö "sɔdha -nu -dɪ 'pö 'wo =wëe do sië- -bha 'pö, 'ö 'wo we din yaa 'bha bha- sü 'wo- nu- -dhe. 37'Ö 'wo- pö: «'Bha kë Zuifö -nu -bha -gblüdü 'ka =dedewo tean- 'ka -bhö i -dɪ dha kö 'kwa- -dhe -ga!»

38'Kö =wa pë -ben do 'bha zë kö =waa- =nëng "dhü -bha -a -ta "dhüng 'gü -dhe: «Zuifö -nu -bha -gblüdü =ne».

39'Kö 'wɔnyaakëme -nu 'ö 'wo- -nu -do "dhü -bha -a "sɔ mü bha- me do -yö "si bho sië- -gɔ 'pö 'ö- pö: «Atanna -bha -Yame 'yaa -mü i 'ka -ee? -Bhö i -dɪ dha =tɔn kö 'i yi dha 'pö -dhe!»

40'"Këe kö- me do -sü -zë -yö -dɔn bho sië ö "teado 'ka 'ö- pö: «'Bhaa "suü =në- wo Atanna -gɔ 'yö 'i dhiang zë "dhü -ee? "Ën 'wɔn do 'ö wɔ sië- -ta bha 'aa mü 'ö- 'bha 'dhö wɔ sië i -ta 'pö bha -ee? 41'Yi -zë -zianwo yi -bha -zë -a -wɔ yi -ta "dhü -dhe -mü, -a -gen -mü -dhe yi -zë 'wɔn yaa 'yi- -kë =në- 'gü -wɔn 'dhö wɔ sië yi -ta, "këe yö -zë -yö -më -wɔn yaa =në- -kë?»

42'Yö to 'mü 'ö- pö Yesu -dhe: «N Dëme, yi 'i dho nu- 'ka i -bha -gblüdüdhe 'gü, 'i do "gbu- kö i -zɔ -yö -bö n -wɔn -ta.»

43'Yö Yesu -ya -yɔ bɔ- -gɔ 'ö- pö: «A- pö i -dhe =sii =dede -ta -dhe kwa -dho -da -yëa -së 'ö n Dë Atanna 'piü bha- 'gü -dhekpaɔyi do 'ö =dëe- 'ka!»

Yesu ga -kɔ -dhiang 'ö Dhukö -ya zë
(Matiö 27,45-56; Makö 15,33-41; Zan 19,28-30)

44=Dhe 'ö 'yënn- -yö -ya me -gɔ -zinng 'gü, 'yö -dhe -yö -tröö 'kpungtaadhe -gban 'pepe 'gü mɔɔdhö do, 'yö to 'dhü 'ö zun- 'ka 'wɔ 'ye -yën 'bhü 'tüng bha- -bha. 45'Yö 'yënn- -yö bo 'bhü -sü 'ka, 'yö "bin -yö ma 'yënn- bha- 'gü, 'yö Atanna -dhɔkëgüko 'ö Zedhizadhëmö bha- 'gükangüso -yö -pe ö -zinng 'gü -gbanngdhö do 'tüng do bha- 'ka (kö -ya -zɔn -dhe zian 'ö dho Atanna 'piü -a "dhi -ya 'pu). 46=Dhe 'ö -dhe 'gü -yö -tröö 'dhü, 'yö Yesu -yö -gbla 'gbu- 'ka 'ö -pö: «N Dë, 'ma n 'nii- wɔ i -kwëe.»

=Dhe 'ö -yaa- pö 'dhü -ya ö bo 'yö -tɔn -da. 47=Dhe 'ö Wlɔmö "sɔdha -gɔme 'ö gun mü bha 'ö 'wɔn bha- -dhe yö, 'yö Atanna 'tɔ bho 'ö -pö: «'Me 'ö ya pö 'aa gun- -bha tean- =dede 'ka, -a -bho 'piü -dhe 'bhaa 'dhö!»

48=Dhe 'ö 'wɔn bha -ya bo kē -sü 'ka -dhe -kɔ bha- 'dhö, 'yö me kpö 'wo gun mü 'ö -nu "yan -yö dɔ -dhe 'gü bha, 'wo wo yee kē 'wo dho wo -plöö -a -wëë -wu 'kpɔ -sü 'ka kö -nu -kɔ -ya -nu -kuu 'gü. 49'"Tüng 'ö 'wɔn -nu bha 'wo kē sië- 'ka- "dhü bha, kö me 'pepe 'kö 'wo Yesu dɔ waa- dhebho -nu 'wo go- -keng- Gadhidhe -se 'gü 'wo nu bha- -nu -gban 'pepe -wo dɔ sië- 'ka -gblëen 'në 'bha wo 'wo 'wɔn -nu bha- -nu -dhe -ga.

(Matiö 27,57-61; Makö 15,42-47; Zan 19,38-42)

50'"Këe me do 'bha -yö -gun mü 'wo- -dhe Zosefu, 'ö go Zuifö -bha 'pö- 'wo- -dhe bha- 'gü, 'ö gun "klɔsëme 'ö Atanna dɔ -a 'ka. -Kweagbö -nu 'wo- -nu -ya "se bha- 'gü dhiangzëme 'ka kö -wa -loo 'ko -ta bha- me do -në gun Zosefu bha- 'ka. 51'Me 'ö bha 'wɔn 'pepe 'ö Zuifö -nu -wa -wɔ Yesu -ta bha- -kɔ 'yaa gun- 'bha 'gü, "ëen 'yaa gun- -ya 'kwëë- kē -dhe -zian 'gü; -a -gen -mü -dhe -yö -gun 'dhang -bho Atanna "dhiü -me 'ka, 'ö- "yan- gun -a -bha -gblüüdhe nu -sü -gɔ. 52'Me 'ö bha 'yö dho 'yö Yesu -gee -gbadhe Pidhatö -gɔ. 53=Dhe 'ö Pidhatö -ya ö -kɔ bho- 'gü -a -dhe, 'yö dho 'yö- bho 'dhü -bha, 'yö sɔ 'puu bɔ- -bha, 'yö dho- 'ka 'yö- -wëë bho -gwëye 'bha 'ö me 'bha 'yii me -wëë -blëesü bho- bha do bha- 'gü. 54'Wɔn bha -yö -kë "dhü yi 'ö Zuifö -nu -bha -gloo -sü zü -yö bho- 'ka yean" 'piü bha- 'ka.

55'Ö gun kö Zosefu -yö dho sië Yesu 'ka, 'yö dhong -nu 'wo go- -keng- Gadhidhe bha 'wo dho- dɔ, 'yö 'wo Yesu -wëëbhodhe waa- -a wɔ -kɔ -gban -dhe yö 'kpakpadhö. 56=Dhe 'wo go mü, 'yö 'wo dho wo -yëë "dhiü -dhe -nu 'gü, 'yö 'wo "yɔn -nu waa- -dhasiklɔɔ 'yi -nu -mɔɔ 'yö 'wo- -ya wo -kɔ "sɔɔ kö 'wo dho- =wënnng Yesu -gee -bha.

=Dhe 'ö -glooyi bha 'ö -loo, 'yö 'wo -gloo -dhe -kɔ 'ö -ben zë -sü 'ka Atanna -gɔ 'sëëdhe 'gü -a 'dhö.

Yesu -bö -kɔ -dhiang 'ö Dhukö -ya zë
(Matiö 28,1-10; Makö 16,1-8; Zan 20,1-10)

24 1=Dhe 'ö Zuifö -nu -glooyi bha -ya ziö 'ö- -tadhe -ya -kpɔɔ, 'yö dhong -nu 'wo gun Yesu -keng- bha 'wo -wlü 'wo dho -a bun -taa

-dhekpao tii 'gü, "yön -nu waa- -dhasiklɔɔ -nu 'wo- =mɔɔ bha- 'ka. ²=Dhe 'wo dho 'wo -loo mü, 'wo dho -dhe -ga kö -gwè 'wo -ye "dhiü -ta 'ka bha 'yaa mü, kö =waa- glün- =waa- -ya zian "wæ 'ka. ³'Yö 'wo -sɔ -ye bha- 'gü, "kæ 'wii- -nu Dëmë Yesu =gee yö mü. ⁴'Wön bha 'yö- 'wön -ya -nu kɔn, -wo -to wo -zu 'gɔn -sü -bha 'wön bha- 'gü, 'yö gɔn- -nu =plɛ -wo wo -di -zɔn -a -nu -dhe. Mɛ =plɛ 'wo bha sɔ 'ö gun- -nu -bha bha -yö -dɔ mɛ 'yan 'gü -glanglandhö. ⁵=Dhe dhong -nu bha 'wo 'mɛ 'wo bha- -nu yö, 'yö "suü 'dhö -da -nu 'gü, 'yö 'wo wo -gɔ "dhiü "gblënu. "Kæ 'yö 'mɛ 'wo bha 'wo-pö- -nu -dhe 'wo- pö: «'Mɛ 'ö "yaandhe 'ka ka- -mɔɔ 'mɛ =wa ga -a -nu kpö 'gü -mè -wön 'gü? ⁶⁻⁷'Yaa -dhe ya- 'gü 'zü, -ya -bö 'nu, ka -zu 'ya 'dho bhɔ dhiang 'ö- zè ka -dhe kö -yö -tun Gadhidhe 'ö- pö =dhe: «-A -dhe -ya -bha =dhe -wo Mɛgbömë "dhiü dɔ 'wonyaakëmë -nu -gɔ kö -wa dɔ "dhü -bha kö -wa zè, "kæ kö -yö -bö -a -dhekpaoyi -yaaga -naa 'ka bha =nè- 'ka.»

⁸=Dhe 'ö =waa- pö- -nu -dhe "dhü, 'yö- -nu -zu -yö -bö -wu 'ö Yesu -ya pö- -nu -dhe "dhü bha- 'ka. ⁹=Dhe 'ö =wa 'go bun =taa =wa nu, 'yö 'wo 'wön bha- -gen dɔ Yesu -bha =klang -nu -kaɔng do ga do 'wo to bha- -nu -dhe waa- mɛ -kpea 'wo to- -nu 'dhö. ¹⁰'Mɛ 'ö- -nu "yan 'dhö -da 'wön -nu bha- -dhe 'gü, 'ö 'wo nu 'wo- -gen dɔ "dhü bha, 'yö- mɛ do- -kè Madhi 'ö go Madadha -a 'ka, 'yö Zanö, 'yö Madhi Zakö dhe waa- 'mɛ 'wo gun- -nu -keng-. ¹¹"Kæ 'wön 'ö dhong -nu bha 'wo- -gen dɔ "dhü bha 'yii bhɔ Yesu -bha =klang -nu bha- -nu 'gü tean- -bha, -wa -ga =dhe "wlaa- =nè 'wo- zè. ¹²"Kæ 'yö Piedhö -zè 'ö =wliü 'ö dɔ -beang -bha 'ö dho mü. =Dhe 'ö dho 'ö -loo mü, 'yö 'ö -gɔ 'naanu 'yö -dhe -ga -ye 'gü mü, "kæ 'yii pè "wæ 'bha yö kö 'yii kè sɔ 'kö 'wo- bɔ Yesu -bha 'ö- -kɔn -yö to "sia- mü bha- 'ka. =Dhe 'ö- -dhe yö "dhü, 'yö- 'wön -ya kɔn 'pö 'yö -ziö 'ö dho 'ö -gɔ "kweandhö.

**Yesu -bha 'ö -di -zɔn 'ö -bha =klang -nu bha- mɛ =plɛ -dhe Emausö -zian
-ta -kɔ -dhiang 'ö Dhukö -ya zè
(Makö 16,12-13)**

¹³-A yi do bha- 'ka, 'yö Yesu -bha =klang -nu bha- mɛ =plɛ 'wo =wliü 'yö 'wo gun 'dho siè 'pödhe do 'bha 'ö "kidhung -kaɔng do ga do "sinma "dhiü Zedhizadhemö -dhe "sɔɔ mü 'wo- Emausö -dhe -kè bha- 'gü. ¹⁴=Dhe 'wo -da zian -ta, 'yö 'wön "pɛpɛ 'ö -kè Yesu -wön 'gü bha 'wo zun- -dhiang zè -sü -bha. ¹⁵=Dhe 'wo 'wön -nu bha- -dhiang zè siè 'ö 'wo- zaɔdhe -da siè 'wo 'dho siè- 'ka, 'yö Yesu -yö nu 'ö -da -a -nu "piü 'yö 'wo "ta bha sü wo "kwëë. ¹⁶-Wo "ta bha- -sü wo "kwëë "dhü 'wo dho- 'ka, "kæ kö =ya kè -dhe pè 'bha =ya kpa mɛ "yan "dhiü, kö 'waa Yesu dɔ. ¹⁷'Yö- -nu dhɛ" kpö 'ö- pö: «-Mè -wön =nè 'ka- -dhiang zè siè- zian -ta bha?»

=Dhe 'ö- -nu dhɛ" kpö "dhü, 'yö- -nu wè -ta -yö ga -yɔɔndhö, 'yö 'wo 'daɔnnu. ¹⁸=Dhe 'wo 'daɔnnu, 'yö- mɛ do 'dhe 'wo Kleopasö -kè bha 'ö- pö Yesu -dhe: «-Kè -dhe bhii do =nè 'wön 'ö -kè Zedhizadhemö -dhekpaoyi =plɛ ya- 'ka bha 'bhii- ma "dhɛ!» 'Yö Yesu -ya pö: «-Mè -wön =nè -kè

Zedhizadhemö?» 19'Yö 'wo- -ɣɔ bɔ- -gɔ 'wo- pö: «Wɔn 'ö kē Yesu 'ö go Nazadhetö, 'ö gun Atanna -wudhiüloome 'kpii- 'ka, 'ö gun "dhabhliwɔn 'gblügbü -nu kē siē, 'ö -ya dhiang zē 'ö 'yaa bho me "bhu- -bha me 'bha 'gü, 'ö Atanna -dede -ya dɔ, 20"keē 'ö kwaa "saabhome -nu -gɔme -nu waa- "segɔdhiüme -nu 'wo- "dhiü dɔ -a 'yaɔ- -nu -gɔ kō -wa zē, 'ö 'wo- -gban "dhü -bha bha 'bhii- ma -ee?» 21-Yö -gun yi 'gü -dhe 'me 'kō bha -nē dho Izraedhö -me -nu bho -dhuëndhe 'gü 'nu, "keē 'wɔn bha 'ö bo kē -sü 'ka "dhü, -a -dhekpacyi -yaaga -naa -nē -dē. 22-Yö "dhü tean- 'ka -dhe 'me 'yi gun- -keng- bha- dhong -nu 'bha -nu =wa 'go- -wē bho -dhe 'gü =wa nu, -wu -nu 'wo go- 'ka mü bha 'yi- ma, -a 'wɔn -yö yi -kɔn. -Wa -pö -dhe wo -zē wo kē -suü -dhekpacɔ tii 'gü 'wo dho- bun =taa, 23"keē 'dho 'wo- wo bha 'wii -kpan -a =gee -bha mü, 'wo nu -wa -pö yi -dhe =dhe wo wo "yan -kpan Atanna -bha "kiē -nu -nē- -nu -bha, 'yö 'wo- pö wo -dhe =dhe -yö "yaandhe 'ka. 24'Yö 'me 'ö yeng -nu 'yi gun- -keng- bha- me 'bha -nu 'wo dho 'pö mü, 'yö 'wo -kpan 'pö- -dhe -bha =dhe -kɔ 'ö dhong -nu bha 'wo- -gen dɔ- 'ka yi -dhe bha- 'dhö, "keē yö -zē 'wii- yö tongtongdhö.»

25=Dhe 'ö =waa- pö "dhü, 'yö Yesu -ya -ɣɔ bɔ 'ö- pö: «Aa 'me 'ka ya! Ka "yaaki -yö 'sēnnē =tɔn -keē! 'Wɔn 'ö Atanna -wudhiüloome -nu -wa to "dhü 'wo- pö yi 'bha yi 'bha 'ka bha 'dhang -bho "dhiü zuēga 'yaa ka -gɔ -wa! 26"Èen 'kaa- 'wɔn -nē- dɔ =dhe 'me 'ö Atanna -ya -ya Izraedhö -me -nu Dhame 'ka bha -yö -dho saan" =dhe -kɔ bha -nē- 'dhö kō -yö gun -na -da ö -bha mēdhe -kwi 'gü -ee?

27=Dhe 'ö -yaa- pö- -nu -dhe "dhü, 'yö 'wɔn "pepe 'ö -gban -bha 'ö -ben zē -sü 'ka Atanna -bha 'sēēdhe 'gü, 'yö -zun 'klɔɔ- -pö -nu -dhe -sü -bha, 'yö- zü bho 'sēēdhe 'ö Moizö -ya -ben zē bha- -ta 'yö dho- 'ka 'ö -da 'ka Atanna -wudhiüloome -nu -gɔ 'sēēdhe 'gü, 'yö dho- 'ka "dhü 'dɔɔndhö.

28=Dhe 'wo dho 'wo -tēng 'pödhe 'wo 'dho siē- 'gü bha- -ta, 'yö Yesu -ya -kē -dhe 'pē 'ö yö -zē 'ö -tun 'dho- -dhe =gblēn 'gü -a 'dhö. 29'Yö 'wo- bho zian- 'wo- pö- -dhe: «-Bhö dɔ "gbu- kō i wɔ, -a -gen -mü -dhe "bin -ya 'ma -ya bo, 'yēng- -gɔ =ya -ya -tɔn -ta.»

'Yö -wɔ -bha 'yö dho- -nu -keng-. 30=Dhe 'wo dho, 'ö pē -bhö "tüng 'dhö -loo, 'ö woo zun pē -bhö -sü -bha, 'yö ö -kɔ -da 'bluu- 'gü, 'yö Atanna nue" bho- -wɔn 'gü, 'yö- "kplü "kplü bho 'yö- 'gü -gblü -a -nu -ta. 31=Dhe 'ö =ya kē "dhü, 'yö- -nu "yan "dhiü -yö -pu, 'yö 'wo- dɔ, "keē 'yö to 'mü 'pö 'ö =dheng- -nu -gɔ. 32=Dhe 'ö bo -dhidha 'sü -sü 'ka -a -nu -gɔ -dhe -kɔ bha- 'dhö, 'yö 'wo zun- -pö wo 'ko -nu -dhe -sü -bha =dhe: «Me 'ö bha "tüng 'ö gun Atanna -wu 'klɔɔ- pö siē- 'ka kwa -dhe zian -ta bha, kō kwa zuē" 'yaa 'dho siē 'sia- -yɔɔndhö -dhe 'pē =wa böö- -sēa -nē- -ya -ta -a 'dhö -ee?»

33-Wo -to -dhe do bha- 'gü 'wo =wli 'wo wo wē dɔ 'zü -deewo Zedhizadhemö. 'Wo dho -wo -kpan me -kaɔng do ga do bha waa- 'me weng- -nu 'wo gun "kwēē bha- -nu -bha kō -wo -dhe do 'gü 34kō -wa pö siē: «Kwa Dēme =ya -bö tean- 'ka, Simɔ =yaa- yö.»

³⁵Yö woo -dɪ 'pö -kɔ 'ö- -nu -bha -ya -nu -slɔɔ- 'ka, -kɔ 'wo Yesu dɔ- 'ka kö -yö 'bluu- "kplü "kan sië bha 'wo -ziö 'pö- -gen 'gü -a -nu -dhe.

Yesu -bha ö -dɪ -zɔn ö -bha -klang -nu -dhe -kɔ -dhiang 'ö Dhukö -ya zë
(*Matiö 28,16-20; Makö 16,14-18; Zan 20,19-23; Këwɔn -nu 1,6-8*)

³⁶Dhiang bha -yö -to -nu "dhi, 'yö Yesu -yö go -dhidha 'gü -a -nu -dhe, 'yö dɔ- -nu =zinng 'gü 'ö- pö: «Zuëyagblüö- -yö kë ka -gɔ!»

³⁷"Kan 'ö- wo- -nu 'gü "dhü bha 'yö peng -yö -kan -a -nu -bha 'yö "suü -yö -da -a -nu 'gü, -a -gen -mü =dhe -yö -bhɔ -a -nu 'gü mɛ -zii -bha. ³⁸"Këë 'yö- pö- -nu -dhe 'ö- pö: «"Suü -yö -da ka 'gü 'yö =yɔɔn -gblü -yö dɔ ka zuë" -ta 'yö 'ka -zɔ 'gɔn -kɔ suu -nu bha- -kë -më -wɔn 'gü? ³⁹-Ka "pɔni "gbluu -nu 'wo n -kɔ -nu waa- n -gen -nu -bha ya- -ga kö 'ka 'dhang bho- "dhiü =dhe pë "wɛɛ 'bha 'yaa -mü, ma -mü! -Ka nu kö 'ka ka -kɔ zun n kwi -bha kö 'ka 'dhang bho- "dhiü. "Eɛn mɛ -zii ga -kë 'gü =dhe -kɔ 'ö n -bha 'dhö- -bha ya- 'dhö -ee?»

⁴⁰'Ö- pö sië "dhü kö -yö ö -kɔ waa- ö -gen -nu -zɔn sië- -nu -dhe. ⁴¹=Dhe 'ö -kë =dhe "yan 'wo- -kpan Yesu -bha bha- 'gü -wɔn -yö -dhi -nu -dhe =dedewo, "këë 'ö- 'wɔn -ya -nu kɔn 'ö- -wɔn 'gü kö 'wii 'dhang bho- "dhiü -kö 'kpakpadhö bha, 'yö- pö- -nu -dhe 'ö- pö: «-Bhöpë 'bha -yö ka -gɔ yö -ee?»

⁴²'Yö 'wo- pö: «=Iin.» 'Yö 'wo nu- -dhe 'yuü- -yɛsü "kplü do 'ka, ⁴³'yö- -bhö -a -nu "yaan mü. ⁴⁴=Dhe 'ö ö bo- -bhö -sü 'ka 'yö- pö: «-Ka -dhe -ga, -wu -nu 'a gun- pö sië ka -dhe kö a -tun ka kpö 'gü, 'ö 'a- pö =dhe 'wɔn "pepe 'ö Moizö oo, Atanna -wudhiüloome -nu oo, "ɛɛn -a -bha "tan 'sëédhe -ya -dhiang zë n -bu 'gü bha, -a -gban 'gü -wɔn -dho kë bha, -kaa -ga bha.»

⁴⁵=Dhe 'ö =yaa- pö "dhü, 'yö 'wɔn 'gü ma zuëga nu- -nu -dhe, kë "dhü kö -wo Atanna -wu 'gü ma ö 'klɔɔ- 'ka. ⁴⁶'Yö- pö- -nu -dhe 'ö- pö: «-Yö -ben zë -sü 'ka Atanna -wu 'sëédhe 'gü =dhe -a -bha -Yame bha -yö -dho saan" =dedewo 'ö 'wo- zë, "këë -yö -dho -bö -a -dhekpɔyɪ -yaaga -naa 'ka. ⁴⁷'Ö 'wo mebhudhe -bha -kwaa ö =sɔng -zü kö -yö bɔ Atanna 'ka -sü waa- Atanna -bha mebhudhe -bha 'wɔn yaa -mawɔn 'to -sü -dhiang zë -sü zü bho Zedhizadhëmö -pö ya- 'gü, 'ö 'wo dho- 'ka "segɔ "pepe =gban 'gü -a 'to 'gü. ⁴⁸Ka =në 'ka n "sɛɛ- 'ka 'wɔn -nu bha- "gbluu "piü. ⁴⁹=Dhe 'ö "dhü, 'pë 'ö n Dë -ya bɔ -wɔn "plüün bho ka -dhe bha mang =dede =në 'a dho- bɔ ka -dhe. "Këë "sanni -yö kë "dhü -a -dheɛ -bha -dhe 'ka 'to Zedhizadhëmö -pö ya- 'gü kö -yö 'to "dhü -yö zun- 'ka yi 'ö faan 'ö "dhü bha 'ö dho 'go- 'ka dhang- 'gü kö -yö -da ka 'gü bha- yi -bha.

Yesu -dho dhang- 'gü -kɔ -dhiang 'ö Dhukö -ya zë
(*Makö 16,19-20; Këwɔn -nu 1,9-11*)

⁵⁰=Dhe 'ö =ya ö bo -wu bha- -kpɔ -nu -bha -sü 'ka, 'yö- -nu sü 'ö wë dɔ- -nu 'ka Betani -zian 'ka, =dhe 'ö =wa =loo- -nu 'dho -dhe 'gü, 'yö ö -kɔ "dhiü

=wli 'yö 'dhuë- -kë -nu -bha. ⁵¹-Yö -to 'dhuë- -kë -nu -bha -dhe bha =në- 'gü, 'yö -kan -a -nu -bha 'yö 'gbu- -ya sü 'yö dho- 'ka dhang- 'gü. ⁵²-Dhe 'ö 'dho sië "dhü, 'yö- -bha =klang -nu -zë 'wo zun wo kpiö 'gü, 'yö 'wo 'tɔ =loo- -bha. =Dhe 'wo wo bo, 'yö 'wo nu 'zü -deewo Zedhizadhëmö "kɛɛ kö -a -nu zuë" =nii =ya -da -tɛkpe -tɛkpedhö. ⁵³'Ö go yö -zë 'gü, -wo -gun Atanna -dhökëgükö 'ö Zedhizadhëmö bha- 'gü yi =gban "pɛpɛ 'ka 'ö 'wo =gloo- 'tɔ bhɔ -sü -bha.